

S T E N O G R A M
OSME RADNE SJEDNICE SKUPŠTINE KANTONA SARAJEVO, ODRŽANE U
UTORAK, 14.05.2019. GODINE
SA POČETKOM RADA U 11,00 SATI

/HIMNA/

Predsjedavajući:

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 27 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su kolege: Mahir Dević, Samra Ćosović, Amra Hasagić, Haris Pleho, Senad Hasanović, Bibija Kerla, a kašnjenje je najavio kolega Fahrudin Pecikoza.

Prijedlog dnevnog reda Osme radne sjednice Skupštine Kantona Sarajevo utvrdio je Kolegij Skupštine na sjednici održanoj dana 26.04.2019.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 10.05.2019. godine, prihvatio je da se Prijedlog dnevnog reda Osme radne sjednice, dopuni sa sljedećim tačkama:

1. Prijedlog odluke o davanju saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu Niz B, Lamela B 3, izgrađenog u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina (razmatrat će se kao tačka 7.)
2. Prijedlog odluke o potvrđivanju razrješenja predsjednika i članova Skupštine Kantonalnog javnog komunalnog preduzeća:
 - a) „Tržnice-pijace“ d.o.o. Sarajevo
 - b) „Sarajevogas“ d.o.o. Sarajevo
 - c) „Toplane-Sarajevo“ d.o.o. Sarajevo (razmatrat će se kao tačka 8.)
3. Prijedlog odluke o potvrđivanju imenovanja v.d. predsjednika i članova Skupštine Kantonalnog javnog komunalnog preduzeća
 - a) „Tržnice-pijace“ d.o.o. Sarajevo
 - b) „Sarajevogas“ d.o.o. Sarajevo
 - c) „Toplane-Sarajevo“ d.o.o. Sarajevo (razmatrat će se kao tačka 9.)
4. a) Prijedlog odluke o davanju imena parku, na području Općine Centar-MZ "Marijin dvor-Crni vrh"; (razmatrat će se kao tačka 10a.)
b) Prijedlog odluke o davanju imena trgu na području Općine Ilidža-MZ „Hrasnica I“; (razmatrat će se kao tačka 10b.)
c) Prijedlog odluke o davanju imena trgu na području Općine Centar - „MZ Trg oslobođenjaCentar“; (razmatrat će se kao tačka 10c.)
5. Prijedlog odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2019. godinu (razmatrat će se kao tačka 14.)
6. Prijedlog odluke o davanju saglasnosti na Finansijski plan prihoda i rashoda za 2019. godinu Fonda Kantona Sarajevo za izgradnju stanova (razmatrat će se kao tačka 15.)
7. a) Prijedlog odluke o davanju saglasnosti na Program rada Kantonalnog stambenog fonda Sarajevo za 2019. godinu;
b) Prijedlog odluke o davanju saglasnosti na Finansijski plan prihoda i rashoda za 2019. godinu Kantonalnog stambenog fonda Sarajevo; (razmatrat će se kao tačka 16.)
8. Izvještaj o radu i finansijskom poslovanju Kantonalne javne ustanove za zaštićena prirodna područja za 2018. godinu; (razmatrat će se kao tačka 17.)
9. Mišljenje Ministarstva za boračka pitanja Kantona Sarajevo na Nacrt zakona o pravima demobiliziranih branilaca i članova njihovih porodica; (razmatrat će se kao tačka 18.)

Prije prelaska na utvrđivanje Dnevnog reda podsjetio bih vas da u skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

U okviru prethodnog postupka prelazimo na Prijedlog zakona o izmjeni Zakona o komunalnoj čistoći, po hitnom postupku.

Predstavnik predlagača, molim vas premijer Forto da obrazloži razloge donošenja ovog Zakona po hitnom postupku? Ministar Mandić onda, izvolite.
Obrazlažete samo razloge donošenja u ovoj proceduri, ne suštinu zakona, zašto je bitno da bude u hitnom postupku. Možete i s mjesta, izvolite.

Ministar Srđan Mandić:

hvala. Dakle pozdravljam kolege i kolegice. Dakle donošenje Zakona o izmjeni Zakona o komunalnoj čistoći po hitnom postupku neophodno je radi sprječavanja nastanka situacije da obavljanje komunalne djelatnosti, čistoće u Kantonu Sarajevo, kao djelatnosti od javnog društvenog interesa ostane pravno neregulisano što bi prouzrokovalo negativne posljedice za život građana u Kantonu Sarajevo ali i rad JKP. S obzirom da Zakon o lokalnoj samoupravi nije donesen, Skupština Kantona Sarajevo već tri puta produžavala primjene ovog Zakona, posljednjim izmjenama Zakona o komunalnoj čistoći utvrđeno je da se Zakon primjenjuje do donošenja Zakona o lokalnoj samoupravi a najduže tri godine od dana stupanja na snagu. Vremenski period primjene ovog Zakona istekao je 8.aprila ove godine. Shodno tome neophodno je ponovo izvršiti izmjenu Zakona u dijelu njegove dalje primjene i predlaže se da se ovom izmjenom utvrdi izmjena Zakona do donošenja Zakona o lokalnoj samoupravi bez preciziranja vremenskog perioda. Dakle jedino je ta tehnička izmjena da se ne bi stalno produžavao veže se važenje Zakona do donošenja Zakona o lokalnoj samoupravi. Mi smo dobili saglasnosti četiri gradske opštine plus Grada Sarajevo, tako da jedino je to tehnička izmjena da ne bi smo stalno dolazili u situaciju, produžuj na tri mjeseca, šest ili itd vežemo ga za donošenje. Jedan i drugi Zakon to bi bilo obrazloženje pa evo.

Predsjedavajući:

zahvaljujem ministre Mandiću. Ima li pitanja? Otvaram raspravu. Niko se ne javlja za raspravu. Zaključujem raspravu.

Molim poslanike da pristupe izjašnjavanju da se Prijedlog zakona o izmjeni Zakona o komunalnoj čistoći donese po hitnom postupku.

Molim rezultate glasanja.

ZA JE GLASALO 23 PROTIV I SUZDRŽANIH NIJE BILO, 5 NIJE GLASALO.

Konstatujem da je Skupština odlučila da se ovaj Zakon donese po hitnom postupku.

Prelazimo na utvrđivanje dnevnog reda današnje sjednice. Pardon.

Drugi Prijedlog zakona po hitnom postupku je Zakon o izmjeni Zakona o komunalnim djelatnostima.

Ministar Mandić, vjerovatno isto obrazloženje, izvolite, prijavite se.

Ministar Srđan Mandić:

hvala u potpunosti identično obrazloženje i za ovaj Zakon.

Predsjedavajući:

Hvala ministre Mandiću. Javio se kolega Zvonko Marić za neku intervenciju. Izvolite. Aha, greška. Dobro.

Ima li pitanja za ministra Mandića? Otvaram raspravu. Niko se ne javlja zaključujem raspravu.

Molim poslanike da pristupe izjašnjavanju o Prijedlogu da se Zakon o izmjeni Zakona o komunalnim djelatnostima donese po hitnom postupku.

Molim rezultate glasanja.

ZA JE GLASALO 27, PROTIV I SUZDRŽANIH NIJE BILO, NIJE GLASAO 1.

Konstatujem da je Skupština usvojila Prijedlog da se Zakon o izmjeni Zakona o komunalnim djelatnostima donese po hitnom postupku.

PRELAZIMO NA UTVRĐIVANJE DNEVNOG REDA DANAŠNJE SJEDNICE, KO JI GLASI:

1. Poslanička/zastupnička pitanja, inicijative i odgovori;
2. Prijedlog zakona o izmjeni Zakona o komunalnoj čistoći-hitni postupak;
3. Prijedlog zakona o izmjeni Zakona o komunalnim djelatnostima-hitni postupak;
4. Nacrt Poslovnika Skupštine Kantona Sarajevo;
5. Prijedlog odluke o davanju saglasnosti za prenošenje prava i obaveza iz Ugovora o koncesiji, broj: 02-18-29182/14 od 21.11.2014. godine, za eksploataciju mineralne sirovine dolomita (kao tehničko-građevinskog kamena) u ležištu "Duboki do", Općina Ilidža, sa privrednog društva "NEXE" d.o.o. Sarajevo na privredno društvo "AMINA TRADE" d.o.o. Sarajevo;
6. Prijedlog odluke o davanju saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu
 - a) Niz B, Lamela B-1, izgrađenom u naselju Dobrinja V, Općina Novi Grad Sarajevo, zaključene između prodavca Kantonalni stambeni fond Sarajevo i kupaca nekretnina;
 - b) Niz B, Lamela B-3, izgrađenom u naselju Dobrinja V, Općina Novi Grad Sarajevo, zaključene između prodavca Kantonalni stambeni fond Sarajevo i kupaca nekretnina;
 - c) Niz B, Lamela B-1, izgrađenom u naselju Dobrinja V, Općina Novi Grad Sarajevo, zaključene između prodavca Kantonalni stambeni fond Sarajevo i kupaca nekretnina;
 - d) Niz B, Lamela B-2, izgrađenom u naselju Dobrinja V, Općina Novi Grad Sarajevo, zaključene između prodavca Kantonalni stambeni fond Sarajevo i kupaca nekretnina;
7. Prijedlog odluke o davanju saglasnosti na nacрте ugovora o kupoprodaji nekretnina-etažno vlasništvo u stambeno-poslovnom objektu Niz B, Lamela B 3, izgrađenog u naselju Dobrinja V, Općina Novi Grad Sarajevo, koje će Kantonalni stambeni fond Sarajevo, kao Prodavac, zaključiti sa kupcima nekretnina;
8. Prijedlog odluke o potvrđivanju razrješenja predsjednika i članova Skupštine Kantonalnog javnog komunalnog preduzeća:
 - a. „Tržnice-pijace“ d.o.o. Sarajevo
 - b. „Sarajevogas“ d.o.o. Sarajevo
 - c. „Toplane-Sarajevo“ d.o.o. Sarajevo
9. Prijedlog odluke o potvrđivanju imenovanja v.d. predsjednika i članova Skupštine Kantonalnog javnog komunalnog preduzeća
 - a. „Tržnice-pijace“ d.o.o. Sarajevo

- b. „Sarajevogas“ d.o.o. Sarajevo
 - c. „Toplane-Sarajevo“ d.o.o. Sarajevo
- 10.
- a. Prijedlog odluke o davanju imena parku, na području Općine Centar-MZ "Marijin dvor-Crni vrh";
 - b. Prijedlog odluke o davanju imena trgu na području Općine Ilidža-MZ „Hrasnica I“;
 - c. Prijedlog odluke o davanju imena trgu na području Općine Centar-„MZ Trg oslobođenja Centar“;
11. Izvještaj o radu Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida za period 01.01.-31.12.2018. godine i Izvještaj o finansijskom poslovanju za period 01.01.-31.12.2018. godine;
12. Prijedlog odluke o davanju saglasnosti na Program rada i Finansijski plan Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida za 2019. godinu;
13. Prijedlog odluke o davanju saglasnosti na Pravila Javne ustanove „Fond Memorijala Kantona Sarajevo“;
14. Prijedlog odluke o davanju saglasnosti na Program rada Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe za 2019. Godinu
15. Prijedlog odluke o davanju saglasnosti na Finansijski plan prihoda i rashoda za 2019. godinu Fonda Kantona Sarajevo za izgradnju stanova
16. a) Prijedlog odluke o davanju saglasnosti na Program rada Kantonalnog stambenog fonda Sarajevo za 2019. godinu;
- b) Prijedlog odluke o davanju saglasnosti na Finansijski plan prihoda i rashoda za 2019. godinu Kantonalnog stambenog fonda Sarajevo
17. Izvještaj o radu i finansijskom poslovanju Kantonalne javne ustanove za zaštićena prirodna područja za 2018. godinu
18. Mišljenje Ministarstva za boračka pitanja Kantona Sarajevo na Nacrt zakona o pravima demobiliziranih branilaca i članova njihovih porodica
19. Izvještaj o radu Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata „IKRE“ sa izvještajem o finansijskom poslovanju za 2018. godinu;
20. Prijedlog odluka o davanju saglasnosti na Program rada sa finansijskim planom Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata "IKRE" za 2019. godinu;
21. Izvještaj o radu i finansijskom poslovanju Zavoda zdravstvenog osiguranja Kantona Sarajevo za 2018. godinu;
22. Izvještaj o radu i finansijskom poslovanju Javne ustanove za 2018. godinu:
- a. Opća bolnica "Prim.dr.Abdulah Nakaš";
 - b. Psihijatrijska bolnica Kantona Sarajevo;
 - c. Zavod za bolesti ovisnosti Kantona Sarajevo;
 - d. Zavod za zaštitu zdravlja studenata Univerziteta u Sarajevu;
 - e. Zavod za medicinu rada Kantona Sarajevo;
 - f. Apoteke Sarajevo;
 - g. Dom zdravlja Kantona Sarajevo;
 - h. Zavod za sportsku medicinu Kantona Sarajevo;
 - i. Zavod za hitnu medicinsku pomoć Kantona Sarajevo;
 - j. Zavod za zdravstvenu zaštitu žena i materinstva Kantona Sarajevo;

- k. Zavod za zdravstvenu zaštitu zaposlenika MUP-a Kantona Sarajevo;
- l. Zavod za javno zdravstvo Kantona Sarajevo za 2018. godinu
- 23. Izvještaj o implementaciji Odluke o proširenom obimu prava za korištenje medicinskih sredstava i lijekova za RVI sa područja Kantona Sarajevo za 2018. godinu.
- 24. Izvještaj o snabdjevenosti Kantona Sarajevo lijekovima i sanitetskim materijalom u 2018 godini sa posebnim osvrtom na implementaciju Liste lijekova koji se propisuju i izdaju na teret sredstava obaveznog osiguranja kroz funkcionisanje Mreže farmaceutske djelatnosti-apoteka, sa prijedlogom mjera i aktivnosti;
- 25. Prijedlog strategije prema mladima Kantona Sarajevo za period 2019.-2023. godine ;
- 26. Izvještaj o radu Nezavisnog odbora za period februar 2018. - februar 2019. godine;
- 27. Izvještaj o izvršenju sankcija u Kantonu Sarajevo za 2018. godinu;

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Prije toga, intervencija premijer Forto. Premijer Forto ima riječ prije izjašnjavanja, izvolite.

Premijer Edin Forto:

Zahvaljujem. Tačke 8a i 9a, imenovanje, tačnije razrješenje Skupštine firme Tržnice i imenovanje v.d. članova Skupštine firme Tržnice povlačimo iz tehničkih razloga.

Predsjedavajući:

moramo usvojiti dnevni red pa onda vi povlačite. Dakle poslije usvajanja ili možete čekati do te tačke, možete je povući sve do okončanja rasprave. Nema potrebe, kada usvojimo dnevni red onda do same tačke možete povlačiti tačke.

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Molim rezultate glasanja.

ZA JE GLASALO 28, PROTIV I SUZDRŽANIH NIJE BILO.

Konstatujem da je Skupština usvojila Dnevni red, kako je i predložen.

Kao informativni materijal dostavljeni su vam:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period januar-mart 2019. godine;
- Izvještaj o izvršenim inspekcijskim pregledima Upravnog inspektorata u toku 2018. godine.
- Informacija o ostvarivanju prava po osnovu nezaposlenosti u Kantonu Sarajevo u 2018. Godini.

Prije nego što predemo na realizaciju prve tačke dnevnog reda obavezni smo da razmatramo Zapisnik sa stenogramom Šeste radne sjednice, koji vam je dostavljen uz poziv za sjednicu.

Ima li primjedbi, sugestija, korekcija? Ako nema, molim vas da se izjasnite o Zapisniku sa Šeste radne sjednice Skupštine Kantona Sarajevo .

Moli rezultate glasanja.

ZA JE GLASALO 28, PROTIV I SUZDRŽANIH NIJE BILO.

Konstatujem da je Skupština potvrdila Zapisnik sa Šeste radne sjednice Skupštine Kantona Sarajevo održane 26.03.2019.godine.

Prije nego što predemo na prvu tačku dnevnog reda, neki načelni dogovor je da danas radimo do 19, poslije je bilo intervencija naših kolegica da radimo do 18,00. Načelno svi smo se složili da radimo od 11,00 do 18,00 časova, bez pauze. Tako da ako neko bude imao neke potrebe pojedinačno ili ako bude potrebe da tražite šefovi klubova tražite pauze. Dakle od

11,00 do 18,00 bi trebao biti danas obrađen dio dnevnog reda ili sve koliko stignemo, a nastavak sutra ukoliko danas ne stignemo.

Prelazimo na prvu tačku dnevnog reda. Sada je tačno sati 11 sati i 33 minute.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Prvi se javio kolega Dževad Poturak izvolite.

Poslanik/zastupnik Dževad Poturak:

Zahvaljujem predsjedavajući. Selamim i pozdravljam sve prisutne kao i gledaoce pored TV ekrana. Za danas imam dva pitanja i jednu inicijativu. Molim Ministarstvo privrede Kantona Sarajevo, Upravu za šumarstvo da mi dostave spisak svih suspendovanih čuvara šuma onih kojima traje suspenzija kao i onima kojima je suspenzija prestala, razlozi njihove suspenzije te informaciju da li tokom suspenzije primaju naknade iz sredstava javnog novca? Molim vas također da mi dostavite imena rukovodilaca suspendiranih čuvara šuma, ukoliko su i oni sankcionisani. Ako nisu zašto to nije učinjeno? To je prva.

Broj dva je molim Vladu Kantona Sarajevo i resorno Ministarstvo da mi dostave odluku o zaštiti vode izvorišta vode za piće u Sarajevskom polju, SL. Novine Grada Sarajevo 2/87. i na kraju što se tiče resornog ministra Damira Filipovića moja reakcija koja se odnosi na moju inicijativu da se na prikladan način uredi ambijent oko Rimskog mosta. Zahvaljujem se na odgovoru ministru. Ali ponavljam svoju inicijativu uz molbu da resorno Ministarstvo uspostavi komunikaciju sa nadležnom institucijom koja se brine o kulturno historijskim spomenicima i da u jednoj koordiniranoj akciji poduzme mjere kako bi se moja inicijativa realizirala na adekvatan način i dodatno oplemenio ovaj kulturno historijski spomenik. Zahvaljujem.

Dopredsjedavajuća Danijela Kristić:

Zahvaljujem. Pozdravljam sve prisutne i gledaoce kraj malih ekrana. Moja prva inicijativa je. Ovim putem podnosim inicijativu da građanima budu dostupni svi prostorni i regulacioni planovi Kantona Sarajevo u što većoj rezoluciji na web stranicama nadležnih javnih organa. Pravni osnov za gore pomenuto nalazi se i u članu 3.stav 7) Zakona o prostornom planiranju i korištenju zemljišta na nivou FBiH, SL novine 2/06, 72/07, 32/08, 4/10, 13/10 i 45/10 koje govore o javnosti i slobodi pristupa podacima i dokumentima, značajnim za planiranje u skladu sa ovim zakonom o prostornom planiranju u FBiH i posebnim propisima. Detaljnije ću pismeno dostaviti.

Moje zastupničko pitanje odnosi se na kantine u osnovnim i srednjim školama. Tražim da mi dostavite sve važeće ugovore koji su potpisani sa vlasnicima kantina te koji su bili kriteriji za dodjelu istih. Obrazloženje, smatram da je ovo veliki proces u kojem trebamo istrajati jer veliki broj djece ima nezdrave navike kada je u pitanju ishrana. Najviše vremena provode u školama smatram da odatle trebamo i krenuti. Zahvaljujem se Studentskom centru na odgovoru na zastupničko pitanje, međutim nisam zadovoljna odgoovrom. Smatram da su odgovori vrlo paušalni te da dostavljeni podaci nisu istiniti za šta imam relevantne dokaze koje ću dostaviti kao prilog a to su: Rješenje inspekcije, javni konkurs koji je objavljen. Također ću vam ovim putem tražiti dodatne informacije te očekujem da odgovori budu precizni i istiniti. Detaljnije ću u pisanoj formi. Još jedna inicijativa: ovim putem podnosim inicijativu da se prilikom nabavke protokolarnih poklona za potrebe reprezentacije u Kantonu Sarajevo u situacijama u kojima je to moguće isti nabavljaju od udružena iz Kantona Sarajevo koji promovišu socijalno poduzetništvo. Svjesni smo da udružena koja se bave socijalnim

poduzetništvom izložena brojnim izazovima u svom poslovanju te smatram dana ovaj način institucije Kantona Sarajevo mogu pomoći u promociji socijalnog poduzetništva. Hvala.

Poslanik/zastupnik Jasmina Bišćević-Tokić:

zahvaljujem. Ja za danas imam dvije inicijative i dva pitanja. Prvu inicijativu upućujem Vladi Kantona Sarajevo i Ministarstvu za rad, socijalnu politiku, raseljena lica i izbjeglice Kantona Sarajevo i Ministarstvu finansija Kantona Sarajevo da se obezbijede sredstvada obezbijede sredstva iz Budžeta Kantona Sarajevo

za promjenu električnih instalacija u Dječijem domu „Bjelave“.

OBRASLOŽENJE

Smatram da je potrebno obezbijediti sredstava iz budžeta Kantona Sarajevo za promjenu električnih instalacija u KJU “Dom za djecu bez roditeljskog staranja” Sarajevo zbog sigurnosti djece koja žive u Domu, a kako bi se spriječile neželjene posljedice poput požaraprije dvanaest godina u kojem je stradalo šest beba.

Drugu inicijativu upućujem također Vladi Kantona Sarajevo i Ministarstvu za obrazovanje da se obezbijedi finansiranje asistenata u nastavi za rad s djecom s poteškoćama u razvoju u OŠ u školskoj 2019/20 a koje su do sada finansirali roditelji. Obrazloženje ću dostaviti u pismenoj formi.

Imam dva zastupnička pitanja. Molila bih i usmeni i pismeni odgovor. Obadva su upućena Rektoratu UNSA i Ministarstvu obrazovanja. A u vezi sa isplatom osnovnih plata redovnih profesora i ostalih na UNSA a koja nije usklađena sa Kolektivnim ugovorom za djelatnost visokog obrazovanja i nauke na UNSA. Obrazloženje: Kolektivnim ugovorom za djelatnost visokog obrazovanja i nauke na Univerzitetu u Sarajevu propisan je iznos osnovne plaće redovnih profesora i ostalog kadra na Univerzitetu u Sarajevu. Uvidom u registar zaposlenih u javnom sektoru u Kantonu Sarajevo osnovna plaća redovnih profesora na pojedinim fakultetima je veća nego što je predviđeno kolektivnim ugovorom. Upućujem pitanje na osnovu koji pravnih akata je isplaćena takva osnovna plaća i šta će Rektorat Univerziteta u Sarajevu i Ministarstvo za obrazovanje, nauku i mlade Kantona Sarajevo uraditi po tom pitanju.

I još jedno pitanje, također ide za Rektorat i ministarstvo a u vezi sa isplatom doprinosa za penzijsko i invalidsko osiguranje i zdravstveno osiguranje zaposlenika UNSA. Obrazloženje: Nakon što je Univerzitet u Sarajevu prešao na trezorsko poslovanje, pojedinim zaposlenicima fakulteta Univerziteta u Sarajevu nisu uplaćeni doprinosi za penzijsko i invalidsko osiguranje kao i za zdravstveno osiguranje. Zbog navedenog nisu ispunili uslove za odlazak u penziju, a mnogi ne mogu koristiti zdravstvene usluge obzirom da ne mogu ovjeriti zdravstvene knjižice. Molim da mi se dostavi informacija da li su za svakog zaposlenika pojedinačno uplaćeni doprinosi u skladu sa Zakonom ili je Univerzitet u Sarajevu uplatio novac PIO/MIO za ovu namjenu, ali nije raspoređen za svakog pojedinca iz UNSA? Zahvaljujem.

Predsjedavajući:

zahvaljujem kolegice, samo nije moguće dobiti i pismeni i usmeni odgovor. Hoćete li usmeni ili pismeni? Pismeno odgovor. Zahvaljujem. Zastupnik Damir Marjanović ima riječ.

Poslanik/zastupnik Damir Marjanović.

Zahvaljujem predsjedavajući. Pozdravljam kolegice i kolege, naravno javnost, ljude koji nas prate putem TVSA. Ju ću danas postaviti dva pitanja i imam tri inicijative. Neću ići u detaljnije obrazloženje pošto su one već u pisanoj verziji dostavljane. Prvo pitanje ide prama Vladi Kantona Sarajevo, normalno i nadležnim ministarstvima da li se adekvanto provjerava kvaliteta zraka u obrazovno vaspitnim institucijama u Kantonu Sarajevo i da li se u projektima za poboljšanje energetske efikasnosti u vaspitno obrazovnim institucijama provode sveobuhvatne mjere koje obezbjeđuju kvalitetan zrak, rekuperaciju te korištenje

materijala i sredstava koji nisu toksični i koji ne ugrožavaju život korisnika. Na osnovu ovoga pitanja ide sljedeća inicijativa gdje upućujem zahtjev prema Zavodu za javno zdravstvo Kantona Sarajevo, da u skladu sa članom 119. stav 3. Zakona o zdravstvenoj zaštiti Federacije Bosne i Hercegovine počne sa periodičnim mjerenjima kvalitete zraka u vrtićima koji su u sklopu J.U. Djeca Sarajeva i osnovnim i srednjim školama na području Kantona Sarajevo.

Nadalje isto je inicijativa vezana za ovo da se u sve buduće projekte za poboljšanje energetske efikasnosti u javnim objektima Kantona Sarajevo posebno obrazovnim, sveobuhvatno rade sve mjere za energetske efikasnost koje pored intervencija na fasadama i krovovima te zamjena otvora i sistema grijanja obavezno sadrže i mjere za obezbjeđenje sistema za grijanje, hlađenje, rekuperaciju, korištenje obnovljivih izvora energije za sve dodatne potrebe energije te u procesu javnih nabavki da se koristi kriterij za odabir materijala koji imaju minimalnu primarnu energiju misiju CO₂ u procesu proizvodnje, odnosno zdravih izdržljivijih ekološki podobnih i netoksičnih materijala sa minimalnim transportom od mjesta proizvodnje do mjesta ugradnje. Moram reći da ovu inicijativu a pitanja sam pripremio u suradnji sa uvaženom profesoricom Sanelom Klarić koja je jedan od vodećih eksperata u BIH iz ove oblasti.

Nadalje, upućujem inicijativu a znam da su po ovoj inicijativu već kontaktirani ministri, zahvaljujem se na njihovome pozitivnom odgovoru, prvenstveno ministru za prostorno uređenje ali i ostalim, ministru privrede i ostalim ministrima ali evo kao ohrabrenje da se to realizira upućujem inicijativu da se u olimpijski BOB staza prepozna kao objekat od važnosti za razvoj Kantona Sarajevo sa svim svojim sportskim, rekreacijskim, turističkim i ekonomskim potencijalima te promotivnim značajem za Kanton Sarajevo.

I na kraju imam jedno pitanje zastupničko, tiče se sprovođenja Pravilnika o označavanju i registraciji kućnih ljubimaca. Ovo pitanje ide prema Skupštini Kantona Sarajevo, Vladi Kantona Sarajevo i Ministarstvu privrede Kantona Sarajevo definitivno. U ko joj je fazi sprovođenje pravilnika o označavanju i registraciji kućnih ljubimaca na teritoriji Kantona Sarajevo i zašto se kasnilo tri godine od donošenja tog Pravilnika i početka realizacije tih aktivnosti? Pisani su odgovori i radujem se njima. Hvala velika.

Poslanik/zastupnik Sead Milavica:

zahvaljujem predsjedavajući. Sve vas srdačno pozdravljam. Ja za današnju sjednicu imam tri inicijative. Dvije ću pročitati ovu treću vjerovatno da neću stići pošto je malo obrazloženje dugo tako da prelazim na čitanje. Podnosim inicijativu pema Ministarstvu zdravstva Kantona Sarajevo za nabavku aparata lampe za vizualizaciju krvnih sudova do 15 mm dubine i to za Kliniku za hematologiju i nefrologiju KCUS. Obrazloženje, navedena aparatura namijenja je pacijentima koji su u kontinuiranoj terapiji, hroničnim bolesnicima, bolesnicima sa nefrološkim oboljenjima i oboljenjima krvnih sudova. Ovakav aparat u velikoj mjeri će pomoći u tretiranju ovakvih pacijenata te unaprijediti naravno njihovo liječenje. Obzirom da se radi o pacijentima sa teškim zdravstvenim stanjem procijenjen iznos za nabavku ovakvog jednog aparata je 11.115.00 KM sa uključenim PDV što smatram da je mala cijena s obzirom na njegovu primjenu.

Druga inicijativa je prema Zavodu za informatiku i statistiku Kantona Sarajevo. Da se kreira jednostavan i dostupan model elektronske komunikacije e-mail ili slično između zastupnika u Skupštini Kantona Sarajevo i zainteresiranih građana. Obrazloženje. Polazeći od činjenice da su zastupnici direktno birani od građana kako bi zastupali njihove interese smatram da građanima treba omogućiti da na brz i jednostavan način a u skladu sa tehnološkim trendovima ostvari komunikaciju sa klubovima zastupnika i samim zastupnicima. Smatram da dostupni modeli komunikacije između građana i zakonodavne vlasti nisu dovoljnoj mjeri dostupni građanima za brzo i jednostavno upućivanje inicijativa i pitanja. Prema dostupnim informacijama Zavod za informatiku i statistiku je tehnički i kadrovski dovoljno kapacitiran

za realiziranje ovakve i sličnih inicijativa u cilju povećanja transparentnosti rada zastupnika koji moraju biti servis za građane Kantona.

Dakle mogu samo pročitati ovu inicijativu, obrazloženje za treću ću pročitati samo a obrazloženje će biti u pisanoj formi svakako i predato. Dakle treća moja inicijativa je prema Ministarstvu zdravstva Kantona i u saradnji sa nadležnim institucijama. Dakle pokrećem inicijativu da Vlada Kantona Sarajevo sa posebnom uključenosti Ministarstva zdravstva Kantona Sarajevo i u saradnji sa nadležnim institucijama u što kraćem vremenskom roku donesu strategiju o zaštiti i prevenciji nasilja nad medicinskim radnicima na osnovu koje će Ministarstvo zdravstva donijeti relevantne pravilnike o zaštiti i prevenciji nasilja nad medicinskim radnicima koji bi se jasno definisale konkretne aktivnosti, mehanizmi koji bi omogućili sprovođenje spomenute strategije. Pošto je obrazloženje malo duže, dakle zaista ovo neću čitati.

Poslanik/zastupnik Admela Hodžić:

Zahvaljujem predsjedavajući. Pozdravljam sve prisutne kao i gledatelje poerd malih ekrana. Ja imam jednu inicijativu i dva pitanja. Prva inicijativa je upućena Ministarstvu zdravstva Kantona Sarajevo. Podnosim inicijativu Ministarstvu zdravstva Kantona Sarajevo da se iznađu sredstva i obezbijede uslovi za sklapanje Ugovora sa privatnim pedijatrijskim klinikama u Kantona Sarajevo o pružanju usluga zdravstvene zaštite djeci Kantona Sarajevo u slučajevima kada roditelji dovedu bolesnu djecu u domove zdravlja, a tamo u radno vrijeme nema specijaliste pedijatra.

OBRAZLOŽENJE

Nakon mnogobrojnih poruka očajnih roditelja općina kao što su Ilijaš, Vogošća, Hadžići i Trnovo koji nemaju kome odvesti bolesno dijete na pregled kada spec. pedijatri ne rade u radno vrijeme u domovima zdravlja u KS, pokrećem ovu inicijativu kako bi sva djeca Kantona Sarajevo imala jednaka prava u svim općinama. Pravo na zdravstvenu zaštitu je jedno od osnovnih ljudskih prava ali zbog dugogodišnjeg nemara, loše strategije i nesposobnosti dugoročnih i kratkoročnih planiranja, naša djeca su svakim danom sve više ugrožena. Dok u pojedinim općinama specijalisti pedijatri rade u dvije smjene u drugim radi jedan pedijatar koji kada ode na godišnji odmor ili bolovanje ili ne dođe na vrijeme na posao ili ode na pola radnog vremena, obično nema zamjenu. Smatram da je neophodno sklopiti ugovore sa privatnim pedijatrijskim klinikama za usluge zdravstvene zaštite naše djece gdje bi u danima I smjenama kada specijalista pedijatar ne radi, stajalo obavještenje na koju privatnu kliniku možete odvesti dijete na pregled. Za takve preglede Ministarstvo zdravstva odnosno ZZO treba da plaća usluge direktno privatnim klinikama po izvršenim uslugama, a nikako refundira plaćene usluge jer većina roditelja nema 50 KM za pregled kod ljekara na privatnoj klinici. Svjedoci smo da građani više vremena i novca potroše dok ostvare pravo na refundaciju nego za iznos same usluge zbog kompikovanih procedura. Molim nadležne da što prije razmotre ovu inicijativu i pristupe realizaciji iste za dobrobit naše djece.

Zastupničko pitanje upućeno je Ministarstvu obrazovanja, nauke i mladih Kantona Sarajevo. Molim ministricu g-đu Zinetu Bogunić da mi u skladu sa rokovima predviđenim Poslovnikom SKS dostavi odgovor u pisanoj formi na sljedeće pitanje: Da li je razmatrana prijava člana Školskog odbora JU Srednja mašinska tehnička škola Sarajevo, gosp. Saliha Karčića koja se odnosi na niz nepravilnosti pri sklapanju Ugovora o zakupu dijela školskih prostorija sa "Američkom školom za ekonomiju" Sarajevo?

OBRAZLOŽENJE

Zbog niza nepravilnosti koje se odnose na kršenje procedura a samim tim i Zakona pri sklapanju Ugovora između JU Srednja mašinska tehnička škola Sarajevo koju zastupa direktor Hajrudin Granulo i Visoke škole "Američka škola za ekonomiju" Sarajevo koju zastupa direktor Esmir Ganić, član školskog obora gosp. Salih Karčić je uputio prijavu Vladi KS.

Predsjedavajući:
Vrijeme kolegice.

Poslanik/zastupnik Admela Hodžić:

samo da pročitam još pitanje zastupničko pitanje. Molim ministra gđina Srđana Mandića da mi u skladu sa rokovima predviđenim Poslovníkom Skupštine Kantona Sarajevo dostavi odgovor u pisanoj formi. Pitanje se odnosi loša situacija po pitanju rasvjete u rubnim općinama Kantona Sarajevo. Koliko je ukupno zaprimljeno prijava za rasvjetu koja nije u funkciji od početka 2019 godine do danas, koji je rok prema pravilnika preduzeća nakon prijave.

Predsjedavajući:

Četiri minute kolegice Hodžić. Tri su predviđene za poslovnička pitanja. Riječ ima kolega Samir Suljević.

Poslanik/zastupnik Samir Suljević:

zahvaljujem predsjedavajući. Pozdravljam sve prisutne kao i gledaoce pored malih ekrana. Ja imam dva zastupnička pitanja i dvije inicijative. Na zastupnička pitanja mogu dobiti i usmeni odgovor. Prvo pitanje je upućeno Ministarstvu komunalne privrede Kantona Sarajevo. Odnosi se na pitanje vodosnabdijevanja. Da li je prije puštanja vode u sistem ko ji koriste građani Kantona Sarajevo da li se u istu dodaje natrijev fluorid ili slične supstance koje sadrže fluor? Drugo pitanje je Vladi Kantona Sarajevo odnosno Ministarstvu za rad, socijalnu politiku raseljena lica i izbjeglice Kantona Sarajevo. Poslije nedavnog obilaska udruženja „Dajte nam šansu i poznavanja sa problematikom i načinom rada te finansiranjem istog, ostavljam zastupničko pitanje da li Vlada Kantona Sarajevo i njeno resorno ministarstvo planiraju sistemsku podršku ovom udruženju i pomoć u finansiranju istog? Obrazloženje Udruženje dajte nam šansu vodi servis centre koji su inovativan model podrške porodicama djece i osoba sa poteškoćama u razvoju i sve usluge podrške su besplatne i dostupne svima kojima je to potrebno bez obzira na dob, vrstu i stepen poteškoće. Centri pružaju usluge na nivou Kantona, na nivou svih 9 općina i do sada u Sarajevu imaju registrovanih 570 porodica na nivou Kantona Sarajevo i jedini pružaju besplatan paket usluga za cijelu porodicu. Kratak boravak, cjelodnevni boravak, psihološka podrška, informativno pravna podrška, opservacija, mobilni tim, prevz korisnika itd. Do sada je pruženo 40.000 besplatnih usluga. Hvala.

Idem na inicijative. Prva inicijativa je upućena pod broj 1 Ministarstvu za boračka pitanja Kantona Sarajevo a tražim odgovor i od Ministarstva za obrazovanje nauku i mlade kao i ministarstva za rad, socijalnu politiku i raseljena lica. Da li navedena ministarstva imaju informacije ili izvještaj evo dosljednoj primjene prava po osnovu Zakona o dopunskim pravima boraca branilaca. Obrazloženje. Veliki broj pripadnika boračkih kategorija mi se obratio s molbom da postavim ovo pitanje. Iako su navedenim zakonom boračkim kategorijama predviđena određena prava ista se u stvarnosti ne mogu ostvariti. Prije svega to se odnosi na set prava koja se odnose na zdravstvenu zaštitu obrazovanje i socijalnu politiku. Navest ću samo par primjera iako djeca boračkih kategorijama navedenim zakonom imaju pravo na bespravno školovanje, udžbenike itd. U većini ustanova to pravo ne mogu dobiti. Pogotovo u visoko školskih ustanova gdje im je kao uslov za upis, evo brzo ću, plaćanje školarine i upisa. Prilikom zapošljavanja nemaju prema Zakonu nemaju pravo prvenstva, prekinut ću dalje jer ovdje ostalo je u pisanoj formi. I kratko dozvolite predsjedavajući par sekundi. Još jedna inicijativa koja me je, analizirajući postojeću situaciju, ista je data upućena Vladi Kantona Sarajevo i Ministarstvu zdravstva Kantona Sarajevo. Analizirajući postojeću situaciju u radu zdravstvenih institucija u Kantonu Sarajevo, te uvodom.

Predsjedavajući:

četiri minute kolega Suljeviću. To nam je uveden principi preko 4 ako jednom probijemo idemo na 6. zastupnica Arijana Memić ima riječ.

Poslanik/zastupnik Arijana Memić:

pozdravljam sve prisutne i gledaoce kraj malih ekrana. Ja imam jedno zasutpničko pitanje upućeno Ministarstvu komunalne privrede i infrastrukture. Da li postoji mogućnost da se do uvođenja plastičnih kanti za smeće vrata stari kontejneri u naselju Doglodi? Naime, kontejneri za odlaganje smeća su uklonjeni iz nekoliko ulica u naselju Doglodi te su građani prinuđeni odlagati smeće u kesama koje psi lutalice raznose po naselju što je mogući izvor zaraze. Hvala.

Poslanik/zastupnik Vedran Jakupović:

zahvaljujem predsjedavajući. Pozdravljam sve prisutne i gledaoce pored malih ekrana. Podnosim inicijativu za uvođenje u praksu počasne ulice, trga, buleva i slično. Ovim bi pojedine ulice osim zvaničnog nazova dobile i počasni naziv. U obrazloženju: svjedoci smo velikom broju prijedloga za promjenom naziva ulica, trgova i slično. Promjene naziva ulica predstavljaju tehnički i administrativni problem građanima i poslovnim subjektima koji moraju mijenjati naziv ulice u svojim zvaničnim dokumentima. Uvođenjem instituta počasne ulice stari nazivi ulica bi ostali ne promijenjeni a ptoreba za obilježavanjem događaja ili odavanjem počasti zaslužnim osobama bila bi upotpunjenja. Istovremeno ne bi se narušavao istorijski kontinuitet naziva mikrotoponima koji imamo danas posebno u Starom Gradu i Centru. Odluku o nazivima ulica donosili bi Kanton i lokalne zajednice po prijedlogu građana i institucija. Obzirom da je prekosutra godišnjica Pofaliće bitke imam nekoliko inicijativa i pitanja vezano za naselje Pofaliće. Podnosim inicijativu za izgradnju igrališta i uređenje parka na lokaciji Streljište koja se nalazi između naselja Velešići i Pofalići, parcela 934/1. u obrazloženju predmetna lokacija se nalazi između naselja Velešići i Pofalići. U vlasništvu je Općine Novo Sarajevo i predstavlja zelenu oazu ispod brda Hum na kojoj je ranije bilo streljište. Prijedlog je da se izgradi igralište koje bi imalo kombinovanu plohu za mali nogomet i košarku te odvojeni dio s mobilijarom primjenjivim najmlađoj djeci. Uz igralište potrebno je kultivisati i veliku zelenu površinu. Ova lokacija bi bila idealno polazište za šetnicu do brda Hum. Za navedeno igralište postoji peticija od strane građana naselja Pofalići. Pitanja: kakvo je stanje klizišta u naselju Pofalići stara ciglana prema hotelu Grand? I kakve su aktivnosti dugoročno planirane po ovom pitanju. U obrazloženju: veliki broj kuća u naselju Pofalići i dalje je ugrožen potencijalnim kretanjem zemljišta u području stare ciglane. Pitanje za Ministarstvo obrazovanje u kojoj je fazi izgradnja OŠ u Pofalićima? U obrazloženju najavljena je izgradnja OŠ u Pofalićima imamo budžetiran od strane Kantona pola miliona KM, u kojoj je fazi, kakva je finansijska konstrukcija i plan izvođenja radova? Uz ovo podnosim inicijativu za izgradnju obdaništa u naselju Pofalići na lokaciji uz planiranu osnovnu školu Pofalići. U obrazloženju: postoji velika potreba za izgradnjom obdaništa u neselju Pofalići. Riječ je o Gornjim Pofalićima, imajući u vidu da je u naselju oko 150 djece predškolskog uzrasta a najbliže obdanište udaljeno od naselja. Idealna lokacija je uz planiranu osnovnu školu i postojeće igralište obzirom da se objekti nalaze u centru naselja. Zahvaljujem.

Poslanik/zastupnik Mirza Čelik:

zahvaljujem predsjedavajući. Pa evo ja ću prvo iskoristiti svoje pravo na poslovničku intervenciju i zamoliti vas da se pridržavamo Poslovnika a tiču se odredaba člana 217 da svaki zastupnik ima pravo u roku od tri minute da postavi pitanje ili inicijative. A to će se odnositi na moje postavljeno pitanje ili inicijativu odnosno ta inicijativa će biti ukoliko dopustimo danas da preko tri minite zastupnici postavljaju pitanja i inicijative, tražit ću da se

danas izjasnimo, da ovaj član izmijenimo i da stoji u članu do 4 minute. To ću ja dostaviti do kraja ove tačke, ukoliko pustimo da ide preko 3 minute.

E sada se vraćam na zastupnička pitanja. Po kojem osnovu ministrica Bogunić vrši diskriminaciju prema djeci sa teškoćama u razvoju, te u pojedinim školama plaća asistente u nastavi, kao što je to slučaj u Prvoj osnovnoj školi, gdje je omogućila plaćanje asistenta u nastavi, a npr u školi u kojoj imamo učenike sa teškim teškoćama (škola „Mehmedalija Mak Dizdar npr.) i pored upućenih zahtjeva nije dozvolila da se angažuje asistent u nastavi. Napominjemo da je ovo očit primjer diskriminacije učenika sa teškoćama. Pitanje je „prema kojoj stručnoj procjeni“ je ministrica odlučila da je učeniku u jednoj školi neophodan asistent, a u drugoj nije.

Drugo pitanje, na osnovu informacija iz Ministarstva, molim da mi odgovorite, ovo tražim sve pismeno, kako je na mjesto pomoćnika za predškolsko, osnovno i inkluzivno obrazovanje, u Ministarstvu za obrazovanje, nauku i mlade Kantona Sarajevo, ministrica angažovala osobu koja je već bila pomoćnik u Ministarstvu za obrazovanje, nauku i mlade Kantona Sarajevo, a da za iste poslove nije ispunjavala uslove, jer nije imala ni jedan dan radnog staža, gdje je direktno kršen Zakon o državnoj službi Federacije Bosne i Hercegovine i Pravilnik o unutrašnjoj organizaciji Ministarstva. Sada, iako je prekršen navedeni zakon, ista osoba je nagrađena i ponovno imenovana na poziciju pomoćnika ministra. Zahvaljujem.

Poslanik/zastupnik Jasna Duraković:

Zahvaljujem predsjedavajući. Srdačno pozdravljam sve prisutne kolegice i kolege, predstavnike medija i naravno gledateljke i gledatelje pored malih ekrana. Ja imam za danas pripremljeno jedno pitanje i dvije inicijative. Pokušat ću biti naravno u ovim okvirima vremena, ali se slažem s kolegom Čelikom da bi trebali razmotriti opciju izmjene tog člana Poslovnika i dati četiri minute. Naime, moje pitanje se odnosi na sistemsko, tj plansko upravljanje otpadom, pitanje koje sam uputila u februaru mjesecu prema Vladi Kantona Sarajevo, na koje nikada nisam dobila odgovor pa me zanima evo da li to premijer i ova Vlada ima neke prioritete u određivanju kome će prije odgovoriti, kako da ne, tako da evo voljela bih danas neki usmeni odgovor ako može, molim vas.

I dvije zastupničke inicijative bit ću vrlo kratka pošto su onako poprilično detaljna obrazloženja, a to šaljem naravno u pismenoj formi.

Prva je upućena prema Vladi Kantona Sarajevo i prema Ministarstvu za zdravstvo. Naime, Upućujem Inicijativu za izmjenu Zakona o zdravstvenom osiguranju - Pravilnika o postupku i kriterijumima o privremenoj spriječenosti za rad zbog povrede, bolesti ili druge spriječenosti za rad. Tražim da se kroz navedenu inicijativu predloži izmjena Zakona o zdravstvenom osiguranju tj. Pravilnika o postupku i kriterijumima o privremenoj spriječenosti za rad zbog povrede, bolesti ili druge spriječenosti za rad, tačnije Člana 17. Pravilnika a koji se odnosi na dužinu spriječenosti za rad za staratelje djece do 18 godina a koji se liječe od malignih bolesti. Navedena inicijativa je zapravo odraz mnogobrojnih apela velikog broja građana u Kantonu Sarajevo čija djeca su na žalost oboljela od malignih bolesti, i koji su dakle u postupku procesa liječenja djeteta defakto spriječeni na rad. Ovim putem vas molim da pokušate po hitnom postupku izvršiti izmjenu zakona, tj Pravilnika na način da dok traje liječenje i održavanje bolesnog djeteta jedan od roditelja ima pravo na privremenu spriječenost za rad, koju će naravno odobriti prvostepena ili drugostepena ljekarska komisija jer je bolest izlječiva u velikom postotku ali postupak liječenja traje, zahtjeva praćenje, kontrolu i brigu o djetetu. Kao što su to uradile susjedne zemlje, izmjena Pravilnika bi podrazumijevala da roditelj ima pravo na bolovanje radi njege djeteta oboljelog od neke maligne bolesti neograničeno, tj. onoliko koliko traje liječenje i rehabilitacija kao i da će se roditelju osiguraniku koji ostvaruje kod poslodavca pravo na naknadu plaćena osnovu ove spriječenosti za rad isplaćivati u punom iznosu plaće. Prisustvo roditelja za sve vrijeme liječenja djeteta i materijalna sigurnost

porodice jedni su od najvažnijih uslova da bi proces liječenja tekao mirno i bio uspješan. I na ovaj način bi sistem i država stali iza onih kojima je potrebna podrška tako što bi obezbijedili naravno neophodnu sigurnost i mogućnost brige o porodici onda kada je život djeteta ugrožen.

I sljedeća inicijativa podnosim je Ministarstvu za obrazovanje, nauku i mlade Kantona Sarajevo. Ovo je ponovo aktuelizirana tema i ja ću evo naglasiti zaista potrebe određene revizije u reformi osnovnog školstva. Sasvim sigurno je da je osnovno školstvo u KS potrebna cjelovita reforma. Pokazalo se da nova obrazovna reforma, koja je uvedena prije 14 godina, kroz uvođenje devetogodišnjeg sistema osnovnog obrazovanja ima mnoge manjkavosti. Stoga predlažem Ministarstvu da napravi detaljnu analizu sadašnjeg sistema školstva i da umjesto devetogodišnjeg obrazovanja, razmotri povratak na osmogodišnje, uz prijedlog da se djeci zakonski uvede mjesec dana nastave prije polaska u prvi razred, kako bi to vrijeme djeci poslužilo za upoznavanje s procesom nastave, školom, i drugom djecom s kojom će ići u razred.

Toliko i zahvaljujem. Ostatak dostavljam u pismenoj formi. Hvala.

Predsjedavajući:

Tačno četiri minute. Kolegica Amra Junuzović Kaljić.

Poslanik/zastupnik Amra Junuzović-Kaljić:

hvala lijepa. Srdačan pozdrav svima prisutnim i našim gledateljima. Moja inicijativa se odnosi na obnovu i rekonstrukciju spomen parka Vraca. Spomen park Vraca kao što je poznato trenutno je vrlo zapušten i izvan funkcije. Od okončanja rata do danas svjedočili smo nizu inicijativa za njegovu obnovu i stavljanje u funkciju ali osim pojedinačnih i sporadičnih intervencija koje su rezultirale obnovom dijelova ovog kompleksa Općina Novo Sarajevo, Grad Sarajevo i Kanton Sarajevo te drugi nivoi vlasti nisu pronašli sistemsko rješenje za održavanje i upravljanje ovim kompleksom. Podsjećam da je Vlada Kantona Sarajevo na sjednici održanoj 08.11.2012 usvojila program rekonstrukcije i restauracije spomen parka Vraca uz zaključak koji se od ovih nadležnih institucija traži da osiguraju i 24 fizičku zaštitu kako bi se zaustavila daljnja devastacija ovog kompleksa. Ovaj zaključak nije proveden. Također Strategijom razvoja Kantona Sarajevo 2016-20 obavezali smo se da ćemo sanirati spomen park Vraca ali je malo toga učinjeno. Važno je napomenuti da su u proteklom periodu sredstvima općine Novo Sarajevo, Kantona Sarajevo finansirani radovi na obnovi dijelova ovog spomeničkog kompleksa i upravo zbog ne postojanja institucije koja bi bila zadužena za osiguranje, održavanje i upravljanje spomen parkom obnovljeni dijelovi su ponovno devastirani. Svjedoci smo i aktuelne velike akcije čišćenja uređenja Kantona Sarajevo kojom je obuhvaćen i spomenpark Vraca, ali ako ne pronađemo dugoročno rješenje za održavanje ovog kompleksa rezultati ove akcije uskoro će biti nevidljivi, stoga predlažem sljedeće zaključke:

- Zadužuje se Vlada Kantona Sarajevo da pripremi i Skupštini predloži potrebne odluke kako bi Fond Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida preuzeo osiguranje, upravljanje, održavanje spomen parkom Vraca.
- Zadužuje se Vlada Kantona Sarajevo da u budžetu Kantona Sarajevo za 2020 planira sredstva za upošljavanje potrebnog broja izvršilaca u Fondu Kantona Sarajevo za zaštitu, održavanje grobalja šehida i poginulih boraca, memorijalnih centara i spomen obilježja žrtava genocida,
- Zadužuje se Vlada Kantona Sarajevo da u saradnji sa KJP Park i Radom osigura održavanje spomen parka Vraca do kraja tekuće godine, odnosno dok se ne stvore uslovi da Fond Kantona Sarajevo za zaštitu i održavanje preuzme upravljanje cijelim kompleksom.

Ova inicijativa ima za cilj da se spomen park Vraca kao izuzetno vrijedan kulturno historijski spomenik zaštititi od dalje devastacije, obnovi i stavi u funkciju, kako bi ponovo postao mjesto memorijala sjećanja, edukacije, ali i kako bi se iskoristio njegov turistički potencijal. Ne treba zaboraviti da su Vraca, odnosno tvrđava koje su u tom dijelu grada izgradile austrougarske vlasti tok Drugog svjetskog rata, postala stratište na kojem su mučene i ubijene hiljade građana Sarajeva i članovi pokreta otpora. Njihova imena su ispisana na zidovima ovog kompleksa u kojima se nalazi i kosturnica svim narodnim herojima iz Sarajeva. Spomen park Vraca osim kao memorijal na stradanje građana Sarajeva u Drugom svjetskom ratu, predstavlja jednu od ključnih tački opsade Sarajeva tokom agresije i u tom kontekstu Vraca postaju mjesto obilježavanja i najduže opsade u modernoj historiji. Hvala lijepo.

Poslanik/zastupnik Segmedina Srna Bajramović:

zahvaljujem predsjedavajući. Pozdravljam sve prisutne. Najprije upućujem inicijativu za kvalitativnu analizu primjene člana 10. Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo uzimajući u obzir činjenicu da i dalje postoje određen broj naših sugrađana koji ne mogu ostvariti zdravstvenu zaštitu kao Ustavom zagarantovano pravo po članu 2. stav 1) pod O Ustava FBiH. Obrazloženje: Prije svega, radi se o odluci koja je usvojena 2009 godine. U prošlom mandatu smo na 38. sjednici Vlade KS održanoj 05.04.2016. g imali usvojen prijedlog izmjena iste koji nikad nije došao do Skupštine. Navedene izmjene su upravo tretirale dopune člana 7 i posebno člana 10, te smatram da su samo dodatno potvrdile kako su se već odavno stvorile sve pretpostavke da Vlada KS u saradnji sa relevantnim institucijama napravi analizu navedene odluke u smislu današnjih okolnosti i specifičnih kategorija koje nisu u mogućnosti ostvariti zdravstvenu zaštitu. Želim napomenuti da Institut za razvoj mladih KULT ima vrlo relevantno istraživanje koje može značajno pomoći Vladi KS da pripremi izmjene odluke koje će značajno poboljšati njen obuhvat u odnosu na postojeću odluku iz 2009. godine.

Sljedeća inicijativa odnosi se na Izmjenu člana 28. Zakona o koncesijama Kantona Sarajevo kojim će se osigurati ONLINE javna objava registra koncesija kao jedinstvene elektroničke evidencije ugovora o svim vrstama koncesija dodijeljenih na području KS

OBRAZLOŽENJE:

S obzirom da smo uposlenicima izvrnuli džepove kao jednu od mjera povećane transparentnosti utroška javnog novca, smatram da smo dužni da na isti ili sličan način javnosti predočimo ONLINE sve ugovore o koncesijama dodijeljenim na nivou KS, sa relevantnim finansijskim podacima. Za sve navedeno imamo već pripremljenu kvalitetnu osnovu i u postojećem zakonu koji zahtijeva minimalne izmjene u smislu dopune stava 3 kojim će se proširiti lista podataka sa finansijskim parametrima ugovora, te statusom izvršenih obaveza u skladu sa ugovorom. Koliko sam upoznata, Ministarstvo finansija je već izradilo određene evidencije, pa mislim da nam ne treba mnogo vremena da koristeći isti format već objavljenog registra plata, tehnički prilagodimo tabelu za koncesijske podatke i u ONLINE formi omogućimo uvid građanima KS.

Ostatak dostavljam u pisanoj formi.

Moje zastupničko pitanje ko je zadužen za promociju aktivnosti Vlade KS na društvenim mrežama i po kojim kriterijima se vrši selekcija istih i objave Vlade na zvaničnim profilima? Navedeno pitanje postavljam motivisana činjenicom da su se u više navrata, konkretno 29. marta i 21. aprila u okviru objava Vlade KS pojavile stranačke objave kojima tu jednostavno nije mjesto za promociju. Zbog svega navedenog, želeći vjerovati kako se radilo o početničkim greškama u inovativnim primjenama novih kanala komunikacije, pitanje

postavljam u dobroj namjeri kako bi se jasno definisala pravila koja će spriječiti svaku buduću praktičnu mogućnost bespotrebnog rušenja kredibiliteta same Vlade nepotrebnim političkim marketingom.

Sljedeća inicijativa za dopunu Registra sa podacima o ugovorima o djelu koji se finansiraju iz Budžeta KS

OBRAZLOŽENJE:

Ukoliko smo prethodno objavljenim registrom o platama htjeli postići transparentnost utroška javnog novca kojim se plaća svaki oblik angažmana, bio on na neodređeno ili određeno vrijeme, smatram da navedeni registar bez podataka o ugovorima o djelu faktički nije potpun, niti posao u smislu pune transparentnosti možemo smatrati završenim.

Ostatak uz još neke inicijative ću dostaviti u pisanoj formi. Zahvaljujem.

Poslanik/zastupnik Neira Dizdarević:

hvala predsjedavajući, pozdravljam sve prisutne u sali kao i gledatelje ispred malih ekrana. Ja za danas imam više pitanja i inicijativa. Evo neke od njih ću pročitati. Moje zastupničko pitanje upućeno Ministarstvu zdravstva Kantona Sarajevo i Zavodu zdravstvenog osiguranja KS, vezano za sufinansiranje dijela troškova neinvazivnog prenatalnog DNK testa za trudnice: Da li ZZO KS vrši refundiranje dijela troškova prenatalnih testova? Ukoliko da, koji je broj zahtjeva za refundiranjem razmatran u 2016., 2017. i 2018. godini, te koliko je zahtjeva odbijeno i da li postoji određeni akt koji definiše kriterije koji se moraju ispuniti, u smislu potrebne dokumentacije i uslova, da bi zahtjev bio odobren?

Neinvazivni prenatalni test je jedina mogućnost, pored amniocenteze koja je u određenim slučajevima previše rizična, da se sa gotovo 100% sigurnošću utvrdi postojanje hromosomskih poremećaja ploda. Cijena testa je visoka i iznosi preko 1000 KM, te mnoge trudnice, nažalost, isti ne mogu priuštiti. Neki kantoni u FBiH vrše sufinansiranje u iznosu 50% troškova testiranja. Molim za informacije kakva je praksa u našem kantonu i na koji način je regulisana te u zavisnosti od odgovora moja inicijativa naravno ići će u pravcu da Kanton Sarajevo putem ZZO sufinansira djelimično makar troškove prenatalnih testova.

Moje drugo zastupničko pitanje upućujem Ministarstvu za obrazovanje, nauku i mlade KS vezano za mogućnosti organizovanja produženog boravka u osnovnim školama u KS. Dakle, koji broj osnovnih škola (po općinama) nudi roditeljima mogućnost produženog boravka za učenike osnovnih škola? Da li je resorno Ministarstvo vršilo provjeru zainteresovanosti roditelja za organizovanjem produženog boravka u osnovnim školama u KS i postoje li konkretni planovi za rješavanje ovog problema, koji evidentno otežava svakodnevnicu zaposlenim roditeljima?

Postojanje organizovanog produženog boravka za djecu je često jedan od uslova na osnovu kojih roditelji osnovaca biraju školu koju će njihovo dijete pohađati. U nedostatku istog, roditelji se na različite načine snalaze kako bi obezbijedili sigurnost i brigu o djeci, posebno onoj koja pohađaju niže razrede, a u najtežoj situaciji su roditelji koji nemaju mogućnost angažovanja člana porodice za brigu od djetetu. Osim u toku školske godine, ovaj problem je posebno aktuelan za vrijeme raspusta, kada roditelji duži period nemaju gdje ostaviti svoje dijete.

Produženi boravak egzistira na komercijalnoj osnovi, ali ipak veoma mali broj škola organizuje isti. Prema mom saznanju, na području cijele opštine Vogošća ne postoji niti jedna osnovna škola koja nudi mogućnost produženog boravka.

Molim pismene odgovore a ostale ću predati u pismenoj formi.

Poslanik/zastupnik Vildana Bešlija:

hvala. Koristim priliku da pozdravim sve prisutne i naravno da krenem sa inicijativama. Prva inicijativa koju ću ovdje pročitati odnosni se, odnosno naslanja se na odgovor ko i sam dobila

po pitanju bespravne sječe šume i pojačanog inspekcijskog nadzora u opštini Hadžići. Ovaj put podnosim inicijativu za izmjenu i dopunu Zakona o šumama Kantona Sarajevo.

Cjelokupna zaštita šuma ustvari je od nadležnosti Kantonalne uprave za šumarstvo, koja se organizacijski nalazi pri Ministarstvu privrede Kantona Sarajevo. Zakonom je propisano da Kantonalna uprava formira čuvarsku službu što je i učinjeno i provedeno po navedenom zakonu. Međutim, svjedoci smo da su bespravne sječe u posljednjim godinama dosta izražene, a da su u nezakonite radnje oko bespravnih sječa upleteni i čuvari šuma", u prilog čega govori činjenica o pritvaranju i pokretanju istrage protiv 5 luga Kantonalne uprave za šumarstvo, u 2017. godini, protiv kojih još uvijek vodi istraga. Ono što je najveći problem jeste to da za neprovođenje zaštite šuma, nije propisana nikakva sankcija i Uprava, odnosno čuvari šuma nemaju nikakve odgovornosti za manjkavo čuvanje šuma.

Zbog svega navedenog Šumarska inspekcija koja vrši nadzor, prema Upravi, odnosno čuvarima šuma ne može pokretati mjere prekršajne odgovornosti. Više puta je pismeno od Ministarstva privrede i tadašnjih ministara traženo da se ovo pitanje uredi, međutim očito je da do sada ništa konkretno nije i urađeno. Bez definisanja konkretnih novčanih iznosa u članu 72. Zakona o šumama Kantona Sarajevo ("Službene novine Kantona Sarajevo" broj 5/13), stoga predlažem da to budu iznosi u rasponu od 500,00 – 2.000,00 KM.

Druga inicijativa koju ću pročitati odnosi se na intenziviranje inspekcijskog nadzora nad javnim i privatnim parking površinama kako bi se ustanovilo ispunjavaju li isti kriterije koji su određeni Uredbom o organizaciji naplate parkiranja u Kantonu Sarajevo. Vjerujem da u Kantonu Sarajevo ne postoji ni jedan vozač motornog vozila koji se nije susreo sa parking prostorom koji ne ispunjavaju ni osnovne uslove koje nalaže gore navedena Uredba. Radi se o parkinzima na kojima nisu iscrtni boksovi, čiji parking prostori nisu asfaltirani te koji nemaju vidljivu i Uredbom propisanu signalizaciju. Molim nadležne iz KUIP tačnije Inspektorata saobraćajne, cestovne inspekcije da na osnovu neposrednog inspekcijskog nadzora nad provođenjem gore navedene Uredbe poduzmu potrebne upravne i druge mjere po izvršenom inspekcijskom nadzoru a u skladu sa zakonom i općim i posebnim ovlaštenjima Inspektorata. Također molim da se Skupštini Kantona Sarajevo dostavi informacija o efektima intenziviranja inspekcijskog nadzora.

Treća inicijativa se također odnosi na dopunu Uredbe o organizovanju i načinu naplate parkiranja u Kantonu Sarajevo. S obzirom da nemam više vremena, dostavit ću u pisanoj formi kao i preostale inicijative. Hvala.

Dopredsjedavajući Vior Handžić.

Zahvaljujem predsjedavajući. Srdačno pozdravljam sve prisutne i gledaoce kraj malih ekrana. Jednu ću inicijativu pročitati sada ostalo ću dostaviti pismenim putem. Na osnovu člana 106. Poslovnika Skupštine Kantona Sarajevo Predstavničkom domu Parlamentarne Skupštine BiH upućujem inicijativu za izmjenu i dopunu Izbornog Zakona BiH kako bi se nacionalnim manjinama omogućila zastupljenost u kantonalnim skupštinama. Tražim od svih zastupnika Skupštine Kantona Sarajevo da se izjasne povodom gore navedene inicijative kako bi ista postala inicijativa Skupštine Kantona Sarajevo.

Obrazloženje:

nacionalne manjine su i dalje institucionalno diskriminirane i nisu u mogućnosti u potpunosti učestvovati u političkim procesima u zemlji, pa tako i u Kantonu Sarajevo. Uprkos presudama Evropskog suda za ljudska prava u Strazburu Sejdić i Finci protiv BiH i Šlaku protiv BiH politička prava nacionalnih manjina da budu birani i da budu nositelji određenih javnih funkcija su i dalje onemogućena zbog nedostatka političke volje za izmjenu ustavnih i zakonskih odredbi. Kanton Sarajevo je amandmanima od 63 do 69 na Ustav Kantona Sarajevo iz 2013. godine djelomično, onoliko koliko su ingerencije dozvoljavale zajamčio određena prava pripadnicima nacionalnih manjina i drugih konstitutivnim građanima i građankama a u duhu presuda Evropskog suda za ljudska prava. Namjera ove inicijative je

nastavak dobre prakse Skupštine Kantona Sarajevo i Kantona Sarajevo generalno. Ustav BiH u Aneksu I navodi dodatne sporazume o ljudskim pravima koji će se primjenjivati u BiH među kojima i Okvirna konvencija za zaštitu nacionalnih manjina, koja u članu 4 obavezuje države potpisnice da po potrebi usvoji odgovarajuće mjere s ciljem promicanja pune i učinkovite jednakosti između pripadnika nacionalne manjine i pripadnika većinskog naroda u svim područjima privrednom, društvenog, političkog i kulturnog života. Ova inicijativa je apsolutno sukladna i amandmanu 64 na Ustav Kantona Sarajevo iz 2013 godine koji u članu 17 dodaje novi stav 2 koji glasi: „Pripadnicima nacionalnih manjina garantuje se jedno poslaničko mjesto u Skupštini koje se popunjava u skladu sa izbornim propisima. Kako bi pripadnici nacionalnih manjina koristili svoje Ustavom zagarantovano pravo potrebno je izmijeniti i dopuniti Izborni Zakon BiH adekvatnim rješenjima za provedbu našeg Ustava. Namjera inicijative je da se sukladno poglavlju 13 a Izbornog Zakona BiH koji se odnosi na učešće pripadnika nacionalnih manjina u izborima za nivo jedinice lokalne samouprave ista mogućnost obezbijedi u izborima za kantonalne Skupštine, a u skladu sa pravima propisanim ustavima Kantona. Zbog ozbiljnosti ove inicijative potrebna je što šira podrška donosioca odluka, uključujući, ali ne ograničavajući se na Klub Ostalih u Skupštini Kantona Sarajevo, Vijeće nacionalnih manjina Skupštine Kantona Sarajevo, Komisiju za ustavna pitanja Skupštine Kantona Sarajevo, čiju sam vam podršku dostavio u prilogu, te na kraju Skupštine Kantona Sarajevo. S tim u vezi, Vijeće nacionalnih manjina Skupštine Kantona Sarajevo još u januaru 2018 godine ministarstvu za ljudska prava i izbjeglice BiH dostavilo prijedlog za izmjenu i dopunu Izbornog Zakona BiH, ko ji je proslijeđen zajedničkoj komisiji za ljudska prava parlamentarne Skupštine BiH na dalje postupanje. Komisija do okončanja svog mandata nije razmatrala ovaj prijedlog. Ne uvažavanje Ustavom zagarantovanih prava pripadnika nacionalnih manjina privuklo je pažnju i inicijative za monitoring europskih integracija BiH koja je u svom alternativnom izvještaju u aplikaciji BiH za članstvo u EU tretirala ovo pitanje u poglavlju o uklapanju etničke diskriminacije u vezi sa održanim opštim izborima 2018 godine. Ovaj izvještaj služi kao dopunski izvor informacija Europskoj komisiji pri izradi mišljenja o aplikaciji BiH za članstvo u EU i pratećeg analitičkog izvještaja. Ova inicijativa je apsolutno u skladu sa međunarodnim konvencijama koje tretiraju položaj nacionalnih manjina, Ustavom BiH te Ustavom Kantona Sarajevo. Zahvaljujem.

Poslanik/zastupnik Igor Stojanović:

zahvaljujem predsjedavajući. Pozdravljam članove Vlade i zastupnike u Skupštini. Moja prva inicijativa odnosi se na prijedlog Upravnog inspektorata Ministarstva pravde Kantona Sarajevo. Dakle Ministarstvo prostornog uređenja, građenje i zaštite okoliša, podnosim inicijativu za izmjene Zakona o prostornom uređenju KS u smislu propisivanja obaveze urbanističko građevinskih inspektora, da po dostavljanju upravnih akata nadležnih općinskih službi predloži iste ocjene sa aspekta postojanja razloga njihove nepravilnosti koje su Zakonom o prostornom uređenju predviđene kao razlog ništavnosti, i da izvrše inspekcijski nadzor na odobrenoj lokaciji, te u roku za žalbu obavijeste nadležnu općinsku službu.

Obrazloženje:

U Izvještaju Upravnog inspektorata Ministarstva pravde KS stoji da u izvještajnom periodu uočava se nerijetko podnošenje prijedloga /obavještenja o postojanju razloga ništavnosti upravnih akata, donesenih u postupku odobravanja građenja od općinskih urbanističko građevinskih inspektora. Obaveza inspektora na dostavljanju obavještenja o postojanju razloga ništavnosti rješenja, kada utvrdi da sadrži nepravilnost, koja je po zakonu predviđena kao razlog ništavnosti, propisana je u odredbi člana 156. Zakon o prostornom uređenju. Ova sve češća pojava u praksi ne bi bila zapažena, s obzirom na svrhu instituta ništavnosti upravnih akata, da se u pravilu ne događa isključivo nakon pravomoćnosti upravnih akata i nakon što su objekti već izgrađeni i isključivo, nakon izvršenog inspekcijskog nadzora, po inicijativi zainteresovanog lica.

Također imam pitanje. Molim Vladu KS, ministarstvo privrede KS, KJKP Vodovod i kanalizacija, Zavod za javno zdravstvo KS i Ministarstvo prostornog uređenja, građenja i zaštite okoliša da mi dostave program praćenja kvaliteta vode za ljudsku potrošnju za izvorišta sa kojih se vodom snabdijevaju građani Sarajeva, čija je izrada definisana aneksom 2 Pravilnika o izmjenama Pravilnika o zdravstvenoj ispravnosti vode za piće. Molim odgovor da li broj kontrola kvaliteta vode odgovara uslovima navedenim u gore pomenutom Pravilniku, kao i razloge eventualne neusklađenosti. Također molim odgovor da li je urađena procjena rizika po kvalitet vode koju pijemo, a koji uzrokuje stambena izgradnja, postojeća i planirana, na širem području planina Igmana i Bjelašnice, pogotovo kada se uzmu u obzir informacije navedene u posljednjem KEAP-u koji govori o prekoračenju vrijednosti kadmijuma i olova i skoro kontinuirano zagađenje voda u Vrelu Bosne fekalnim bakterijama. Također molim ministra privrede da nas usmeno obavijesti kakvo je stanje zatekao po ovom pitanju, kakve radnje su po pitanju ovog zagađenja poduzete do sada, te koje aktivnosti se planiraju za budućnost.

Također zastupničko pitanje. Klub SDP-a je obaviješten od građana da se divlja gradnja u okviru vodozaštitne zone izvorišta Sarajevsko polje nastavlja i dalje, te molim Vladu KS, Ministarstvo privrede, te kantonalnog vodnog inspektora koji prema Zakonu o vodama Kantona Sarajevo da nas obavijeste o stanju gradnje unutar vodozaštitne zone i poduzetim mjerama, a ministra privrede molim za USMENI ODGOVOR kakvo je stanje ova Vlada zatekla po ovom pitanju.

Moje sljedeće pitanje zahvaljujem se VIK-u o izvještaju o broju uposlenih radnika. Ja također tražim imena uposlenih radnika od 01.01.2018.godine do 30.03.2019.godine. Hvala.

Poslanik/zastupnik Zvonko Marić:

zahvaljujem predsjedavajući. Dame i gospodo, drugarice i drugovi, poštovani gledatelji, Na osnovu člana 213. Poslovnika Skupštine Kantona Sarajevo podnosim inicijativu da Skupština Kantona Sarajevo u skladu sa člankom 2. Zakona o utvrđivanju i obilježavanju dana Kantona Sarajevo (službene novine KS 33/05) svojom odlukom utvrdi datum kao dan ubijene djece Sarajeva.

Obrazloženje:

ne znam koje nije poznata činjenica da je u toku agresije na BIH ubijeno tačnije 1601 dijete. Mislim da nema posebnog dana za obilježavanja ovog događaja i moram kazati da smo do sada to trebali uraditi jer naprosto moramo poštovati sebe da bi nas poštovali drugi. I izraziti pijetet prema toj djeci koja su nevina ubijena i prema tome suviše je obrazlagati i napominjati da je jedan ovakav slučaj sličan u Kragujevcu bio 41 godine kada su strijeljani đaci reću 40 njih do 15 godina, 15 čistača cipela i 272 srednjoškolca. I oni su imali čak znamo planetarno je bio poznat bio taj događaj i znate da je književnica Desanka Maksimović posvetila tome poznatu poemu Krvava bajka. Dakle, suviše je obrazlagati sve ovo moramo poštovati sebe i na neki način se suprotstaviti nekulturi zaborava. U ostalom sve te detalje imate napisane u ovoj inicijativi za koju tražim da se zastupnici na kraju izjasne. I kada je riječ o inicijativama, ne mogu da ne kažem, a već u nekoliko navrata sam pokušavao u kontaktima s ljudima u Kantonu Sarajevo, da ukažem na činjenicu da je zastupnica Bilsena Šahman 27.02. podnijela inicijativu za formiranje Fonda za izmještanje djece i liječenje vani i ona je tom prilikom ako se sjećate da je takvu inicijativu podnosila u i Federalnom parlamentu. Međutim ne znam iz kojih razloga izignorirana njena inicijativa da bi se kasnije dvije zastupnice, iz pristojnosti neću pominjati njihova imena, ali jedna iz SDA jedna iz Naše stranke podnijeli inicijativu, promptno je riješeno i prihvaćeno da ta inicijativa bude prihvaćena. Ne znam zbog čega, mislim da to nije pristojno, nije korektno, jer ne znam po čemu to inicijativa kolegice Bilsene Šahman nije podobna, nije kredibilna možda, ili ona koja je podnijela takvu inicijativu ili stranka iz koje dolazi. Da ne bi bilo ovakvih nesuglasica

dobronamjerno, uključujući i ono što je rekla kolegica Segmedina Srna vezano za promoviranje na društvenim mrežama koje pripadaju Vladi i Skupštini Kantona Sarajevo mislim da je to nedopustivo da se radi svojevrsna diskriminacija i time se pobuđuje i sumnja jednom riječju podozrenje, nepovjerenje. Mislim da ovoj parlamentarnoj većini i ovoj šestorci i ovoj Vladi ne trebaju takve stvari. Koristit ću se samo jednom rimskom pitalicom Kvi bono? Kome to odgovara. Nije potrebno da govorim o tome, prema tome da porazimislimo i želim očitovanje Vlade o ovom slučaju kako bi bile razjašnjene neke stvari. Hvala vam lijepo.

Predsjedavajući.

Zahvaljujemo kolega Mariću. O ovoj vašoj inicijativi koju apsolutno podržavam, mislim i većina, možda cijela Skupština, o uvrštavanju u Zakon o obilježavanjima mora se izjasniti Vlada prije nego što se izjasne zastupnici. Tkao da je to formalna procedura za koju mislim da eto na narednoj sjednici se već može naći, samo formalno pravno se mora izjasniti Vlada prije njenog usvajanja. Kolega Mariću.

Poslanik/zastupnik Zvonko Marić

zahvaljujem predsjedavajući, imao sam to u vidu i naveo sam tu. a zašto se mi ne bi izjasnili a Vlada, sufinansijer je Vlada jer rekao sam da lokalne zajednice, Grad sudjeluju. Ja mislim da to nisu neki posebni novci. Samo je bitno da to bude poseban dan iz prostog razloga što znamo 2 i 3 maj to je Dobrovoljačka itd, 9. maj Dan fašizma. Da ne budu ti datumi. A mislim da proceduralno postoji takva mogućnost jer iz tog razloga, ali ako vi smatrate da je to drugačiji put, onda ne odnosi.

Predsjedavajući:

sekretarka mi sugerije da je to redovna procedura i da će se odmah naći na narednoj sjednici u kojoj ćemo potvrditi vašu inicijativu, samo prije toga pribaviti mišljenje Vlade. Ako vas mogu zamoliti da idemo poslovnici.

Poslanik/zastupnik Zvonko Marić:

zahvaljujem.

Poslanik/zastupnik Damir Nikšić:

hvala uvaženi predsjedavajući. Pozdravljam svihu. 8. radna sjednica zastupnička inicijativa za energetska efikasnost u JP i institucija u Kanton Sarajevo. U svjetlu borbe ove Vlade protiv aero zagađenja u Kantonu Sarajevo, zagađenja čiji je najveći uzročnik bezakonje, korupcija i siromaštvo a imajući na umu i poskupljenje plina za 30% kojim je Vlada FBiH izvela direktni udar na naš plan borbe protiv zagađenja u Kantonu Sarajevo na kojem smo proteklih mjeseci mukotrpno radili kao i udar na džepove korisnika čija bi prava i zaštita od monopola pored liberalizacije tržišta morali biti prioritet ako ne Vladi, a ono nama zastupnicima slobodnih građana i javnih preduzeća i usluga, ja predlažem određene mjere štednje u Kantonu Sarajevo. Prije svega pozivam građane Kantona na štednju električne energije masovnim prelaskom na led rasvjetu, na ove štedljive sijalice. Naime 100% led rasvjeta znači ušteda električne energije od 50% a to prevedeno u novac znači veliko smanjenje računa za struju. Zato i pokrećem inicijativu da sve institucije, preduzeća Kantona Sarajevo u potpunosti pređu na štedljive sijalice i da na taj način pokrenemo ovu akciju koju bi trebali izvesti do zime. Istovremeno predlažem da sve akcije utopljanja fasada, subvencija za grijanje i drugo, za osnovni uslov moraju imati aktivno korištenje štedljivih sijalica u objektu jer složit ćemo se, nema smisla utopljavati objekte i davati subvencije za grijanje rasipnicima koji ne mare za energetska efikasnost i uštedu električne energije u svojim objektima. Isto važi za nas. Nema smisla tražiti od drugih da ispune određene standarde ako ih mi nećemo ispunjavati. Zato predlažem da Vlada prihvati moju inicijativu da upotrijebi postojeća sredstva tako što će ih

usmjeriti u ovom pravcu djelovanja te da utvrdi rok do kad bi prostor javnih ustanova, preduzeća Kantona Sarajevo postati 100% led a time energetski efikasni po ovom pitanju. Lično mislim da moramo početi odmah kako bi spremno dočekali zimu. Ja sam sada napravio jedno malo istraživanje i vidio sam da ovdje u ovoj sali i tamo u prostorijama opštine Centar da postoje štedljive sijalice a kod nas na spratu u Kantonu u kancelarijama i hodnicima su neonke koje nisu štedljive. Tako da bi ja mislim mogli početi od sebe pa na dalje. Toliko za danas. Hvala.

Poslanik/zastupnik Bilsena Šahman:

zahvaljujem predsjedavajući. Pozdravljam sve prisutne i one koji imaju vremena i želje da nas gledaju kraj malih ekrana. Imala sam par pitanja koja su već kolege ispred mene postaviti, kolega Poturak i kolega Suljević tako da se neću ponavljati. Nemam namjeru da ganjam brojeve i bodove skupljam na inicijativama. Moja jedina inicijativa je danas, a prije svega da se zahvalim na odgovorenim ministrici Bogunić, KUIP, ZZO na datim odgovorima. Moja jedina inicijativa je danas da se naprave uslovi da se daju odgovori u propisanom roku jer na svoje inicijative nisam dobila odgovore preko 60 dana i kada ih dobijemo da ne budu deklarativni i prosto prošireni sa odgovorima koje već znamo i navodnom spremnošću za aktivnostima. A na tome se sve završi i kaže se nije do nas. Šta kasnije sa tim inicijativama bude, ko ih pokreće, ko nastavlja nije mi baš jasno. Komisije koje imamo također mislim da su samo formalne i ako na ovakav način nastavimo da ih sprovodimo ne opravdavaju svoje postojanje. Pitanje je bilo za premijera koje sam mu ja već postavila a on me je uputio na stručne službe. I evo ja sada da pitam stručne službe Vlade da li se inicijative na Vladi razmatraju redosljedom kojim dolaze ili po stranačkoj pripadnosti jer imam osjećaj da počela predizborna kampanja. A ujedno evo da se zahvalim kolegi Zvonki na podršci i na nekoj svojevrsnoj zaštiti jer baš imam osjećaj da nisam baš podobna sa svojim inicijativama koje nisu političke, koje su prihvatljive i interesuje me samo zdravlje i socijala što se tiče Kantona Sarajevo, ono čemu ja Vlada a ovo ostalo prepuštam kolegama. Zahvaljujem

Poslanik/zastupnik Hamed Aljović:

zahvaljujem predsjedavajući. Selamim i pozdravljam sve prisutne. Imam jednu inicijativu i jedno poslaničko pitanje.

Podnosim inicijativu prema Ministarstvu privrede Kantona Sarajevo da stvori uslove i osigura potrebna sredstva za registraciju i legalizaciju štalskih objekata i drugih poljoprivredno prehrambenih i prerađivačkih kapaciteta, što će biti uslov za korištenje poticajnih sredstava za poljoprivredu i prehrambenu industriju iz pristupnih fondova EU.

Obrazloženje: Na Kantonu Sarajevo na svih devet općina nalazi se veliki broj objekata izgrađenih bez građevinske dozvole, koji su po sadašnjim propisima neupotrebljivi, a na iste se ne mogu ostvariti poticajna sredstva Fondova Europske unije za pokretanje proizvodnje.

Moje pitanje upućeno prema Ministarstvu obrazovanja, nauke i mladih Kantona Sarajevo. Molim ministricu nauke, obrazovanja i mladih Kantona Sarajevo Zinetu Bogunić da mi odgovori da li je upoznata sa nezakonitim radnjama u JU OMS Ilidža koji se dešavaju od 2014 do danas? Ako ste upoznati pomenutim šta ćete poduzeti po pitanju toga? Naime, Mustafa Mujbegović aktuelni direktor JU Osnovna Muzička Škola „Mladen Pozajić“ se u 2014/2015 školskoj godini predstavljao kao direktor volonter JU Osnovna Muzička Škola „Ilidža“ te je isti za svo to vrijeme i do dan danas bio uposlenik u stalnom radnom odnosu u JU Osnovna Muzička Škola „Mladen Pozajić“. Uredno je potpisivao školske dokumente, kao i dopise prema trećim licima, lažno se predstavljajući kao direktor Ilidžanske muzičke škole. U istom tom periodu Septembar 2015 ovlaštenje ima i Dobroslava Ugrenović da rukovodi školom kao uposlenik sa najnužnijim ovlaštenjima. Dalje, u decembru 2015.god. Ministar obrazovanja, nauke i mladih KS, Elvir Kazazović izdaje dokument u kom se navodi da se Dijana Preljević i Mustafa Mujbegović lažno predstavljaju kao direktori JU OMS „Ilidža“ te

da su sami odgovorni za postupanje i da nemaju saglasnost MONKS-a i Vlade KS. Zahvaljujem.

Poslanik/zastupnik Amel Mekić:

hvala vam predsjedavajući. Pozdravljam gledaoce ispred TV ekrana, vas predsjedavajući, dopredsjedavajuće, premijera, ministre, zastupnike, službe i drage goste. Pitanje. Skupština Kantona Sarajevo je na Hitnoj sjednici usvojila zaključke Kolegija u cilju rješavanja problema zagađenosti zraka po kojima se od Vlade Kantona Sarajevo traži da usvoji izmjene i dopune plana interventnih mjera u slučajevima prekomjerne zagađenosti zraka u Kantonu Sarajevo. Također, tražilo se od Ministarstva prostornog uređenja građenja i zaštite okoliša da Skupština Kantona Sarajevo dostavi prijedlog za izmjene Zakona i drugih propisa koji su u nadležnosti viših i nižih nivoa vlasti, a tiču se rješavanja problema kvaliteta zraka. Vladi je naloženo da izradi plan interventnih mjera i internih planova postupanja u slučajevima proglašenja posebnih epizoda zagađenja zraka pa bih molio da nas nadležni ministar izvijesti. Svakog dana oko Sarajeva niču nelegalne deponije a skoro svakih 20 metara na pojedinim mjestima imamo istresene kamione građevinskog otpada, kabastog starog namješta itd. Pitanje za nadležnog ministra, šta rade ministri i eko policija? Pošto je turizam najbrže rastuća grana privrede, moramo da unaprijedimo turističku ponudu. Iz provjerenih informacija znam da vikendom odnosno subotom i nedjeljom imamo najviše turista u gradu, a da na žalost velika većina muzeja i svega onoga što je interesantno turistima ne radi nedjeljom, pa zbog toga molim nadležnog ministra da nedjelju uvede kao obavezan radni dan a da recimo neradni dan bude ponedjeljak kada imamo najmanje turista u gradu. Želim usmene odgovore. Hvala.

Dopredsjedavajuća Smiljana Viteškić:

hvala predsjedavajući. Ja također pozdravljam sve prisutne u sali, predstavnike medija i građane našeg Kantona. Za današnju sjednicu imam dva zastupnička pitanja. Jedno je upućeno Sanitarnoj inspekciji Kantona Sarajevo da odgovori da li su u toku aktivnosti na deratizaciji u Kantonu Sarajevo a u skladu sa Programom izvođenja preventivne systemske deratizacije na području Kantona Sarajevo 2017-2019. da li su urađene sve ciljne aktivnosti prve operativne faze deratizacije i da li će aktivnosti na preventivnoj proljetnoj deratizaciji biti završene do planiranog 30.05.2019? pitanje postavljam na inicijativu građana koji svakodnevno u podrumima zgrada, u blizini kontejnera, na obalama rijeka i smetlišta uočavaju glodare. Njihovo prisustvo izaziva opravdan strah, prvenstveno zbog mogućnosti prenošenja zaraznih bolesti.

Drugo kratko pitanje upućujem Zavodu za izgradnju Kantona Sarajevo a ono je Kada će biti završena procedura konačne izrade projekta rekonstrukcije i adaptacije vrtića Lužani u općini Ilidža? Ministarstvo za obrazovanje nauku i mlade Kantona Sarajevo je 2017 godine izdvojilo 800.000 za ovu namjenu i taj nova stoji na računu Općine Ilidža čeka se projekat koji radi Zavod za izgradnju Kantona Sarajevo. Roditelji djece ovog uzrasta sa nestrpljenjem čekaju adaptaciju ovog vrtića jer do njegove adaptacije plaćaju skuplje privatne vrtiće i djecu vode u druge općine. Hvala.

Poslanik/zastupnik Elvis Vreto:

hvala predsjedavajući. Koristim priliku da pozdravim sveprisutne, predstavnike medija. Ja imam danas jedno pitanje prema MUP-u odnosno Vladi Kantona Sarajevo. Po informaciji koju imam bivša Vlada je formirala neki operativni tim, odnosno radnu grupu koja će pratiti problematiku migrantske krize u Kantonu Sarajevo. Ja bih volio da nam se dostavi izvještaj te radne grupe šta su oni u tom proteklom periodu radili, da li je ta radna grupa trenutno u funkciji i ovom prilikom želim da čestitam ministru Katici na aktivnostima koje provodi

proteklih sedam dana po pitanju preventivnog djelovanja sa problemima migrantske krize. Eto toliko. Hvala.

Predsjedavajući:

zahvaljujem. Usmeni odgovori jel tako? Premijer Forto se javio. Izvolite.

Premijer Edin Forto:

dobar dan svima. Ja sam proveo četiri godine u klupama i svojim i mlađim kolegama iz raznih stranaka na nekoliko mjesta gdje sam razgovarao o radu u skupštinskim klupama naveo sam kako jedan od najboljih načina za političku profilaciju bilo koga ko sjedi u nekom parlamentu djelovanje kroz pitanja i inicijative. Mnogi to profesionalci u administraciji i u izvršnoj vlasti ne razumiju. Ali jedan od rijetkih načina gdje zastupnici mogu komunicirati sa građanima, sa stručnim udruženjima, sa nevladinim sektorom i generalno sa svojim interesima i to iskomunicirati u javnosti i to iskomunicirati sa izvršnom vlasti je ustvari kroz pitanja i inicijative. Potpuno podržavam sve ono što se radi u smislu intenziviranja ovog načina interaktivne komunikacije sa Vladom. Međutim, moram navesti nekoliko stvari koje su se dogodile u ovom mandatu Skupštine. Imaju u vidu da je ovaj način populariziran kroz djelovanje prethodnih stavka ova saziv Skupštine e počeo da ruši sve rekorde u količinama inicijativa i pitanja. Imamo situaciju gdje je jedan zastupnik donio 35 odjednom inicijativa i pitanja. Administracija koju smo mi kao izvršna vlast zatekli ovdje, nije kapacitirana da se bavi ovim stvarima na način na koji to novi zahtjevi ove nove skupštinske većine zahtijevaju. Jednostavno 13 ljudi u vlasti se promijenilo. Znači 12 ministara i premijer, nisu se promijenili ni administracija, ni inspekcija, ni 22.000 ljudi koji rade u institucijama, firmama, i administraciji, UNSA Kantona Sarajevo. Nismo mi doživjeli promjenu koju vi očekujete, koju vi sada mislite da treba istog trenutka sve da bude savršeno. Nemajući u vidu da se opravdam želim vam reći da sam prepoznao problem, imali smo već nekoliko sastanaka, sekretarka Skupštine zajedno sa šefom stručne službe Vlade, operativne sastanke da pokušamo naći sistem. Tačnije da ga izradimo da pitanja i inicijative koja dolaze iz ove skupštinske većine sistematski prolazimo odgovaramo na vrijeme, usvajamo ono sa čim se složimo i na pravi način odgovorimo čak i onima s kojima se ne slažemo. Taj sistem još nije zaživio u punom kapacitetu. Ja se ovom prilikom od srca izvinjavam zastupnici Šahman. Mi smo razgovarali, ona je meni iznijela tu kritiku i ja sam prihvatio tu kritiku. Desilo se da je na tražila da se riješi jedan sistemski problem u društvu koje s poslije dvije zastupnice predlaže i mi smo prepoznali ovdje dvije zastupnice. A njenu inicijativu koja je vrlo slična u smislu koji problem adresira, nije bila baš slična u smislu na koji način bi se riješio problem ali ono što zastupnica Šahman tražila je da se riješi isti problem koji su tražile zastupnice Bišćević- Tokić i Dizdarević. Ja se izvinjavam to je bio propust. Ja mogu preuzeti odgovornost za to ali evo hoću da vam kažem da postoje velika je promjena u načinu na koji ova skupštinska većina komunicira sa Vladom kroz pitanja i inicijative u odnosu na prethodne. Ogromna je razlika. Ono što ćemo mi možda razmisliti da u narednom periodu napravimo, možda da formiramo jednu posebnu službu unutar Vlade i Skupštine koja će se baviti isključivo ovim stvarima i onda na koji kroz to možemo izgraditi kapacitet da bolje komuniciramo ne samo sa zastupnicima iz bilo koje stranke da dolaze, nego i sa građanstvom. Da napravimo tu interakciju. Namjera već postoji, vi to već zahtijevate od nas, to je očigledno i kroz vaše komentare. I ja vam obećavam da ćemo se potruditi. Samo još jedna stvar, bilo je pitanje vezano za deponije. Mislim da vam ministar Mandić može reći puno o čišćenju, akciji čišćenja koju ova Vlada sprovodi posebno kada se radi o divljim deponijama ali mislim da je pitanje bilo, molim nadležnog ministra da nam kaže šta radi inspekcije. Nema nadležnog ministra za inspekcije. Samo ću vam to reći. Inspekcija je nezavisna uprava za inspekcijske poslove. Ne postoji ministar koji je odgovoran za inspekcije. Znači oni rade svoje, dostavljaju

izvještaj i Vladi i vama ovdje na Skupštinu na usvajanje. Ako ste nezadovoljni radom inspekcije imate pravo da to ocijenite u skladu sa zakonom i vašim nadležnostima. Hvala.

Predsjedavajući:

zastupnica Duraković je tražila usmeno i zastupnik Mekić. To su dva pitanja koja traže usmeni odgovor. Samo su dva bila usmeno, mi smo to zapisali. Možete li samo reći koja su pitanja. Zašto nije došao odgovor plansko upravljanje otpadom. Bilo je usmeno pitanje. Jeste li zastupnice Duraković od koga tražite odgovor? Prijavite se.

Poslanik/zastupnik Jasna Duraković.

Konkretno tražila sam odgovor od premijera Forte usmeni. Šta se uradilo po tom pitanju. Predlagala sam i strategiju koja je vrlo efektivna. Evo nisam u tom kontekstu dobila nikakav odgovor.

Premijer Edin Forto:

izvinjavam se nisam shvatio da je meni upućeno pitanje. Plansko upravljanje otpadom. Postoji strategija upravljanja otpadom koja je usvojena u prošlom mandatu ove Skupštine. Ono što smo mi kao Vlada pokušali da napravimo, to je jedan interesorni pokušaj je da skeniramo sve potrebe, kada kažem skeniramo, da detaljno proučimo sve potrebe za intervencijama u prostoru kada se radi o upravljanju otpadom ne samo zakonskim aktima kojima ćemo mi naložiti i firmama ko je se time bave poput RADA i drugim organima vlasti kako da se ponašaju. Nego jednostavno da vidimo koji su stvarni problemi posebno kada se radi o nadležnostima za upravljanje otpadom. Možda vam ministar Mandić može više o tome reći. Mi u ovom trenutku je akcija čišćenja Kantona. Ne radi se o akciji koja je samo za slikanje i da se ukloni gomila smeća i da se to uslika evo nema više smeća. Znači cilj akcije je da se na svakom lokalitetu odredi nadležnost. Postoji park koji se nalazi u neposrednoj blizini ove zgrade za koji nam se građani stalno javljaju, il je začepljeno, ima ona velika lokva bara ili je zapušten i prljav i uporno zovu nas. Niti smo mi nadležni za taj park niti je kantonalna firma imenovana i sklopljen ugovor da upravlja tim parkom. Velika je količina dezinformacija u javnosti kada se radi o odgovornosti Kantona, kantonalnih firmi u odnosu na čišćenje i odlaganje otpada. Imajući u vidu zapuštenost koju smo zatekli u ovoj oblasti mi smo kroz ovu akciju čišćenja započeli procese a onda sistemska rješenja će doći nakon toga kada prepoznamo šta se sve dešava na terenu. Moram vam još reći da je u prvih nekoliko dana preko 1000 građana se javilo na posebno odvojen broj koji je ustvari viber broj gdje šalju slike, postavljaju pitanja, predlažu inicijative, dakle ne dolaze samo iz ove Skupštine nego od građana inicijative i onda akcija čišćenja osim akcionog plana koji je usvojen na Vladi ide i prema građanima u smislu odgovora na njihove zahtjeve kada je u pitanju odlaganje otpada, posebno nelegalnih deponija koje su se danas par puta pomenule. Hvala.

Predsjedavajući.

Zahvaljujem. Kolega Marić ima još samo prije toga usmeni odgovor. Mekić je tražio ali ja nisam čuo od koga. Dopuna ovog odgovora, Filipović možete se prijaviti na mjestu.

Mi smo zapisali samo dva, iz stenograma možemo poslati. Dakle eksplicitno se kaže tražim usmeni odgovor, mi nismo to čuli. Nas četvero, petero. Filipović izvolite.

Ministar Damir Filipović.

Prije svega dozvolite sve da vas srdačno pozdravim. Imam jednu napomenu vezano za pitanje odnosno inicijativu uvažene zastupnice Jasne Duraković, radi se o sljedećem Stručna služna Skupštine je zaprimila odgovor na ovu inicijativu 20.03.2019. samo da znate da možete istu inicijativu prosljediti uvaženoj zastupnici a svakako da se radi po pitanju upravljanja otpadom i u narednoj sedmici imamo izričite sastanke, konkretne sastanke po pitanju upravljanja animalnim otpadom na području BPK Kantona, odgovore gdje mi mogli da

eventualno postavimo postrojenja spalionice. Npr to je samo jedna od radnji koja se trenutno radi. Također i sutra imamo jedan veoma važan sastanak a o tome ćemo vas obavijestiti nakon što budemo imali rezultate tog sastanka. Hvala.

Predsjedavajući:

zastupniče Mekić kome su bila upućena pitanja? Filipoviću isto.

Ministar Damir Filipović:

samo ako može da mi se ponovi pitanje vezano je za zaključke koji su proizašli pretpostavljam

Poslanik/zastupnik Amel Mekić:

da se izradi Plan interventnih mjera i internih planova postupanja u slučajevima proglašenja posebnih epizoda zagađenja zraka i da se također dostavi prijedlog izmjene Zakona i drugih propisa koji su nadležnosti viših i nižih nivoa vlasti. To je jedno pitanje. Drugo je bilo za nelegalne deponije, šta rade inspektori. A treće je bilo za ministra Kurića koji nije ovdje.

Predsjedavajući:

ministar Filipović izvolite.

Ministar Damir Filipovića

hvala što se tiče plana upravljanja odnosno plana interventnih mjera, donesen je u prethodnom mandatu novi plan interventnih mjera. Za ovu zimu će se radi također inoviran plan interventnih mjera sa novim mjerama koje bi efikasnije u tim situacijama doprinijele a u končanici dostavljeno je i Skupštini svi propisi koji treba da se mijenjaju u prethodnom periodu. Odnosno svim poslanicima je trebalo da se to dostavi. Dostavili smo također mjere organizacije za saobraćaj, i to smo također poslali Skupštini. Ovo su neke stvari koje su već urađene. Također rađeno je na Zakonu o zraku koji bi se u narednom periodu trebao da nađe na dnevnom redu.

Ministar Srđan Mandić:

kada je počela akcija, na prvom sastanku smo od preduzeća RAD informisani da je u tom trenutku bilo 78, kasnije smo došli do cifre od 87 ilegalnih deponija koje su trenutno prepolovljene. One se svakim danom uklanjaju i to je jedan od vidova. Predviđeno je također da se svaki prostor gdje je ilegalna deponija postojala da se posebno označi upozorenjem da je zabranjeno odlaganje. U međuvremenu je pojačan rad i mi ćemo napraviti jednu informaciju kada se završi detaljan ali je pojačan rad i komunalnih redara i eko redara i komunalne inspekcije koja će raditi na sankcionisanju onih koji se budu vraćali na te lokacije ili budemo otkrivali druge lokacije. Dakle ono što je premijer, dozvolite samo da kažem da će se nakon ove zaista kampanje mi smo isto tako u saradnji sa Zavodom za planiranje će se raditi na apdejtovanju geografsko informacionog sistema, na žalost firma rad nije ekipirana, kapacitirana da još uvijek nisu dobili softver. Opremit ćemo ih softverom i obučiti ljude da se ne dođe ponovo u situaciju da ne znamo da ih moramo otkrivati. Dakle pratit ćemo. Ova akcija se početak sistemskog rješavanja zbrinjavanja otpada kada su u pitanju pretpostavke dok ne dodemo tamo do Smiljevića koje ćemo rješavati također paralelno. Ali imamo taj kao što ste rekli veliki broj. Sada ćemo iz ove akcije izaći sa jednim novim sistemom upravljanja otpadom na način da će sve lokacije u gradu biti posebno označene. Građani će tačno znati za koju površinu je nadležan koji da li je to u pitanju KJP Park, Rad ili je gradska opština ili Grad angažovao neku firmu. Postojati će označen poziv sa brojem telefona kako bi građani mogli prijaviti nelegalno odlaganje otpada ili prijaviti bilo kakvu drugu aktivnost kako bi se moglo brže reagovati. To je suština. Ilegalne deponije, bilo ih je kada smo krenuli 87. sada su

već prepolovljene. Naš je cilj do kraja akcije to će biti do kraja juna mjeseca da u gradu više ne bude ilegalnih deponija. Nakon čega ćemo preduzimati mjere prevencije odnosno ako se budu pojavljivale sankcionisati sve one koji budu ponovo nelegalno odlagali otpad.

Predsjedavajući:

hvala. Dopune odgovora iako nije bilo direktno postavljeno vama. Ali je praksa da se objasni odgovor zastupniku kada postavi pitanje. Javlja se vi koji niste tražili usmeni odgovor. Javljaju se ministri da vam odgovore na pitanja koja ne traže usmeni odgovor. Molim vas da poštuju Poslovnik. Dostavit ćemo vam stenogram da vidite ko je tražio usmene odgovore i marljivo to svaki put sekretarka zapiše. Ovo nam se pretvara u govornicu. Sat vladin obično traje dva, ako uvedemo četiri minute bit će tri ili četiri, i to ćemo napraviti od sjednica Skupštine Kantona Sarajevo. Molim vas da se vratite u okvire Poslovnika koji kažu na usmene zatražene odgovore usmeno odgovaraju ministri, pismene ko traži obavezno do kraja sjednice dostavlja u pismenoj formi inače se pitanje ne tretira. Kolega Marić ima zahtjev za izjašnjavanje o inicijativi, kolega Čelik ima zahtjev za izjašnjavanje o inicijativi. I kolega Handžić ima. Imate nezadovoljstvo odgovorom. Kolega Marić.

Poslanik/zastupnik Zvonko Marić:

zahvaljujem predsjedavajući. Uvažavam sve ovo što je rekao premijer Forto vezano za rad i broj inicijativa i naravno u tome treba biti bolji nego što je bilo ranije. I naravno dogovorili smo i rekli, sve kroz Poslovnik odnosno nacrt koji ćete imati u nekoliko narednih minuta pred sobom ali ću vam reći i jednu stvar, gospodine Forto kada je riječ o ovoj inicijativi kolegice Šahman ona je 28.02. podnesena. Ona nije ni do danas dobila odgovor na to a promptno su riješene inicijative druge dvije zastupnice. Molim vas kakav bih ja bio predsjednik kluba ukoliko ne bih držao do dostojanstva zastupnice koja sjedi sa mnom u klupama. O tome se radi. Ni do danas nije dobila odgovor na inicijativu. Barem iz pristojnosti. Dobila je u petak od ZZO. O tome se radi. Zato što se pokreće negativna energija a samo se sjetimo da je ista zastupnica podnijela također inicijativu za zaštitu od primitivizma gospode ministrice Bogunić. I onda zastupnici su licemjerno sjedili tamo većina njih, barem čast izuzecima i nisu htjeli da se solidariziraju sa takvim načinom. Znači dvostruki aršini nam nisu potrebni, licemjerstvo razara povjerenje. Prema tome molim vas ako je moguće da samo uvažavamo jedni druge. To je put. Drugačije ne ide.

Predsjedavajući:

hvala kolega Mariću. Kolega Stojanović kaže da je tražio usmeni odgovor. Mi nismo zapisali. Moguće da je greška. Provjerit ćemo stenogram. Vi insistirate na usmenom odgovoru. O kojem se pitanju radi?

Poslanik/zastupnik Igor Stojanović:

dakle, volio da provjerite mislim da je greška do vas predsjedavajući do sekretara, jer je dodatno ministar Bašić došao upravo da razjasni moje pitanje da bi mi mogao usmeno odgovoriti. Mi smo već komunicirati na tom planu. Ja sam spreman da ponovim ako postoji prostor bez ikakve namjere da narušim Poslovnik u bilo kojem dijelu. Radi se o dva pitanja. Tražio sam usmeni odgovor od ministra privrede da nas obavijesti kakvo je stanje zatekao po pitanju građenja i kvaliteta vode u vodo zaštitnoj zoni. Kakvo je stanje zatekao a posebno sam tražio pismeni odgovor da kaže koje su to mjere koje su eventualno predviđene da bi se ovo područje zaštitilo. Drugo pitanje je kakvo je stanje Vlada zatekla u sarajevskom polju kada je u pitanju izgradnja? I s obzirom da je situacija alarmantna na navedene fakte koje sam iznio o nivou olova koje je izmjereno u vodi ja sam tražio čisto da vidim šta je ministar zatekao, a vjerujem da ćemo mjerama u dogledno vrijeme razgovarati. I razumijem ako je to obimna

informacija da se ministar izjasni ali evo ja sam zapisao i poslao u pismenoj formi gdje se čak navodi da se usmeno traži ovaj dio odgovora ako je to moguće.

Ministar Haris Bašić:

hvala lijepo. Dakle od kako je zastupnik Stojanović postavio ovo pitanje pokušao sam kontaktirati svoje kolege u Ministarstvu da mi daju detaljnu informaciju za ovu usmenu upotrebu i da vam je prenesem da bi ona bila malo egzaktnija, jasnija, sistematskija od ove koju ja mogu tek tako iznijeti. Tako da bih vas zamolio da i pismenu informaciju uskoro dostavim. Mogu samo onako reći po onome što sam imao kroz rad, u posljednjem nekom periodu. Da su se pojavile neke informacije koje treba provjeriti detaljno i da ima pritisaka za izgradnju. Ministarstvo privrede na čelu sa mnom se izborilo protiv toga ne dozvoljavamo koliko možemo da se to tako rasplamsa u vodozaštitnoj zoni i pojavile su se neke informacije koje sam ja vidio koje su došle oficijalnim nekim kanalima da treba dobro preispitati ovo što ste vi kazali odnosno kvalitet vode. Pošto je to ozbiljna tema koja zahtjeva sistemski pristup i ozbiljne se informacije moraju dijeliti kako vama kao poslanicima tako i građanstvu. I ja bih se zadržao ovdje pa bih vas zamolio da dostavim ostatak u pisanoj formi. Hvala vam lijepo.

Predsjedavajući:

zahvaljujem ministru Bašiću. Pozovite zastupnike. Izjašnjavat ćemo se o inicijativama za koje su proceduralno zastupnici tražili izjašnjenje Skupštine. Ima li neki red ili kako je na stolu.

Zastupnička inicijativa kolege dopredsjedavajućeg Vibora Handžića Predstavničkom domu Parlamentarne Skupštine izmjena i dopuna Izbornog Zakona kako bi se nacionalnim manjinama omogućila zastupljenost u kantonalnim skupštinama. Molim kolege da se izjasne o ovoj inicijativi.

Možete glasati. Molim rezultate glasanja.

ZA JE GLASALO 23 PROTIV I SUZDRŽANIH NIJE BILO KONSTATUJEM DA JE SKUPŠTINA USVOJILA INICIJATIVU DOPREDSJEDAVAJUĆEG VIBORA HANDŽIĆA.

Zastupnik Mirza Čelik da se u članu 217 stav 1) Poslovnika Skupštine Kantona Sarajevo izvrši izmjena tako da umjesto tri minute stoji četiri minute.

Molim Skupštinu da se izjasni o ovoj inicijativi. Inicijativa za izmjenu Poslovnika.

Možete glasati. Molim rezultate glasanja.

ZA JE GLASALO 6 PROTIV 14 SUZDRŽAN 5

KONSTATUJEM DA SKUPŠTINA NIJE USVOJILA OVU INICIJATIVU.

Ali u okviru javne rasprave kolega Čelik danas ukoliko usvojimo Nacrt Poslovnika ovu temu predviđene su njene izmjene možete tretirati i uputiti sugestije koje ste danas proslijedili Skupštini.

Zahvaljujem. Time smo iscrpili dnevni red. Čekamo inicijativu kolege Marića. Molit ću Vladu za razumijevanje da nam do naredne sjednice zauzme stav i vrati. Pitanje smatramo bitnim, žao mi je što samo Skupština Kantona Sarajevo ovom danu daje adekvatan značaj i zaista bi bilo bitno zakonom ga precizirati dan u kom se obilježava stradanje djece Sarajeva smatram lično jednim od najvažnijih dana sjećanja na agresiju i sve ono što se u Kantonu Sarajevo dešavalo.

Idemo dalje. Tačka dva:

AD – 2.

PRIJEDLOG ZAKONA O IZMJENI ZAKONA O KOMUNALNOJ ČISTOĆI - HITNI POSTUPAK

Prijedlog zakona ste dobili uz poziv za sjednicu. Molim predstavnika Predlagača da podnese uvodne napomene. Ministar Mandić. Samo suštinu Zakona. Ono je bilo karakter hitnosti. Sada ono što smatrate bitnim za Zakon, za njegov sadržaj.

Ministar Srđan Mandić: UVODNO IZLAGANJE

Predsjedavajući:

zahvaljujem ministre Mandiću. Ima li pitanja za ministra Mandića? Da li se neko javlja za raspravu. Ukoliko se niko ne javlja za raspravu, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENI ZAKONA O KOMUNALNOJ ČISTOĆI.

ZA JE GLASALO 25, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVAJ ZAKON.

Tačka tri:

AD - 3.

PRIJEDLOG ZAKONA O IZMJENI ZAKONA O KOMUNALNIM DJELATNOSTIMA - HITNI POSTUPAK

Treba li vam dodatno obrazloženje, identično kao je uvod i kao prethodni Zakon. Ima li potrebe? Nema. Da li ima pitanja za ministra Mandića? Nema. Javlja li se neko za raspravu? Otvaram raspravu. Niko se ne prijavljuje. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENI ZAKONA O KOMUNALNIM DJELATNOSTIMA.

Molim rezultate glasanja.

ZA JE GLASALO 25, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVAJ ZAKON.

Tačka četiri

AD – 4.

NACRT POSLOVNIKA SKUPŠTINE KANTONA SARAJEVO

Nacrt ste dobili uz poziv za sjednicu.

Molim predstavnika Predlagača da podnese uvodne napomene. Predstavnik predlagača predsjedavajući Skupštine Kantona Sarajevo. Kolegij a u ime Kolegija, ukratko ću.

Već nekoliko godina je trajala ideja Skupštine Kantona Sarajevo da se mijenja Poslovnik kako bi se tehnički uredili neki nedostaci. Zadužena čak i jedna radna grupa u prošlom mandatu koja je došla čak do prijedloga koji nikada nije ugledao svjetlo dana i nije se našao u skupštinskoj proceduri. Ovog puta po zaduženju Kolegija, radna grupa u nekoliko čini mi se dva mjeseca pripremila je nacrt Zakona koji bi trebao ići u javnu raspravu i trajati 15 dana a koji nema neke suštinske izmjene osim možda onih koji se tiču a izazivaju evo javnu pažnju samo bih njih mogao prokomentarisati. Načina zakazivanje sjednice kada je riječ o smjeni

Vlade. Dosadašnji koncept je bio da 12 zastupnika 1/3 može svojim zahtjevom sazvati sjednicu na kojoj bi se raspravljalo o povjerenju Vladi Kantona Sarajevo. U prijedlogu nacrtu Kolegija radne grupe da to bude 18 onih potrebnih koji bi glasali za takvu smjenu i čini mi se da bi to bilo logičnije a se ne iscrpljujemo na predugim sjednicama a formalno pravno usklađujemo i sa vladinim drugim imenovanjima i Ustavom i načinom funkcionisanja Skupštine tako da apsolutno se ne radi ni o kakvoj zaštiti bilo kakve smjene ona je i dalje identična kao što stoji. Samo što se izbjegavaju neke možda maratonske sjednice u kojima bi smo dugo razgovarali a možda se to ne bi desilo. 18 zastupnika koji potpišu zahtjev za takvu sjednicu u rokovima koje Poslovnik propisuje adekvatno bivaju tretirani zahtjevi. Sjednica se zakazuje i povjerenje vladi se glasa. Druga stvar koju smo imali neuređenu a tiče se rukovodstva Skupštine, dosadašnja procedura moguće smjene, evo predsjedavajućeg Skupštine nije bila jasno propisana Poslovnikom. Ovdje smo predvidjeli način na koji se ona uređuje. I ukoliko jedna polovina članova Kluba Bošnjaka, govorit ću o sebi, zatraži smjenu predsjedavajućeg ta tačka se nalazi na DR naredne sjednice o njoj se izjašnjava Skupština. Ukoliko 18 ruku bude za, pojednostavljuje se procedura promjene bilo koga iz rukovodstva Skupštine a sve ostale procedure ostaju iste. Bilo je također nekih tehničkih izmjena u kojima ste učestvovali i sami. Saslušali smo prijedloge klubova, bili su zaista vrlo aktivni svi klubovi i evo volio bih da čujemo u raspravi o Nacrtu Poslovnika vaša mišljenja. Naravno da odgovorimo na sva pitanja. Ideja je da se Nacrt uputi u javnu raspravu 15 dana. Primjedbe se šalju Kolegiju koji vodi javnu raspravu i dužan je nakon javne rasprave podnijeti Skupštini izvještaj i u formi prijedloga donijeti izmjene i dopune Poslovnika. Da li predstavnici radnih tijela žele riječ? Ako ne, ima li pitanja? Kolega Mirza Čelik izvolite.

Poslanik/zastupnik Mirza Čelik:

zahvaljujem predsjedavajući. Kasnije ću uzeti sebi za pravo da diskutujem i da neke dam smjernice kako bi trebalo pobošljati ovaj Poslovnik i neke stvari ću kazati, proći kroz sve članove. Ali me interesuje član 109. piše: „poslanik zastupnik ima pravo na novčanu naknadu za svoj rad u Skupštinu te naknadu materijalnih troškova u skladu sa zakonom?” šta znače materijalni troškovi, ja znam šta znače materijalni troškovi i u skladu sa zakonom. Kojim zakonom? To ako nam možete samo pojasniti ili vi ili sekretar kako bi mogli kasnije diskusiju objediniti. Hvala.

Predsjedavajući:

kolega Čelik ovo je postojeći član Zakona koji se ne mijenja. Dakle ovdje su vam boldirane izmjene, već stoji u Poslovniku, ovo je stara odredba. Ja mogu logicirati. Zakonom su propisana prava zastupnika, paušal je neka vrsta nadoknade također po nekim zakonima. Mi smo to pobliže uredili zakonom o platama koji smo mijenjali evo već na samom startu. Ova odredba se ne mijenja, ne tretira se, nije predmet ove javne rasprave ali evo, radi respekta možemo eventualno potražiti odgovor od pravnika. Ovo je stari član Poslovnika koji je stajao ovako kako sada piše. Sekretarko jel imate vi još nešto dodati.

Sekretar po ovlaštenju Almira Kulovac Šetkić:

nemam. To je to. Ništa nismo mijenjali. A u javnoj raspravi o...

Predsjedavajući:

Možemo se pozanimati pa onda sve zakone iščitati koji se tiču imenovanja i prava imenovanih zvaničnika, dužnosnika, zastupnika. Uglavnom ovaj član se ne tretira, ovdje se vjerovatno misli na paušal koji se tretira kao jedna vrsta nadoknade za ono što Poslanik izgubi obavljanjem poslova u Skupštini. A zbog toga smo između ostalog profesionalcima ukinuli paušal jer je u toj interpretaciji tog prava našli smo probleme. Ima li još pitanja. Ako nema pitanja. Otvaram raspravu. Kolega Mirza Čelik se javio. Izvolite.

Poslanik/zastupnik Mirza Čelik:

zahvaljujem predsjedavajući. Pa evo ja ću krenuti po članovima.

Mislim da u članu 8 trebamo imati prelazne odredbe a evo iz kojeg razloga često se dešava da nam prvo i to je normalan tok da na prvoj radnoj sjednici se imenuje Komisija za izbor i imenovanje i administrativna pitanja. Ali mislim da bi trebali imati prijelazne odredbe da ovlastimo sekretara da u ovom praznom vakuumu moramo imati radno pravne statute potpisane za neke radnike koji trebaju da se vrate na svoje radno mjesto a imaju zakonski rok predviđen za to. Obično sjednica Skupštine se ne zakazuje u prvih mjesec dana i to nam je stvarno problem. I mislim da bi to trebali u ovom članu definisati da na neki način nađemo modus da sekretar Skupštine bude ovlašten od kraja mandata do imenovanja nove Komisije za izbor i imenovanje i administrativna pitanja. Da on može potpisivati radno pravne akte.

Također u članu 10 stav 3) kaže: „četiri kandidata čiji je izbor potvrdila Skupština između sebe odlučuju ko će biti predsjedavajući i odluku saopštavaju skupštini”. Šta će se desiti ako se nisu mogli dogovoriti? To trebamo isto definirati ovim članom. I da razradimo ovaj član u smislu da se zna ko će glasati i potvrditi predsjedavajućeg odnosno prvog, drugog ili trećeg dopredsjedavajućeg.

U članu 11. kaže pasus novi: „Skupština natpolovičnom većinom od ukupnog broja od izabranih poslanika zastupnika u Skupštini će birati kandidate sa istim brojem glasova za predsjedavajućeg ili zamjenika predsjedavajućeg.” jel to znači da ću ja kao Bošnjak glasati za dopredsjedavajućeg ili predsjedavajućeg iz Kluba Srba ili Ostalih ili Hrvata. Mislim ako su tamo dva, evo sada konkretno što znači da kolega Stojanović može inicirati po ovome da se ide u smjenu rukovodstva odnosno dopredsjedavajuće Smiljane Viteškić i da mi kao Skupština trebamo da glasamo iz reda Srba ko će biti dopredsjedavajući odnosno predsjedavajući. Mislim da ovo treba zaista razraditi. Ako je to Zakonom izbornim definisano da ide žrijebanjem i ako je to završeno na taj način, trebalo bi taj član i prilagoditi.

U članu 22. mislim da je malo da Klub može formirati politička stranka sa dva poslanika u Skupštini Kantona Sarajevo i to smo imali i do sada i mislim da bi trebao ostati pasus da tri poslanika u Skupštini čine klub a svakako da parlamentarnu grupu trebaju da čine dva zastupnika i tu nema ništa sporno.

U članu 23. član 23 objašnjava da klubovi postoje i sve ostalo. Ali bi trebali i ovaj član razraditi i definisati da se ne dolazi u situaciju kao što imamo da klubovi budu dislocirani iz ove zgrade na neke objekte ko ji su u vlasništvu Kantona Sarajevo, odnosno da svi klubovi trebaju da budu zaista u ovoj zgradi i da se definiše koliko tih klubova ima i koliko prostorija se može obezbijediti da funkcioniše normalno klub. Ako ste me razumjeli mislim da znate o čemu pričam.

Član 27. stalna radna tijela obrezuju se prema stranačkom sastavu Skupštine u najvećoj mogućoj mjeri. Ovaj pasus bi trebalo izmijeniti. Ovo u najvećoj mogućoj mjeri bi trebalo napraviti formulu kako ćemo dodjeljivati nekome mandate u Skupštini odnosno u komisijama skupštinskim jer se dešava često da većina koju evo bilo ko da čini, napravi da od izabranih zvaničnika odnosno klubova koji imaju najveći broj mandata recimo smanje broj ovih vanjskih članova a imenuju u suštini zastupnike u komisije, to mislim da bi trebalo napraviti i taj obrazac i formulu za dodjelu mandata.

Član 28. ako često pričamo o smanjenju troškova i piše ukupan broj članova stalnog radnog tijela ne može biti veći od sedam. Ja bih ovaj član također predložio da se izmijeni radi smanjenja troškova i stavio bih da ne može biti veći od pet. Obrazloženje nema potrebe da kažemo. Evo čisto radi smanjenja troškova. U komisijama čest stavljamo ljude koji su nekako bili aktivni u predizbornoj kampanji a nikako izgleda kako bi trebalo da stavljamo ljude koji su kompetentni za neku određenu oblast.

Član 33 također privremeno radno tijelo može imati od pet do sedam članova. To bi trebalo uskladiti sa ovim što sam već kazao i da stoji da treba imati od tri do pet članova.

Član 37. pod) komisija za rad i socijalnu politiku. Ja bih ovdje izmijenio i stavio bih Komisija za rad, socijalnu politiku i porodicu. Jer često pričamo o porodici a nigdje se ne dotiče u komisijama.

Također u članu 48 Komisija za rad, socijalnu politiku dodati „i porodicu”.

Izvinjavam se. Član 67 također bi trebalo definirati šta ako Vlada izgubi povjerenje skupštinske većine. Imamo rokove koji su predviđeni za smjenu Vlade, i određeni rokovi. Zato ako imamo potpisanih 18 kao što ste već kazali to ide u hitnu proceduru, i to jest hitna procedura a ne da utvrđuje Kolegij da li je hitnog karaktera, odnosno da li u Kolegiju postoji većina da odredi da li se treba zakazati sjednica hitnog karaktera.

Član 70. sjednice Skupštine saziva predsjedavajući Skupštine a u slučaju njegove spriječenosti jedan od njegovih zamjenika, također i zamjenik nije definisano ni predsjedavajući ni koji je to rok za sazivanje sjednice Skupštine i mislim da bi u članu 70 trebali da stavimo rokove koji su obavezujući za predsjedavajućeg ili dopredsjedavajuće da sazove a ako odbije onda 1/3 ide svakako da sazove sjednicu Skupštine. Ali ovdje nisu definisani rokovi mislim a bi trebali definirati rokove.

Član 72 definisati i vezati se za član 67 koji sam maloprije komentarisao.

Član 74. prijedlozi za izmjene prijedloga dnevnog reda radne sjednice dostavljaju se Kolegiju u pismenoj formi sa obrazloženjem najkasnije četiri dana prije održavanja sjednice. Ovaj član bi trebali dopuniti da se ne može izvršiti dopuna dnevnog reda, a tiče zakona, bilo koje vrste.

Član 84. nakon utvrđivanja kvoruma sjednice pa se pominje tamo u drugom dijelu da predsjedavajući utvrđuje kvorum, mislim da bi to trebali u ovom članu definirati da stručne službe utvrđuju kvorum i da tako treba ostaviti. A nastavak i dopunu dnevnog reda u skladu sa članom 73 Poslovnika bez raspravljanja stavi na dnevni red na izglasavanje. Ja mislim da bi ovdje trebali da imaju pravo bar šefovi klubova da diskutuju o dnevnom redu, samo šefovi kluba tri minute, bez prava na drugu raspravu, i bez prava na replike i svih zastupnika. A tiče se nekada, evo da mi iz kluba SDA imamo primjedbu na dopune dnevnog reda pa se zato i javljamo i zaista tražimo da nam se omogući ako je dopunjen dnevni red sa onim obimnim materijalom koji bi trebao da bude na drugoj sjednici onda bi trebalo da nam se dopusti da kažemo nešto o samom dnevnom redu.

Član 87 uvodno izlaganje premijera ili ovlaštenog predstavnika Vlade ne može trajati duže od 30 minuta. Ovdje bi trebali da stavimo riječ gosti. Znači imali smo često da nam nekada gosti u prethodnom mandatu drže uvodne napomene duže od 30 minuta iako to nije definisano Poslovníkom. Ali sada bi bilo definisano.

Član 88 za predstavnika radnih tijela do 5 minuta. Pa se stavila nova rečenica ukoliko se za raspravu o pojedinim pitanjima dnevnog reda javi

Predsjedavajući:

kolega Čelik jel u ime Kluba govorite deset minuta isteklo?

Poslanik/zastupnik Mirza Čelik.

Ne govorim u ime Kluba. Evo javit ću se ponovo za drugu diskusiju.

Dopredsjedavajuća Smiljana Viteškić.

Hvala predsjedavajući. Evo ja imam primjedbu na obrazloženje ovog Nacrta. Predsjedavajući i predsjednik radne grupe nam je to usmeno obrazložio ali ja smatram da je uz Nacrt Poslovnika trebalo dostaviti pismeno obrazloženje sa svim elementima koji su propisani Uredbom o postupku i načinu pripremanja izrade i dostavljanja pripisa kako stoji u Službenim novinama Kantona Sarajevo broj 50/17 kao i mišljenje Ureda za zakonodavstvo Vlade Kantona Sarajevo i Ministarstva pravde i uprave. I evo kada sam uzela riječ, možda kratko, naravno bit će još pismenih primjedbi u toku javne rasprave. Član 28 pored članova u radno tijelo iz člana 37 stav 1 alineja mogu se imenovati predstavnici socijalnih partnera. Mislim da

bi trebalo imenovati ko su ti socijalni partneri, predstavnici sindikata, razvojnih agencija, poslodavaca itd i ko će kandidovati te socijalne partnere. Kada sam pripremala ovo sada mi je jasno ko će kandidovati ali eto ipak da stoji to u ovom članu 28.

U članu 12 mislim da treba dati mogućnost smijenjenom kandidatu da se očituje o razlozima smjene, bilo koga da smijenimo u ovoj Skupštini i to nije lično zbog mene nego zbog svih budućih koji će raditi po ovom Poslovniku Skupštine Kantona Sarajevo. Znači dati mogućnost smijenjenom kandidatu da se očituje o razlozima smjene. I u članu 175 za sada dodati u vezi sa autentičnim tumačenjem Zakona da osim poslanika/ zastupnika Skupštine radnog tijela Skupštine, Vlade i općinskih i kantonalnih sudova zahtjev za autentično tumačenje može podnijeti i općina koja naravno evo radi po zakonima Kantona Sarajevo. To je za sada u narednom periodu u pisanoj formi vjerovatno.

Poslanik/zastupnik Damir Marjanović:

zahvaljujem predsjedavajući. Pa dobro, vrlo kratko. Vrli jasna intencija pozitivnog modificiranja Poslovnika i ohrabrujem da se u svakom sljedećem dokumentu neke stvari preciziraju da bi se izbjegle određene nedoumice da se ne bi gubilo vrijeme na nekim stvarima koje bi trebale biti očite. Jedino što mogu da primijetim da pojedini par stavki kolega Čelik je to već hvala vam velika, kolega Čelik je to primijetio u određenim članovima. Čak u ovim novim modifikacijama mislim da treba mala semantička zatezanja i utezanja da sa novim izmjenama ne bi izazvali neke nedoumice. Ja nisam pravnik ali recimo u članu 18 jedna rečenica koja kaže: na sjednici Kolegija umjesto predsjednika kluba poslanika može doći član kluba koji ima ista prava i obaveze. Ko ga je imenovao da dođe, ispred koga itd. Da ne bi u jednom momentu došla dva člana kluba koji bi imali opet ista prava i obaveze. Intencija je jasna ali neka mala dotezanja će definitivno biti potrebna i radujem se u narednih 15 dana da damo i određene sugestije.

Dopredsjedavajući Vibor Handžić:

zahvaljujem predsjedavajući. Ja neću imati dugu diskusiju. Nisam htio da se javljam kolegi Čeliku za replike pa ću eto iskoristiti ovo vrijeme za neku vrstu diskusije na Poslovnik kao član radne grupe koja je učestvovala u pripremi Nacrta Poslovnika Skupštine Kantona Sarajevo. Član 11. nacrta Poslovnika SKS koji je čini mi se kolega Čelik komentarisao u kontekstu izbora predstavnika naroda i ostalih u rukovodstvo Skupštine i u kontekstu ukidanja mehanizma žrijebanja. Ja lično smatram i ja sam bio član radne grupe koji se zalagao, to je bio moj prijedlog da se ovaj član mijenja, zato što smatram da je izvlačenje visokih javnih funkcija iz šesira neozbiljan mehanizam za bilo kakve demokratske procedure. Mi svakako ne možemo spriječiti pravo bilo kojem narodu ili predstavniku Ostalih da participira u rukovodstvu jer ako govori se o istom broju glasova, ako nije jedan predstavnik jest drugi predstavnik naroda ili Ostalih. Samo smatram da je glas većine u Skupštini kao izabranih predstavnika građana puno ozbiljniji mehanizam, ima puno veću težinu od izvlačenja iz šesira. Član 12. Poslovnika je novo propisani član jer mi nismo imali prije u Poslovniku uopšte propisan način i proceduru smjene bilo kojeg člana rukovodstva Skupštine i to se po prvi put omogućuje ovim članom. Zašto je stavljeno da pola kluba može podnijeti inicijativu za smjenu? Zato što klub naroda ili Ostalih čine minimalno dva zastupnika tako da upravo zbog te činjenice smo i stavili taj mehanizam u Poslovnik. Ja ću vas stvarno ne želeći da repliciram ali podsjetiti na jednu činjenicu koja se desila na konstituirajućoj sjednici Skupštine Kantona Sarajevo. Vi ste pod istom argumentacijom da ne možemo jedan narod birati drugom narodu koga će delegirati kao predstavnika u rukovodstvu, ko ju smo mi prihvatili argumentaciju, a Skupština se svakako na kraju izjašnjava za kompletno rukovodstvo pa sam ja kao Ostali potvrdio glasanjem za i da predsjedavajući Konaković sjedi ovdje i da zamjenice predsjedavajućeg Viteškić Kristić sjede ovdje a tako ste isto vi koji ste

komentarisali da ne smijemo drugom narodu mi birati predstavnike glasali protiv ili suzdržan evo da ne bih slagao, ne sjećam se tačno. Isto tako za izbor članova rukovodstva iz reda drugog naroda ili ostalih. Tako da Skupština svakako potvrđuje izbor ili razrješenje tako da taj argument apsolutno ne stoji. Što se tiče člana 18 mi smo imali često dileme u praksi na Kolegiju kada se pojavi neki drugi predstavnik kluba umjesto predsjednika da li on ima pravo glasa na tom Kolegiju. Pa smo mi nekako prema tumačenju većine ljudi smatrali da ima pravo i željeli u ovom članu Poslovnika samo da jasno definišemo da onaj ko dođe da mijenja predsjednika kluba ima stvarno puna prava kao i predsjednik kluba. Sugestija kolegi Marjanovića je ok, samo treba dodati po ovlaštenju predsjednika. Da bi sve bilo proceduralno jasno. Ja bih još kao pozitivnu izmjenu ovdje u članu 22 pozdravio ovu činjenicu da se u novom Nacrtu Poslovnika propisalo da jedna politička partija može formirati samo jedan klub u Skupštini Kantona Sarajevo. Eto ukoliko bude potrebe javit ću se za drugu diskusiju. To je dovoljno za sada. Zahvaljujem.

Poslanik/zastupnik Zvonko Marić.

Zahvaljujem predsjedavajući. Budući da sam radio u toj grupi na izradi novog Poslovnika ne mogu da se ne osvrnem i kažem da sam ne malo iznenađen istupom kolege Čelika. Mislim da je u toj grupi trebao sjediti i predstavnik SDA ali vrlo je čudno da se dobije inspiracija jedino na sjednicama a kada je riječ o radu komisija stalnih skupštinskih tijela i drugih radnih grupa SDA naprosto ne sudjeluje. Evo u komisija čiji sam ja predsjedavajući ne znam da li je i jednom došao predstavnik SDA. Mislim da bi svi mi ovdje zajedno i pod zakletvom smo, trebali da sudjelujemo u svim procesima u Kantonu Sarajevo i da doprinosimo funkcioniranju svih skupštinskih tijela, Skupštine, Vlade itd. Ovo što je iznio i čak se priprema da još iznese takvih stvari, ja mislim da je barem u toliko dana koliko je rađeno na Nacrtu ovoga Poslovnika trebao barem jednom dobiti ovaj napad inspiracije kao što je riječ sada na ovoj sjednici. Nekorektno je, zaista to smatram nekorektno jer mi smo danonoćno radili takoreći dugo smo radili i sada nipodaštavati time što će nam naknadnom pameću reći šta to nije dobro što smo radili toliko dana. To je nekorektno prema nama zastupnicima i mi smo kolege. Ne bih volio da ulazim u raspravu, dalje u polemiku, ali ne sporim njegovo pravo da sudjeluje u javnoj raspravi i svemu drugome ali također nedopustivo je da ne sudjeluje ni jednom takoreći niko od njih i na kraju krajeva molim vas prestanite sa korištenjem ove formulacije „pismeno” - „nepismeno”. Pa suprotno od pismenog je nepismeno. U pisanoj formi, dopredsjedavajuća. Nema tu nepismeno, pismeno. Ima pisana forma, pisanim putem itd. Dakle vodite računa o tome jer ljudi nas gledaju a to je elementarna stvar pismenosti i stalno govorimo pismenim putem, pa u pisanoj formi, na pisan način itd. Dakle ne sporim i podržavam da sudjeluje barem na ovaj način, naravno u predstavi za građane, ni to ne osporavam, međutim osuđujem ono što se ne sudjeluje kada je riječ u radu skupštinskih tijela koja zasjedaju čini mi se uoči svake sjednice, sva skupštinska radna tijela i to stalna skupštinska tijela i radne grupe, na kojima bi trebalo ravnopravno učešće uzeti i kolega koji dolazi iz SDA, a sa puno kritika govori o ovom Poslovniku. Hvala vam.

Predsjedavajući:
replika kolega Čelik.

Poslanik/zastupnik Mirza Čelik:

evo ja prije svega ne znam zašto kolega Marić ima ovakav istup ja vjerovatno razmišljam na sljedeći način, ne poznaje Poslovnik pa da je javna rasprava i kroz nacrt i kroz današnju diskusiju sastavni dio javne rasprave. Moja diskutiraj za izmjene i dopune Poslovnika koje su danas u formi nacрта. Ja vjerujem da je on to malo nešto pogriješio. Ali evo nadam se da mu se neće više dešavati. Hvala.

Poslanik/zastupnik Zvonko Marić:

kolega Čelik nisam ja pogriješio. Ja samo govorim o nekonzistentnosti vašoj. Vi ste mogli sve to da kažete i bilo bi nešto uvaženo, a ne da maltretiramo ljude vašim jalovim neprimjerenim diskusijama. O tome se radi. Vi ste mogli kroz rad grupe i imalo je mjesta i za člana SDA, a obično je ubilo upražnjeno. Niste bili ni na koji način hendikepirani i sada treba da slušamo i vašu drugu diskusiju i vaše druge primjedbe koje su otkaz naknadne pameti. O tome vam govorim, nekorektno je prema nama zastupnicima trebali ste uzeti sudjelovanje ali očigledno da vam je potrebna javnost i da napravite predstavu. Dajte molim vas.

Poslanik/zastupnik Mirza Čelik:

zahvaljujem predsjedavajući. Pa evo i vaša sugerišem da zaista trebate ovakve istupe zastupnika koji sve pokušavaju da krše etički kodeks a vas ću napomenuti da u članu 11 stav c) pročitamo zajedno svi Etički kodeks koji je još na snazi da ne smiju koristiti izraze i riječi koje mogu vrijeđati ili omalovažavati drugog i drugačije. Izrazite ili mimiku ili njihove sinonime. Zaista vas molim da sljedeći put zastupnike koji to čine prekinete u njihovoj diskusiji.

Predsjedavajući:

hvala kolega Čelik. Kolega Zvonko Marić druga replika i kraj replika.

Poslanik/zastupnik Zvonko Marić:

zahvaljujem predsjedavajući. Kolega Čelik to što ste vi citirali vi ste sudjelovali u kreiranju tog Etičkog kodeksa koji nikada niste pomenuli u prošlom mandatu. Sada ga pominjete a znamo šta je sve ovdje izgovoreno. Prema tome, nemojte da igrate na kartu našeg zaborava, znamo šta je ko radio i nemojte da se pozivate demagoški na te kojekakve članove. Mislim vrlo je nepristojno sa vaše strane recite mi kada ste posegli za bilo kakvim kodeksom a znamo šta je ovdje govoreno. Pa slušali smo ovdje kako se urla kao na utakmici, navijačke strasti itd. Što tada niste citirali taj kodeks?

Predsjedavajući:

nemam osnova kolega Čelik da replicirate Zvonki Marić. Neću dozvoliti taj cirkus u Skupštini Kantona Sarajevo. Replike drugim kolega kroz indirektnu u ovoj sali više se neće dešavati, sve vas to obavještavam. Imate repliku kolegi Mariću, imate drugu diskusiju. Nije bilo prije vas diskutanata. Damir Nikšić ima riječ. Izvolite.

Poslanik/zastupnik Damir Nikšić:

ja i zaboravio šta sam htio reći. Moram se podsjetiti, ja u vezi ovoga, slažem se da malo izvadim kolegu Čelika, napali smo ga. Slažem se s njim u vezi ovoga da bi klub trebao da broji tri člana jer ja sam sada prolazio kroz pravljenje kluba i morao sam skupiti tri člana pa ne bih volio da neko ima lakše od mene da prolazi. Šalim se. Ja mislim premalo je, 2 je ok za parlamentarnu grupu, a za klub ipak tri člana. Ne znam šta će dalje biti zašto se to pravi ali ja mislim da klub samostalnih zastupnika po mom mišljenju ne znam sada kako je treba da bude samo jedan, pa sada ko hoće da dođe, da uđe da upadne bujrum može s nama. A sada kada bi pravili pet šest klubova samostalnih, ja ne znam od koga su oni samostalni. Od samostalnih valjda. Po dvojicu onda možemo se preglasavati evo ko i na ovim sastancima kako ko stigne. Tako da sam za to da ostane tri i da je ako su samostalni, onda samostalni idu na jednu kamaru.

Predsjedavajući:

nema više, to je to kolega Nikšiću? Zahvaljujem. Zastupnik Aljoša Čampara ima riječ.

Poslanik/zastupnik Aljoša Čampara:

zahvaljujem predsjedavajući. Pošto se prvi put javlja pozdravljam sve prisutne, naše gledatelje ukoliko nas prate pored malih TV ekrana, ja ću biti vrlo kratak. Mislim da je većina ovdje ovih izmjena kozmetičke naravi, naravno izuzev par članova na koje sam htio da obratim pažnju. To jeste prije svega na član 11. ako klubovi naroda i ostalih prilikom predlaganja kandidata za predsjedavajućeg i zamjenika predsjedavajućeg Skupštine ne mogu predložiti kandidata zbog istog broja glasova izbor će izvršiti Skupština natpolovičnom većinom od ukupnog broja izabranih poslanika zastupnika u Skupštini. Dakle o ovome smo nekada ranije vjerovatno imali i diskusije i rasprave. Ovo je pitanje koje se tiče i samog ustava. Zadire u Ustav i u konstitutivne narode i druge odnosno iz reda Ostalih. Dakle ukoliko bi ovakvu odredbu mi prihvatili ja se bojim da bi smo mi došli u situaciju da evo u ovoj Skupštini recimo od 35 zastupnika koliko ih imamo da je 29 Bošnjaka. U svakoj varijanti bi Bošnjaci odlučivali, evo za ovaj mandatni period i rukovodstva ukoliko bi se desilo da imamo isti broj glasova u jednom od klubova naroda, hrvatskog, srpskog ili iz reda Ostalih. Pa upravo i sama vrsta žrijebanja postoji u Izbornom Zakonu, Izborni Zakon je ostavio tu mogućnost, tako da ne vidim uopće razloga niti svrhe da bi Skupština mogla većinom glasova, odnosno trebala odlučivati o tome ko će od dvoje ili od ne znam ni ja četvero ljudi zavisi sada koliko ih ima. Ali evo u ovom našem slučaju obično je dvoje kada imamo ovaj saziv u pitanju postoji neka želja ili mogućnost nove vlasti odnosno nove parlamentarne većine da jednostavno kontrolira sve da ne dozvoli čak ni žrijebanje na način da ukoliko imamo dva zastupnika u jednom narodu ga žrijebanjem izvučemo jedno ime onda to izgleda neće odgovarati, kao što kolega Vibor maloprije reče da neka parlamentarna većina mora odlučivati o tome jer se radi o izuzetno bitnim funkcijama. Ja kako sam shvatio, možda sam pogrešno shvatio, dakle ovi ljudi koji su sada izabrani, nisu dobro izabrani je se radi o izuzetno bitnim i važnim funkcija. Bojim se da sam tako ili ste vi to nekako rekli, pa ja sam mogao izvući otprilike takav zaključak. Mislim da ovo nije ni u skladu ni sa slovom ni sa duhom ni Ustava kantona ni onoga što hoćemo da radimo ali evo parlamentarna većina će donijeti ono što će donijeti ali ja se bojim da ovo nije dobar način rješavanja ovoga pitanja barem kada su klubovi naroda i ostalih u pitanju. Mislim da svaki klub naroda mora i treba odlučivati ko će ga predstavljati na koji način pa čak i u slučaju jednakog broja glasova da to treba pustiti ždrijebanju a ne da neka druga većina nekog drugo kluba naroda odluči o tom ko njemu više odgovara i na koji način mu u datom momentu bolje odgovara.

Druga stvar na koji u sam htio skrenuto pažnju je član 33 tj ovo formiranje klubova. Ja ne znam, možda me sjećanje vara ali mislim da bi smo mi bili prvi Kanton koji bi uveo ovo da dva zastupnika čine klub zastupnika. Mislim da je i na nivou FBiH i na nivou države ne znam u drugim kantonalnim skupštinama, najmanje tri čine klub zastupnika i mislim da bi ta formulacija trebala ostati i ne bi je trebalo mijenjati upravo iz razloga što nekada dođemo u situaciju evo npr Klub SDA kao najveći klub poslanika, ima 10 zastupnika i po ovoj formulaciji on može formirati samo jedan klub a neke druge stranke ili neki podjedinici mogu se udruživati i formirati više klubova. Tako da mislim posebno kada imamo u vidu da imamo ovu parlamentarnu grupu koju mogu činit dva mislim da bi sasvim korektno i u skladu sa izbornim zakonima i sa dosadašnjim praksom bilo dobro da postoje tri zastupnika koja bi činila klub poslanika. Mislim da je to i do sada bila praksa i ne vidim ja nekog posebnog razloga zašto bi smo mi to sada mijenjali.

I imam još primjedbu na član 2312 najmanje 18 poslanika zastupnika u Skupštini mogu inicirati prijedlog za glasanje o nepovjerenju Vladi. Ovaj prijedlog dostavlja se predsjedavajućem... svi znamo da je prije bilo 12. inače inicijativa, pa sam riječ kaže da se nešto inicira, da neki broj zastupnika. Uvijek je to otprilike oko jedne trećine, ili manji broj. Dakle inicijativa nije isto što i odluka. Kada nešto inicijative napišete date drugim zastupnicima, vodi se rasprava pa neko ko možda nije mislio kroz argumente, diskusiju

raspravu dođe u situaciju jednostavno da podržava nečiju inicijativu, promijeni mišljenje itd. Tako da najmanje 18 poslanika mi svi znamo najmanje 18 poslanika odnosno zastupnika ovdje je dovoljno da se donese bilo kakva odluka. Prema tome, pretvarati inicijativu u odluku na ovaj način nije dobro, nije demokratski nije to do sada ni praksa tako pokazivala. Svugdje na svijetu u svakom zakonodavnom tijelu za podnošenje bilo koje inicijative treba manji broj zastupnika nego za donošenja odluke upravo rad lobiranja, argumentacije, iznošenja činjenica, razmjene mišljenja, tako da bih ja brisao ovaj broj od 18. to su neke moje primjedbe a ostalo je uglavnom primjedbe koje se odnose na neke stvari koje su više malo druge prirode tako da ne bih ulazio u njih. A evo i moj kolega Mirza Čelik je o tim nekim stvarima govorio. Zahvaljujem.

Predsjedavajući.

Zahvaljujem. Kolega Čelik i kolega Handžić. Kolega Handžić ima repliku kolega Čelik drugu diskusiju.

Kome replicirate?

Dopredsjedavajući Vitor Handžić:

kolegi Čampari. Može se reći da je replika. S obzirom da je kolega Čampara imao neke nedoumice na moj dio izlaganja a samo da ih pokušam pojasniti. Kada sam mislio na visoku funkciju mislio sam konkretno je li ovdje propisano na funkciju da je dio rukovodstva Skupštine važna javna funkcija i da mi je neozbiljno da neko tu sjeda na osnovu izvlačenja iz šešira da puno veću težinu ima ono što odluči većina u Skupštini. Na to sam mislio. Dakle omogućavamo i to je propisano Poslovnikom i Ustavom, i tu se potpuno slažemo, da svaki narod konstitutivni i predstavnici Ostalih imaju pravo kao pripadnici naroda i Ostalih na jedno mjesto u rukovodstvu Skupštine. I to će im u svakom slučaju biti omogućeno. Samo je proces personalnog izbora jednog od pripadnika naroda ili ostalih stvar za koju ja smatram da je puno ozbiljnija ako odredi u slučaju neriješenog rezultata većina u Skupštini a ne šesir. Je li kada u slučaju neriješenog rezultata pripadnik naroda ili ostalih dođe ovdje, to nije volja kluba tog naroda nego je volja mehanizma koji je za mene neozbiljan, bez obzira što je propisan Izbornim zakonom i bilo kojim drugim dokumentom. A u sljedećem članu 12 sam vam obrazložio šta se u praksi ovdje dešava, a to je da na kraju kompletna Skupština i Bošnjaci, i Srbi i Hrvati i Ostali glasaju za sve ove funkcije. Ne glasaju samo Srbi za Srbe, Hrvati za Hrvate itd... Dakle i bilo je na glasaju glasova i za i protiv ili suzdržano aktuelnog rukovodstva. Dakle svi su glasali ovdje svaki narod za sve druge narode i predstavnike Ostalih. Dakle to se već dešava u praksi mi to ne uvodimo ništa novo. Hvala.

Poslanik/zastupnik Aljoša Čampara:

zahvaljuje. Dakle ja sam iskoristio repliku nemojte da to shvatite kao nešto lično, nije uopšte, ali vidite, ja mislim da svi mi ovdje koji smo izabrani, nas 35 zaslužuje da sjedi ovdje gdje vi sjedite, samo je pitanje konstelacija odnosa koja je parlamentarna većina. Kada je parlamentarna većina itd. Po tom istom principu o kojem vi govorite da nije logično da neko iz šešira, ja mislim da je logično da bude izabran svako onaj koga su građani izabrali, koji je član ove Skupštine. E sada, ja mislim da je logičnije da iz jednog kluba poslanika koji imamo evo dva zastupnika, meni je logičnije da bude izabran žrijebanjem nego da ga nametne većina nekog drugog kluba naroda, meni je to na primjer puno logičnije. E sada ako bi smo išli to da Skupština potvrđuje itd, parlamentarna većina mi možemo onda otići u jednu sasvim drugu krajnost pa da govorimo o važnosti ovih funkcija. Nas ima ovdje koji smo izabrani sa 20.000, sa 10.000, sa 2000, sa 1000, sa 500 itd. Ja mislim npr da ne bi bilo logično jel tako da neko ko je sa 500, il 1000 il 1500 ili 2000 glasova predsjedava sa nekim drugim ko je ovdje dobio, evo u konkretnom mom slučaju, ko je dobio blizu 11 000, da neko ko ima 2000 ili 3000 hiljade. Evo konkretno u slučaju Konakovića, svaka čast bio je nosilac liste dobio je oko 18,

19, 20 000, nebitno sada, onako nabrajam. Dakle ako odemo u tu sferu onda ćemo to onako rasplnuti mnogo više. Zato je bolje ne dirati neke stvari koje su se do sada pokazale i osnovno pravilo po meni je, ne dirati, ako smo se mi odlučili kao društvo, ja bih najviše volio da je ovo država građana. Da m i nemamo ni klubove naroda, ni ništa, da smo jednostavno jedno normalno, građansko, europsko društvo kao što je u većini europskih zemalja. Ali obzirom da je ovo kompilacija neka i etničkog i građanskog, obzirom da mi imamo klubove naroda, da imamo konstitutivne narode iz reda Bošnjaka, Srba i Hrvata, da imamo iz reda Ostalih onda moramo poštivati tu volju konstitutivnih naroda. Ja samo iz tog razloga govorim jer u protivnom mi ćemo doći u situaciju, htjeli mi to priznati ili ne, da jedan narod nameće volju drugom koga će izabrati. Na kraju, da budem vrlo iskren i vrlo jasan, i vrlo otvoren, ovdje imamo sljedeću situaciju, zašto se ovo radi, da li se to radi, jesu li to razlozi, zato što imamo npr ovdje u Klubu recimo Srba dvoje. Pa nekome ne odgovara možda što je Smilja Viteškić izabrana na način kako je izabrana.

Predsjedavajući:

vrijeme kolega Čampara, moramo poštivati, dvije minute su replike. Vjerovatno će biti još. Javite se za drugu diskusiju.

Poslanik/zastupnik Aljoša Čampara:

Ne, ne ja s ovim završavam.

Predsjedavajući:

znam, zahvaljujem. Kolega Handžić ima odgovor.

Dopredsjedavajući Vibor Handžić:

zahvaljujem predsjedavajući. Kolega Čampara ja i vi se slažemo u potpunosti u jednoj stvari a to je da svih 35 ljudi ovdje ima pravo da sjedi na ovom mjestu. Dakle tu se ja i vi apsolutno ne razilazimo. Razilazimo se u konceptu kako doći ili otići sa ovog mjesta i djelimično, u pravu ste vi, ako se rasplinemo ići ćemo u tom pravcu ili nećemo. Međutim, ono što ja želim da vam kažem, evo uzet ću vam za primjer, kolegica Segmedina Srna Bajramović, predsjednica Kluba Ostalih i ja smo izglasali mene da budem predstavnik Ostalih na mjestu na kojem danas sjedim. I recite mi vi kako ste se izjasnili kada smo glasali na kraju za moju funkciju koju ja danas obnašam. Bili ste protiv. Dakle vi ste kao Bošnjak glasali protiv toga da ja kao Ostali sjedim na ovom mjestu u rukovodstvu Skupštine Kantona Sarajevo. Dakle, bez obzira ili suzdržan, evo nije bitno, glasali smo u paketu. Ja vam želim, kažem da Skupština na kraju se izjašnjava za kompletno rukovodstvo i vi to niste podržali, bez obzira što dolazite iz drugog naroda u odnosu na ono iz kojeg ja dolazim. U suštini Skupština na kraju svakako, bez obzira koji je kriterij do toga, Skupština na kraju se svakako izjašnjava da li će podržati ljude kao dio rukovodstva ili neće. I to je sva suština ove izmjene. Hvala.

Poslanik/zastupnik Neira Dizdarević:

hvala predsjedavajući. Pa evo ja ću zaista kratko s obzirom da su kolegice i kolege prije mene dosta članova kao problematične, odnosno kao nešto što treba dodatno izdefinisati a mi smo zaista i u prethodnom mandatu a evo i u ovih posljednjih pola godine nailazili na određene nedoumice glede primjene samog Poslovnika, tako da je dobro da je konačno pred nama nacrt koji će ići u javnu raspravu u trajanju od 15 dana i moći ćemo svi da učestvujemo, a evo ja se nadam da će biti naravno praksa kao i do sada, da se sve današnje diskusije tretiraju kao prilog javnoj raspravi. Pokušat ću da se ne ponavljam ali dakle član 18. stav 2) koji kaže: „Na sjednicu Kolegija umjesto predsjednika kluba poslanika/zastupnika može doći član Kluba koji ima ista prava i obaveze”. Ja bih tu dodala još: „uz prethodnu najavu sekretaru skupštine”. Smatram da je zbog bolje informisanosti uobičajeno da predsjednik Kluba ukoliko je sam

spriječen delegira člana kluba koji će biti njegova zamjena te o istom blagovremeno obavijesti sekretara Skupštine. Član 22 stav 3) kaže da klub može formirati politička stranka sa najmanje dva poslanika zastupnika. Također prethodnici su ovo problematizirali, ja isto ne znam odakle proizilazi ovaj prijedlog, da li je to praksa i u jednom drugom Kantonu. Smatram da treba parlamentarna grupa da čini da bude sačinjena od dva poslanika ali da definitivno za klub moramo imati najmanje tri da ne bi došlo do daljeg usitnjavanja. Stav 6) jedna politička partija može imati samo jedan klub. A da li to znači da može imati klub i parlamentarnu grupu? To ne piše. Nije definisano nekako ništa što ne piše se ne podrazumijeva. Pa smatram da je potrebno preciznije definisati da jedan zastupnik može biti član ili samo jednog kluba ili samo jedne parlamentarne grupe da ne bi došlo do eventualnih zloupotreba. Član 88 stav 2) ukoliko se za raspravu o pojedinom pitanju dnevnog reda javi predsjednik kluba ili predstavnik radnog tijela, ostali članovi tog kluba ili radnog tijela ne mogu učestvovati u raspravi. Ja smatram da je ovaj stav treba brisati da je suvišan jer ova odredba po meni na neki način je diskriminatoran i nekako sputava zastupnike u radu. Dakle trebamo imati pravo i pored šefa, odnosno predsjednika kluba da i ostali članovi kluba učestvuju u raspravama. Neko opravdanje u smislu dužine diskusija mislim da ne može nam biti u ovom slučaju dovoljno dobar razlog. Član 107. Poslanik/zastupnik ima pravo, pa pod e) da postavlja pitanje, pokreće inicijative izvan tačke poslanička pitanja i odgovori, što je sasvim u redu u smislu da ne moramo čekati narednu sjednicu Skupštine Kantona Sarajevo da bi reagovali po nekom pitanju ili problemu ali ja mislim zaista da bi realno bilo da se ovaj broj na neki način ograniči, odnosno da se stavlja neka gornja granica od recimo maksimalno 10 pitanja i inicijativa u toku mjesec dana po zastupniku kako se zaista stručne službe Vlade ne bi preopteratile evo uvodnom izlaganju premijera imali smo priliku i da čujemo da su dosta podkapacitirani, i da zbog toga može doći do kašnjenja na odgovore i nezadovoljstvo od strane zastupnica i zastupnika. Tako da smatram da evo neku gornju granicu, a sada u toku javne rasprave možemo da definišemo. I član 108 nismo definisali na koji način kazniti zastupnike koji neopravdano izostaju sa sjednica Skupštine i radnih tijela. Taj mehanizam smo imali sa paušalima. Ukidanjem naravno paušala trebamo sada pronaći novi modul i nadam se da će se do kraja javne rasprave ovo definisati kao i samo pitanje, evo ovo je možda za moje kolegice tema da se također dogovorimo i definišemo da li ćemo formalizirati klub zastupnica u Skupštini Kantona Sarajevo. Nadam se da ćete ovo uzeti u razmatranje u toku javne rasprave. Toliko. Hvala.

Predsjedavajući:

sve su vaše rasprave, javna rasprava. Tako se tretiraju, stenogram ćemo pregledati. Kolega Mirza Čelik ima riječ, druga diskusija.

Poslanik/zastupnik Mirza Čelik.

Zahvaljujem predsjedavajući. Pa evo, za radi javnosti ja zaista moram da kažem da nakon člana 120 sam prisustvovao radnom timu vezano za izmjene i dopune Poslovnika, odnosno na ovaj Nacrt. Kolega Dević je bio član prvenstveno ove komisije, bio je spriječen da dođe do člana 100. ja sam pripremio svoju diskusiju samo do člana 100 samo da ne bi pomislili da je to čisto onako populistički. Evo kolegica Neira Avdibegović Dizdarević je spomenula član 88. i ja sam također za ovaj da se ukine ukoliko se za raspravu u pojedinom pitanju dnevnog reda javi predstavnik kluba ili predstavnik radnog tijela ostali članovi kluba ili radnog tijela ne bi mogli učestvovati u raspravi. Ja mislim da bi to trebali izbrisati. Svakako evo ja u nekim slučajevima, evo kolega Aljoša je govorio da bi trebalo inicirati 12 zastupnika smjenu. Evo nas dvojica se sigurno ne slažemo oko toga. Ja mislim da treba 18. znači u neku ruku moramo ostaviti svim zastupnicima mogućnost da diskutuju a ne moraju se slagati sa predsjednikom kluba o nekim stvarima, to je činjenica. I samo ću još član 108, evo i taj član je spomenula kolegica, tamo se u članu navodi da se odbijaju procenti neki za nedolazak ili za ne prisustvo

sjednici ili komisiji, u članu 108 treba razraditi šta sa zastupnicima koji ne primaju paušal koji su na plati, odnosno toplom obroku i da li će se od toplog obroka odbijati ako se nije opravdao izostanak sa Skupštine Kantona Sarajevo ili sa komisije. Šta ako je zastupnik proveo u kancelariji a komisija je skupštinska trajala sat vremena da li ćemo mu odbiti 10% od TO to je 80 feninga ili kako ćemo se ponašati na Komisiji za izbor i imenovanje i administrativna pitanja ako evidentiramo izostanak nekog od zastupnika koji ne prima paušal. Toliko. Hvala.

Predsjedavajući:

Hvala kolega Čelik, nema više prijavljenih. Evo i u svojstvu diskutanta da kažem samo nekoliko rečenica. Moram reći da ne slažem se s ovim da bi šef kluba mogao govoriti 15 minuta pa svi ostali još po 10. možda bi smo onda trebali razmišljati da svi isto govorimo, da nema niko preferencije u ime kluba jer dopredsjedavajući Skupštine nema nikakav benefit, šef kluba ima, recimo iako je drugim pravima precizirano šta su to prednosti šefa kluba u diskusijama. Možemo u tom pravcu ići u javnoj raspravi a ovo je do sada bilo zamišljeno da se šefovi klubova obrate u ime nekog kluba i da se ne diskutuje previše kao što se i nama nekada zna desiti. Tako da bi smo tu trebali tražiti rješenje al ne bih se baš složio da treba govoriti šef kluba 15 pa da svi ostali onda imaju po 10. dakle mogli bi smo to ići na tragu imamo svi jednako pravo da o tome diskutujemo. Ovo intrigantno pitanje prava naroda, moram reći naravno svoj stav, nikada ne bih dozvolio, niti bih u tome učestvovao da se bilo kojem narodu nameću bilo kakva rješenja, da predstavnici Srba, Hrvata, Ostalih predlože svog kandidata a da to Skupština ne dozvoli. Ovdje se radi o tehničkom rješenju. Nekako i s vjerske strane, ja nisam za tu lutriju. Nisam za te igre na sreću, više preferiram da to odaberu ljudi koji sjede u ovom domu sa brojem glasova i da to ste strane isključimo opciju igara na sreću u odabiru visokih dužnosnika. Tako da evo ne mislim da tu pravimo nekakav poseban presedan niti ne daj Bože da uzimamo prava narodima. Radi se samo o specifičnim slučajevima kada je rezultat neriješen. Može se desiti obrnuta stvar da su kandidati koji lutrijom prođu, naravno ne daj Bože ne mislim to ni u jednom od slučajeva ovih kvalitetnih ljudi koji ovdje sjede, na nekoj poziciji na kojoj ima neko kapacitirani, ipak mislim da b i o tome trebala odlučiti neka većina u Skupštini Kantona. S tim što ne mislim ni da ta većina glasa onako po stavu naroda. Nego po stavu više politika, tako da tu isključujemo možda uticaj minimiziranja bilo kojeg naroda a politike svakako jesu već sebi ovlastile se da kada imaju 18 ruku odlučuju o nekim bitnim procedurama i procesima. Mislim da ovdje još nekih tehničkih bitnih stvari koje smo precizirali, evo barem u primjeni Poslovnika i ko zastupnik i premijer i predsjedavajući imam iskustva pa smo neke stvari promijenili. Jesu one tehničke ali Poslovnik jeste tehničke naravi dokument koji nam uređuje samo odnose kada se Skupština dešava. Suštinski nešto puno građanima ne znači niti njih puno zanima kako ćemo mi ovdje urediti svoje obligacije, svoje obaveze i prava. Tako da vas molim, evo zaista ste bili vrlo kvalitetni svi, u javnoj raspravi, a i u predlaganju ovih prijedloga. Bilo je mnogo zainteresovanih zastupnika. Na tome vam hvala.

I pošto nema više prijavljenih, ja zaključujem raspravu.

Predlažem da Skupština po Nacrtu poslovnika Skupštine Kantona Sarajevo donese sljedeće Zaključke:

1. Utvrđuje se Nacrt poslovnika Skupštine Kantona Sarajevo;
2. Javna rasprava će trajati 15 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Kolegiju koji organizuje i provodi javnu raspravu.
4. Kolegij je dužan da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da

obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga poslovnika Skupštine Kantona Sarajevo.

MOLIM ZASTUPNIKE DA PRISTUPE IZJAŠNJAVANJU O PREDLOŽENIM ZAKLJUČCIMA.

Molim rezultate glasanja.

ZA JE GLASALO 27, PROTIV NIJE BILLO, SUZDRŽAN JE BIO 1.

KONSTATUJEM DA JE SKUPŠTINA DONIJELA OVE ZAKLJUČKE.

Iako smo rekli da ćemo raditi bez pauze neki zastupnici traže pauzu. Pauza od 60 minuta je prijedlog, ja vas molim i evo tačno u 15,04 nastavljamo da se pridržavate ove pauze, ali se o njoj mora izjasniti Skupština Kantona Sarajevo.

Molim vas da se izjasnite o prijedlogu za pauzu od 60 minuta. Molim rezultate glasanja.

ZA JE GLASALO 14, PROTIV JE BILLO 10, SUZDRŽAN JE BIO 2.

GLASALO 26 NIJE GLASALO 2.

Nema pauze od 60 minuta. Šefovi klubova mogu tražiti 30. Ako ne tražite idemo dalje. Ako tražite ja ću dati. Da li se neko javlja? Igor Stojanović. Kolega Stojanoviću izvolite. Vi sigurno tražite pauzu.

Poslanik/zastupnik Igor Stojanović:

u ime Kluba zastupnika tražim pauzu od pola sata. Nastavak 14,35. hvala vam.

Poslanik/zastupnik Igor Stojanović.

Hvala lijepo.

NASTAVAK NAKON PAUZE

predsjedavajući:

nastavljamo s radom današnje sjednice Skupštine Kantona Sarajevo. Došli smo do tačke pet. Prije toga smo dužni izvinjenje kolegi Samiru Suljeviću i kolegi Igoru Stojanoviću koji su tražili usmeno odgovore a nisu ih dobili na tački Pitanja i inicijative. Nemojte se ljutiti, bila su dva usmena zahtjeva. Još kolega Suljević nije ni dobio odgovor. U skorijem roku ćemo ispraviti. Izvinjavam se malo i zbog čekanja, produžili smo malo ovu pauzu. Ipak imajte razumijevanja, malo više od pola sata je potrebno da neko ode i da objeduje. Dok izađe iz zgrade malo je duži proces, tako da smo imali malo tolerancije. Idemo još ova tri sata udarnički da završimo što možemo danas.

Tačka pet:

AD – 5.

PRIJEDLOG ODLUKE O DAVANJU SAGLASNOSTI ZA PRENOŠENJE PRAVA I OBAVEZA IZ UGOVORA O KONCESIJI, BROJ: 02-18-29182/14 OD 21.11.2014. GODINE, ZA EKSPLOATACIJU MINERALNE SIROVINE DOLOMITA (KAO TEHNIČKO-GRAĐEVINSKOG KAMENA) U LEŽIŠTU "DUBOKI DO", OPĆINA ILIDŽA, SA PRIVREDNOG DRUŠTVA "NEXE" D.O.O. SARAJEVO NA PRIVREDNO DRUŠTVO "AMINA TRADE" D.O.O. SARAJEVO

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Ministar Bašić, izvolite.

Ministar Haris Bašić: UVODNO IZLAGANJE

Predsjedavajući:

zahvaljujem ministar Bašiću. Da li predstavnici radnih tijela žele riječ? ne. Ima li pitanja. Jasmina Bišćević – Tokić pitanje.

Poslanik/zastupnik Jasmina Bišćević-Tokić:

evo zahvaljujem predsjedavajući. Imam pitanje za ministra. U obrazloženju prijedloga odluke navedeno je da je Pravobranilaštvo Kantona Sarajevo dalo pozitivno mišljenje što nam je sada i ministar u svom obrazloženju rekao. Ja iz dostavljenog materijala koji sam dobila ne mogu vidjeti gdje je to pozitivno mišljenje, pa ga molim da mi odgovori u kojem dijelu je dalo takvo mišljenje. Broj dva, zašto je ministarstvo privrede postupilo suprotno članu 15 stav 2) Zakona o Pravobranilaštvu i dostavilo potpisan ugovor na mišljenje? Broj tri, zašto uz materijale nije dostavljeno mišljenje Pravobranilaštva od 04.04.2018.godine? Broj četiri, zašto u traženoj dokumentaciji po zahtjevu Pravobranilaštva nedostaje aktuelni izvod iz sudske registracije nadležnog suda za privredno društvo NEXE iz kojeg bi bili vidljivi osnivači ovog društva, kao i ovlašteno lice za zastupanje. Broj pet, koliko je pokrenuto sudskih postupaka kod nadležnog suda a za koje se traži povlačenje nakon izmirenja obaveza iz člana 5 ugovora od 26.03.2019 godine? Broj šest, da li je bilo otpisa kamata po osnovu kašnjenja uplate naknade kao i da li je bilo otpisa glavnice po navedenom ugovoru? Zahvaljujem.

Predsjedavajući.

Da li ima još pitanja? ne. Ministre Bašiću izvolite.

Ministar Haris Bašić:

pored mene je kolegica gospođa Azra Abaspahić koja direktno radi na ovom predmetu, pa bih je zamolio da pomogne u odgovoru na ova pitanja.

Predstavnik Ministarstva Azra Abaspahić:

pa još prošle godine je Amina trade podnijela zahtjev za prenos ove koncesije. Bio je pripremljen materijal i za Vladu i za Skupštinu, međutim, prethodni ministar, ja ne ulazim u razloge zbog čega to nikada to nije spustio na Vladu, nego je taj materijal vraćen nakon pola godine. Vjerovatno ne znam, ja nisam političar pa se ne bavim politikom, ne znam zašto. Vraćen je iza izbora negdje krajem oktobra mjeseca, znači nije uopšte materijal razmatran zbog toga ova Skupština i ne zna da je taj materijal trebao da bude već u proceduri prošle godine. Ugovor je potpisan iz razloga zato što je to isti ugovor iz prošle godine koji je samo povećan za iznos duga naravno. Dug se povećao za godinu dana za nekih 40 000 KM i samo u tom smislu je taj ugovor mijenjaj. Inače taj ugovor je sasvim isti kao što je bio i prošle godine. A i mišljenje Pravobranilaštva isto kao što je bilo prošli put. Što ne znači da je negativno jer ono kaže da, kako oni kažu, kako je rekao ondje na kraju pravobranilac za pretpostaviti. Šta znači za pretpostaviti jesu ispunjeni uslovi za prenos koncesije. To za nas znači da je to u redu ugovor. I ne znam, samo iz tog razloga smo poslali potpisan ugovor. Ugovor je isti samo se promijenio iznos duga jer se povećao. I ne znam šta tu ima. A nas na kraju i ne obavezuje to njihovo mišljenje. Oni nama daju neke primjedbe koje mi odbacimo jednostavno ne prihvatamo. Šta je ono dalje bilo?

Predsjedavajući:

kolegice Bišćević molim vas da ponovite, a vas molim da profesionalno radite svoj posao. Slušate pitanja zastupnika i na njih adekvatno odgovarate. Kolegice Bišćević molim vas odgovorite. Ponovite pardon.

Poslanik/zastupnik Jasmina Bišćević – Tokić:

evo prvo pitanje je bilo u obrazloženju prijedloga odluke navedeno je da je Pravobranilaštvo Kantona Sarajevo dalo pozitivno mišljenje, što su i napisali kao da jeste. Ja sam tačno tračila u kojem dijelu je pozitivno mišljenje.

Zašto je ministarstvo privrede postupilo suprotno članu 15 stav 2) Zakona o Pravobranilaštvu i dostavilo potpisan ugovor na mišljenje?

Broj tri, zašto uz materijale nije dostavljeno mišljenje Pravobranilaštva od 04.04.2018.godine?

Broj četiri, zašto u traženoj dokumentaciji po zahtjevu Pravobranilaštva nedostaje aktuelni izvod iz sudske registracije nadležnog suda za privredno društvo NEXE iz kojeg bi bili vidljivi osnivači ovog društva, kao i ovlašteno lice za zastupanje. Dostavljeno je samo historijski izvod iz NEXE grupacije.

Predsjedavajući:

ministre Bašiću upozorite saradnicu da sasluša zastupnike i odgovori na pitanja. Nije završila zastupnica Bišćević-Tokić. Zastupnice izvolite.

Poslanik/zastupnik Jasmina Bišćević-Tokić:

Koliko je pokrenuto sudskih postupaka kod nadležnog suda a za koje se traži povlačenje nakon izmirenja obaveza iz člana 5 ugovora od 26.03.2019 godine? I da li je bilo otpisa kamata po osnovu kašnjenja uplate naknade kao i da li je bilo otpisa glavnice po navedenom ugovoru? Eto to su moja pitanja bila.

Predsjedavajući:

Odgovorite sada, izvolite.

Ministar Haris Bašić:

Predstavnik Ministarstva Azra Abaspahić:

tužbe su pokrenute i aktivne su, ništa nije, ni kamate nisu nikakve otpisane. Znači sve je aktivno. Ništa nije povučeno, ništa nije otpisano, sve je na sudu. Pa to mišljenje je isto kao i ovo sada.

Predsjedavajući:

zahvaljujem vam. Zastupnica Tokić ima razumijevanje i kroz diskusiju će reći ono što misli. A i ja ću reći kroz diskusiju šta mislim o ovom sektoru Ministarstva privrede. Otvaram raspravu.

Poslanik/zastupnik Jasmina Bišćević-Tokić:

e hvala predsjedavajući. Pa evo ja sam tražila u principu da mi se na neka pitanja odgovori što ni meni nije bilo jasno iz ove dokumentacije koju smo dobili prilikom pripremanja za osmu sjednicu. Znači u obrazloženju Prijedloga odluke navedeno je da su Kantona Sarajevo kao koncesionar, ali trebalo je dodati i Vlada Kantona Sarajevo jer ona je ta koja potpisuje i privredno društvo Nexe kao koncesionar zaključili ugovor o koncesiji 21.11.2014.godine a predmet koncesije je eksploatacija mineralne sirovine dolomita te je 30.01.2019 godine privredno društvo Amina trade Sarajevo iskazalo interes za preuzimanje ove koncesije. Ministarstvo privrede Kantona Sarajevo je nakon traženja dodatne dokumentacije pripremlilo ugovor što nam je ministar rekao o regulisanju prenosa prava i obaveza iz predmetnog ugovora o koncesiji, ko ji su potpisali obje ugovorne strane i na taj način prihvatile sve odrednice ugovora. Znači članom 13 iz ugovora su stavili da ugovor stupa danom potpisivanja. Zatim su takav ugovor poslali Pravobranilaštvu, što je suprotno Zakonu o Pravobranilaštvu i što je Pravobranilaštvo i 2018 tražilo da se prvo dostavi nacrt ugovora što

bi oni ocijenili a tek onda u suštini potpiše Nexxe i Amina trade. Međutim u obrazloženju nije navedeno da je ugovor o prenosu prava koji je pripremilo Ministarstvo od 26.03. dostavilo već potpisan ugovor. I znači klauzule iz člana 13 su već odavno na snazi od 26.03. Pravobranilaštvo u svom mišljenju je u suštini od 10. aprila 2019 godine za koje je obrazloženju odluke navedeno da je pozitivno evo što smo imali priliku da čujemo ukazalo na sljedeće nezaklonitosti i manjkavosti dostavljenog ugovora. Da je Ministarstvo privrede Kantona Sarajevo postupilo suprotno članu 15 stava 2 Zakona o Pravobranilaštva Kantona Sarajevo koji glasi, evo pročitat ću radi gledalaca koji nas gledaju: „Organi i pravne osobe iz prethodnog stava dužni su pribaviti pravno mišljenje Pravobranilaštva prije zaključena ugovora o kupoprodaji, zamjeni zakupu, prijenosu na privremeno ili trajno korištenje stvari uz naknadu ili bez naknade ugovora o koncesiji, ugovora o građenju i udruživanja sredstava za građenje, ugovora o statusnim i ugovornim oblicima, povezivanja preduzeća kao i drugih ugovora kojim se pribavljaju stvari ili raspolaze stvarima odnosno materijalnim pravima, te zakonskom obavezom tog Ministarstva za pribavljanje pravnog mišljenja prije zaključivanja ugovora. Što znači da je isti trebalo dostaviti prvo u formi nacrt, zatim prijedloga. A ne poslije potpisivanja dana 26.03. i stupanja na pravnu snagu član 13 tog ugovora da isti stupa na snagu kada ga potpišu ovlaštene predstavnici obje ugovorene strane, a to je 26. mart. Dalje, Pravobranilaštvo je ukazalo da se predmet tog ugovora odnosi na nevažeći koncesioni ugovor dok Amina trade nije novi koncesionar sve dok se ne okonča pravna procedura u skladu sa zakonom o koncesiji. Također trebalo je naglasiti u ugovoru da novi koneksionar treba da preuzme sva prava i obaveze ranijeg koncesionara. Posebno je naglašeno da se u članu 4 tog ugovora m oralo utvrditi obaveze novog koncesionara za uplatu konkretnog iznosa duga. Također je navedeno da uz ponovni zahtjev privedenog društva Amina trade dostavljena i izjava Nexxe od 22.01.2019 godine koji ističe da novom koncesionaru ustupaju sva prava i obaveze iz predmetnog ugovora. Pravobranilaštvo u svom mišljenju poziva se na prethodni zahtjev Ministarstva privrede od 13.02.2018 godine te na mišljenje koje je dalo na nacrt ugovora i koje je dostavilo u prilogu predmetnog mišljenja. Ali isto nije dostavljeno uz ovaj materijal pa se pitam zašto jer u obrazloženju pravnog nacrt, ove tačke piše da je Pravobranilaštvo dostavilo pozitivan odgovor i da je ovo sve od 2018 od prošle godine u prilogu. Na žalost mogu svi provjeriti da nije stavljeno u radni materijal. Pozivajući na izjavu od 22.01.2019 godine Pravobranilaštvo ističe d ase radi o identičnoj izjavi, istog PD i koncesionara od 30.11.2017 godine, ali da kako je Pravobranilaštvo navelo i u ranijem mišljenju, upravo koje nije dostavljeno povodom istovjetne izjave u dokumentaciji koja ni tada ni sada nije dostavljena nedostaje aktuelni izvod iz sudske registracije nadležnog suda za PD Nexxe, a iz kojeg bi bili vidljivi svima nama ko su osnivači ovog PD, kao i lice ovlašteno za zastupanje, ovdje trenutno direktor Tinjak Mustafa. Napominjemo da je uz prethodni zahtjev za davanje saglasnosti dostavljen i aktuelni izvod iz sudskog registra za Amina trade od 21.09.2017 te historijski izvod iz sudskog registra za Nexxe od 01.01.2017 što vas je i Praovbranalastvo upozorilo u svom mišljenju da nikada nije u izjavi dostavljen aktuelni izvod iz Nexxe doo. Zatim u trećoj vašoj odluci koju bi trebala da ova Skupština izglasa, izvinjavam se u drugoj, napisali ste da se obavezuje PD Amina trade doo Sarajevo da dobije saglasnost za prenošenje ugovora o koncesiji, izmiri sve prethodne obaveze prethodnog koncesionara na osnovu koncesione naknade u roku od 60 dana u skladu sa ugovorom o regulisanju i prenosu prava i obaveza iz ugovora o koncesiji potpisan 26.03. vi na ovaj ugovor imate negativno mišljenje Pravobranilaštva, gdje su vam rekli da provo morate dostaviti nacrt ugovora a ne već potpisani ugovor i kao ovakva na tački dva dajete da ova skupština izglasa. Imate tačku tri istog prijedloga odluke, zadužuje se Ministarstvo privede da izvrši usklađivanje ugovora o koncesiji sa novim koncesionarom radi upisa nastalih promjena u sudski registar. Vi nemate ministre samo sudski registar, vi imate registar o koncesijama koji je 2011 stupio na snagu i koje trenutno vodi Ministarstvo pravde u Kantonu Sarajevo. Znači nije samo sudski registar.

U skladu sa navedenim Skupština Kantona Sarajevo ne može dati saglasnost na Prijedlog odluke za davanje saglasnosti zbog sljedećeg:

u tački 2 prijedloga odluke koju sam upravo pročitala, koja je suprotna članu 15 stav 2), u tački 3 navedeno je da se zadužuje Ministarstvo privrede da izvrši usklađivanje ugovora o koncesiji s novim koncesionarom radi upisa nastalih promjena u sudski registar. U skladu sa prethodno navedenim potrebno je da prethodno Ministarstvo privrede dostavi na mišljenje Pravobranilaštvu novi prijedlog ugovora. Zahvaljujem.

Poslanik/zastupnik Segmedina Srna Bajramović:

zahvaljujem predsjedavajući. Pa evo moram priznati da sam analizirajući prijedlog ove odluke, Prijedlog odluke o davanju saglasnosti na prenošenje prava i obaveza iz ugovora o koncesiji za eksploataciju dolomita sa pripadajućom dokumentacijom ostala poprilično zbunjena kada su pojedina obrazloženja u pitanju, te stoga molim nadležne da mi pomognu u razjašnjavanju pravnih dilema. Zakonski osnov za navedenu aktivnost u smislu saglasnosti na prenos prava je jasan. U članu 21 Zakona o koncesijama. Ali se postavlja pitanje kako je moguće da je prvi ugovor čija prava i obaveze prenosimo, i dalje na snazi uzimajući u obzir član 21 stav 6) istog tog Zakona koji se odnosi na raskid ugovora za koji nije plaćena jednokratna naknada. Ugovorom o regulisanju prava i obaveza potpisanog 26.03.2019 godine između Nexe i Amina trade u članu 3 se navodi dug po osnovu jednokratne naknade u iznos od 51.800 KM sa pripadajućom kamatom od 31.424,55 gdje je više nego jasno kako se radi o ugovoru koji je već odavno trebao biti raskinut. Po osnovu člana 21 ako se radi o savjesnom ponašanju nadležnih u smislu zaštite javne imovine koja je vlasništvo svih građana. Znači najkraće rečeno radi se o ugovoru koji je gotovo pred kraj svog koncesionog perioda a jednokratna naknada nije plaćena. Ono što je važno napomenuti jeste da je ugovor o koncesiji potpisan sa Nexe doo već o tome i moja prethodno o tome moja prethodnica govorila, ona onako poprilično hronološki prošla kroz ovo, potpisan 21.11.2014 i traje pet godina, član 10 ugovora, što znači do 21.11.2019 godine gdje je jasno kako ističe za nekih šest mjeseci. Koncesija se, tačno je to nam je rekao uvaženi ministar Bašić, u skladu sa zakonom i članom 10 ugovora može produžiti jednom na rok od 2,5 godine ali se prethodno šest mjeseci ranije mora podnijeti zahtjev zajedno sa studijom opravdanosti obnavljanja koncesije. Postavljam pitanje kako bilo ko planira provesti predmetni pravni postupak produženja ugovora iz 2014 godine na dodatne 2,5 godine po Zakonu, ukoliko je više nego jasno da će se po ugovoru o prenosu prava i obaveza između Nexe i Amina trade u članu 4 postojeći koncesioni dug u smislu finansijske obaveze izmiriti u roku od 60 dana od davanja saglasnosti. Sve navedeno dakle ukazuje da se novi koncesionar u tom momentu nalazi daleko unutar ovog roka od šest mjeseci s obzirom da Amina trade tek po izmirenju finansijskih obaveza ostvaruje pravo na zahtjev za ovim produženjem. Da ne govorim kako Pravobranilaštvo u svom mišljenju M-43/19 od 10.04.2019 godine ne ulijeva pravnu sigurnost da se kompletan postupak vodi na zakonom predviđen način, naglašavajući kako im je dostavljen već ranije potpisan ugovor, što je suprotno članu 15 stav 2 Zakona o Pravobranilaštvu. Otežavajuća je i činjenica da svoje pravno mišljenje završavaju formulacijom za pretpostaviti je da su ispunjeni svi zakonski uslovi za prijenos postojećeg koncesionog ugovora. Već je kolegica pitala i mene to zanima, kakvi su sudski postupci uopšte pokrenuti od strane Pravobranilaštva koji se pominju u članu 5 ugovora između Nexe i Amina trade u smislu povlačenja te kada su pokrenuti i zašto u tom momentu nije pokrenuta procedura raskida postojećeg ugovora iz 2014 godine. Nisam sklona teorijama zavjera ali postavljam pitanje svima nama da li se ovaj kompletan postupak može naći pred sudom pod optužbom da se radi o mehanizmu, pa recimo nezakonitog pogodovanja od strane nekog trećeg zainteresovanog subjekta koji je očekivao da u ovakvim aktuelnim ugovornim pred istekom finansijskim relacijama države i konesionara bude raspisan javni poziv za navedeni lokalitet. Znači radi se o vrlo osjetljivoj poslovno-pravnoj situaciji koja mora do u detalj biti razjašnjena kako bilo ko u ovom postupku prenosa prava i obaveza ne

bi ostalo oštećen. Ne želim da ulazim u poslovne motive firme, poslovnih subjekata kada je ova stvar u pitanju, samo hoću da se danas na relaciji Ministarstvo privrede, Pravobranilaštvo i poslovni subjekti razjasne sve pravne nedoumice koje će garantovati da nesporno svi koriste svoja zakonom i ugovorom predviđena prava i na to sve uredno i bez izuzetka izvršavaju obaveze. Pretpostavka je da onaj koji plaća obaveze dužnika koncesionara u ugovoru koji je praktično pred kraj koncesionog perioda, očekuje njegovo produženje na zakonom predviđen način i period što u ovom momentu s aspekta Zakona i pretpostavljenih formalnih obaveza više nego upitno. Na žalost moram jasno reći da nisam spremna glasati za saglasnost o postojećem kontekstu dokumentovanih obrazloženja jer se očigledno radi o kompleksnoj poslovno pravnoj relaciji države i poslovnih subjekata koja potencijalno, u pozadini može rezultirati i sudskim sporom u smislu nadoknade štete. Na kraju jasno je da se radi o situaciji koja ukazuje da Kanton kroz nadležne službe mora ozbiljno raditi na uspostavljanju instrumenata koji će efikasnije pratiti realizaciju ugovora o koncesiji u finansijskom i svakom drugom smislu. Onako kako to predvidio Zakon i ugovori koji se potpisuju. Dobro bi bilo da rezultat ovog slučaja bude inventura svih obaveza o postojećim ugovorima o koncesiji kako bi smo svi zajedno u javnosti imali detaljan pregled na koji način se raspolaže javnim dobrom i kakve su koristi za Kanton Sarajevo, odnosno građane? Toliko . Zahvaljujem.

Poslanik/zastupnik Aljoša Čarapara:

zahvaljujem predsjedavajući. Pozdravljam sve prisutne. Pa evo nakon kolegica Čevapčići Srna teško je nešto još posebno dodati da malo kada pogledate ovdje u ove materijale koje smo mi dobili, ja bih ovdje dobronamjerno upozorio i premijera Fortu, iz ovih materijala koje smo mi ovdje dobili vidi se gospodine Forto da ste vi bili direktor Nexe grupe, to smo mi dobili u ovim materijalima što smo dobili od Ministarstva i to u periodu otprilike od 14.11.2013 do 14.07.2015 godine. A tada ste bili i zastupnik ovdje u Skupštini, ali neću u to da ulazim da li ste bili u sukobu interesa jer Zakon o sukobu interesa kaže da jeste ali ne želim sada da se vraćam na to. Ali mislim da bi dobro bilo i radi vas i radi vaše Vlade, vi ste ipak primus interparis, dakle prvi među jednakim u ovoj Vladi da razmislimo svi zajedno ovdje oko ove odluke, oko ovoga što nam je došli ispred Ministarstva, da predložimo neki zaključak, evo da se Skupština o njemu možda izjasni:

1. da se obustavlja ili prekida postupak donošenja Prijedloga odluke o davanju saglasnosti za prenošenje prava i obaveza iz ugovora o koncesiji, da ne nabrajam sada broj taj i taj sa firme PD Nexe na PD Amina trade doo Sarajevo.

2. zadužuje se Ministarstvo privrede Kantona Sarajevo da u skladu sa članom 15 stav 2 Zakona o Pravobranilaštvu Kantona Sarajevo dostavi Pravobranilaštvu Kantona Sarajevo prijedlog novog ugovora o koncesiji na mišljenje. Jer upravo i samo Pravobranilaštvo u svom izvještaju navelo da ništa nije urađeno u skladu sa članom 15 stav 2) Zakona o Pravobranilaštvu.

3. zadužuje se Vlada Kantona Sarajevo da nakon pribavljanja novog mišljenja na prijedlog ugovora o koncesiji od Pravobranilaštva Kantona Sarajevo isti dostavi Skupštini Kantona Sarajevo zajedno sa mišljenjem Pravobranilaštva Kantona Sarajevo broj: M-13/2018 od 04.04.2018. i novim prijedlogom odluke o davanju saglasnosti za prenošenje prava i obaveza iz Ugovora o koncesiji broj 02-18-29182/14 od 21.11.2014 godine za eksploataciju mineralne sirovine dolomita kao tehničko građevinskog kamena u ležištu Duboki do općina Ilidža sa PD Nexe doo Sarajevo na PD Amina trade doo Sarajevo II.

Mislim da bi ovo dobro bilo i da je ovo dobar zaključak, da jednostavno mi sada ne ulazimo u nešto što nam je nejasno potpuno ovdje iz ovih papira, nejasno i samom Pravobranilaštvu, bojim se da je nejasno i Ministarstvu, da je nejasno i Vladi, da jednostavno ne dezavuišemo ovdje prije svega ni sebe ni građane ni Vladu da se ovo opet malo vrati na neki početak i da dobijemo ovo usklađeno i potpuno sa jasnim stavovima i usklađenim stavovima zasnovanim

na Zakonu i od strane Ministarstva i od strane Pravobranilaštva samim tim i Vlade pa na kraju krajeva i nas kao Skupštine koji moramo dati ovu saglasnost. Hvala.

Predsjedavajući:

hvala kolega Čampara. Zastupnika više nema. Ja bih iskoristio priliku da prodiskutujem ovu situaciju radi kontinuiteta nepravilnosti i da se zahvalim kolegicama Bišćević – Tokić, Srna i evo i Čampari na ovakvom pristupu ozbiljnom iščitavanju ovog materijala. Moram priznati ja ga nisam ovako detaljno i ozbiljno iščitao u pripremi za ovu sjednicu. Očigledno neki vrijedni zastupnici jesu. Ispričat ću jedno svoje iskustvo sa ovim odjelom Ministarstva privrede i Pravobranilaštva. I čestitke Pravobranilaštvu Kantona Sarajevo još jednom na ozbiljnom i temeljitom pristupu u rješavanju svih problema u Kantonu Sarajevo. Svjedočio sam jednom sastanku u kojem je ovaj sektor Ministarstva privrede u drugom sazivu, nije bila gospođa, tražio od Pravobranilaštva da prati realizaciju njihovih koncesionih ugovora. Na pitanje zašto niste reagovali kada su vam firme da ih ne reklamiram išle u stečaj a imali ste njihovu mjenicu, oni kažu nije to naš posao to je posao Pravobranilaštva. Što apsolutno pokazuje nekompetentnost nestručnost i naš veliki problem i tek sada razumijevam i inicijativu kolegice Srne s početka koliko nam je bitno da se ovo Ministarstvu odjel koncesija uredi mnogo brže, ozbiljnije transparentnije nego što je do sada bio slučaj. Dakle gore sjede ljudi koji urade ono što se i ovdje dešava, u ovom ovdje propustu u kom kažu mi smo potpisali taj ugovor, dobili smo koncesionara, ima tamo neki registar koncesija u Ministarstvu finansija, ima Pravobranilaštvo i oni bi tamo ko biva trebali pratiti šta se s tim ugovorom dešava što je apsolutno nonsens i netačno nego upravo ljudi iz Ministarstva privrede treba da prate da se ovo ne bi dešavalo. Pitanja koja je postavila kolegica Srna, pitanja ovakvih primjera imate u Ministarstvu privrede u zadnjih nekoliko godina mnogo, u kojima nisu plaćane ni jednokratne naknade, nisu plaćane ni obaveze po ugovorima, ugovori se raskidaju, nekoliko se kompanija ugasilo otišlo u stečajni postupak a onda vidite rješenja, onda ste opet ovdje u članu 4 i to vam Pravobranilaštvo ponovo kaže dali šansu novom koncesionaru da vam u roku od 60 dana izmiri ovu obavezu. Što znači izmirio ne izmirio vi ćete ponovo uvest nekoga u pravo, ponovo taj neko platio ne platio, treba neko Pravobranilaštvo tamo to da vidi, i niz drugih propusta, koji zaista ukazuju da nam je u ovom resoru u ovom sektoru Ministarstva privrede od ujutro nužno da se što prije zanovi i obnovi ova cijela priča jer potencijal koncesija, to i sebi prigovaram i prethodnoj Vladi i vladama je apsolutno neiskorišten u Kantonu Sarajevo. I ima neki drugih paradoksalnih situacija u kojima mi nemamo sada otvoren koncesioni ugovor za eksploataciju kamena u kojem naši ljudi to kupuju u RS-u i nekim drugim mjestima. Da ne otvaram te teme, ovo proceduralno za pravnike u ovom Ministarstvu znači preozbiljan propust. Preozbiljan je propust da se na ovakav način uredi i da se pozove na pozitivno mišljenje Pravobranilaštva. Ja također sugerišem i bilo bi najbolje da ovaj dokument doradimo da se ne bi smo negativno o njemu izjašnjavali i da se u skladu sa uputama Pravobranilaštva vrati jer ima istina i ona druga dimenzija, naravno vi pokušavate naplatiti ono što nije naplaćeno, mada je ovdje pitanje vrhunsko zašto se nije nekim mjenicama ili nekim drugim aparatima obezbjeđenja isplata reagovalo do sada. Evo nek nije, nije ni ovo nenormalna procedura ali još jedna pravni paradoks. Vi ovdje konstantno nazivate Amina trade uvodite ga u ugovor iako on još uvijek nije stekao pravo dok Skupština to ne odluči. Dakle koncesionar, a da bi stekao pravo mora platiti prvo dug od 162 000. zato stvarno evo jedna dobra prilika da vidite kako surađuje Skupština Kantona Sarajevo, da ne shvatite ništa negativno. Puno radite, ima tu pun posla ali na ovom ovdje primjeru mislim da bi smo trebali u narednim danima što prije napraviti ozbiljne iskorake u segmentu organizacije Ministarstva privrede. Premijeru Forto izvolite. Ministar Bašić izvolite.

Ministar Haris Bašić.

Jedno pojašnjenje pošto je izgovoreno mnogo stvari i koje su u osnovi po mom sudu tačne, međutim bilo je i određenih insinuacija i treba da dam određenu historiju. Ovo se sve trebalo desiti pred skupštinom prije otprilike godinu dana. Iz potpuno neobjašnjivih razloga moj prethodnih nije na osnovu, nije ovakve stvari procesuirao, bili su sklopljeni dogovori i ugovori kada je pribavljeno pozitivno mišljenje Pravobranilaštva od prošle godine, jednostavno ministar nije našao za shodno da to iznese pred Skupštinu. I moram priznati da sam stekao dojam da je jedna od ovih ugovorenih strana a to je firma Nexe sistemski bila ako tako mogu reći negativno adresirana. I oni su gubili vrijeme, dobijali su tužbe od Ministarstva privrede regularno, sve ovo vrijeme kako sam ja izviješten, to je bilo prošle godine, i imali su, kako je nama predstavljeno i što se meni čini ispravnim najbolju namjeru da se sklopi ugovor o prenosu koncesije i ko ji bi onda nadoknadio svu štetu koja je nastala i kako je navedeno Kantonu Sarajevo. Moja je želja bila, a drago mi je da je ova rasprava to pokazala, moje pitanje za osoblje Ministarstva zašto nakon što sam vidio ove detalje koji su predati Skupštini, zašto nije ugovor predstavljen prije Pravobranilaštvu, oni su rekli da samo donekle ima smisla ali prihvatam potpuno činjenicu da je trebalo ispoštovati dogovor, da je ugovor potpuno jednak kao onaj od 04.04. ja imam to mišljenje Pravobranilaštva samo da je izmijenjena cifra dugovanja zbog kamate od godinu dana. Uglavnom želja je bila eventualno da se iznađe rješenje da se naplate gubici koji su nastali za Kanton, da se ispravi po mom sudu i mišljenju ljudi koje sam naslijedio kao kolege u Ministarstvu određena čudan odnos prema jednoj od firmi koja je korektno izvršavala svoje obaveze iz ugovora i ok, rezultiralo je na ovaj način. Ja mislim da ovaj prijedlog treba povući i ja ću ga povući na dalju raspravu. Izgubit ćemo neko vrijeme, dalji gubitnik će biti opet ova firma koja je regularno pokušavala da ispravi stvar. Ali bože moj, to je sasvim ok, skupštinska je odluka. Hvala na raspravi.

Dakle ja povlačim ovu tačku a naravno premijer da je obavezan, nije obavezan nego da i on ima potrebu da i on da svoju perspektivu jer zna, bio je uključen otprilike u razgovore oko ovoga.

Premijer Edin Forto:

zahvaljujem. Ja ću malo duže govoriti. Prvo ću govoriti o odnosu države prema privatnom sektoru kroz ovaj problem, a onda ću govoriti o političkom problemu koji je nastao i koji danas ovdje prilično vidno izložen i ko je žrtva tog problema. Ja sam s ponosom tvrdim, potpisnik dva od prva tri ikad ugovora o koncesiji koje je Kanton potpisao s privrednim subjektima na području Kantona Sarajevo. Ovo je jedan od njih. Prije toga je bio jedan drugi kamenolom kojem sam također bio potpisnik koncesije. I učestvovao sam u pregovorima o produženju tog ugovora, i potpisnik sam ovog zadnjeg 2014 godine kada sam tek bio izabran u Skupštinu Kantona Sarajevo ja sam godinu nakon toga dao otkaz u firmi i postao zastupnik u Domu naroda. Da vam objasnim kako to ide, evo a dosta argumenata smo danas čuli. Zvučite stvarno ko državnici koji nikada nisu radili u privatnom sektoru, a nadam se nećete nikada. Dođe vam investitor koji je početkom 2000, investitor iz inostranstva koji dođe ovdje sagradi fabriku na području opštine Ilidža koja je bila srušena i devastirana tokom rata, sva oprema za jednu ciglanu je bila odnesena i parkirana je u Rogaticu. Nikada nije proradila, možda je onda poslije proradila onaj neki blok u Rogatici koji ste mogli vidjeti. Čovjek dođe kupi tu lokaciju, sagradi novu fabriku, zaposli 70 ljudi. 70 ljudi koji nisu imali posao tu, koji žive i rade na Ilidži Rakovici, uredno prijavi sve i evo već od 2004 kada je sagrađene fabrika do danas sve uredno izmiruje. Svi su radnici prijavljeni, stotine inspekcija, inspeksijskih nalaza, konkurencija slala inspekciju, šta će nama hrvatska firma ovdje, proizvoditi, a ljudi koji rade su sa Ilidže, iz Kantona Sarajevo plaćaju poreze u Kantonu Sarajevo, uloženo 20 miliona eura u pogone. Kako znam ove detalje? Bio sam član s ponosom ističem investicijskog tima koji je sagradio tu fabriku. To je moje prvo iskustvo u BIH. Sagradio

fabriku u BIH. 150 šlepera opreme najmodernije iz tri europske države smo uvezli i montirali dole u Rakovici u ciglani. Istovremeno smo velika investiranja uradili u ova dva kamenoloma. Posebno u ovaj Duboki do. Da bi uradili investiciju u kamenolom morate otkupiti zemlju, ogromnu količinu zemlje, morate dobiti veliki broj dozvola. Morate investirati u opremu. Jedna drobilica je 300 000 eura. Jedna sijalica je plaćena milion KM: utovarivači, bageri, sve ono što sam ja naučio kroz svoj posao, a vi ne znate i ne zanima vas. Milioni uloženi, nova radna mjesta otvorena. Na tom kamenolom Duboki do nije postojala proizvodnja sada postoji proizvodnja. A sada ću vam reći kako kada dođe taj poslodavac i takav poslodavac, a slobodno kada ste tražili izvode Bišćević-Tokić sudskog registra tražite šta je ta firma sve uplatila u proteklih 20 godina u BIH. Tražite doprinose, poreze, šta su investirali, tražite i to da vidite kakav je to pedigree tog investitora. A ne da insinuirate ovdje sto drugih stvari. Slobodno zatražite, ovo je sada samo nešto na kraju što se desilo. A doći ću i do toga. I pojavimo se mi Kantonu Sarajevo dobar dan, dobar dan mi hoćemo koncesiju, tek usvojen Zakon o koncesiji. Do tada se radilo bez koncesije, radilo se po nekim drugim dozvolama. I pojave se gospoda iz Ministarstva privrede. U razgovorima i pregovorima sa gospodom iz Ministarstva privrede sam dobio motivaciju da se počnem baviti politikom. Prvi put kada vam dođu i kažu evo potpišite ugovor 76000 KM morate avansirati dat unaprijed. Nakon svega što želite da investirate, sve što ste opremu donijeli i sve. Vi ste već počeli. Onda vam traži 250 000 KM bankovnu garanciju. Znači šta je bankovna garancija na 250 000 KM i onda vam pregovarač, gospodin Nuriya iz ovog Ministarstva dođe i kaže: ma znam ja da vi nećete moći početi radi još ovdje još jednu godinu dana, ima ovaj Zakon o šumama malo je neustavan, vi morate pretvoriti šumsko zemljište jer imate koncesiju na cijelu površinu pa će vam trebati jedno 13 mjeseci minimalno da uđete u pravo i počnete proizvoditi. Ali ćete nam ovu garanciju dati odmah i platit ćete nam sve pare odmah. Ja kažem jeste li vi normalni, hoćete da ubijete firmu, ne ne to mora tako itd. Itd. Znači najgora iskustva koja privrednik može imati je da dođe i da počne raditi u Kantonu Sarajevo. Kanton Sarajevo ubija biznis. A hoćete da vam kažem čime se bave ljudi koji rade i plaćaju koncesije Kantonu Sarajevo? Znači li ko je najkonkurentniji na tržištu opeke i na tržištu kamena u Kantonu Sarajevo? Lapišnica koja nije daleko odavde za kamenolom i Krupac koj i nije daleko odavde ali se nalaze u drugom entitetu. Pa što ne odete tamo pa ne vidite koliko plaćaju koncesije ti ljudi? Koliko te firme plaćaju koncesiju RS-u? Istočnom Sarajevu? Koliko oni tamo plaćaju po kubiku a koliko ste vi zajahali privrednike u Kantonu Sarajevo? Ima konkurentna firma također koja nije u RS-u ali je u ZDK koja se bavi opekama, koja je povezana sa određenom političkom opcijom to svi znamo. Tri puta manju koncesiju plaća nego ovaj investitor u Kantonu Sarajevo na opštini Ilidža. I treba sada neko da bude konkurentan, nakon što su ovi dobili tri puta manju koncesiju, nakon što plaćaju plin tri puta jeftinije itd. I onda dođe ovdje ekipa koja kaže a gdje vam je pečat. Slažem se s gospodinom Konakovićem. Postoji 100 slučajeva koji su došli na sud i na Tužilaštvo gdje neko treba da bude osuđen pa se napravi proceduralna greška pa on odjednom čudom oslobođen. Ovaj predmet je od 2017. znači zastupnice Segmedina Bajramović Srna nije tačno da se ovo dešava na kraju, na isteku ugovora o koncesiji, ovo je od 2017 zahtjev stoji. Ministar, protekli ministar iz misterioznih razloga povlači stavljajući u ladicu i zamislite šta mene dočeka prvi dan kada sam došao i kada sam imenovan ko premijer. Zamislite šta me dočeka, na stolu me dočeka predmet Nexxe zahtjev Pravobranilaštva da im se blokiraju računi i da se na plate ove stvari koje oni nisu plaćali jer im država nije dozvolila da izvrše nešto što je po Zakonu predviđeno prenos koncesije. Proizvedemo problem, i onda kažemo aha evo problema. To smo ovdje imali predstavu danas. A ko će imati štetu? Firma koja je milione uložila, firma koja je milione prihoda i poreza uplatila, i firma koja će i dalje čekati greške administracije koja ne samo da ne želi raditi ovaj posao nego ga radi na naopak način. Ovo je stvarno sramota i katastrofa. Još jednu stvar da kažem, slažem se, ne može se ići prenos koncesije prije odluke Skupštine. Isti ovakav prenos je urađen za drugi kamenolom, ova Skupština izglasala. Već je to sve urađeno, ali iz misterioznim političkih razloga ovdje je

napravljen problem nakon što se određene političke opcije počele jačati i evo slučajno ja došao tu i sačekalo me to na stolu. Sve ono što je urađeno odjednom postalo problem. I evo danas problem i napravljena proceduralna greška da je prije odluke Skupštine potpisan ugovor što se nikad nije desilo. Pa i ovi ljudi to znaju, pa svi to znamo, pa sto puta smo ovdje glasali, ne može bez mišljenja Pravobranilaštva i ne može bez odluke Skupštine. Ovo je stvarno smijurija, povući ćemo ovo naravno i doradit ćemo i onda ćemo izglasati jer moramo pustiti ljude da rade. Isti ovakav transfer je napravljen prethodno i sve je izmireno kako je trebalo biti. I još jedna stvar isto tehnička, isto za Segmedinu Srnu Bajramović, nigdje na svijetu se ne daju koncesije na pet godina. Sto puta smo ukazivali na to. Kantonalni Zakon o koncesiji dozvoljava niko neće doći uložiti milione za pet godina. Ko vraća u tom sektoru tu investiciju nakon pet godina. Pogledajte regiju, pogledajte Europu, pogledajte svijet. Koncesije na kamenolome na kopove, na ciglane, na slične stari idu po 20 ili 30 godina. Znači ova država privrednicima sveže ruke, i onda pita što ne radite, što nam niste platili. Katastrofa. Ali evo ispraviti ćemo.

Predsjedavajući:

na vašu i našu žalost materijal povučen dalje rasprave nema. I nikakvog osnova nema ni replika ni rasprava. Poslovnik striktan i kaže, tačka se završava kada Vlada povuče tačke. Tačke, nema, isparila se. Vratit će se. Kada dođe nemojte me sada ljudi, još u ovom mjesecu posebno moramo poštivati propise. Pozivam na poštivanje propisa. Tačka 6.

AD – 6.

PRIJEDLOG ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNOM OBJEKTU

- a) Niz B, Lamela B-1, izgrađenom u naselju Dobrinja V, Općina Novi Grad Sarajevo, zaključene između prodavca Kantonalni stambeni fond Sarajevo i kupaca nekretnina;
- b) Niz B, Lamela B-3, izgrađenom u naselju Dobrinja V, Općina Novi Grad Sarajevo, zaključene između prodavca Kantonalni stambeni fond Sarajevo i kupaca nekretnina;
- c) Niz B, Lamela B-1, izgrađenom u naselju Dobrinja V, Općina Novi Grad Sarajevo, zaključene između prodavca Kantonalni stambeni fond Sarajevo i kupaca nekretnina;
- d) Niz B, Lamela B-2, izgrađenom u naselju Dobrinja V, Općina Novi Grad Sarajevo, zaključene između prodavca Kantonalni stambeni fond Sarajevo i kupaca nekretnina;

Prijedloge odluka ste dobili uz poziv za sjednicu.

Predlažem da o istima vodimo jedinstvenu raspravu, a pojedinačno se izjašnjavamo, obzirom da su iste tematike.

MOLIM ZASTUPNIKE DA SE IZJASNE O OVOM PRIJEDLOGU JEDINSTVENE RASPRAVE.

Molim rezultate glasanja.

23, protiv i suzdržanih nije. 6 se malo uspavalo ali nije to neki veliki problem.

Jedinstvena je rasprava.

Molim predstavnika Predlagača da podnese uvodne napomene. Kolege ima li potrebe? Nema potrebe? Ako nema uvoda. Da li predstavnici radnih tijela žele riječ? Molim da se odjave kolege Bišćević-Tokić i Čampara. Ima li pitanja? Nema. Otvaram raspravu. Niko se ne prijavljuje. Zaključujem raspravu.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B-1, IZGRAĐENOM U NASELJU DOBRINJA V, OPĆINA NOVI GRAD SARAJEVO, ZAKLJUČENE IZMEĐU PRODAVCA KANTONALNI STAMBENI FOND SARAJEVO I KUPACA NEKRETNINA.

Možete glasati. Molim rezultate glasanja.

ZA JE GLASALO 23, PROTIV I SUZDRŽANIH NIJE BILO, 5 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B-3, IZGRAĐENOM U NASELJU DOBRINJA V, OPĆINA NOVI GRAD SARAJEVO, ZAKLJUČENE IZMEĐU PRODAVCA KANTONALNI STAMBENI FOND SARAJEVO I KUPACA NEKRETNINA.

Možete glasati. Molim rezultate glasanja.

ZA JE GLASALO 22, PROTIV I SUZDRŽANIH NIJE BILO, 6 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

c)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B-1, IZGRAĐENOM U NASELJU DOBRINJA V, OPĆINA NOVI GRAD SARAJEVO, ZAKLJUČENE IZMEĐU PRODAVCA KANTONALNI STAMBENI FOND SARAJEVO I KUPACA NEKRETNINA.

Molim zastupnike da se izjasne. Molim rezultate glasanja.

ZA JE GLASALO 21, PROTIV I SUZDRŽANIH NIJE BILO, 7 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

d)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B-2, IZGRAĐENOM U NASELJU DOBRINJA V, OPĆINA NOVI GRAD SARAJEVO, ZAKLJUČENE IZMEĐU PRODAVCA KANTONALNI STAMBENI FOND SARAJEVO I KUPACA NEKRETNINA.

Možete glasati. Molim rezultate glasanja.

ZA JE GLASALO 22, PROTIV I SUZDRŽANIH NIJE BILO, 6 NIJE GLASALO.

KONSTATUJEM DA JE SKUPŠTINA DONIJELA OVU ODLUKU.

Tačka sedam:

AD – 7.

PRIJEDLOG ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNOM

OBJEKTU NIZ B, LAMELA B3, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJE ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCIMA NEKRETNINA

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Niko se ne javlja. Ima li pitanja? Nema. Otvaram raspravu. Niko se ne prijavljuje zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA NACRTE UGOVORA O KUPOPRODAJI NEKRETNINA-ETAŽNO VLASNIŠTVO U STAMBENO-POSLOVNOM OBJEKTU NIZ B, LAMELA B 3, IZGRAĐENOG U NASELJU DOBRINJA V, OPĆINA NOVI GRAD SARAJEVO, KOJE ĆE KANTONALNI STAMBENI FOND SARAJEVO, KAO PRODAVAC, ZAKLJUČITI SA KUPCIMA NEKRETNINA.

Možete glasati. Molim rezultate glasanja.

ZA JE GLASALO 23, PROTIV I SUZDRŽANIH NIJE BILO, 5 NIJE GLASALO.
KONSTATUJEM DA JE SKUPŠTINA DONIJELA OVU ODLUKU.

Tačka osam.

AD – 8.

PRIJEDLOG ODLUKE O POTVRĐIVANJU RAZRJEŠENJA PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA:

- a) „Tržnice-pijace“ d.o.o. Sarajevo
- b) „Sarajevogas“ d.o.o. Sarajevo
- c) „Toplane-Sarajevo“ d.o.o. Sarajevo

Prijedloge odluka ste dobili uz poziv za sjednicu.

Predlažem da o istima vodimo jedinstvenu raspravu, a pojedinačno se izjašnjavamo, obzirom da su iste tematike.

Premijer se javio može, izvolite premijeru.

Premijer Edin Foro:

imali smo neke tehničke stvari zbog kojih smo mislili povući 8a i 9a ali evo u toku je ispravka, tako da očekujemo vrlo brzo da ćemo to ispraviti ako možete Tržnice samo ostaviti za kraj i mi ćemo to izvršiti. Ili da napravimo pauzu kako nama odgovara.

Predsjedavajući:

ne morate pauzu. Čak je dovoljno nama radi stenograma da vi nama konstatujete da je Vlada uložila amandman na izmjene, da je dala drugo ime umjesto ovog jer sam čuo da je to problem.

Premijer Edin Forto:

tako je bit će amandman za Skupštinu.

Predsjedavajući.

Za skupštinu je sasvim ok da vi u stenogram kažete da je bio amandman, išćitate nova imena u odnosu na materijal. Jel vam služba to još nije pripremila.

Premijer Edin Forto:

evo pripremaju, brzo će biti.

Predsjedavajući:

mala pauzica da se ne razilazite? Pauza pet do deset minuta dok ne stigne ovaj materijal. Hvala. Ne idite nigdje iz hodnika. Vas Stojanoviću posebno pratimo.

NASTAVAK NAKON PAUZE

predsjedavajući:

Nastavljamo sa radom današnje sjednice. Došli smo do tačke osam.

AD – 8.

PRIJEDLOG ODLUKE O POTVRĐIVANJU RAZRJEŠENJA PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA:

- a) „Tržnice-pijace“ d.o.o. Sarajevo
- b) „Sarajevogas“ d.o.o. Sarajevo
- c) „Toplane-Sarajevo“ d.o.o. Sarajevo

Prijedloge odluka ste dobili uz poziv za sjednicu.

Predlažem da o istima vodimo jedinstvenu raspravu, a pojedinačno se izjašnjavamo, obzirom da su iste tematike.

Molim zastupnike da se izjasne. Molim rezultate glasanja.

Za je glasalo 20, protiv i suzdržanih nije bilo. Nije glasalo 6.

konstatujem da smo usvojili prijedlog da se raspravlja o sva tri prijedloga a da se pojedinačno izjašnjavamo.

Molim predstavnika Predlagača da podnese uvodne napomene. Ministar Mandić.

Ministar Srđan Mandić: UVODNO IZLAGANJE

Predsjedavajući:

zahvaljujem ministre Mandiću. Dakle bio je taj amandman Vlade na ovo jedno ime u Tržnicama pijacama. A ne pardon. To je u narednoj. Prijedlog razrješenja ostaje isti. Pardon. Ima li pitanja? Da li se neko javlja za raspravu? Ako se ne javlja niko, zaključujem raspravu. I dajem pauzu od 10 minuta radi konsultacija. Pauza 10 minuta.

NASTAVAK NAKON PAUZE

Predsjedavajući:

Molim zastupnike da zauzmu svoja mjesta da se možemo prebrojati. Dobro. Dilema je bila oko jednog tehničkog dijela jednog od ovih prijedloga. Ministre Mandiću, mi smo vama

prenijeli oko ove tehničke procedure i jednog razrješenja. U pitanju je Sarajevo gas, možemo li čuti vaš stav?

Ministar Srđan Mandić.

Zbog navedenih tehničkih problema o kojima je predsjedavajući rekao ja povlačim ispred Vlade prijedlog razrješenja i imenovanja članove i predsjednika Skupštine Sarajevo gasa.

Predsjedavajući.

Zahvaljujemo ministre Mandiću. To nam je bio tehnički problem, tako da nastavljamo s radom. Nema više prijavljenih. Zaključujem raspravu.

Sada redom da šta ne pogriješim. Ustvari otvaram, za raspravu se nije niko javio, još jednom da ponovim. Niko se ne javlja, zaključujem raspravu, izjašnjavamo se pojedinačno.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA „Tržnice-pijace“ d.o.o. Sarajevo.

Molim rezultate glasanja.

ZA JE GLASALO 19, PROTIV I SUZDRŽANIH NIJE BILO. NIJE GLASALO 6.
KONSTATUJEM DA JE SKUPŠTINA DONIJELA OVU ODLUKU.

B) SMO POVUKLI

c)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA „Toplane-Sarajevo“ d.o.o. Sarajevo.

Molim rezultate glasanja.

ZA JE GLASALO 19, PROTIV I SUZDRŽANIH NIJE BILO. NIJE GLASALO 6.
KONSTATUJEM DA JE SKUPŠTINA DONIJELA OVU ODLUKU.

Tačka devet:

AD – 9.

PRIJEDLOG ODLUKE O POTVRĐIVANJU IMENOVANJA V.D. PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA

a) „Tržnice-pijace“ d.o.o. Sarajevo

c) „Toplane-Sarajevo“ d.o.o. Sarajevo

Dakle Sarajevo gas povučen. Prijedloge odluka ste dobili uz poziv za sjednicu.

Predlažem da o istima vodimo jedinstvenu raspravu, a pojedinačno se izjašnjavamo, obzirom da su iste tematike.

MOLIM ZASTUPNIKE DA SE IZJASNE O OVOM PRIJEDLOGU. Molim rezultate glasanja.

ZA JE GLASALO 18, PROTIV I SUZDRŽANIH NIJE BILO. NIJE GLASALO 5.
KONSTATUJEM DA SU ZASTUPNICI PODRŽALI OVAJ PRIJEDLOG.

Ministre Mandiću, uvodne napomene izvolite.

Ministar Srđan Mandić:

kada je u pitanju KJKP Tržnice Vlada amandman, obzirom da je došlo do izmjene jednog člana Skupštine, zastupnici su dobili materijal i biografiju. Tako da sada imamo prijedlog o Imenovanje v.d. predsjednika i članova Skupštine KJKP Tržnice-pijace doo Sarajevo:

vršilac dužnosti predsjednika Skupštine Adnan Jašarević

v.d. člana Skupštine Sejfo Šehović

v.d. člana Skupštine Zlatko Đulić.

To je firma Tržnice.

KJKP Toplane prijedlog za imenovanje predsjednice i članova Skupštine

v.d. predsjednice Skupštine Amra Šabanović

v.d. člana Skupštine Zaim Hrvat

v.d. člana Skupštine Muamer Hadžović.

Predsjedavajući:

zahvaljujem. Da li predstavnici radnih tijela žele riječ? Ako ne, da li ima pitanja za ministra? Nema. Da li se neko javlja za raspravu? ne. Jedna samo stvar prije nego što zaključim, ministre jel ovo korektan spisak? Jašarević, Šehović, Mašić, zamjena u Tržnicama, zamijenjen je Lošić a ubačen je Šehović.

Zaključak i prijedlog Odluke nisu isti. Jašarević, Šehović Đulić je u prijedlogu o potvrđivanju imenovanja. A Zaključak je daje se saglasnost na Jašarević, Šehović, Mašić.

Ministar Srđan Mandić:

zaključak i odluka se razlikuju?

Predsjedavajući:

tako je. Odluka je Jašarević, Šehović i Đulić. O njoj mi glasamo. A ovo je tehnička greška vaša vi je ispravite. Jel to pravi spisak? Jašarević, Šehović, Đulić.

Ministar Srđan Mandić.

Tako je. To sam i pročitao.

Predsjedavajući:

zahvaljujem. Samo nam je bilo zbunjujuće u zaključku ste pogriješili. Prepravite zaključak. Dakle izjašnjavamo se o

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA V.D. PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA „Tržnice-pijace“ d.o.o. Sarajevo. Ovom odlukom potvrđuje se imenovanje v.d. predsjednika i članova Skupštine KJKP Tržnice pijace doo Sarajevo, u daljem tekstu Skupština preduzeća i to:

1. Adnan Jašarević- v.d. predsjednika Skupštine

2. Sjefo Šehović

3. Zlatko Đulić v.d. člana Skupštine.

v.d. predsjednika i članova Skupštine iz tačke 1 ove odluke imenuju se na period od najduže tri mjeseca. Ova odluka stupa na snagu danom donošenja. Objavit će se u Službenim novinama Kantona Sarajevo.

Molim zastupnice da se izjasne o ovoj odluci. Molim rezultate glasanja.
ZA JE GLASALO 19, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

c)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA V.D. PREDSJEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA „Toplane-Sarajevo“ d.o.o. Sarajevo.

Možete glasati. Molim rezultate glasanja.

ZA JE GLASALO 19, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka 10.

AD – 10.

- a) PRIJEDLOG ODLUKE O DAVANJU IMENA PARKU, NA PODRUČJU OPĆINE CENTAR-MZ "MARIJIN DVOR-CRNI VRH";
- b) PRIJEDLOG ODLUKE O DAVANJU IMENA TRGU NA PODRUČJU OPĆINE ILIDŽA-MZ „HRASNICA I“;
- c) PRIJEDLOG ODLUKE O DAVANJU IMENA TRGU NA PODRUČJU OPĆINE CENTAR-., MZ TRG OSLOBOĐENJA CENTAR";

Prijedloge odluka ste dobili uz poziv za sjednicu. Predlažem da o istima vodimo jedinstvenu raspravu, a pojedinačno se izjašnjavamo, obzirom da su iste tematike.

MOLIM ZASTUPNIKE DA SE IZJASNE O OVOM PRIJEDLOGU.

ZA JE GLASALO 21, PROTIV I SUZDRŽANIH NIJE BILO.

KONSTATUJEM DA SMO USVOJILI PRIJEDLOG DA RASPRAVLJAMO JEDINSTVENO.

Molim predstavnika Predlagača da podnese uvodne napomene. Predsjednik Komisije kolega Damir Nikšić, vi ste uvodničar. Nekoliko rečenica o materijalu. Prijavite se.

Poslanik/zastupnik Damir Nikšić.

Nisam znao da ću morati da govorim ovdje. Radi se o parku Hastahani koji smo predložili da se zove Park prof. dr. Nijaza Durakovića. I složili smo se oko toga. I sada ništa. Nema nikakvih pravnih smetnji, bilo je prije da li da se doda još jedno ime, da li da ostane Hastahana – Prof. dr. Nijaza Durakovića. I sada smo to sve prevazišli te probleme na Komisiji i sada možemo. Ja, prije bio problem da se predlagalo da se zove trg, međutim kada se zove trg onda se podrazumijeva i gradnja na njemu. Mi smo insistirali da se zove park jer znamo da postoje sada ovi problemi da žele da se gradi tamo. Pa smo insistirali da se zove park i usaglasali smo se u toj odluci. Druga je odluka, drugi je prijedlog ulica Merkesijina. Ja sam predložio ovdje prije i usaglasili smo se isto sada, ako Skupština usvoji onda bi to išlo dalje u proceduru da se zove ulica Braće Repovac. Tako da se vrati naziv koji je bio prijašnji naziv, s tim da tada nije bio Braće Repovac već je bio samo Muhameda Repovca. A ovo bi bilo braće Repovac, Muhameda i Bakira Repovca. To je bila druga i koja je treća bila? U Hrasnici za

bataljon. I to je sve isto sređeno, imamo svu potrebnu dokumentaciju, lokalna zajednica je sve predložila, skupila potpise i nema nikakvih problema da se taj Trg nazove po bataljonu.

Predsjedavajući.

Zahvaljujemo kolega Nikšiću. Da li predstavnici radnih tijela žele riječ? ne. Da li ima pitanja? Niko se ne javlja. Otvaram raspravu. Za raspravu se niko ne prijavljuje.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU IMENA PARKU, NA PODRUČJU OPĆINE CENTAR-MZ "MARIJIN DVOR-CRNI VRH".

Možete glasati. Molim rezultate glasanja.

ZA JE GLASALO 23, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU IMENA TRGU NA PODRUČJU OPĆINE ILIDŽA-MZ „HRASNICA I“.

Možete glasati. Molim rezultate glasanja.

ZA JE GLASALO 23, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

c)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU IMENA TRGU NA PODRUČJU OPĆINE CENTAR-,, MZ TRG OSLOBOĐENJA CENTAR".

Možete glasati. Molim rezultate glasanja.

ZA JE GLASALO 23, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Naredna tačka:

AD – 11.

IZVJEŠTAJ O RADU FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN-OBILJEŽJA ŽRTAVA GENOCIDA ZA PERIOD 01.01.-31.12.2018. GODINE I IZVJEŠTAJ O FINANSIJSKOM POSLOVANJU ZA PERIOD 01.01.-31.12.2018. GODINE

Izvještaj ste dobili uz poziv za sjednicu. Molim predstavnika Predlagača da podnese uvodne napomene. Ministar Jusko kaže da je tu sa nama direktor Suad Zijadić. Direktore izvolite.

Direktor Fonda Suad Zijadić:

uvaženi predsjedavajući, dopredsjedavajući, uvaženi zastupnici, premijeru ministri, kolege, mediji. Obzirom da se prvi put obraćam sa ovog mjesta, kratko ću se predstaviti. Ja sam Suad Zijadić direktor Fonda memorijala. Po vokaciji profesor islamske kulture i civilizacije. Svršenik postdiplomskog studija na Fakultetu političkih nauka smjer EU integracije. 03.maja se napunilo 19 godina kako sam u Fondu memorijala i dvije godine pune kako sam direktor Fonda. Kratko bih rekao za one koji ne znaju i koji su prvi put tu, koji ne znaju šta je to Fond memorijala. Fond memorijala je osnovalo ovo tijelo, Skupština Kantona Sarajevo 1997 godine a u aprilu 98 je počeo sa radom jer su tada primljeni prvu uposlenici. Neki dan smo proslavili 22 godine od osnivanja Fonda memorijala. Sačinjen je od nekoliko sektora, sektor

za pravne, ekonomske i opće poslove, sektor za poslove izgradnje, uređenja i održavanja grobalja, memorijalnih centara i spomen obilježja. Sektor za zaštitu grobalja i počasne poslove, sektor za njegovanje tekovina, organizaciju manifestacija, muzejske zbirke i postavke. Izvještaj Fonda je sačinjen na ravno 136 stranica. Od toga je 60 pisanog teksta i 76 stranica slikovnih priloga. Dakle sve ono što smo radili mi smo to i slikovno pokazali, vodeći se time da je jedna slika 1000 riječi. Kada su u pitanju projekti koje smo realizovali u prošloj godini. Ja se izvinjavam koliko vremena imam?

(predsjedavajući odgovora bez uključenog mikrofona)

Hvala pokušat ću da budem kratak pa je to teško sažeti u kratko vrijeme. Kada su u pitanju kapitalni projekti, tu spada IV Izrada projektne dokumentacija

Kapitalni projekti podrazumijevaju sljedeće skupine:

1. Izrada projektne dokumentacije
2. Izgradnja Šehidskog spomen mezarja Kovači
3. Izgradnja grobalja šehida i poginulih boraca i spomen obilježja na području Kantona Sarajevo
4. Izrada i ugradnja nišana i nadgrobnih spomenika šehidima, poginulim borcima i umrlim borcima Armije R BiH, i roditeljima šehida/poginulih boraca, kojima je poginulo jedino dijete
5. Izgradnja groblja šehida i poginulih boraca i spomen obilježjavanja Kantona Sarajevo
6. Izgradnja novih, rekonstrukcija i sanacija postojećih objekata na Spomeničkom kompleksu Tunel D-B
7. Izgradnja novih, rekonstrukcija i sanacija postojećih objekata na Spomeničkom kompleksu Ratna džamija Igman
8. Sanacija i rekonstrukcija spomen obilježja iz perioda NOB-a 1941.-1945. godina

Uradili smo dosta projekata, idejnih rješenja, konkurse smo provodili i uradili dosta projekata, projektne dokumentacije. Kada je u pitanju šehidskog spomen mezarja Kovači tu smo imali projekte ispravljanja grešaka na zidu sjećanja i dopisivanje novih imena šehida i poginulih boraca. Zatim izvođenje zanatskih radova, završnih zanatski radova na elektro instalacijama u prostorima muzejske postavke u objektu Multimedijalni centar Kovači. Da budem preciznijim mi smo projekat Heroji oslobodičkog rata pokrenuli prije nekih 10 godina, radili smo ga intenzivno. Dosta toga smo uradili u zadnje dvije godine smo ga intenzivirali na način da smo provodili istraživanja na terenu sa porodicama, sa saborcima, i evo konačno smo 26.04. uspjeli da otvorimo Muzej „Heroji oslobodilačkog rata”. Dakle radi se o 9 heroja koji su odlikovani priznanjem Heroj oslobodičkog rata. U tom smislu mi smo radili određene pripreme na sanaciji odnosno rekonstrukciji prostora u koji je trebalo da se smjesti taj muzej. Nabavka mašina za održavanje prostora oko Memorijalnog centra Kovači nabavka platenika za uzgoj cvijeća za holitkulturu za uređenje mezarja. Ovdje želim istaći da smo, možda će nekome biti čudno zašto smo nabavili platenik. Platenik smo nabavili da bi smo uštedili na kupovini cvijeća koje je potrebno za hortikulturano uređenje mezarja šehoda i poginulih boraca. Kada u pitanju izgradnja grobalja šehida i poginulih boraca, želio bih istaći da smo na Velikom Polju izgradili rekonstruisali i nanovo izgradili spomen obilježje koje se nalazilo na Velikom polju. Bilo je sačinjeno do betonska dva elementa na kojima su bili pločicama polijepljeni imena poginulih na ratištu igmanskome. Na zahtjev i uz saglasnost Ministarstva smo uradili dopunili spiskove i uradili sada četiri velika kamena, obeliska na koji su uklesana imena koji su sada trajno riješeni. Tu su i sitni projekti, tipa izgradnje nekoliko hajr česama na području Kantona Sarajevo. Kada je u pitanju postavljanje nadgrobnih obilježja, nišana za poginule borce i ploča za poginule branitelje, napomenut ću da smo 325 pari nišana umrlim braniteljima ARBIH, 15 nišana šehidima, 4 para nišana za roditelje šehida, dakle po Zakonu roditelji koji su imali jedno imaju pravo na nišane. Devet pari nišana šehidima, zamjena oštećenih nišana. Zatim devet nadgrobnih spomenika umrlim braniteljima ARBIH. Dva

nadgrobna spomenika poginulim borcima, 1 nadgrobni spomenik roditeljima poginulih boraca. 1 nadgrobni spomenik poginulom borcu. Zamjena oštećenog nadgrobnog obilježja. Izvan Kantona Sarajevo smo radili 25 pari nišana, umrlim braniteljima ARBIH, 15 pari nišana šehidima i „par nišana roditeljima šehida. Oni naravno ostvaruju pravo a to što su ukopani izvan Kantona, dakle Fond Kantona izradi nišane i preda porodici oni vrše postavljanje. Želim istaći da smo i sufinansirali nekoliko projekata izvan Kantona Sarajevo. Projekta 9 heroja, u tom smislu smo finansirali izgradnju spomenika na Čorkovićima, sufinansirali postavljanje spomenika u Prijedoru Adilu Beiću i sufinansirali smo turbe heroju Nesibu Malkiću. Kada je u pitanju rekonstrukcija i sanacija objekata na spomeničkom kompleksu tunel DB, želim istaći da smo u prvoj fazi otvaramo 100 metara tunelske cijevi koja će biti dostupna posjetiteljima na tunelu spasa. Prva faza je bila uređenje izgradnja i rekonstrukcija ulaza i izlaza na tu stranu, a u drugoj fazi smo pristupili sanaciji i rekonstrukciji kompletnog tog dijela od oni će utoku ove godine biti stavljeni na raspolaganje posjetiteljima. Zatim ostakljivanje replike muzejske postavke na spomeničkom kompleksu tunel DB, zatim izgradnja nove i rekonstrukcija, sanacija postojećih objekata na spomeničkom kompleksu ratne džamije, tu smo imali u prošloj godini postavljanje kontejnera postavili su nam septičku jamu i time smo poprilično riješili problem toaleta koje smo imali na ratnoj džamiji na Igmanu. U drugoj fazi smo bili prisiljeni da rješavamo pitanje smještaja napih ljudi koji obezbjeđuju prostor ratne džamije u tom smislu smo pristupili rješenju problema na način da smo kupili dva namjenska kontejnera u koje ćemo smjestiti naše zaštitare koji obezbjeđuju džamiju. Postavljanje tih kontejnera će biti u toku ove godine. Zatim sanacija i rekonstrukcija spomen obilježja iz perioda NOR-a 41-45 ovdje bih istakao da smo u saradnji sa SABNOROM učestvovali u sanaciji spomen obilježja na Ivan Sedlu. Također u ovoj godini u saradnji sa SABNOROM ćemo sufinansirati projekat koji se zove spomen park Vraca. Kada su u pitanju kontinuirani poslovi, tu je uređenje i održavanje mezara šehida i poginulih boraca. Želim istaći da je u Kantonu Sarajevo na 150 lokacija su ukopani šehidi i poginuli borci. Fond memorijala ima 5 uposlenih koji održavaju

Predsjedavajući:

Ipak malo nam skratite direktore odosmo mi preko 15. svi su dobili materijal pisani. I treba samo da izdvojite iz materijala ono što smatrate suštinski najbitnijim u kraćoj verziji.

Direktor Fonda Suad Zijadić:

teško je izdvojiti, mnogo toga smo uradili.

Predsjedavajući:

sve piše direktore. Sve piše u papirima što ste poslali.

Direktor Fonda Suad Zijadić:

ja ću se onda opredijeliti da kažem na kraju tri projekta koja nismo realizovali. Oni ne pišu ovdje u materijalu, ta tri projekta koja nismo realizovali otkup zemljišta na Tunelu DB. Vlada nam je odobrila sredstva u iznosu d 500.000 KM međutim nismo uspjeli riješiti imovinsko pravne odnose. Situacija je takva da ih ne možemo riješiti, sve dok se ne steknu uslovi za eksproprijaciju zemljišta, a uslovi će se steći ako bog da ove godine jer smo pri kraju sa donošenjem urbanističkog projekta koji treba da usvoje paralelno općina Novi Grad i općina Ilidža kada oni usvoje urbanistički projekat stiže se uslov za eksproprijaciju zemljišta i mi smo planirali sredstva u ovoj godini za otkup to zemljišta. Drugi projekat koji nismo realizovali je projekat Žute tabije na kojem je planirano da se postavi muzej topova sa pratećim sadržajima. Zapelo je kod državne agencije za zaštitu spomenika, koja je nama iz nepoznatih razloga to obustavila i evo već dvije godine nemamo nikakve informacija niti odgovora zašto se to dešava. Treći i najkompleksniji projekt koji nismo realizovali je projekt

spremnik na Žuči. Problem Žuči je vrlo ozbiljan i Fond memorijala ne može samostalno ući u realizaciju tog projekata. Taj projekat podrazumijeva prvo da se uradi prva infrastruktura. Mi imamo završeno idejno rješenje, to što simbolično po 100.000 se planira za realizaciju ili za početak projekta je ništa jer gore nema ni vode, ni struje, ni kanalizacije, nikakvih osnovnih stvari koji bi bilo preduslov za gradnju. Dakle to su ti projekti koje nismo realizovali. Fonda memorijala je sredstva koja su bila planirana za to vratio Vladi Kantona Sarajevo i ona su preraspoređena dalje. Ovdje govorimo o finansijskom izvještaju jel?

Samo kratko da par stvari kažem ako dozvoljavate. Budžet Fonda Kantona Sarajevo je 3.843.180 KM. Realizovali smo 3.541.815 KM. Želim da kažem da smo uštedili nekih 70.000 KM u budžetu Kantona Sarajevo i želim napomenuti da smo ostvarili 1,2 miliona prihoda na tunelu od karata koje smo prodavali na tunelu. Na žalost jedino što trenutno na tunelu možemo to je da prodajemo karte. A to je samo 10% od mogućnosti onoga što bi smo mogli da ostvarimo. Kažem na žalost jer mi nemamo uslova za nešto više. Niti imao parkinga niti imamo ozbiljnih nus prostorija i onoga svega suporta koji donosi zaradu. Ovdje želim kazati da smo plan prebacili za 350.000 i da smo ta sredstva ostavili u budžetu Kantona Sarajevo. Hvala.

Predsjedavajući:

zahvaljujemo direktore. Da li predstavnici radnih tijela žele riječ? Nema. Ima li pitanja. Dopresjedavajuća Danijela Kristić pitanja.

Dopredsjedavajuća Danijela Kristić.

Ja ću samo dva kratka pitanja u izvještaju o javnim nabavkama ste poimenično naveli sve javne nabavke. Mene interesuje kako ste javnu nabavku u iznosu od 19.726 KM, zaključili putem direktnog postupka kada znamo da prema Zakonu o javnim nabavkama se može samo direktnim postupkom zaključiti do iznosa 6000 KM. Također u ovom izvještaju, ovo također nije jedini primjer. Imate ih više navedenih preko iznosa od 6000 KM. Također ste u izvještaju naveli iznos od 10.550 KM kao izdatke za rad u komisijama. Tu ste naveli da je to komisija za javne nabavke. Gdje ste to definisali kao sve javne nabavke za potrebe Fonda memorijala uključujući i nabavke putem direktnih sporazuma obavlja je komisija za javne nabavke sastavljena od stručnih lica zaposlenika Fonda memorijala obučenih za nabavke u skladu sa zakonom o javnim nabavkama. Da li mislite da bi trebali imati zaseban odjel javnih nabavki obzirom na obimnost istih, a već ima obučene ljude, samo koje za ovaj dio dodatno plaćate. Hvala.

Predsjedavajući. Zahvaljujem ima li još pitanja nema. Direktore molim vas da odgovorite.

Direktor Fonda Suad Zijadić:

hvala. Ovdje se sigurno radi o grešci jer Fond memorijala ni jednu javnu nabavku preko kao direktni sporazum nije uradio kao direktni sporazum koja iznosi preko 7000 KM sa PDV: dakle ni jednu. Ovo se vjerovatno radi o nekoj grešci. To možemo provjeriti. Zasiurno mogu, odgovorno tvrdim da nikada ni jednu javnu nabavku preko toga nismo uradili. Komisija za javne nabavke, mi imamo stručnog saradnika za javne nabavke međutim to mjesto nemamo upražnjeno niti možemo da ga upraznimo zbog moratorija tako da smo prisiljeni da te poslove rade komisija za javne nabavke. A to je mimo njihovog redovnog posla i regularno je da ih platimo.

Predsjedavajući:

Evo pojašnjenje ovdje vam stoji 19.726 ispravljanje nakrivljenih šehidskih nišana na mezarjima u Kantonu Sarajevo kojima ne upravlja KJKP Pokop direktni postupak. Planirano 20.000 izvršeno 19.726. direktnim postupkom. Dobro ništa. Hvala vam.

Direktor Fonda Suad Zijadić:
ne znam zaista, zbunjen sam.

Predsjedavajući:

u izvještaju zvaničnom tako stoji i još su neki preko 7000 u zvaničnom izvještaju direktni postupci, kojih je više od nekoliko. Dobro hvala. Hvala vam. Ima li još pitanja. Niko se ne javlja za pitanja otvaram raspravu. Z raspravu se također niko ne prijavljuje, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN-OBILJEŽJA ŽRTAVA GENOCIDA ZA PERIOD 01.01.-31.12.2018. GODINE I IZVJEŠTAJ O FINANSIJSKOM POSLOVANJU ZA PERIOD 01.01.-31.12.2018. GODINE

Molim zastupnike da se izjasne. Molim rezultate glasanja.

ZA JE GLASALO 6, PROTIV 7, SUZDRŽANIH 11.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Naredna tačka dvanaest:

AD - 12.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN-OBILJEŽJA ŽRTAVA GENOCIDA ZA 2019. GODINU

Prijedlog ste dobili kao dopunski materijal. Treba li uvodna riječ? Nema potrebe. Da li ima predstavnika radnih tijela koji bi se referirali? Nema. Ima li pitanja? Nema. Otvaram raspravu. Zatvaram raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN-OBILJEŽJA ŽRTAVA GENOCIDA ZA 2019. GODINU.

Molim rezultate glasanja.

ZA JE GLASALO 24, PROTIV I SUZDRŽANIH NIJE BILO. 1 NIJE GLASAO.

KONSTATUJEM DA SKUPŠTINA USVOJILA OVU ODLUKU.

Tačka trinaest:

AD – 13.

PRIJEDLOG ODLUKE O DAVANJU SAGLASNOSTI NA PRAVILA JAVNE USTANOVE „FOND MEMORIJALA KANTONA SARAJEVO“

Prijedlog odluke ste dobili uz poziv za sjednicu. Ima li potrebe uvod? Nema.

Da li predstavnici radnih tijela žele riječ? Ne. Ima li pitanja? Nema. Otvaram raspravu. Niko se ne prijavljuje, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PRAVILA JAVNE USTANOVE „FOND MEMORIJALA KANTONA SARAJEVO“.

Molim rezultate glasanja.

ZA JE GLASALO 23, PROTIV I SUZDRŽANIH NIJE BILO. NIJE GLASALO 2.

KONSTATUJEM DA JE SKUPŠTINA DONIJELA OVU ODLUKU.

Četrnaesta tačka:

AD – 14.

PRIJEDLOG ODLUKE O DAVANJU SAGLASNOSTI NA PROGRAM RADA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE ZA 2019. GODINU

Prijedlog odluke ste dobili u dopunskom materijalu. Ako ste ga dobro iščitali da li vam trebaju uvodne napomene? Kolege trebaju li uvodne napomene? Ne treba. Da li predstavnici radnih tijela žele riječ? Ne. Ima li pitanja? Nema. Otvaram raspravu. Niko se ne prijavljuje za raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGANE OSOBE ZA 2019. GODINU.

Molim rezultate glasanja.

ZA JE GLASALO 24, PROTIV I SUZDRŽANIH NIJE BILO. NIJE GLASAO 1.

KONSTATUJEM DA JE SKUPŠTINA DONIJELA OVU ODLUKU.

Tačka petnaest:

AD – 15.

PRIJEDLOG ODLUKE O DAVANJU SAGLASNOSTI NA FINANSIJSKI PLAN PRIHODA I RASHODA ZA 2019. GODINU FONDA KANTONA SARAJEVO ZA IZGRADNJU STANOVA

Prijedlog odluke ste dobili u dopunskom materijalu. Ukoliko je potrebno Predlagač uvodne napomene. Kolege čitali ste, dobili ste. Nije potrebne. Izjašnjavaju se zastupnici, jel potrebno zastupnici. Respekt stvarno što ste došli, vi odlučujete, svaki put. Uvodne napomene direktor Mirza Emirhafizović. Izvolite direktore.

Direktor Fonda Mirza Emirhafizović:

pozdravljam sve prisutne. Finansijski plan poslovanja za 2019 godinu su uvaženi zastupnici svi pročitali. Međutim, zašto sam se javio, zbog jedne kratke dopune, a to je obzirom da smo Finansijski plan poslovanja za 2019 godinu predali u Ministarstvo u oktobru 2018 godine, smatram potrebnim izvijestiti Skupštinu da je Fond Kantona Sarajevo nakon dostavljanja plana na javnoj licitaciji, objavljenoj 06.11.2018 godine, kao najpovoljniji ponuđač kupio zemljište planirano za gradnju stambeno poslovnog objekta u Ilijašu, na području Općine

Ilijaš. Zemljište je kupljeno po cijeni od 234.500 KM za 2331 metar kvadratni zemljišta. Isto tako 11.04.2019 godine smo kupili zemljište na području Općine Vogošća po cijeni od 78.500 KM za 1538 metara kvadratnih zemljišta. Hvala lijepo.

Predsjedavajući:

zahvaljujem direktore. Imate li pitanja. Ako imate, nema niko jel? Da ne vraćamo ljude. Dakle pitanja nema. Da li se neko javlja za raspravu? Ne prijavljuje se niko. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN PRIHODA I RASHODA ZA 2019. GODINU FONDA KANTONA SARAJEVO ZA IZGRADNJU STANOVA.

Možete glasati. Molim rezultate glasanja.

ZA JE GLASALO 24, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Tačka šesnaest:

AD – 16.

- A. **PRIJEDLOG ODLUKE O DAVANJU SAGLASNOSTI NA PROGRAM RADA KANTONALNOG STAMBENOG FONDA SARAJEVO ZA 2019. GODINU;**
- B. **PRIJEDLOG ODLUKE O DAVANJU SAGLASNOSTI NA FINANSIJSKI PLAN PRIHODA I RASHODA ZA 2019. GODINU KANTONALNOG STAMBENOG FONDA SARAJEVO**

Prijedloge odluka ste dobili u dopunskom materijalu. Predlažem da o istima vodimo jedinstvenu raspravu, a pojedinačno se izjašnjavamo, obzirom da su iste tematike.

MOLIM ZASTUPNIKE DA SE IZJASNE O OVOM PRIJEDLOGU.

Molim rezultate glasanja.

ZA JE GLASALO 24, PROTIV I SUZDRŽANIH NIJE BILO.

TAKO DA SMO USVOJILI OVAJ PRIJEDLOG.

E sada Predlagač da podnese uvodne napomene, kolegice i kolege ima li potrebe? Nema. Da li predstavnici radnih tijela žele riječ? Ne javlja se niko. Ima li pitanja? Nema pitanja. Otvaram raspravu. Za raspravu se niko ne prijavljuje, zaključujem raspravu.

a)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA KANTONALNOG STAMBENOG FONDA SARAJEVO ZA 2019. GODINU.

Molim rezultate glasanja.

ZA JE GLASALO 24, PROTIV I SUZDRŽANIH NIJE BILO.

KONSTATUJEM DA JE SKUPŠTINA USVOJILA OVU ODLUKU.

b)

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN PRIHODA I RASHODA ZA 2019. GODINU KANTONALNOG STAMBENOG FONDA SARAJEVO.

Molim rezultate glasanja.
ZA JE GLASALO 24, PROTIV I SUZDRŽANIH NIJE BILO.
KONSTATUJEM DA JE SKUPŠTINA USVOJILA OVU ODLUKU.

Tačka sedamnaest:

AD – 17.

IZVJEŠTAJ O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2018. GODINU

Materijal ste dobili u dopunskom materijalu. Molim predstavnika Predlagača da podnese uvodne napomene. Tu je sa nama direktor Osman Delić.

Direktor KJU za zaštićena područja Osman Delić:

Uvaženi zastupnici, gospodine predsjedavajući, dopredsjedavajući, ministri, mediji i gledaoci. Bit ću kratak pošto u izvještaju sve piše, i o finansijskom poslovanju i o Izvještaju o radu, evo par rečenica da nisam džaba izlazio. Znači osnovna zadaća JU zaštitna prirodnih geomorfoloških i hidroloških vrijednosti, u čemu se nadamo da smo i uspjeli. Evo danas je bilo spominjane su bakterije na Vrelu Bosne. JU odmah po primitku da su se pojavile bakterije na Vrelu Bosne prije šest godina, resorno Ministarstvo se angažovalo i dobrim dijelom je saniran kolektor sa Bjelašnice prema Hadžićima i svake godine je sve manji i manji broj kalifonih bakterija na ovome prostoru. U prošlom periodu rađeni su razni monitorinzi, kako monitorinzi voda, zemljišta i ostalih prirodnih vrijednosti. Moram reći da u izvještajnom periodu nismo imali požara niti većih šumskih šteta što je uobičajeno za ovakve prostore. Neke manje štete se dešavale na granici razgraničenja u babinom postupku, između Skakavca i Hreše. Moram napomenuti da smo u ovom periodu imali izuzetno kvalitetnu saradnju sa Federalnim fondom okoliša gdje realizujemo dva projekta sa Federalnim Ministarstvom također okoliša i turizma, te dva međunarodna projekta (nerazumljivo) koji je pri kraju i Adria kejev, radi se o speleološkim objektima, radi se sa sedam europskih zemalja. Članice smo Svjetskog fonda okoliša, te Parkova dinarskog luka. Ono što možemo spomenuti u prošloj godini, ponovo ponavljam, da je najbitnije da smo sačuvali šumski fond od požara i od šteta. Ako hoćemo spomenuti, onda moram napomenuti da smo u prošloj godini imali veoma veliki pritisak na zaštićeni prostor Trebevića jer je samo za par mjeseci iskrcalo se na Trebević preko 700.000 posjetilaca sa vertikalnim transportom. I vjerujte mi da svake sedmice mi imao odvoz smeća sa Trebevića u enormnim količinama. Ono što je najveći problem na Vrelu Bosne je nedostatak parkinga, evo i ovih dana imamo stalno e-mailova koji su dolazili na kantonalnu Vladu. Mi smo u zadnjih par godina nastojimo sa opštinom Ilidža sa resornim ministarstvom te obadva zavoda da se nađe adekvatno zemljište, da bi se napravio parking kod crkve u Blažuju kako se bi se rasteretio prostor ulaska na Vrelo Bosne. U prošloj godini, najviše što je rađeno, dakle urađena je rekonstrukcija jednog dijela putne komunikacije prvih 500 metara, izdvojili smo 50.000 ove godine udružili sredstva sa Direkcijom za ceste Kantona Sarajevo u vrijednosti od 100.000 za rekonstrukciju i preostala 2,2 kilometra. Rađen je šumski mobilijar. Urađen je u prošloj godini i kompletan video nadzor na Bentbaši i povezan je sa PU Stari Grad. Invalidska rampa na Vrelu Bosne instalirana je na ovom prostoru. Urađeni su i monitorinzi. Te dobar dio staza na ovim prostorima. Ako govorimo o finansijskom dijelu u prošloj godini ukupan prihod je iznosio 1.310.000 od toga je vlastitih prihoda 693.000 i od Budžeta Kantona 616.000. razgraničeno je 162.000 za ovu godinu. I možda još jedan podatak da u prošloj godini Vrelo Bosne posjetilo preko 220.000 posjetila sa uredno izdatim kartama i fiskalnim računima, a Bijambare je posjetilo 80.000 posjetila. 60.000 voz i 25.000 podzemnih.

Predsjedavajući:

Zahvaljujemo direktore. Ima li pitanja dok je direktor tu na sceni? Elvis Vreto, kolega zastupnik, izvolite.

Poslanik/zastupnik Elvis Vreto:

hvala predsjedavajući. Dva pitanja. Planom i programom JU je planirala otkup u svojoj strategiji Plana i upravljanja tim područjem, jer se vaša nadležnost preklapa sa zonama sanitarne zaštite, odnosno vodozaštitnom zonom, da li je JU bilo kome od korisnika izvršila isplatu za zemljište na tom lokalitetu? I drugo pitanje, da li JU isplaćivala naknadu za izgubljenu dobit ljudima kojima nije otkupila zemljišta a postoji obaveza zato što isto ne mogu da koriste? To su neka dva pitanja koja su usko vezana i za problematiku vodozaštitne zone, a pošto JU gospodari tim područjem volio bih čuti odgovor na ova pitanja. Eto toliko. Hvala.

Direktor Osman Delić:

Hvala. Uvaženi zastupniče JU upravlja područjem i otkup zemljišta vrši resorno Ministarstvo i u prošloj godini je vršen otkup određenog zemljišta i u Zavodu za izgradnju Kantona ima dobar dio sredstava od rente, koje se namjerava za otkup zemljišta upravo za izgradnju ovih parkinga. A za izgubljenu dobit nije se niko još javljao, mi imamo već pojavu da sa Skakavca i sa Bijambara imamo potrebe i već je prošle godine resorno Ministarstvo za izgubljenu dobit, naročito u šumskom fondu već su počele isplate.

Predsjedavajući:

kolega Poturak se javio, izvolite. Kolega Vreto jeste li zadovoljni odgovorom. Dobili ste odgovor. OK.

Poslanik/zastupnik Dževad Poturak:

zahvaljujem. Jedno kratko pitanje rimski most. Šta se dešava? Postoji li mogućnost obnove na pravi način? Eto toliko.

Direktor Osman Delić.

Mislim da je sada Rimski most što se tiče održavanja i hortikulture da je sada u vrlo kvalitetnom stanju, imamo ovaj projekat Vlade Kantona, tamo je već zaposleno desetak ljudi i svaki dan su prisutni na tom prostoru. Već je pristupni put od crkve i ovaj put od Ilidže već su nasuti i sanirani. Ovih dana su počeli sa postavljanjem klupa i korpi i mislim da ćemo u narednim danima postaviti i par nadstrešnica.

Predsjedavajući:

Zahvaljujemo. Pitanje kolega Nikšić jel?

Poslanik/zastupnik Damir Nikšić:

Jeste. Ja sam dobio jedno pitanje od nekog građanina iz baze. Ne znam tačno da li ću znati pitati pošto nije moj resor, a on pita. Kaže: prvo što pita da zahtjev o rezultatima inspekcije nad JU Zaštićena područja? Ne znam zašto to traži, a onda se nadovezuje pa kaže u decembru je naređeno da se izvrši inventarizacija gljiva jer je bila predviđena budžetom i naređeno je da se ista uradi do juna. E sada ako možete da mi objasnite zašto on ovo pita. Jel ima neki problem zašto se ljudi brinu.

Direktor Osman Delić.

To je jedan stari gljivar koji pita, sve znam i ko pita. Sklopljen je ugovor i sa Zemaljskim muzejom i radi se, pošto prošle godine nismo uspjeli da odaberemo izvođača radova odnosno pružanja usluga na ovome prostoru na Bijambarama ove godine se već radi taj monitoring. Hvala.

Predsjedavajući:

pitanja više nema. Ovo je kolega Vreto koji se javio za diskusiju. On je pitanja, ili niste. Stojite uključeni, isključite se. Nema više prijavljenih za pitanja. Za diskusiju koliko vidim isto tako nema. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2018. GODINU.

Molim rezultate glasanja.

ZA JE GLASALO 9, PROTIV je glasalo 2 I SUZDRŽANIH 12.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka osamnaest:

AD – 18.

**MIŠLJENJE MINISTARSTVA ZA BORAČKA PITANJA KANTONA SARAJEVO
NA NACRT ZAKONA O PRAVIMA DEMOBILIZIRANIH BRANILACA I
ČLANOVA NJIHOVIH PORODICA**

Mišljenje ste dobili u dopunskom materijalu. Molim predstavnika Predlagača da podnese uvodne napomene. Ministar Ismir Jusko.

Ministar Ismir Jusko: UVODNO IZLAGANJE

Predsjedavajući:

Ima li pitanja za ministra Juska? Nema. Otvaram raspravu. Ako se niko ne javlja ja bih prodiskutovao po ovoj tački.

Nikada nisam u životu vidio jedan Zakon kojim se skoro ništa ne mijenja, ko što se ovim zakonom skoro ništa ne mijenja. Smatram ovo prevarom onih ko ji su priredili ovaj Zakon cjelokupne boračke populacije, a sada ću to elaborirati tačku po tačku jer sam malo dublje iščitavao Zakon.

Najčešće ponavljanja rečenica u ovom Zakonu jeste riješit će se taj i taj problem, izdvojit će se ta i ta sredstva u skladu sa mogućnostima. Kada hoćete nekog da prevarite, onda ovako uopšteno donesete neki Zakon koji kaže da će kantoni i Federacija i druge institucije i opštinske službe u skladu sa svojim mogućnostima riješiti problem boraca koji svoja prava potvrđivali na ulicama. Dakle, da se vratim malo hronološki. Ključni zahtjevi boračke populacije, koje smatram apsolutno opravdanim, prvi je Registar. Registar bi trebao iščistiti ono što je postalo skandalozno i imate baratate se činjenicom da oko 600.000 do 700.000 boraca ima prava, ostvarilo je prava u BIH, mi koji smo ovdje proveli rat, braneći BIH znamo da je to nemoguće i da je to zloupotreba političkih elita, u kojima su sve pobjegulje uveli u prava i dali im i na njih troše ogromne iznose sredstava. Broj jedan je morao biti jasno preciziran Registar k oji je preduslov da bi se stvari suštinski promijenile jer bi se nakon usvajanja tog Registra koji je morao biti propisan moralo je biti propisano kako izgleda Registar, dakle ime i prezime, datum zasnivanja u kojoj jedinici, sve potrebne podatke kako bi smo mi kroz njegovu transparentnost mogli utvrditi manipulacije i izdvajanje ogromnog dijela

sredstava na one koji to ne zaslužuju. Ja govorim to zato što ću na kraju poentirati šta je u stvari suština donošenja ovakvog Zakona. Druga stvar je obračun sa lažnim boračkih udruženjima. Dakle ovaj Zakon to ne dotiče uopšte. Nego čak Registar je formalno u članu 51 pomenuo i rekao da će on biti objavljen u roku od 60 dana, ništa više od toga. Da ne govorimo o raščlanjivanju onih koji su učestvovali u borbenim dejstvima i oni koji su dali svoj doprinos ali ipak nisu bili na prvim borbenim linijama pa bi se ovim zakonom trebali drugačije tretirati. Ovdje je uopšteno i rekli su nam da će ko biva taj Zakon biti usvojen, ustvari Registar biti objavljen 60 dana nakon usvajanja Zakona, što smatram najvećom prevarom u ovom Zakonu. Dakle nisu odgovorili na zahtjev boraca, i napravili su jednu trivijalnu priču. Ono što se zove borački dodatak nije egzistencijalni dodatak. Dakle mi imamo sistem koji se bavi socijalnim davanjima pa i boračke kategorije, i taj socijalni dodatak nekako je malo ne mogu adekvatno naći izraz za tu riječ, nije ono što naši borci zaslužuju. Ako postoji nešto što treba dati borcima, to je borački dodatak pazite u skladu s mogućnostima. Sa većinom ovih ljudi sam ja razgovarao. Imao razgovor i sa ovima koji su najustrajniji. I na ulici su, i gore u kampu i drugim, njima je najbitnije da se zna ključna stvar koliko je ljudi zaista branilo državu, da se to vidi kroz Registar i spremni su na ono što je za državu najbitnije da se ne povećava nivo izdvajanja za boračku populaciju. Jer mi smatramo da je on dovoljno većim, ali da bi smo kroz registar i smanjenje nepotrebnih troškova mogli obezbijediti jedan budžet koji bi borci onda mogli reći: marka marka, tri, pet, sedam, 50 po mjesecu, 12 mjeseci itd. Nisu to ni pokušali napraviti predlagači. Nisu ni pokušali. Rašomonijadu ovih propisa koji su potpuno neusklađeni sa svim drugim propisima države i Federacije pogotovo, Zakona koji se tiču zdravstvene zaštite i prava koja proizilaze, mada oni objektivno i ne proizilaze jer su vam oni dragi moji borci, tamo naglašeni u skladu s mogućnostima. Federacija nam predloži jedan Zakon u kom bi Sarajevo koliko toliko moglo podnijeti neke nove izdatke ali Goražde ne bi sigurno, ali SBK ne može sigurno, USK sa migrantskom krizom, problemima koji oni žive, ne bi sigurno iako je ovo Zakon koji bi trebao napraviti elitu u Kantonu Sarajevo, ja oštro šaljem protest predlagačima da se s ovim ne igraju, jer ovdje nije jedna grupa ljudi u jednom gradu branila ovu zemlju, nego svi, a pogotovo ovi na ulazu i na kapijama države BIH i u Krajini i u Goraždu i u drugim naravno dijelovima naše zemlje. Uopšte predlagač nije razmišljao o efektima ovog propisa kako će oni dodatno raslojiti boračku populaciju u BIH, upravo čini mi se kao da im je to bio cilj. Vidi se da je Zakon donesen pod pritiskom ljudi koji su izašli na ulice i da su kukavice koji su ga pisali nisu bili spremni na ozbiljan dijalog. Nego su ga predlagali pod pritiskom da se eto ko biva nešto desi. On je siguran sam, bit će narednih dana na svim sjednicama Predstavničkog doma i Doma naroda predmet ozbiljnog elaborata. 51 član ima ovaj Zakon koji je, ma da, izgubit ću tu previše vremena. Neke opštine, svaka im čast. Opštini Ilidža svaka čast. Opštini Ilijaš svaka čast. Ovim službama koje su na ovakav način odgovorile, one su se posvetili iščitali i dali svoja mišljenja. Neke naše gradske opštine napisale su nemamo ništa protiv, vidite da niko nije otvorio ovaj Zakon, nije ga pogledao. Dakle ovo je prebitna stvar za boračku populaciju i prebitna stvar za nas kao društvo i postavljanje nas prema ljudima koji su ovu zemlju odbranili. Daju im se neka prava u segmentu zdravstvene zaštite i kaže se zakonom demobilisani borac ima pravo prednosti na dijagnostičkim pregledima koristit će i rezonance i CT i sve ima prednost, u odnosu na koga? Na RVI 100% borce, u odnosu na dobitnike najvećih ratnih priznanja Zlatne ljiljane, u odnosu na majke šehida i poginulih boraca. Ja bih kao demobilisani borac trebao imati pravo prednosti u pružanju zdravstvenih zaštita. Dakle to je cirkus. I oni su nam ovim dokumentom priredili jedan cirkus zamajavajući ljude i bježeći od odgovornosti. Druga prava koja proizilaze iz zapošljavanja. Vi kažete imat će pravo demobilisani borac kod zapošljavanja. Kakvo pravo? Mora imati stepen stručne spremlje propisan zakonom, u potpunoj koliziji sa svim drugim propisima su ovi prijedlozi. I gore će neki ministar, ovaj ministar reći ja sam se za vas borimo neko vam to dole ne da. Tako rade kukavice. Tako ne rade ljudi koji suštinski hoće da promijene status boračke

populacije. Sve kolizije moguće o pružanju zdravstvenih zaštita ima ovaj Zakon. Liječenja u drugim kantonima, liječenja van zemlje, oni su samo propisali akt za koji znaju da je nesprovodiv. Znaju. Jer je nemoguće. Ili mora se resetovati kompletna Federacija, kompletan zdravstveni sistem ugasiti, pa ga nanovo prema ovom Zakonu prilagoditi i reći, samo onaj ko se borio u ratu ima pravo ići kod doktora, kada vam on uđe u ambulantu, svi izlazite napolje da ga neko pregleda. Mi to nismo tražili. Velika većina boračke populacije to ne traži. Ne traži ni borački dodatak ukoliko nije u potrebi ali da ne raščlanjujem. Gledam koliko mi ide vrijeme. Neću govoriti više od deset minuta. Opet na ovu famoznu, u skladu s mogućnostima u članu 12. vidite 30% se povećava borcu broj bodova u slučaju konkursa za zapošljavanje. Saberete mu bodove i uvećate mu za 30%. pa šta to ima veze? Napraviti ćemo pravilnik koji ga potpuno derogira u svim drugim segmentima i to mu uvećati za 30% i u namještenom konkursu on će biti 19. ne da neće biti prvi. Nikakva mu prava niste dali. I dalje opet ista, u skladu s mogućnostima u članu 16. kaže novčana sredstva za troškove dženaze isplatit će se iz sredstava Federalnog Ministarstva predviđenih u budžetu FBIH. Vi možete predvidjeti 3000 u budžetu FBIH. Obrati vam se 100 boraca, jednog možete ukopati. Zato što to predviđa budžet jer je naravno ovaj Zakon u koliziji i sa zakonom o budžetu i sa Zakonom o izvršenju budžeta, i sa Zakonom o trezoru. Sa svim je zakonima u koliziji, a vi ste ko biva dali neka prava borcima u BiH. I dalje samo čitate na kantone ste prenijeli brigu o populaciji najbrojnijoj. Maloljetne borce, populaciju kojoj ja pripadam, ste samo stavili formalno u početku i rekli da su oni dio sistema. Kasnije u cijelom Zakonu, ni jedan maloljetni borac ne ostvaruje ni jedno pravo. E ovo je nama danas poslalo Federalno Ministarstvo na brzo izjašnjavanje. I fino je to priredilo Ministarstvo za boračka pitanja na vašu ovu. Nemam zaista riječi, vi ste također detektovali dio ovih problema. Ne znam, ako je danas potrebno da mi podržimo kako bi dalje proceduralno ovaj Zakon išao, ja nemam ništa protiv. Kako god kaže ministar za boračka pitanja, ali suštinski ću o ovome govoriti mnogo u narednim danima, sramota je kakav su Zakon priredili ovi ljudi sa nivoa Federacije. Hvala.

Kolega Zvonko Marić ima riječ.

Poslanik/zastupnik Zvonko Marić.

Zahvaljujem predsjedavajući. Puno toga ste rekli što bih i ja rekao vezano za ovaj problem koji je dugogodišnji, međutim nisam nimalo iznenađen ovim što nam je Federalna Vlada ponudila, odnosno resorno Ministarstvo iz prostog razloga što definitivno znamo ko od početka drži ovaj resor. I svojevremeno ako se sjećate čak su i najviši dužnosnici u državi BiH koji pripadaju tom političkom projektu, govorili da je dato za borce od rata pa na ovamo preko 11 milijardi. Ja ne znam da li se sjećate tog podatka. Međutim o katastrofalno stanje u kojem se nalazi boračka populacija zaista govori da je, ako je dato preko 11 milijardi KM za boračka pitanja, rješavanje njihovih problema da je to bilo promašene investicije i da je to zapravo auto gol. Ta izjava je zapravo auto gol onome ko je to izjavio. Jer da nije tako sasvim sigurno da bi bila riješena brojna pitanja. Svojevremeno sam i ja govorio o ovim problemima, čak i u vrijeme dok sam bio novinar i naprosto mi je nemoguća cifra da i nakon toliko godina raste broj boraca, pa to dostiže sada 600.000. znamo s koliko boraca smo završili. Međutim ne mogu da ne kažem da je ovo samo mišljenje Ministarstva za boračka pitanja Kantona Sarajevo dakle i kao takvo znam koje su bile namjere ministra Juske, jer smo razgovarali o tome u nekoliko navrata. I on se rukovodio time da će se ovim barem ublažiti problemi boraca i u tom smislu je to uradio i rekao da otprilike 4,5 miliona koliko znam bi trebalo da izdvoji Vlada Kantona Sarajevo da bi se ispunila ova očekivanja odnosno da bi se riješili neki problemi boračke populacije. U TK bi za ovakvo nešto trebalo 11 miliona i u pravu ste u potpunosti da mnogi kantoni ne bi mogli uraditi to, odnosno izdvojiti tolika sredstva. Činjenica je da se puno populizma u boračkom Ministarstvu federalnom nakupilo i naprosto više je to degutantno i slušati iz prostog razloga što se sve pokušava nešto uraditi a

zapravo se čini da se ništa ne uradi. Naprotiv da ova agonija potraje dugo vremena i da što više bioloških boraca nestane itd. Pitanja boračkih udruženja zaista su bolna pitanja međutim predsjedavajući ja bih rekao da generiraju tu situaciju čak i lokalna zajednica koja ima po 20 udruženja na području jedne općine koja broji recimo ima predsjednika udruženja, zamjenika udruženja i eventualno sekretaricu. Toliki broj udruženja je nezapamćen u historiji. Američka vojska nije imala u svojoj historiji toliko broj udruženja od Vijetnama pa na dalje i sve ratove koje je vodila. Dakle ukupno nema toliko udruženja. Šta to znači? Riječ je o manipulaciji i zapravo. Ova kategorija socijalni dodatak. Pa zar su naši borci socijalni slučajevi, zašto smo ih doveli u takvu situaciju? Kakav socijalni dodatak? Šta znači? Socijalni slučajevi. To je vrlo uvredljivo za boračku populaciju da primaju socijalni dodatak. Ko ih je doveo u takvu situaciju da se barata tako uvredljivom terminologijom? I slažem se da ne bi dužili, znam da je ovdje dobra namjera postojala i resornog ministra Juske i znam čime se rukovodio da se ublaže ove nedaće boraca koje traju dugi niz godina preko skoro 2,5 desetljeća i ne bih ovdje da govorim ni zamaram gledateljstvo i jasno sam u nekoliko navrata i ovo je stav Kluba SBB vezano za teško stanje u kojem se nalazi boračka populacija u svakom smislu podrška za tu populaciju ali ću o ovim stvarima govoriti u Domu naroda kada dođe vrijeme za to i ukazati i odnosno adresirati na pravu adresu sve ovo što sam mislio reći.

Predsjedavajući:

zahvaljujem kolega Mariću. Niko se na javlja. Ja moram drugu diskusiju. Samo još nekoliko stvari da pročitam jer čini mi se da tek imamo sada. Aha ima Samir Suljević. Kolega Suljeviću izvolite.

Poslanik/zastupnik Samir Suljević:

oprostite kasno sam se javio. Morao sam poslije ovih svih izlaganja da dam svoje mišljenje. Ja sam maloprije na tački prvoj gdje su vijećničke inicijative, dostavio jedno vijećničku inicijativu koja je indirektno vezana za ovu, ona je doduše vezana za Zakon o dopunskim pravima boraca koji se na kraju krajeva naslanja na ove zakone. Pošto radim dugo godina ili radio sam na ovoj problematici, očigledno je da smo mi daleko, daleko od onoga rješenja pitanja boračke populacije. Hajmo da napravimo rezime, 25 godina poslije rata boračka populacija nema riješeno stambeno pitanje. Šehidske porodice i porodice poginulih boraca nemaju riješene stambena pitanja. Stipendiranje ide na kašikicu. U ovoj inicijativi koju sam maloprije rekao zakoni su svi napravljeni na način da besplatno školovanje besplatne knjige, besplatno ovo, što vi kažete predsjedavajući ako može, a onda se u stvarnosti desi situacija da školstvo ne dozvoljava besplatne knjige, da visoko obrazovne ustanove traže plaćanje za tu kategoriju školovanja itd. I mislim da daleko smo od rješavanja ovoga, jedan dio je prebačen na općine ali uglavnom finansiranje se svodi na raznorazna boračka udruženja kojih ima u Kantonu Sarajevo ih ima sigurno preko 100. I mislim da su više u tim boračkim udruženjima ljudi koji su vezani za politiku i za rad određenih političkih struktura i zatim doći ćemo u situaciju da ta boračka udruženja uglavnom prate političke strukture tih općina i Kantona koji su na vlasti, jer bože moj, ja ih razumijem, ne bude li im vlast dala novac za ta udruženja nema rada udruženja. Dovedi smo boračku populaciju bukvalno na dno. Vjerujte mi isto kao i vi, isto kao maloprije moj kolega Zvonko, stvarno ne znam kakvo mišljenje mi treba da damo. Siguran sam da bez obzira na najbolje moguće, najbolju želju da ovaj Zakon drastično ništa neće promijeniti. Neću više, uglavnom ponavljao bih se kao i maloprije što ste rekli i vi. Hvala.

Predsjedavajući:

hvala kolega Suljeviću. Ja ću samo još nekoliko rečenica, najradije bih čitao ove sve u skladu s mogućnostima propise. Kažete ovdje: mnogo veća prava daje kantonalni Zakon o dopunskim pravima boraca. Precizna jasna i veća prava nego što su ovim zakonom predviđeni

s Federacije a ko biva mi rješavamo problem boračke populacije. Kaže se kod upisa u školu ukoliko ostvare bodovni minimum imaju pravo upisa. Pa to imaju i bez ovog Zakona. Urade djeca eksternu maturu, imaju dobre ocjene u OŠ, dijete su demobilisanog borca, vi on line vidite da je dijete dobro i upisano je u tu školu. Ako je ispod crte, nije upisano u tu školu. Ovo je bez veze. Sve i jedan, samo dva ili tri člana ovdje imaju neku suštinu koja je neprimjenjiva. Dakle, ovi koji imaju suštinu nisu primjenjivi. Hoćete da liječite borce, suprotstavili ste ovaj Zakon svim, i ne znam kako može jednu ozbiljnu Vladu proći jedan ovakav dokument. Šta rade drugi ministri. Žao mi je što nema ministra Čampare da pitam šta rade drugi ministri na Vladi? Šta radi ministar zdravstva kada se usvaja ovakav Zakon? Zašto ne upozori, ne kaže dezavuišete i lažete ljude? Dajete im lažna prava u Zakonu koja oni nikada ne mogu ostvariti. I dajete tu obavezu kantonima u skladu sa svojim mogućnostima. Još nekoliko ima trivijalnih. Kaže, imaju prava smještaja čak i u studentske domove ali u skladu s kriterijima utvrđenim kantonalnim propisima. E i to pravo. Mi smo rekli u redu je ali onako kako vam kažu na kantonima. I ako nema u kantonalnom propisu pravilnik u kom je prednost borcu demobilisanom, njegovom djetetu, on nije ostvario pravo. Dakle nikada nisam vidio sličan Zakon. Evo živim 15 godina parlamentarni život, pročitao sam stotine Zakona, ja nikada nisam vidio Zakon koji ništa ne mijenja. U kaznenim odredbama član 52. pod a), b) i c) imaju dvije kazne u kaznenim odredbama Zakona koji bi trebao riješiti suštinski problem boraca. Dvije ili tri. Novčana kazna od 50, 20 ko uskrati ograniči prava, ne pripada pravo u Zakonu i c) ne omogućiti ostvarivanje uvida. To su sve kaznene odredbe nas koji bi smo trebali primijeniti ovaj Zakon u narednom periodu. I zaista mi je drago što ćemo biti u prilici da aktueliziramo ovu temu na svim nivoima vlasti i u javnosti naravno i kao Skupština i kao politički subjekti i boga mi ćemo se boriti ozbiljno da snose odgovornost priređivači ovog Zakona jer su u zabludu doveli, oni misle 600.000 a mi mislimo negdje oko 250 ili 300.000 boraca, što će se utvrditi Registrom. Na narednoj ću sjednici podnijeti inicijativu da se formira Registar boraca u Kantonu Sarajevo, da mi ne čekamo ove cirkusante, da uredimo zakonom način finansiranja boračkih udruženja i da javno bude obznanjen borački registar jer kako kažu ovi sa službe ili gore ovi informacije da ima oko 90.000 boraca u Kantonu Sarajevo. Volio bih imenom i prezimenom vidjeti i ubijeđen sam da ćemo iz Minhena, Frankfurta i drugih ugodnih zemalja naći p0uno stanovnika ovog registra i Kantona Sarajevo mislim će u tome biti primjer. Kolega Marić druga diskusija, tri minute imate pravo.

Poslanik/zastupnik Zvonko Marić:

zahvaljujem predsjedavajući. Dakle, u jednom pasusu tamo imate da su ovaj put ovim zakonom, to je samo neka naznaka, razdvojene kategorije boraca koji su dezertirali iz BIH i kategorija boraca koja je zbog liječenja morala vani. To je jedna blaga izmjena koje je. Međutim smatram da ste vi predsjedavajući u grdnoj iluziji ili zabludi ako mislite da će ovi priređivači ovog skandaloznog Zakona odgovarati. Odgavarat će kao što su i do sada odgovarali. Ja mislim da nikada neće odgovarati i oni zato se ponašaju na način na koji to rade. Dakle oni znaju da su lišeni odgovornosti i da će određeni centri moći amnestiraju ih od odgovornosti za ovo sve što se desilo. Za ovu kompletnu agoniju u boračkom segmentu društva. Zaista ne mislim da će oni odgovarati i na nama j da pokušamo još jednom i to je svojevrsna šansa, možda posljednja da učinimo da se ova pitanja dovedu u red i da se na najbolji mogući način riješe boračka pitanja koja su trebala biti riješena u prvih deset godina najviše jer nevjerovatno je, neljudski, nemoralno da se pojavljuju borci, vi ste vidjeli sigurno, budući da pratite tu tematiku vidjeli da su se prijavljivali i 2006 u se sjetili da su bili pripadnici ARBIH, 2007. pa ko je to prihvatio? Kakvi su to ljudi zapravo. Da li oni imaju. Oni su zaista beskrupulozni i na nama je da popravimo to, ali nemojte misliti i ne nadam se da će oni odgovarati zbog svega ovoga što su uradili. Samo toliko.

Predsjedavajući:

hvala kolega Mariću. Mi zbog procedure u kojoj se nalazimo, 16. mislim da je zakazana ova sjednica u kojoj se tretira ovaj Zakon, proceduralno neobavezujuće je mišljenje Kantona. Ali su ga oni dužni pribaviti u samoj proceduri. Uredno su se obratili. Ministarstvo za boračka pitanja priredilo odgovor, na ovaj odgovor suštinski nemamo zamjerki tako da se o njemu možemo izjasniti. A nećemo dalje umarati. Borit ćemo se za ozbiljniji Zakon negdje drugo. Zahvaljujem. Nema više prijavljenih. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O MIŠLJENJU MINISTARSTVA ZA BORAČKA PITANJA KANTONA SARAJEVO NA NACRT ZAKONA O PRAVIMA DEMOBILIZIRANIH BRANILACA I ČLANOVA NJIHOVIH PORODICA.

Molim rezultate glasanja.

ZA JE GLASALO 21, PROTIV nije bilo I SUZDRŽAN 2.

KONSTATUJEM DA JE SKUPŠTINA DALA SAGLASNOST NA OVO MIŠLJENJE.

Naredna tačka:

AD – 19.

IZVJEŠTAJ O RADU FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA - ŽRTAVA RATA „IKRE“ SA IZVJEŠTAJEM O FINANSIJSKOM POSLOVANJU ZA 2018. GODINU

Sa nama je tu direktor Halilović. Vi ste uvodničar.

Direktor Fonda IKRE Halilović:

drage dame, poštovani prijatelji, dopredsjedavajući, premijeru, uvaženi zastupnici, dragi ministri koristim priliku da vas pozdravim u svoje ime, u ime djece Fonda i u par rečenica nešto da kažem o Fondu IKRE. Malo sam pogođen ovim diskusijama jer svakodnevno se susrećem i radim s boračkom populacijom. Fond IKRE je osnovan prije 25 godina. Do danas je preko 50.000 učenika i studenata ostvarilo stipendiju. To je kap vode u moru. Fond Ikre ima za cilj da pomogne, da motiviše, da pospješi djeci boračke populacije, RVI, demobilisanih boraca i civilnih žrtava rata. Ovaj izvještaj koji ste dobili u proceduri znači dobio je sve prethodne saglasnosti, pozitivno revizorsko mišljenje, UO i NO, na Vladi i kroz komisije. Fond je u 2018 ostvario prihod od 2.383.622 KM. I raspoređen na troškove Fonda negdje oko 9% ostalo je na grantove. U ovoj godini 2018 blizu 6000 djece boračke populacije koristilo je sljedeća prava Fonda Ikre.

- stipendije 4460 Uredba o dodjeli stipendija koja je usvojena na Skupštini i Vladi na snazi je i nama je drago da nastojimo i da možemo da pomognemo pored ovih stipendija, i vlastitih 300 stipendija Fond Ikre koje obezbijedi od donatora podijelimo našoj djeci.

- školski pribor 148 djece podrazumijeva se dajemo po 300 KM na početku školske godine u stanju socijalne potrebe na žalost, djeca boračke populacije da mogu kupiti knjige i sveske

- školske użine, projekat preko 50 osnovnih škola u Kantonu 1151 dijete ostvarilo pravo na użinu. To su borci koji ne rade, mi u saradnji sa OŠ socijalnim radnicima, pedagozima i direktorima, nastojimo da uklonimo tu malu diskriminaciju. Ako u razredu 30 učenika, 25 prima użinu, da platimo i ovih 5 učenika. Smatram da je ovo izuzetno dobar projekat i niko od djece ne zna kome je plaćena użina.

- također oko 58 jednokratnih pomoći naših i stranih donatora dodijelimo djeci za potrebe lijekova, hrane, odjeće ili eventualno u teškom socijalnom stanju.

- dodatno obrazovanje oko 15 naših studenata i učenika, znači ako odlaze negdje na simpozij, seminar, neko takmičenje gdje predstavljaju Kanton svakako i FBiH mi određen dio troškova u okvirima naših mogućnosti.

- projekat već šestu godinu 100 djece boračke populacije ljetuje u Novom Vinodolskom projekat donacije gradonačelnika Milana Bandića, stručna edukacija gdje u malim radionicama djeca takmiče se, natječu se, nauče plivati i projekat je obezbijeđen i za sljedeću godinu.

Znači oko 5932 učenika su ostvarila prava.

Preko 130.000 KM Fond Ikre obezbijedi dotacija, donacija. Ja sam tamo i naglasio to su donacije od privatnika, općina, raznih osiguranja, banaka, Gradske uprave Sarajevo, Gradske uprave Zagreba itd.

Fond što je najvažnije nema nikakvih sudskih sporova, i nema neizmirenih obaveza, svi materijalni troškovi Fonda su ostvareni na nivou planiranih, plate, TO, regres, sve po predviđenom Pravilniku. Moram naglasiti da imamo uspješnu saradnju sa resornim Ministarstvom. Da Fond Ikre ima vozilo, ne koristi. Nema vozača a ima po sistematizaciji. Radnici na održavanju ima po sistematizacije, mi čistimo vlastite kancelarije. Cilj nam je da obezbijedimo što više stipendija djeci. Toliko.

Predsjedavajući.

Zahvaljujemo direktore, ima li pitanja? Predstavnici radnih tijela? Jel pitanje kolega Suljeviću da direktor ostane, jeste? Pitanje kolega Samir Suljević.

Poslanik/zastupnik Samir Suljević.

Poštovanje direktore. Lijepo je čuti ovaj vaš izvještaj, ali me interesuje jedna stvar. Pošto sve općine u Kantonu Sarajevo i raznorazna udruženja daju stipendije za školovanje djece, da li vi imate iole malo sluha da malo razdvojite ono što je dobro odlične učenike i da pokrijete i onu djecu šehidskih porodica i porodica poginulih boraca koji i nemaju tu mogućnost da su npr vrlo dobri. Jer pazite, ne želim ovdje da omalovažavam nikoga ko je odličan učenik ili porodicu koja ima dijete odličnog učenika. Ali ovdje se radi o specifičnoj kategoriji boračke populacije, odnosno djece boraca koji su ostali bez roditelja i mislim da bi malo sluha na ovim problemima trebalo da bude. Da li smatrate da treba da bude razdvojen taj dio koji je podržavanje odličnih učenika i ipak malo pomoći i učenika koji nemaju tu mogućnost da budu odlični? Hvala.

Direktor Fonda Halilović.

Zahvaljujem zastupniku Suljeviću i pratio sam danas na zastupničkom pitanju. Mi to odavno radimo, djeca šehidska već su izašla iz te kategorije, ali po automatizmu djeca dobiju stipendiju. I djeca čiji su roditelji poginuli u ratu ili eventualno poslije rata, nastradali ili preselili, takva djeca dobijaju stipendiju bez bodovanja. I naravno prioritet je i socijalni karakter. Mi imamo djece sa prosjekom 3 dobiju stipendiju. Jer znamo da dijete iz Ilijaša ili Vogošće nema uslove, podstanar, četvero petero se školuje u porodici, nama je upravo cilj da je ta porodica možda živi od 100 KM. Hvala.

Predsjedavajući:

zahvaljujemo direktore, nema više pitanja. Da li se neko javlja za raspravu. Ne vidim prijavljene za raspravu. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA-ŽRTAVA RATA „IKRE“ SA IZVJEŠTAJEM O FINANSIJSKOM POSLOVANJU ZA 2018. GODINU.

Molim rezultate glasanja.

ZA JE GLASALO 10, PROTIV 1 I SUZDRŽANIH 13.

KONSTATUJEM DA SKUPŠTINA NIJE DALA SAGLASNOST NIJE USVOJILA OVAJ IZVJEŠTAJ.

Tačka dvadeset:

AD - 20.

PRIJEDLOG ODLUKE O DAVANJU SAGLASNOSTI NA PROGRAM RADA SA FINANSIJSKIM PLANOM FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA – ŽRTAVA RATA "IKRE" ZA 2019. GODINU

Prijedlog odluke ste dobili uz poziv za sjednicu. Treba li Predlagač uvod? Ima li potrebe? Nema. Da li predstavnici radnih tijela žele riječ? Ima li pitanja? Nema. Otvaram raspravu. Niko se ne prijavljuje. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKA O DAVANJU SAGLASNOSTI NA PROGRAM RADA SA FINANSIJSKIM PLANOM FONDA KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA – ŽRTAVA RATA "IKRE" ZA 2019. GODINU.

Molim rezultate glasanja.

ZA JE GLASALO 24, PROTIV I SUZDRŽANO NIJE BILO.

KONSTATUJEM DA JE SKUPŠTINA USVOJILA OVU ODLUKU.

17,45 je. Pred nama je zdravstvo, a dogovor je da radimo do 18,00. samo uvod bi o ZZO trajao sigurno petnaestak minuta, a prije toga smo se dogovorili da danas prekidamo u 18 sati. Izvinjavamo se predstavnicima zdravstvenih ustanova, nastavljamo sutra u 11. nije ovo nešto na šta vi niste navikli. Niste ni dugo čekali. Došli ste malo kasnije. I ja bih, ništa ne kritikujem. Sutra u 11,00 krećemo sa zdravstvom i ozbiljno raspravljamo. Prekidamo ovu sjednicu. Nastavak sutra u 11 sati na istom mjestu.

S T E N O G R A M
NASTAVKA 8. RADNE SJEDNICE
SKUPŠTINE KANTONA SARAJEVO
ODRŽANOG 15.05.2019. GODINE

Predsjedavajući:

Otvaram nastavak 8. Radne sjednice Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 26 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su zastupnici: Samra Ćosović Hajdarević, Haris Pleho, Fahrudin Pecikoza

Podsjećam vas da smo na jučerašnjoj sjednici obradili prvih 20 tačaka Dnevnog reda, tako da nam danas preostaju sljedeće tačke:

21. Izvještaj o radu i finansijskom poslovanju Zavoda zdravstvenog osiguranja Kantona Sarajevo za 2018. godinu;
22. Izvještaj o radu i finansijskom poslovanju Javne ustanove za 2018. godinu:
 - a) Opća bolnica "Prim.dr.Abdulah Nakaš";
 - b) Psihijatrijska bolnica Kantona Sarajevo;
 - c) Zavod za bolesti ovisnosti Kantona Sarajevo;
 - d) Zavod za zaštitu zdravlja studenata Univerziteta u Sarajevu;
 - e) Zavod za medicinu rada Kantona Sarajevo;
 - f) Apoteke Sarajevo;
 - g) Dom zdravlja Kantona Sarajevo;
 - h) Zavod za sportsku medicinu Kantona Sarajevo;
 - i) Zavod za hitnu medicinsku pomoć Kantona Sarajevo;
 - j) Zavod za zdravstvenu zaštitu žena i materinstva Kantona Sarajevo;
 - k) Zavod za zdravstvenu zaštitu zaposlenika MUP-a Kantona Sarajevo;
 - l) Zavod za javno zdravstvo Kantona Sarajevo za 2018. godinu.
23. Izvještaj o implementaciji Odluke o proširenom obimu prava za korištenje medicinskih sredstava i lijekova za RVI sa područja Kantona Sarajevo za 2018. godinu.
24. Izvještaj o snabdjevenosti Kantona Sarajevo lijekovima i sanitetskim materijalom u 2018 godini sa posebnim osvrtom na implementaciju Liste lijekova koji se propisuju i izdaju na teret sredstava obaveznog osiguranja kroz funkcionisanje Mreže farmaceutske djelatnosti-apoteka, sa prijedlogom mjera i aktivnosti;
25. Prijedlog strategije prema mladima Kantona Sarajevo za period 2019.-2023. godine ;
26. Izvještaj o radu Nezavisnog odbora za period februar 2018. - februar 2019. godine;
27. Izvještaj o izvršenju sankcija u Kantonu Sarajevo za 2018. godinu;

Prelazimo na 21. tačku dnevnog reda:

AD – 21.

IZVJEŠTAJ O RADU I FINANSIJSKOM POSLOVANJU ZAVODA ZDRAVSTVENOG OSIGURANJA KANTONA SARAJEVO ZA 2018. GODINU

Izvještaj ste dobili uz poziv za sjednicu. Molim predstavnika Predlagača da podnese uvodne napomene. Ministrice Sofić izvolite.

Ministrica Amela Sofić: UVODNO IZLAGANJE

Predsjedavajući:

Zahvaljujem ministricu Sofić, bit će pitanja, ali neka vas u prvom redu da vidimo da li odgovarate vi ili predstavnici Zavoda. Imate vi za ministricu, ministricu ostanite onda. Kolega Zvonko Marić pitanja. Prije toga sam mislio predstavnici radnih tijela, ali obrnut ćemo. Izvolite kolega Mariću.

Poslanik/zastupnik Zvonko Marić:

Zahvaljujem predsjedavajući. Dame i gospodo, drugarice i drugovi, poštovani gledatelji, uvažena ministricu, molim vas, ne vidim ovdje izvještaj Kliničkog centra. Molim vas, sačekajte da vas pitam, ako dopustite. Interesira me, ja ću vam dati nekoliko solucija o kojima ja razmišljam, imam dileme i trileme, da li je to iz razloga tehničke prirode, ili ste uvažili ono moje razmišljanje i zalaganje ovdje da se ne razmatra taj izvještaj, odnosno KC iz prostog razloga što na neki način je podijeljena nadležnost pet Kantona i Federacija i nikakvu, za razliku od ostalih direktora JU iz zdravstvenog sektora, ne utiče da li mi usvojili ili ne usvojili taj izvještaj, nema nikakvih posljedica po menadžment te zdravstvene ustanove. Ili možda je neposluh, nepoštovanje ovog parlamenta iz prostog razloga što ne žele da podnose bilo kakve kome račune kako posluju. I da li razmišljate o eventualnim sankcijama za takve ustanove ili za takva JP iz prostog razloga što doznajućete ogromne iznose sredstava a da se pri tome ne podnose računi osnivaču i odnosno finansijeru. Da li možete da zaustavite primjera radi, ako oni vama ne dostave izvještaj, i ne poštuju ni Ministarstvo zdravstva, ni Vladu ni Skupštinu Kantona, da izreknete određene sankcije u smislu zaustavljanja tranši kojima finansirate tu ustanovu? Hvala.

Ministrica Amela Sofić:

jel imate još šta? Jel to to, jel mogu ja sada? Dakle, KCUS je dostavio Izvještaj prethodno popodne i on se sada obrađuje od strane Ministarstva zdravstva i čim se obradi, ide na prvu Vladu, tako je bilo svih ovih godina. Znači to je tako stanje kako smo mi zatekli da KC praktično podnosi izvještaj ovoj kantonalnoj Skupštini, prije toga Vladi. Tako da što se nas tiče mi ćemo to uputiti na prvu sljedeću Vladu i na prvu sljedeću Skupštinu.

Poslanik/zastupnik Zvonko Marić.

Zahvaljujem predsjedavajući. Zahvaljujem ministricu na odgovoru, međutim nisam zadovoljan naravno. Nemojte molim vas vi meni govoriti kako je bilo prethodnih godina jer ja sam bio tu. Vi niste. Nije bilo to praksa. Uvijek je bio Izvještaj KC sa ostalim zdravstvenim ustanovama. Dakle, mogu ja vama da kažem kako je bilo ranije a ne vi meni. Hvala.

Predsjedavajući:

možemo li dalje na pitanja onda? Kolegica Danijela Kristić. Ministricu sada možete sjesti ako neko bude za vas, onda izađite onda. Kolege molim da se prijave za pitanja.

Dopredsjedavajuća Danijela Kristić.

Pozdravljam sve prisutne i gledaoce kraj malih ekrana. Ja imam tri pitanja za ZZO. Prvo je: u Izvještaju smo vidjeli da su pojedinim ustanovama sredstva umanjena po osnovu nepruženih zdravstvenih usluga, recimo KCUS su umanjena sredstva u iznosu od 309.561 KM, može li mi direktorica ili ministrica dati informaciju koje vrste zdravstvenih usluga nisu pružane u KCUS? Drugo pitanje: pročitala sam da je Zavod izvršio 588 ciljanih kontrola bolovanja po

zahtjevu poslodavca, a po osnovu Pravilnika o postupku i kriteriju za utvrđivanje privremene spriječenosti za rad zbog bolesti Službene novine FBIH 3/17. interesuje me o kojim poslodavcima se konkretno radi? Koliko je koji poslodavac podnio zahtjeva za kontrolu? Imam informaciju da postoji sudska presuda da ZZO Kantona Sarajevo ne može vršiti kontrolu bolovanja, jer direktno krši dva Zakona, i to Zakon o zaštiti ličnih podataka, i Zakon o pravima o obavezama pacijenata. Treće pitanje: reviziju je izvršila revizorska kuća Perla, koja ima dva ovlaštena revizora. Pitanje se postavlja da li se može izvršiti kvalitetna revizija sa ovako širokom problematikom sa dva revizora. Naravno da mi je poznato da se revizorska kuća u skladu sa važećim zakonskim propisima može osnovati sa jednim ovlaštenim revizorom ali sa ograničenjima na polju revizije. Također znam da je teško angažovati revizorsku kuću sa tri i više revizora ali ipak sam mišljenja da bi Zavod trebao angažovati renomiraniju revizorsku kuću. Hvala.

Poslanik/zastupnik Segmedina Srna Bajramović:

Zahvaljujem predsjedavajući. Pozdravljam sve prisutne. Pa evo ja ću samo jedno pitanje postaviti. Nešto ću detaljnije u samoj diskusiji. Naime iz Izvještaja o radu i finansijskom poslovanju saznali smo informaciju da su sve zdravstvene ustanove na nivou Kantona Sarajevo po osnovu Odluke o učešću osiguranih lica u troškovima participacije naplatile u prošloj godini iznos od oko 766.000 KM i da su ova sredstva namijenjena za nabavku stalnih sredstava ili investiciono održavanje. Ono što mene interesuje da li Zavod vrši kontrolu namjenskog trošenja sredstva i da li nam može dati informaciju koju opremu odnosno stalna sredstva su zdravstvene ustanove nabavile koristeći sredstva prikupljena direktno naplatom zdravstvenih usluga od osiguranika Kantona Sarajevo? Dakle, ne može Zavod kada daje mišljenje o izvještaju o radu i finansijskom poslovanju ograditi sebe da je za namjensko trošenje zadužen menadžment ustanove bez da i zavod insistira na namjenskom utrošku posebno doznačenih sredstava te da vrši kontrolnu funkciju namjenskog trošenja sredstava. Toliko za ovaj put, hvala.

Poslanik/zastupnik Vildana Bešlija:

hvala predsjedavajući. Pozdravljam sve prisutne i gledaoce naravno. Evo ovako, ja ću krenuti redom. Pozitivan finansijski rezultat je ostvaren u 2018, znači imamo višak prihoda nad rashodima i on je iznosio više nešto od 20.000 tj 3% od ostvarenih prihoda. Na drugoj strani u medijima su stalne informacije o nestašici lijekova, kao i apel za pomoć u finansiranju djece u inostranstvu. Znači posebno djece. Zašto barem dio ovih sredstava nije bio usmjeren u povećanje usluga korisnicima zdravstvenog osiguranja? Zatim, u Izvještaju na strani od 8 do 11 navode se razlozi i prepreke zbog kojih se nije moglo primjenjivati jedinstvena metodologija ugovaranja između kantonalnog ZZO i zdravstvenih ustanova, to je iz 2013 godine- šta se dešava u vezi sa ovim problemom? Da li je to prije svega odgovornost Ministarstva zdravstva Kantona Sarajevo? Treće interesuje me vezano za rad službe za javne nabavke, na stranama od 22 do 23, u medijima iznesena informacija o poništenju nabavke određenih proizvoda zbog korištenja pogrešnog postupka nabavke. Da li možete dati neku informaciju o ovome? Da li je to smanjilo obim ispunjavanja prava osiguranika u 2018? odnosno da li će stvoriti probleme u 2019 godini? I posljednje, prema podacima iznesenim u dijelu koji se odnosi na finansiranje zdravstvenih ustanova, navedeno je znatno manji broj finansiranih radnika u DZ Kantona Sarajevo u 2018, i odnosu na 2017. tačnije broj od 1396 za 2018 i 2048 za 2017. dakle 652 radnika manje u odnosu na 2018 godinu. To je isto navedeno na stranici 37 Izvještaja. Ni kod jedne druge zdravstvene ustanove nije smanjen broj finansiranih radnika. Možete li objasniti o čemu se ovdje radi hvala.

Poslanik/zastupnik Zvonko Marić:

zahvaljujem predsjedavajući. Sada za ZZO, a inače ćemo pojedinačno, jel tako, za svaku od ustanova?

Predsjedavajući:

tačka je samo Zavod, naredna tačka je sve ostale ustanove.

Poslanik/zastupnik Zvonko Marić:

Hvala. Ja imam nekoliko pitanja za direktoricu ZZO Kantona Sarajevo. Vi se direktorice sjećate kada ste bili ministrica da sam ukazivao na protuzakonitosti u poslovanju ove ustanove. Nikada se to nije otklonilo. Da ne govorim o onoj neravnopravnosti a prema Zakonu su ravnopravne i privatna praksa i JU. Raspisivano je, trebalo je raspisati nekoliko puta u iznosu pet, šest miliona i nikada direktor nije dao odgovor gdje je taj novac otišao, da li vi znate sada? Druga stvar je tada da kada je riječ ZZO znamo da je protuzakonito djelovalo. Koje aktivnosti ćete poduzeti da vratite u zakonske okvire poslovanje ZZO? Ne znam da li se vi sjećate ali ja se sjećam da je svojedobno direktor ZZO rekao da je ovo historijski način finansiranja u ovoj oblasti, ne znam po čemu, zato što u regionu ovakav način finansiranja uopće ne postoji. I na koncu vrlo je zanimljivo da u tom finansiranju je primjerice vrlo često, a to smo ukazivali i Opća bolnica na neki način diskriminirana iz prostog razloga, navest ću samo jedan primjer koliko se sjećam, prema Kolektivnom ugovoru trebalo je toj bolnici, ne znam da li je tačna cifra ali 2.100.000 odobriti na temelju potpisanog kolektivnog ugovora, međutim, toj bolnici je ostao isti iznos iz prethodnih godina, odnosno prije nego što je potpisan Kolektivni ugovor. Da li je ikada donesen, ja nisam nikada vidio a tražio sam jer me to interesiralo, bavio sam se tom oblasti iz prostog razloga, kada ste vi kao ministrica naložili da se poslovni plan za predstojeću godinu radi na temelju programa a ako se sjećate, ja sam kao zastupnik zagovarao i da se po tom principu radi i budžet Kantona Sarajevo, pa da vidimo koji su kreativni ministri, koji bolje projekte nude, itd. A ne po nekom nahodjenju, da se toliki iznos i to je to i time se zakuje mogućnost da se kreativno ili nešto unaprijedi. Da li je takav plan ikada napravljen? Ako jeste, zašto je skriven, i zašto ga ne vidimo? Zašto nije javni dokument jer je to JU? Hvala.

Poslanik/zastupnik Samir Suljević:

hvala predsjedavajući. Pozdravljam sve prisutne kao i gledaoce. Za ministricu zdravstva imam dva kratka pitanja koja su direktno vezana za rad ZZO Kantona Sarajevo. Prvo je, kojim zakonom, odnosno Uredbom je definisano koju osnovu medicinsku opremu obavezno mora da posjeduje svaka zdravstvena ustanova, a drugo: koje je vezano na to, da li ustanove imaju predviđenu obaveznu medicinsku opremu i da li je ispravna? Ako nije, zašto? Hvala.

Poslanik/zastupnik Vedran Jakupović:

zahvaljujem predsjedavajući. Pozdravljam sve prisutne i gledaoce pored malih ekrana. Imam dva pitanja. Prvo je vezano za Izvještaj o snabdjevenosti Kantona Sarajevo lijekovima, o deficitarnim lijekovima u 2018. pitanje za Zavod. Imamo lijekove, pomenut ću samo Halupperiodol, Sulfasalazin i Dekametazon koji iako su 100% na listi, pacijenti ne mogu da dođu do tih lijekova jer nije usaglašena cijena između ZZO i proizvođača. Šta je ZZO Kantona Sarajevo poduzeo po pitanju ovih lijekova? Da li se razmatrala mogućnost da se ovi lijekovi možda prebace na B listu? I da li se može ne neki drugi način pregovarati sa možda drugim nekim proizvođačima koji bi prihvatili cijene ovih lijekova? Izuzetno su bitni lijekovi i pacijenti iako su lijekovi na listi 100% ne mogu doći do njih, odnosno moraju plaćati. I drugo pitanje, vezano za pitanje kolegice Bešlije i kolege Marića, samo da dopunim, ovih 20 miliona osim što se moglo iskoristiti za lijekove, i za potrebe osiguranika dodatne potrebe, ja ću samo dopuniti kolegu Marića nije samo Opća bolnica. Koliko se sjećam oko 5 miliona je Općoj bolnici bilo manjka. Sve ustanove, svi prisutni direktori mogu potvrditi ovu činjenicu.

Sve ustanove osim KC za koji ne znam informaciju imaju problem sa ovim historijskim finansiranjem. I zavisno od veličine ustanove ovisi i iznos novca, ali pitanje za ZZO da li ćemo ove godine riješiti konačno taj historijski način finansiranja da ne dovodimo direktore ustanova u podređen položaj da se malo kolokvijalno izrazim krpiti do kraja godine, jer nemaju dovoljno novca. A očigledno vidimo da novca ima. Hvala.

Poslanik/zastupnik Biljena Šahman :

pozdravljam sve prisutne. Zahvaljujem predsjedavajući. Moje pitanje, zapravo prvo da se zahvalim direktorici ZZO na dobijenom odgovoru na moju inicijativu ja se nadam da ćemo zajedno sa Ministarstvom zdravstva uspjeti da završimo projekat koji ja već od 2016 vodim. A sada nisam imala namjeru da išta pitam, ovo nije vaš izvještaj. Ali evo, jutros smo imali posjetu od direktorice Zavoda za transfuziju, dr. Jasminke Kurilić koja se obratila sa jednim zahtjevom jer je pisala predsjedavajućem i Vladi Kantona, nije se nije još uvijek nema zakazan sastanak. 75% je KS učestvuje i finansiranju i Transfuziologija oni obezbjeđuju 75% Kanton Sarajevo a i druge kantone, i kaže da će od septembra biti bez sredstava, da vas zamolim da uradite nešto po tom pitanju. Mada znam da je Federacija nadležna jer su uključeni i drugi kantoni. Ali mislim da je Kanton Sarajevo najveći korisnik tih njihovih derivata a rade oni i druge stvari. Tako da mislim da i mi kao Skupština ovdje trebamo dati šansu i da znamo šta se radi u našem Zavodu. Do sada nikada nismo imali njihov izvještaj na dnevnom redu. Zahvaljujem.

Poslanik/zastupnik Sead Milavica.

Zahvaljujem predsjedavajući. Sve vas srdačno pozdravljam. Ja ću vrlo kratko pitanje samo za direktoricu Fonda. Imam informaciju da je NO ZZO Kantona Sarajevo prazan od 23.05.2017 godine pa me samo interesuje ako može direktorica da pojasni o čemu se tu radi. Zahvaljujem.

Poslanik/zastupnik Neira Dizdarević:

hvala predsjedavajući. Pozdravljam sve prisutne u sali kao i gledatelje ispred malih ekrana s obzirom da se javljam prvi put ja imam dva pitanja. Prvo pitanje jeste zašto u izvještaju nema materijala koji se odnose na IT reviziju, s obzirom da su desetina miliona KM uložene upravo u informatizaciju ZZO i cijelog sistema zdravstva u Kantonu Sarajevo. I godinama smo potencirali na navedenom ali evo, i u ovom izvještaju je ponovljen ovaj rekla bih vrlo ozbiljan propust. I drugo pitanje zašto Zavod još uvijek nije ispoštovao zahtjeve vezano za transparentnost internih akata iako smo i to više puta potencirali, čak je i na sjednici u januaru direktor je izjavio da su u toku ti procesi za objavljivanjem i pravilnika o radu, sistematizacije radnih mjesta i ostalih akata. A u cilju naravno povećanja transparentnost rada Zavoda, pa evo pitanje u kojoj je fazi navedeno. Toliko hvala.

Predsjedavajući:

zahvaljujem. Ako nema više prijavljenih ja bih samo nekoliko opštih pitanja za menadžment ZZO. Zanima me koliko je porasla tranša KCUS? I procentualno a i finansijski u zadnje četiri godine? I po vašim informacijama koliko je pruženih usluga od strane KC i da li te dvije stvari prate jedna drugu? Da li smo za više novca dobili više usluga od KC? Zanima me šta se desilo sa planom da se u 2018 završi procedura donošenja propisa o jedinstvenoj metodologiji, koja bi nam olakšala praćenje nivoa usluga i finansiranja zdravstvenih ustanova, da li je Zavod kao što je bio plan 2018, da li je Zavod po tom napravio neke aktivnosti i volio bih da čujem samo vaš komentar o listi lijekova u kojoj je vidljivo da smo donošenjem nove liste lijekova ograničenjem na pet i zaštitom domaćih uspjeli stabilizirati potrošnju lijekova koja je prije toga svake godine rasla pet miliona u zadnje dvije godine je primjetno da je taj

trend zaustavljen na negdje oko 74 miliona i volio bih da čujem vaš stav o tim efektima. Za sada toliko pitanja. Hvala.

A sada odgovori. Može neko iz Zavoda. Direktorice vi ste novi ali imate kontinuitet ako nešto ne bude od ovih tehničkih stvari, može neko iz Zavoda ukoliko je neko od vaših saradnika sa vama. Direktorica Zilha Ademaj.

Direktor ZZO Kantona Sarajevo Zilha Ademaj:

zahvaljujem poštovani predsjedavajući. Srdačno pozdravljam sve prisutne u skupštinskoj sali kao i gledaoce TVSA. Ja bih željela ako mi dozvolite da se kratko referiram na ove izvještaje koji su vam dostavljeni, možda će iz tog mog uvodnog izlaganja biti nešto jasnije i istovremeno ćete dobiti odgovore na pitanja koja su već postavljena. Naravno ja sam na raspolaganju i za sva ova pitanja. Ja se iskreno nadam da ću moći dati odgovore, ako ne na sve, onda na većinu pitanja koja ste postavili, samo nisam sigurna da li sam uspjela sve zabilježiti i ko je postavio pitanje pa ćete mi na tome oprostiti ako baš sve po redu ne kažem. Što se tiče Izvještaja Zavoda za 2018 godinu on je kako je, ja naravno nisam učestvovala u njegovoj izradi ali ga razumijem i mislim da mogu elaborirati sve podatke i informacije koje su u tom izvještaju date. Izvještaj je dostavljen izvještaj o radu, izvještaj o finansijskom poslovanju. Uz te izvještaje koji su urađeni suglasno metodologiji koju je propisala Vlada kao što je propisala i za sve ostale ustanove. Dostavljeni su izvještaji iz godišnjeg obračuna, bilans stanja, bilans uspjeha, izvještaj o novčanim tokovima, izvještaj o investicijskim ulaganjima. Također je dostavljen izvještaj nezavisnog revizora. Neko je sada spomenuo da je to radila revizorska kuća Perla. Taj izvještaj je pozitivan i u izvještaju je konstatovano da su svi pokazatelji iz finansijskih izvještaja prikazani fer i istinito na bazi provedene revizije, a koja se kao što sami znate, provodi na bazi uzorka. Da li je ta revizorska kuća kompetentna ili ne, ja o tome zaista ne mogu suditi. Mogu reći da svaka ona institucija, pa uključujući revizorske kuće koje su registrovane da mogu obavljati tu djelatnost za pretpostaviti je da su i ovlaštene da mogu raditi svoj posao. Koliko je meni poznato, Zakonom o računovodstvu i reviziji je propisano da mora svaka revizorska kuća koja obavlja neovisnu reviziju imati najmanje dva ovlaštena revizora. Jesu li oni kompetentni, jel trebalo više, koliko je ta revizorska kuća do sada radila, ja zaista ne bih ulazila u te detalje, ali mogu se i time pozabaviti. Vi znate kako se vrši izbor revizorskih kuća, na način da se mora raspisati javni poziv, omogućiti svima onima koji ispunjavaju takve uvjete da se mogu prijaviti na javni poziv kako je izvršen izbor ja pretpostavljam da je urađeno na način kako je to zakonom propisano. Ja ću se kratko vratiti na ovaj izvještaj o izvršenju programa rada za 2018 godinu i vi ste vidjeli da je u izvještaju navedeno da se Zavod u 2018 godini najviše je usmjerio svoje aktivnosti na ostvarenje prihoda, da je u tom smislu imao neku pojačanu saradnju sa Poreznom upravom. Inače, Porezna uprava po Zakonu o Poreznoj upravi institucija koja vrši kontrolu naplate doprinosa, i koja ima ingerencije da vrši prinudnu naplatu od onih poslodavaca i dužnika koje svoje obaveze ne izmiruju redovno. Zavod je također imao i direktne kontakte sa određenim poslodavcima koji imaju dugovanje iz prethodnih godina i s njima je zaključivao sporazume o nekoj obročnoj uplati doprinosa koji su dug prethodnih godina. Dalje, Zavod navodi da je u 2018 godini urađena Uredba o ortopedskim pomagalima i drugim medicinskim sredstvima. To je tačno. Tu Uredbu je radilo Ministarstvo uz pomoć i saradnju ZZO. Ona je donešena vi ste o tome upoznati u julu 2018. Zavod je dobio od Ministarstva instrukcije da tu uredbu za tu Uredbu raspiše javni poziv prema svim dobavljačima odnosno isporučiocima medicinskih pomagala da utvrdi na bazi tržišnog ispitivanja cijene po kojima će se ta pomagala finansirati i da ona stupi na snagu što je moguće prije, odnosno da se provede. To nije urađeno u 2018 godini i nije još uvijek ni u 2019 godini iz razloga što je javni poziv koji je bio raspisan osporen od nekoliko dobavljača, mislim da ih je bilo pet. Ja sam to već isprovjeravala i imala sam s njima sastanak, reći ću zašto. Oprostite samo da pitam, koliko ja imam vremena?

Predsjedavajući:

znam da vi puno toga znate, praksa je da odgovorite na pitanja. Uvodničar je bila ministrica Sofić. Pokušajte, imamo još danas ozbiljnih puno tačaka. Tako da može kraće.

Direktorica ZZO Kantona Sarajevo:

oprostite, ja ću onda skratiti svoju priču. Ako bude pitanja ja ću na njih odgovarati.

Predsjedavajući:

pitanja su bila, to je suština.

Direktorica ZZO Kantona Sarajevo:

onda se neću previše referirati ni na ovaj Program rada, reći ću nešto što je za mene problem koji traje godinama i koji još uvijek nije riješen a koji je problem i u radu zdravstvenih ustanova a i u radu ZZO. A to je da nije završena registracija svih osiguranih lica i njihovo opredjeljenje u timovima porodične medicine što nama predstavlja veliki problem, naročito za DZ a i ZZO u smislu kontrola. Mi imamo sada neravnomjeran i neravnomjeran raspored osiguranih lica na pojedine timove, tako da su neki timovi jako opterećeni, a neki poprilično imaju komfor u svome radu. Ja sam o tome više puta govorila neću se vraćati na to. Naravno, mi imamo i neažuriranu bazu podataka osiguranih lica tako da imamo podatak, vi ste ga vidjeli u izvještaju da je ukupno 428.000 registrovanih osiguranih lica, a mi imamo zvaničan podatak od Zavoda za statistiku da je 420.000 stanovnika što znači da je više osiguranih lica prijavljeno na zdravstveno osiguranje nego što uopće imamo stanovnika. E sada tu mogu biti razni razlozi, jedan od razloga što je neažurirana baza podataka, što vjerovatno nije usaglašavana sa Zavodom za PIO pa vjerovatno ima tu i penzionera koji su pasivni, kojih dakle više nema. I ima još jedna pretpostavka a koja je vjerovatno i tačna da zbog većih prava osiguranih lica na zdravstvenu zaštitu u Kantonu Sarajevo dolaze iz drugih Kantona, prijavljuju se ovdje svoje mjesto prebivališta da bi ostvarili neka svoja veća prava naročito kada su u pitanju lijekovi i ortopedska pomagala. Ja ću se onda vratiti kratko na pitanja vaša pošto mi je evo poprilično vrijeme kratko. Ovako, prvo je bilo, uvažena zastupnica Kristić pitala je da su nekim ustanovama umanjena sredstva za neizvršene usluge, među kojima je KC za 350.000 KM. Ja ne znam koje su to tačno usluge ne mogu ih pobrojati ali znam da je u ugovorima sa zdravstvenim ustanovama, propisano da svaka ustanova koja ne može pružiti uslugu a koja je ugovorena s tom ustanovom, da se omogućava pravo građaninu pacijentu da tu uslugu ostvari u bilo kojoj drugoj ustanovi uključujući i privatne ustanove i da taj trošak ima pravo refundirati od ZZO i refundirani su ti troškovi a da se za taj iznos refundiranih troškova pacijentu umanjuju sredstva zdravstvenoj ustanovi sa kojom su te usluge ugovorene. Ja mogu provjeriti ako želite o kojim se tačno uslugama radi u kojem obimu i da dobijete tačnu informaciju. Nije mi bilo u potpunosti jasno pitanje vezano za bolovanja. Razumjela sam da se ZZO stavlja na teret to što vrši kontrolu bolovanja i koje je zakonsko pravo Zavoda da vrši kontrolu bolovanja. Ja želim reći da Zavod ima pravo da vrši kontrolu bolovanja u dijelu koji se odnosi na striktno pridržavanje Pravilnika o bolovanjima, to je federalni propis, da li je bolovanje propisano otvoreno, koliko dugo traje, da li se pacijent javlja na kontrole, a li nema pravo ova komisija da cijeni dijagnozu, odnosno osnov dijagnozu koja je osnov za otvaranje bolovanja. Ne znam jesam li vas zadovoljila sa ovim odgovorom ali ako imate još nekih dodatnih pitanja ja sam tu i želim da odgovorim. Za revizorsku kuću Perla sam već rekla. Uvažena zastupnica Segmedina Srna je pitala oko participacije. Zdravstvene ustanove participaciju koju ostvaruju doznačavaju ZZO, Zavod vraća namjenski za investicijska ulaganja ili investicioni održavanje, ko prati i da li uopće prati namjensko trošenje tih sredstava. Takvo je bilo pitanje. Tačno je i to je zakonom o zdravstvenom osiguranju

propisano da participaciju koju naplaćuju zdravstvene ustanove kao učešće osiguranika u troškovima zdravstvene zaštite naplaćuju, doznachavaju Zavodu jer je po Zakonu o zdravstvenom osiguranju to prihod Zavoda a ne zdravstvene ustanove ali je postignut davno prije 15 godina jedan sporazum između Zavoda i zdravstvenih ustanova da se ta sredstva ponovo vraćaju zdravstvenoj ustanovi i da im je isključiva namjena ulaganje u investiciono održavanje. Da li je Zavod pratio namjensko trošenje tih sredstava ja vam zaista u ovom trenutku ne mogu reći ali ću provjeriti i dobit ćete informaciju ili pismeno ili ako želite na nekoj narednoj Skupštini. Ja pretpostavljam da jeste i da bi zdravstvene ustanove trebale biti zahvalne na tome što dobiju nazad ta sredstva i mogu ih iskoristiti u ono što im je inače problem a to je problem investicionog održavanja. Uvažena zastupnica Bešlija. Višak prihoda 20 miliona, zašto ta sredstva usmjerena za liječenje djece, traže se donacije. Jesam li? Dobro. Tačno je da je Zavod ostvario višak prihoda nad rashodima ili hajmo reći dobit u prošloj godini više od 20 miliona i nešto. Ja nisam referirala ovaj izvještaj pa sam imala namjeru reći kako je i zašto je ostvario tih 20 miliona. Zašto se ne usmjeravaju na djecu? Zato što Zavod još uvijek nema kako bih rekla osnova za liječenje ove djece u inostranstvu. Vama je poznato da je liječenje u inostranstvu isključivo federalni program koji provodi Federalni Zavod zdravstvenog osiguranja i reosiguranja u skladu sa Odlukom o prioritetnim vertikalnim programima. Da ima pravilnik o liječenju u inostranstvu u kojem su jasno navedena sva oboljenja i zdravstvena stanja zbog kojih, za koje se cijenilo kada je pravilnik donešen da se ne mogu liječiti kod nas u zdravstvenim ustanovama u Federaciji ni u BIH, i da se za taj oboljenja upućuju pacijenti za liječenje u inostranstvu. Među tim oboljenjima su i djeca sa rijetkim oboljenjima, djeca sa urođenim srčanim manama, sa kardiovaskularnim raznim oboljenjima, transplantacije, leukemije itd. Ja se mogu složiti da možda ovo nije dovoljno ali bi se trebalo na tom planu u saradnji sa Federalnim zavodom donijeti neki akt a već imam informaciju da je Vlada donijela odluku da se sačini neki poseban program za liječenje djece u inostranstvu iz Kantona Sarajevo, što ja jako podržavam i tim aktom neka to bude neki poseban program da sva ona oboljenja i stanja koja se odnose na djecu a koja nisu obuhvaćena federalnim programom da se nađu u našem programu Kantona Sarajevo. Ovdje nije sporno pitanje sredstava koliko je sporno pitanje nadležnosti. Zašto se nije mogla primijeniti jedinstvena metodologija ? To je navedeno u izvještaju da nije bilo moguće primijeniti jedinstvenu metodologiju. Ja se ne mogu u cijelosti složiti s tim, dijelom mogu a obrazložiti ću zašto. Ja dok sam bila u Ministarstvu zdravstva jako sam insistirala sve tri godine da se promijeni način finansiranja zdravstvenih ustanova, da osnov za finansiranje budu programi zdravstvene zaštite, program zdravstvene zaštite da se radi na bazi jedinstvene metodologije i mi smo započeli u Ministarstvu zdravstva te procese, počev od one reorganizacije, izrade novog akta odnosno nove odluke o standardima i normativima a to sve zajedno je bio osnov za primjenu jedinstvene metodologije i promjenu načina finansiranja. ZZO to nije uradio. Urađeni su ovi akti, od kojih je samo plan reorganizacije usvojen na ovoj Skupštini, ostali nisu usvojeni ali su dovedeni do kraja, ja mislim da bi to trebalo pod hitno raditi i da se donese program zdravstvene zaštite i ja mislim da to nema alternative to je jedini i pravi način da se finansira ono što se zaista rad i što se može raditi i to je osnov da se može kontrolirati rad zdravstvenih ustanova. Po ovakvom modelu finansiranja neko je ovdje spomenuo da je to neviđen model u svijetu. Nije moguće kontrolirati rad zdravstvenih ustanova ako nešto ne ugovorite precizno onda ne možete ni kontrolirati da li je izvršeno nešto što nije i precizno jasno ugovoreno. Vi znate da sam ja ovdje na v.d. mandatu tri mjeseca, bez obzira ko će ostati dalje, ko će biti dalje, mislim da na tome treba jako insistirati to nema alternative i da treba uraditi Program zdravstvene zaštite. Ja sam već pokrenula aktivnosti da se na tome radi, da se ti akti dovedu do kraja i da u najdalje za finansijski plan za 2020 godinu bude ugovoreno po novom modelu finansiranje a za ovu 2019 godinu, bojim se da je to već kasno i da to nije moguće provesti, ali ono što je moguće i što ja mogu obećati za vrijeme ovog svog kratkog mandata da ćemo kroz rebalans finansijskog plana pokušati

popraviti sve ono što smo do sada ocijenili kao problem za zdravstvene ustanove i sve ono što i ja lično smatram da nije na dobar način planirano i uređeno. Služba za javne nabavke, nema pristupa. Ne znam zašto nema pristupa, svi akti treba da budu transparentni i da imaju pristup ne vidim nikakvog razloga da se bilo šta krije. Ima Zavod dosta akata ko ji su urađeni, ne znam zašto nisu na njihovoj web stranici. Ja ću se o tome pobrinuti da zaista bude sve na web stranici. Ima dosta i internih propisa koji još nisu urađeni i koje treba uraditi. Ja ću sa svoje strane učiniti sve da se to radi što je moguće prije. Manje finansirano radnika u DZ Kantona Sarajevo. To je posljedica ovakvog načina finansiranja gdje se godinama zadržava isti broj radnika koji ZZO priznaje kao radnike za koje daje sredstva za njihove plaće po kolektivnim ugovorima. Ja ne znam da li je to baš ovaj broj 652 može biti. Ali nije to jedino DZ ima i drugih ustanova to će se sada kroz rebalans finansijskog plana sve ispitati i utvrditi zaista ono što je objektivno i realno za svaku zdravstvenu ustanovu. Može biti da je to dijelom posljedica prelaska na drugi način finansiranja timova porodične medicine u DZ pa se to jedino kod njih tako odrazilo. Zato što timovi porodične medicine se od prošle godine finansiraju na bazi kapitulacije. Dakle na bazi broja opredijeljenih osiguranih lica u timovima porodične medicine, pa se tu ne spominju radnici nego se spominje program. Ali evo, provjerit ću i nastojat ću da dobijete informaciju blagovremeno. Uvaženi zastupnik Marić protuzakonitosti u poslovanju ZZO zašto je privatni sektor doveden u neravnopravan položaj u odnosu na javne zdravstvene ustanove. Ja također imam isti stav ne zato što se meni neko više sviđa ili manje u privatnom sektoru u odnosu na JU. Nego zato što je to zakonska obaveza. Zakon o zdravstvenom osiguranju, Zakon o zdravstvenoj zaštiti, Zakon o javnim nabavkama privatne ustanove tretira pod potpuno jednakim uvjetima kao javne, opet se vraćam na problem primjene jedinstvene metodologije i programa zdravstvene zaštite kojim se moraju definirati potrebe građana za zdravstvenom zaštitom koje će biti kvantificirane kroz vrstu i obim usluga a onda se kroz javni poziv to ponudi svima, uključujući i privatnom sektoru i pod jednakim uvjetima svi tretiraju. U vezi s tim do sada je bila praksa da se samo za one usluge koje ne mogu pružiti il ine mogu blagovremeno pružiti javne zdravstvene ustanove a koje smo mi nazvali deficitarnim uslugama da se za njih raspisuje javni poziv, na žalost u prošloj pa čak ni u pretprošloj godini nije raspisan. Iako sam ja kao ministar tada jako na tome insistirala čak imam i pisanu tu korespondenciju, u dva tri navrata sam tražila da se raspiše javni poziv. Doduše u 2018 godini Zavod je kasno negdje u drugoj polovini pripremio tekst javnog poziva na koji treba dati Ministarstvo zdravstva. Ja nisam dala na takav tekst javnog poziva saglasnost iz prostog razloga što su postavljeni takvi uvjeti za privatni sektor koje ne ispunjava niti jedna javna zdravstvena ustanova, od toga da usluge magnetne rezonanse moraju biti na aparatu od 3 tesla, da ne smije biti stariji UZ aparat od dvije godine, da ljekari koji će pružati usluge za UZ dijagnostiku moraju biti certificirani od strane ustanove koja je nastavna baza, što bi naravno isključilo i nekoga ko je završio edukaciju Njemačkoj ne bi imao pravo da pruža takve usluge. I naravno ja na takav tekst javnog poziva nisam dala saglasnost i evo to sada vama kažem otvoreno iz tih razloga. Ali to nije bio razlog da se javni poziv ne raspiše, da se ne koriguje, ja sam tačno dala primjedbe na tekst javnog poziva da se on usaglasi i da bude taj javni poziv dovede u ravnopravan položaj privatni i javni sektor. Koje aktivnosti provodi Zavod na da mu se vrati zakonito poslovanje. Ja vjerujem u ovom trenutku ne znam šta je to. Ja sam tu tek 15 dana i već sam počela sve raditi da pregledam. Ja vas uvjeravam da ono što ću ja raditi i za šta ću se ja zalagati da neće biti nezakonitosti. Način finansiranja već sam to rekla. Opća bolnica diskriminirana. To je opet povezano s načinom finansiranja. Ja lično mislim da jeste na neki način diskriminirana i jako oštećena. Da Općoj bolnici nisu priznati svi zaposleni iako je povećan obim zdravstvenih usluga. Evo sada se uvodi pedijatrija tu će trebati novi ljudi. Problem je trajan za sve ustanove kada su u pitanju specijalizacije ni tu nisu priznati svi ljekari koji su primljeni na specijalizaciju. Jednostavno nisu bila osigurana dovoljna sredstva za to. To ćemo popraviti sada kroz rebalans finansijskog plana. Sredstva i ovo odavde poručujem sredstva za specijalizacije se moraju

osigurati. I bit će osigurana. Bilo naloženo Zavodu da se finansira i po programu zdravstvene zaštite i to je tačno i to nije bilo jedan put. To sam radila kontinuirano tri godine koliko sam bila na funkciji ministricе. Uvaženi zastupnik Samir Suljević kojim zakonom ili uredbom je regulisana obaveza nisam sigurna pravilnik o uvjetima koji trebaju a ako sam dobro razumjela kojim je aktom odnosno propisom regulisana šta mora imati svaka ustanova u smislu ispunjavanja uvjeta za posjedovanje opreme itd. To je regulisano pravilnikom a pravilnik je donešen na osnovu Zakona o zdravstvenoj zaštiti. Pravilnikom koji se možda ću sada pogriješiti u samom nazivu, jer je dugačak naziv, zove se Pravilnik o ispunjenosti uvjeta pogledu opreme, kadra, prostora itd. Koje moraju ispunjavati sve zdravstvene ustanove da bi mogle obavljati poslove iz okvira svoje djelatnosti. Tim pravilnikom je to propisano, taj pravilnik je zasnovan na Zakonu. E sada, ove dok sam ja bila u ovom mandatu mogu sigurno reći svaka ustanova koja je osnovana u periodu od ove prethodne tri godine, uključujući naravno privatne, jer su samo privatne osnovane, nisu, pravilnik je cijelosti ispoštovan i nikome sigurno nije dato pravo da obavlja neku djelatnosti a da za to nema sve uvjete u pogledu prostora opreme i kadra. Za zdravstvene ustanove koje posluju i rade već godinama ili desetinama godina može biti da imaju zastarjelu opremu, može biti da nemaju dovoljno kadra, može biti da im je neadekvatan prostor. Eh tu bi sada trebalo napraviti jednu detaljnu analizu, procjenu kontrolu, da li svaka ustanova ispunjava uvjete da obavlja ono što je u okviru njihove registrirane djelatnosti i što im je propisano osnivačkih aktom da se sada ne vraćam na tu priču. Mi sigurno znamo da ima takvih koji ne ispunjavaju te uvjete, da ih ja sada ovdje ne licitiram. Znamo da ima ustanova koje obavljaju određene poslove koje su izvan okvira njihovih nadležnosti utvrđenih zakonom o zdravstvenoj zaštiti i zato je bio predložen ovdje onaj plan restrukturiranja djelatnosti i reorganizacije zdravstvenih ustanova koji nikada nije proveden a mislim da vam je poznato i zašto. Snabdjevenost lijekovima. Nisu usaglašene cijene između Zavoda i proizvođača. Ja ne znam na šta se ovdje konkretno misli, ali ja mogu reći da je Lista lijekova Kantona Sarajevo usaglašena u potpunosti 100% sa Listom lijekova koje donosi Federacija i to nam je zakonska obaveza. U nadležnosti Federalnog Ministarstva zdravstva je da utvrđuje cijene. Od 2017 godine počela Agencija za lijekove BiH da utvrđuje maksimalne cijene lijekova koji se prometuju na području BIH, a koji se finansiraju iz sredstava obaveznog zdravstvenog osiguranja. Federacija je u obavezi da svoje cijene koje su fiksne i obavezujuće uskladi sa maksimalnim cijenama koje objavljuje Agencija za lijekove. Ja ne mislim da je to dobro i sretno rješenje. Kanton Sarajevo odnosno Ministarstvo zdravstva, mi smo imali želju i namjeru i raspisali smo javni poziv spram svih proizvođača i prometnika lijekova da dostave svoje ponude i da dostave ponuđenu cijenu. Imali smo mi u tim ponudama znatno kod nekih lijekova niže cijene nego što su utvrđene Federalnom esencijalnom listom kao fiksne i obavezujuće cijene. To je naravno gubitak sredstava pa vi morate plaćati cijenu veću nego što je možete dobiti na tržištu. Mi smo se obraćali Federalnom Ministarstvu zdravstva s tim zahtjevom da se pokrene inicijativa na izmjeni Pravilnika kojim je propisano i da se izvrše Zakona o lijekovima i Pravilnika o snabdijevanju lijekovima. To do danas još uvijek nije urađeno ali ono što je urađeno na ovoj listi mislim da je u cijelosti usaglašeno, ne mislim nego sam sigurna u cijelosti usaglašeno sa federalnom pozitivnom esencijalnom listom.

Predsjedavajući:

ministricе, 40 minuta odgovarate već. Molim vas da požurite da možemo. Samo pitanja malo konciznije i kraći odgovor. 40 minuta.

Direktorica ZZO Kantona Sarajevo:

uvažena zastupnica Šahman pitala je za Zavod za transfuzijsku medicinu. ZZO je već dobio akt od Zavoda za transfuzijsku medicinu, oni imaju problema u svom finansiranju jer se finansiraju iz više izvora iz sredstava Zavoda Kantona, budžeta FBIH, za osiguranike koji dolaze iz drugih Kantona u bolničke ustanove u Kantonu Sarajevo to bi trebalo da od te ustanove naplate iz cijene BO dana. Ja sam taj akt već izanalizirala pripremila za UO. Mislim da njihovo poslovanje treba izanalizirati i ja sam na stajalištu da sve ono što se pruža osiguranim licima sa područja Kantona Sarajevo da treba biti isfinansirano. Da li je to do sada bilo ili nije to ćemo provjeriti. I to će biti predmet rasprave UO koji je zakazao sjednicu za srijedu iduće sjednice. Uvaženi zastupnik Milavica NO ne radi od 23.05.2017 godine. Ovo je tačno. Moram vam dati obrazloženje. Po Zakonu o zdravstvenom osiguranju Zavodi zdravstvenog osiguranja kantonalni i federalni nemaju NO. Zakon o zdravstvenom osiguranju ne poznaje NO nego samo UO. I ni u jednom Kantonu nikada i u Federaciji nije bio imenovan NO. Osim u Kantonu Sarajevo, koji je u svom statutu ugradio obavezu imenovanja i NO od tri člana, da ne dužim tu priču. Iz kojih razloga, ja sada neću u to da ulazim. Kada smo mi iz Ministarstva pokrenuli ovu reorganizaciju zdravstvenih ustanova, usaglašavanje sa zakonskim propisima rada zdravstvenih ustanova sa zakonom o zdravstvenoj zaštiti tada je pokrenuta inicijativa i usaglašavanja rada ZZO sa zakonom o zdravstvenom osiguranju. Između ostalog tu je bio i NO dostavljene su izmjene i dopune statuta ZZO koje su došle na Skupštinu. Taj materijal je povučen nikada više, povučen je zato što su povučeni svi drugi akti koji su se odnosili na usaglašavanje djelatnosti rada zdravstvenih ustanova sa zakonom o zdravstvenoj zaštiti, tako da i taj materijal povučen i masa je tih materijala koji sada stoje u paketu koje bi možda trebali da se nađu ovdje na Skupštini. U međuvremenu je istekao mandat tom NO tako da on više nikada nije imenovan. Uvažena zastupnica Dizdarević nema u izvještaju informacija o radu sektora za IT. Ima nešto od te službe prezentirane u ovom izvještaju. Da li je to dovoljno, ja mislim da nije. To jeste problem i možda najveći problem trenutno u Zavodu. Dosta je sredstava uloženo u taj informacioni sistem, neki dijelovi tog sistema jako dobro funkcioniraju, kao što je PAKS, i to će sigurno potvrditi i predstavnici svih ustanova koje koriste taj sistem neposrednog uvida u dijagnostičku sliku itd, ima još određenih dijelova koji se odnose na kontrolu propisiva i potrošnje lijekova, koji dosta dobro funkcioniše, ali ima mnogo toga što još uvijek nije ugovoreno, ili je ugovoreno a nije apdejtirano, da tako kažem. Problemi su sa tom firmom MEDIT trajali godinama. Ne znam zašto, ja ne znam ko je u pravu je li Zavod ili je Medit. To treba sve istražiti. Ja sam na stajalištu da taj informacioni sistem treba dovesti do kraja jer je u njega jako puno uloženo i da bi on mnogo bolje mogao funkcionirati nego što imamo danas. Uvaženi predsjedavajući Konaković, koliko je u zadnje četiri godine doznavačavana tranša KC, ja vjerujete ne znam sada. Uvećana? Mislim da je u prvoj '17 godini u odnosu, prvo u 2016 dok sam ja bila ovdje u odnosu na 15 godinu, ja ne mogu sada procenat reći. Vi u izvještaju imate 18 i 17 sa uporednim pokazateljima '17 i možete to provjeriti ali mislim da je najveći procenat uvećanja u odnosu na ostale ustanove se desio u '16 u odnosu na '15 godinu zato što su zaista tada bili ogromni problemi sa dugovanjima, sa gubicima koji su zaključno sa 2015 godini iskazani u KC i to je bila hajde da kažem na neki način pokušaj da se to sanira. Naravno, time je stvorena osnovica veća i za sve naredne godine. Mislim da procenat uvećanja u '17 i '18 nije bio veći nego što je u drugim ustanovama, ali jeste uvećana osnovica u '16 godini. Drugo je bilo pitanje šta se desilo sa primjenom jedinstvene metodologije to sam već objasnila. Lista lijekova ograničenja. Eh, ovdje ću se još malo dodatno osvrnuti pošto je predsjedavajući Konaković bio u to vrijeme premijer, jako puno smo zajedno radili na tome da na neki način obuzdamo taj stalni trend rasta potrošnje na lijekove a koji je bio neopravdan jer se tim povećanjem nisu proširivala prava građana na lijekove nego su se finansirale visoke cijene pojedinih farmaceutskih kompanija. Mi smo uveli tada kontrole, premijer je tada bio vrlo benevolentan, odobrene su Zavodu prijem ljekara za kontrolu propisivanja i potrošnje lijekova, uz tu listu koja je urađena u '17 godini, urađene su potpuno nove smjernice kojima se jasno, po kojima je jasno bio

propisan put u propisivanju i potrošnji lijekova i to je zaista rezultiralo značajnim smanjenjem potrošnje bez da su ograničena prava građana na tu potrošnju nego se jednostavno preveniralo to divljanje cijena od strane farmaceutskih kompanija i onemogućilo na neki način pacijentima koji nepotrebno koriste lijekove ili više lijekova koji su jedan drugom kontraindikacija, odnosno oni lijekovi koji manje više završavaju u kontejnerima za smeće. Ta lista bi vjerovatno da nije urađeno ovo već 2017 godine ta lista bi vjerovatno već narasla na sto miliona. Uz ovo ograničavanje visine cijena koje propisuje Agencija za lijekove BIH mi imamo značajno smanjenje troška za lijekove. Iako je u prošloj godini A lista lijekova je povećana za 17 novih generičkih lijekova, a B za deset lijekova. To je 27 novih lijekova na listi i mislim da će ona ostati u granicama ovih planiranih sredstava. Toliko sam ja zabilježila.

Predsjedavajući:

nema više. Ja sam zadnji pitao. Direktorice hvala vam. Predstavnici radnih tijela da li sada žele riječ nakon ovih uvoda? ne. Pitanja završena. Otvaram raspravu. Sami Suljević, aha, Segmedina Srna Bajramović.

Poslanik/zastupnik Segmedina Srna Bajramović:

zahvaljujem predsjedavajući, pa evo rekla bih bez obzira što u posljednje vrijeme pucaju i munje i gromovi kada govorite o zabranjenim temama, ja ne mislim prestati jer sam izabrana da govorim i ukazujem na stvari koje smatram pogrešnim. Dakle vjerujem da smo svi u ovoj sali na istom zadatku, da građanima poboljšamo uslove života u okviru onoga što jesu naše nadležnosti. Zato je izuzetno važno da prihvatimo kako svako u političkom životu ima pravo i obavezu, pravo da kaže svoj stav ali i obavezu da sasluša drugog. Ja bih se samo kratko osvrnula na izlaganje ministricе Ademaj. Drago mi je da je spomenula ovu listu ortopedskih pomagala. Drago mi je da je ta inicijativa u prošlom mandatu prihvaćena i da je donešena Uredba o proširenju liste ortopedskih pomagala, jer s velikom pažnjom čekaju na implementaciju iste, pacijentice uglavnom oboljele od malignih oboljenja, jer ova lista podrazumijeva i zavoje i rukavice itd, već smo o tome govorili u nekoliko navrata. Dakle, naše političko djelovanje i aktivizam mora biti usmjereno da svojim političkim inicijativama pomognemo svima u ostvarivanju njihovih prava koja moraju bit jednaka i zagarantovana. Dakle već smo upoznati ranije od prethodnog menadžmenta da je žalbeni postupak zaustavio implementaciju ove odluke na žalost. Osvrnula bih se još samo kratko na ono što je rekla ministrica vezano za izvještaj KCUS koji evo drugi put ne razmatramo zajedno sa izvještajima ostalih zdravstvenih ustanova. Podsjetit ću ministricu i sve nas da je rok za dostavljanje izvještaja bio 18.03. a ovaj je dostavljen Ministarstvu 13.05. dakle, rokovi su probijeni. Eh sada izvještaj ZZO. Svi naši izvještaju na žalost pokazuju da papir trpi sve i da su metodološki potpuno pogrešno postavljeni da ispunjavaju formu. 280 stranica teksta u kojem se vrte milioni, u različitim formatima, ali suštinski istih tabela samo sa drugim naslovima, nije ono što treba ni nama ni građanima kada je u pitanju pregled utroška njihovog zdravstvenog novca. U izvještaju nema niti jednog ozbiljnog sagledavanja realnih problema sa kojima se građani osiguranici suočavaju sa pozicija temeljnog finansijera zdravstvenog sistema u Kantonu Sarajevo, osim generalnih navoda kako još nisu stvoreni preduslovi za program zdravstvene zaštite iz kojeg bi valjda trebalo da proizađe nešto novo u metodologiji kada su u pitanju odnos Zavod – zdravstvene ustanove i osiguranici pacijenti. Vrijeme je da finansijske izvještaje, pa i ovaj prilagodimo objektivnom izvještavanju kada su u pitanju očekivani rezultati osiguranika čijim novcem raspolažemo pa da pregledajući iste tačno vidimo šta znači u finansijskom smislu i obimu usluga kada napišemo da se, citiram navod iz Izvještaja : „Usluge zdravstvene zaštite u ustanovama bolničke i primarne zdravstvene zaštite realizuju u skladu sa potpisanim ugovorima o pružanju usluga zdravstvene zaštite osiguranim licima Kantona Sarajevo. Kakvi su to ugovori, šta obuhvataju, ko ih kontroliše, na koji način se realiziraju dakle moramo konačno postati svjesni da posljednja dešavanja u zdravstvu nisu

tek sporadični problem. Prije nedostatka reagensa bila su uvedena ograničenja za pacijente koji moraju koristiti inzulin. Dakle, administracija je presuđivala ko je potrošio više inzulina nego što smije. Išlo se toliko daleko, da se i pored recepta maloljetnoj djeci uskraćivala doza koja može presuditi razliku između života i smrti. Kod nas je dakle postalo normalno da niko živ ne uzima u obzir posljedice po pacijente, kada mjesecima ne mogu obaviti osnovne laboratorijske pretrage, posebno ako nemaju, a uglavnom nemaju novca da idu u privatnu laboratoriju. Bojim se da godinama ne slušamo jedni druge nikako. Ovo je rečenica koju ja često ponavljam u svojim diskusijama. Dakle niti ko sluša doktore, niti pacijente, a politika je iz godine u godinu u rutini finansiranja zdravstva na nivou prihvatljivog socijalnog mira, što je dugoročno neprihvatljivo, a aspekta održivosti sistema i zdravlja pacijenata. Nije rješenje tvrditi da će građanima biti refundirani troškovi iz privatnih laboratorija jer se onda s pravom postavlja pitanje kako ima novca da se privatnicima plati kompletna usluga, a nema za nabavku reagensa. Koliko smo zaglibili u ozbiljne probleme za koje nam treba ozbiljna stručna pomoć u smislu rješavanja jeste i činjenica iz izvještaja o obračunu sredstava u zdravstva FBiH koji pokazuje propadanje socijalne države. Propadanje socijalne države kroz nedvosmislen rast novca koji se odljeva u privatni segment zdravstva kao direktni rezultat da javno zdravstvo polako ali sigurno erodira. Rečenica iz izvještaja koja mi je ne zaparala uši, nego mozak i koja potvrđuje svu površnost sistema, glasi: „u 2018 godini Zavod je svoje aktivnosti usmjerio na realizaciju planiranih programskih zadataka koji se odnose na nesmetano i efikasno funkcionisanje zdravstvenog sistema na području Kantona Sarajevo, osiguranje kontinuirane realizacije svih zakonom propisanih prava iz oblasti zdravstvenog osiguranja i zdravstvene zaštite za osiguranike Kantona Sarajevo.” pitam ja sve nas ovdje d ali je ova rečenica jedna obična izvještajna floskula preko koje svake godine olako pređeno potpuno svjesni da se iza nje u realnom životu krije hiljade problema naših sugrađana na koje nikako da nađemo odgovor. Činjenica da je BiH prvi i jedini put obuhvaćena europskih zdravstvenim potrošačkim indeksom 2014 godine te zauzela posljednje mjesto zbog zamislite, zapanjujućeg nedostatka podataka o zdravstvenoj zaštiti pokazuje da neke stvari jednostavno ne mogu biti slučajne. Ako niste u stanju da osigurate podatke da se sistem izmirite s drugim zemljama, onda ništa drugo što vam se dešava nije nimalo čudno. Bojim se da na ovaj način i ovakvim pristupom šaljemo neodgovornu poruku svim našim građanima kako je javno zdravstvo dobro, ali ipak vi radi sebe vodite računa pa štedite za privatnika. Imamo dakle tri osnovna problema od kojih stalno bježimo. Nismo u stanju da pružimo jednak pristup svim zdravstvenim uslugama svakom našem sugrađaninu u Kantonu Sarajevo. Raspodjela dohotka u smislu bolničkog liječenja nam je politički očigledno promoviše zlatne i bronzane krevete javne nabavke su nam postale izgovor za sve naše probleme koje imamo u zdravstvu. Naš zdravstveni sistem u ovakvoj formi je neodrživ i nepravedan. U silnim floskulama od reformi pacijenti se gube. Idealan sistem koji može garantovati sve u zdravstvenoj zaštiti ne postoji, nigdje ne postoji, uvijek će biti problema. No javnost od nas očekuje da im konačno objasnimo šta pacijenti tačno dobijaju za novac koji uplaćuju. Dakle jasno je i pticama na grani da nam zdravstvo nije efikasno i da nadležnost funkcionise sa stalnim incidentima što pokazuje da nismo u stanju godinama sa 400 miliona KM da osiguramo kontinuiranu realizaciju, osnovnih zakonom propisanih prava. Međutim, navesti da imate pozitivan finansijski rezultat u stanju u kakvom se nalazimo danas, ustvari je rekla bih potpuna isključenost iz problema za koji ste nadležni. Nikako da shvatimo kako je cilj normalnog zdravstvenog sistema da liječi a ne da zarađuje. Pacijenti nemaju reagensa a vi s njihovim avansno uplaćenim novcem imate hrabrosti objaviti kako imate dobit, a da prethodno niste realizirali zakonom predviđene obaveze. To je već sfera neosjetljivog administrativnog bezobrazluka. Problem je očigledno dubok i predstavlja pogrešno shvatanje Fonda zdravstvenog osiguranja, u koji osiguranici uplaćuju novac, a akumulirana sredstva često se troše netransparentno i u različite svrhe u što ne bi smjela biti korištena. Nama očigledno, i uskoro završavam, treba jedan pravi transparentan način utroška sredstva, načina finansiranja

osiguranja prava zdravstvenih radnika i plaćanja njihovih zdravstvenih usluga, osiguravanje prava osiguranika i obaveze osiguranike i tek onda će se moći govoriti i početku sređivanja ili stabiliziranja zdravstvenog sektora. Završavam. Zaključno, i dalje se nalazimo u prostoru neprihvatljivog stanja gdje ljudi plaćaju sve više a dobijaju sve manje. I samo još jedna računica za kraj da je preduslov za napredak pokazati hrabrost da izvršite prethodno vakcinisanje zdravstva od bolesne politike. Zahvaljujem.

Predsjedavajući:

hvala kolegice. Molim kolege da ostanu u okviru 10 minuta. Zastupnik Samir Suljević.

Poslanik/zastupnik Samir Suljević:

Hvala predsjedavajući. Šta reći o ovom izvještaju o radu i finansijskom poslovanju ZZO Kantona Sarajevo za '18 godinu. Maloprije smo čuli a i gledaoci su to saznali da su raspoloživa ukupna sredstva Zavoda u '18 iznosila 438.645,007 KM. A znajući kakvo je stanje u zdravstvu a to i sami naši gledaoci, sugrađani znaju, da napravim jednu usporedbu. Budžet TK, najjačeg industrijskog centra BIH je 350 miliona. Sam izvještaj o radu i finansijskom poslovanju ZZO za '18 po već poznatom običaju sačinjen je kao metodološki netransparentan dokumenat bez jasnog i detaljnog prikaza stavki finansiranja. Pošto se radi o ovom iznosu koji odobrava ova Skupština, trebali bi imati i stvari i jasno obrazloženi prikaz utrošenih sredstava a da same osiguranike koji su ustvari finansijeri svega ovoga i ne pominjem, oni bi trebali imati najveći uvid u ovo. U svojoj diskusiji osvrnut ću se i na kolektivne ugovore. Već davno potpisana obadva kolektivna ugovora sa sindikatom radnika u zdravstvu Kantona Sarajevo i sindikatom doktora medicine i stomatologije a mi u ovom Izvještaju nemamo jasno prikazanu finansijsku projekciju svih ustanova po tačnom broju zaposlenih u sklopu postojećih sistematizacija uz primjenu kolektivnih ugovora i postojećih koeficijenata. Također, u ovom izvještaju treba spomenuti enormno povećanje naknada za otpremnine i pomoći u slučaju teške bolesti koje u svim ustanovama iznose između 81 i 83%. na osnovu ovog podatka postavlja se pitanje da li ostajemo bez kadrova u zdravstvu. Najveći broj uposlenika odlazi u penziju i dolazi do iznenadne pojave procenta teških bolesti uposlenika. Šta bi onda trebali raditi po ovom pitanju menadžmenti zdravstvenih ustanova? Moram reći da su u nekim stvarima, evo to je i maloprije direktorica rekla, i rad UO i komisija zdravstva precijenjeno finansijski veliki. A isti u izvještajnom periodu pokazuju svoju netransparentnost u radu. Što se tiče stručnog usavršavanja i specijalizacija zdravstvenih radnika posebno pedijatar mislim da su u okviru planiranih i utrošenih sredstava moralo uraditi više i kroz ovu diskusiju apelujem na Ministarstvo i Zavod za javno zdravstvo da iznađu sredstava za hitno raspisivanje određenog broja pedijatrijskih specijalizacija jer vidimo u kojoj se situaciji nalazimo. Uzimajući u obzir sve podatke, posebno zabrinjava neizvjesnost za 7000 finansiranih zdravstvenih radnika i uposlenika u zdravstvu kao i obavezu normalnog funkcionisanja zdravstvenih ustanova krajnjim korisnicima. Zatim, komparirajući izvještaje o poslovanju ZZO i Izvještaja zdravstvenih ustanova evidentna je razlika u iznosu finansijskih sredstava koje ZZO navodi da je uplatio prema zdravstvenim ustanovama i iznose koje isti navode da su primile na ime granta ZZO Kantona Sarajevo. Kako je moguće da je na iste izvještaje ZZO Kantona Sarajevo dao saglasnost a istovremeno postoji nepodudaranje podataka koji bi morali biti istovjetni. zbog čega pojedinim zdravstvenim ustanovama nisu doznačena planirana sredstva na ime naknade za pružanje usluga zdravstvene zaštite, a radi se o ustanovama DZ, Zavoda za sportsku medicinu, Zavod za zaštitu uposlenika MUP-a Kantona Sarajevo, Zavod za zaštitu studenata i Zavod za zaštitu žena i materinstva u ukupnom iznosu od 2,8 miliona KM. Na koji način se vrši raspodjela iznosa sredstava koje Zavod uplaćuje prema JU, i kako je moguće da je KCUS ostvario najveće povećanje kada bilježe značajan pad broja pruženih usluga, u predmetnoj godini u odnosu na prethodne? Niti

jedan izvještaj ne govori o broju nedostajućeg kadra niti potrebnom planiranju edukacije, što sam maloprije rekao specijalizacije ljekara kako bi se u narednom periodu spriječila vrlo izvjesna kritična deficitarnost medicinskih kadrova. ZZO učestvuje u programu stručnog usavršavanja, tačnije specijalizacije mladih ljekara. Tokom prethodne godine, sredstva su realizirana u iznosu od 88%. poznato je da je tokom 18 raspisan konkurs, mislim na KCUS za dodjelu 46 stipendija, a koje nedavno poništen. Da li su sredstva doznačena KC u iznosu od 1,7 miliona KM i šta je Zavod poduzeto po pitanju poništena navedenog konkursa. Naknada za usluge izdavanja lijekova po jednom receptu iznosi 1,65 KM. U konačnici je u '18 godini iznos bio nešto veći od 7,6 KM što je gotovo 11% od ukupne vrijednosti utrošenih sredstava za lijekove, kako gotovih, tako ampuliranih i magistralnih lijekova. Da li je korektno gotovo 11% sredstava predvođenih za lijekove potrošiti za usluge apoteka? Da li građane uskraćujemo za lijekove kako bi pojedinim apotekama prebacili nešto više novaca? O tom dijelu povezanosti određenih struktura što se tiče apoteka ne želim ni da pričam. Izdaci za stručne usluge u iznosu od 207.000 KM su nejasno definirane te obzirom da se radi o značajnom iznosu smatram potrebno precizno definisati o kojim se uslugama radi. Zavod ima 138 uposlenika te se jasno nameće pitanje, na koje stručne usluge moraju biti eksterno obezbijedeni, a da ovaj broj uposlenika to isto nije u mogućnosti obaviti. Također smatram da se izdvajaju velika sredstva za rad komisijama po različitim osnovama, pa su tokom prethodne godine zabilježen rast izdataka za rad komisija u odnosu na 17. koje komisije u okviru Zavoda postoje i kolike su njihove naknade? Koji su razlozi povećanja iznosa na osnovu liječenja u inostranstvu od 5,8 miliona KM što je za 1,8 miliona KM više u odnosu na prošli period. Malo bih se povezano što je rekla moja drugarica, odnosno kolegica Segmedina, u skladu sa ovim svim, imam i jednu inicijativu ZZO koja je vezana da dijabetološkim pacijentima koji u svojoj terapiji koriste inzulin naprave olakšice u vremenu dodatne terapije jer da bi sistem bio tolerantniji. Pošto imam malo vremena samo ću se još generirati okvirno na određene prijedloge koje smatram da mogu pomoći u radu ZZO, i imajući paralelu Zavoda za finansijskim poslovanjem ostalih ustanova, smatram da možemo konstatovati da je pružanje usluga zdravstvene zaštite na svim nivoima da ne podliježe analizi efikasnosti, a o tome nemamo podataka u ovim izvještajima osim naturalnih indikatora. Svjedoci smo da se nerijetko kroz politiku štednje a naročito na tercijarnom nivou zdravstvene zaštite, dešava odlaganje zdravstvenih intervencija ili se usluge pružaju parcijalno te se građani koji imaju teška oboljenja dovode u jako veliki finansijski izazov da vlastitim sredstvima, koje najčešće nemaju rješavaju teška zdravstvena stanja. Umjesto fokusa na smanjenje ukupnih troškova kada su pitanju zdravstvene usluge, naročito na tercijarnom nivou zdravstvene zaštite, na području Kantona Sarajevo bi trebalo usvojiti afirmativan stav kada je u pitanju povećanje troškova na efektivne usluge. To ne znači više para za potrošnju, već više para za efektivne usluge, jer najskuplje je odlaganje ili parcijalno pružanje usluga kako za pacijenta, tako i za zdravstveni sistem i društvo u cjelini. Trenutačno. Onda ću prestati. Hvala.

Predsjedavajući:

imate druge diskusije. Dakle prijavite se pa to završite 10 minuta. Kolega Zvonko Marić ima riječ.

Poslanik/zastupnik Zvonko Marić.

Zahvaljujem predsjedavajući. Mnogo toga bih rekao ono što su moji prethodnici govorili ali neću se ponavljati. Jedino što mogu reći da moramo znati da ove vrste devijantnosti koje vladaju u ZZO zapravo kreiraju majstori devijacija ali oni uvijek ostaju nekažnjeni. Ovi izvještaji koji se nalaze pred nama podsjećaju na loš rad frizera. Frizirani su izvještaji i suviše je trošiti bojim se riječi na ovakve izvještaje koji su sračunati da nas obmanu ovdje, kako nas i tako javnost. Ukazujemo na to i moram kazati da ova mašinerija devijantnosti koja

je je u ZZO ona producira sve ono loše ili u najvećem dijelu što se dešava u zdravstvu i kako reče kolegica Srna ne erodira zdravstvo polako već čini mi se, sve bržim i bržim tempom. Moram kazati i to da ministrica kako reče predsjedavajući, ja ne znam direktorica, ministrica, ili slutite nešto ili znate nešto više od nas, direktorice Ademaj, dakle vi ste svjedoci puno toga, ali ono što obično, doživljaj je takav percepcija da vlast laže. Mi smo ovdje objavili da će se izvršiti refundacija svih onih usluga koje se ne mogu pružiti u JU i onda je upravo taj ZZO što se ne vidi u Izvještaju obmanuo sve nas ali je obmanuo i građane koji uplaćuju za svoje zdravstvo osiguranje jer su postavili administrativne ili birokratske barijere da niko od njih ne može to naplatiti, a mi smo na sva zvona kako je Vlada odlučila, kako je Skupština odlučila, donijela taj zaključak ali je to bila nemoguća misija, to je jedna od protuzakonitosti i nepoštovanja ovog parlamenta, dakle poslodavca itd. Puno imate, vi ste rekli ne znate još uvijek, u odgovoru na moje pitanje, koliko tih kako vratiti u zakonske okvire. Pa na taj način što se mora radikalno promijeniti ustaljena praksa da se laže vara, itd. A to je zapravo ZZO. Imate vi puno toga za rješavanje tih problema. I evo primjerice, vidimo razliku u izvještaju između prihoda i rashoda 20 miliona. Sindikati potražuju i imaju svoje zahtjeve i ako želite ispuniti te zahtjeve treba vam 60 miliona koliko zna. Interesira me kako ćete vi namaknuti tih još 40 miliona ako računamo ovih 20 miliona, a želite ih usmjeriti na ispunjavanje zahtjeva? Znam da su preambiciozni, možda megalomanski zahtjevi predstavnika sindikata i da je to poprilično nerealno. Ali evo, neka računamo, neka bude 40 miliona. Gdje ćete naći još 20 miliona da isfinansirate i da smirite utišate bunt nezadovoljnih medicinskih radnika? To ne vidi se u ovim projekcijama, nigdje se ne vidi. Dakle govorim o kolektivnom ugovoru jer ćete sigurno pregovarati o tome. Druga stvar nisu uplaćeni ugovor kada o tome govorim ni Apotekama za tri mjeseca preko 500.000 KM i ono što sam vam postavio pitanje Općoj bolnici 2.100.000 KM. Zašto se to radi, zašto se vrši svojevrsna selekcija, i to negativna. Nije odgovoreno ni u jednom trenutku na pitanje onim ljudima, građanima da li penzioneri sudjeluju u participaciji usluga u KC? Ko je odredio i koja visina mirovine određuje visinu participacije. Oni su u stalnom lutanju, u stalnoj agoniji, to se sve kreće od KC do ZZO. Dakle puno imate toga a evo primjerice nikada u životu nisam čuo za radno mjesto, a ipak imam, možda nemam puno godina ali imam iskustva, kaže za radno mjesto koje ne znam ni ja sam po kom osnovu, neko zaposlen, evo pročitat ću vam bukvalno saradnik za poslove UO, plaća mu je 1887,16 KM Haris Zahiragić. Koji su to poslovi? Zar se tako i na taj način zapošljava u tu ustanovu koja ima budžet od 410 miliona KM. Saradnik za poslove UO. A šta taj radi jel imenovan u UO, jel on imenuje UO? Dakle puno je toga i zaista ne želim da oduzimam ljudima vrijeme ni građanima ali mislim da se podhitno mora radikalno promijeniti način i u tom smislu sam govorio o vraćanju ZZO u zakonske okvire poslovanja. Hvala.

Poslanik/zastupnik Vildana Bešlija.

Hvala. Pa evo na osnovu Izvještaja ali i odgovora koje smo dobili, da imamo više prijavljenih osiguranika, recimo da su razlozi neažurirani podaci sa PIO, prijave s drugih Kantona, meni je onda posve nejasno kako imamo manji broj uposlenika u DZ inače u ovom dijelu, i kako imamo ovoliko dobit koju sam već u pitanjima spomenula. Nekako mi je to kontradiktorno. S druge strane drago mi je da smo čuli da će se obezbijediti sredstva za specijalizacije, jer je to bio jedan veliki problem i na žalost već smo se našli u situaciji da nas nema ko liječiti i ovo se zaista podhitno mora promijeniti. Na osnovu kojih parametara se radi, kako se uopšte planira smanjenje broja uposlenika pružanja adekvatne zdravstvene zaštite, ali i razlozi uvođenja odnosno neuvođenja informatizacije i ažuriranja podataka sa drugim institucijama. Jer zaista ne smijemo uskraćivati pravo građanima na adekvatno liječenje. I sama ova činjenica sada isto ide u korist tezi da je ovaj sistem paralizovan. Jasno je da ovakav sistem finansiranja i uopšte funkcionisanja mora se promijeniti kako smo čuli za liječenje u inostranstvu a znamo da je to posebno problem kod djece, nije sporno pitanje sredstava nego nadležnosti. I ja sada samo mogu zamisliti kako je roditeljima i šta im sve prolazi kroz glavu kada nas gledaju i

kada čuju ovu konstataciju i čiji je život djeteta u pitanju. Mislim da ne treba posebno napominjati da smo svi mi ovdje izabrani od strane građana, ne samo mi kao zastupnici, ali isto tako moramo pozvati na odgovornost i čelne ljude zdravstvenih ustanova i moramo zaista podhitno se vratiti sušiti problema i rješavanju zdravstvene zaštite. A ja ću se evo lično zalagati da mi kao Skupština poduzmemo sve potrebne aktivnosti da se promijeni ova praksa i uputi konkretan prijedlog prema Federaciji, posebno kada je u pitanju finansiranje i odlazak djece na liječenje i otkočimo ove administrativne barijere. Hvala.

Poslanik/zastupnik Igor Stojanović:

hvala predsjedavajući. Jasno vam je iz diskusija SDP zastupnika da SDP neće podržati ovaj izvještaj. Razlozi su vrlo jednostavno. Dakle ovo što stoji u zaključku nesmetano i efikasno funkcionisanje sa preko 400.000 miliona KM od strane ZZO nije osigurano. Građani nemaju adekvatnu zdravstvenu uslugu, djeca se liječe humanitarnim akcijama i na kraju krajeva i zdravstveni radnici pitanje je dana kada će neko od njih pogriješiti i ugroziti nečiji život zato što jednostavno sistem ne funkcioniše. Mi nećemo podržati izvještaj jer smatramo ZZO jednim od glavnih krivaca za nefunkcionisanje zdravstvenog sistema. Kada nemate reagensa u DZ, kada povećate tranšu KC za preko 5 miliona, u trenucima kada KC insistira da se mnoge usluge prebace na primarni i sekundarni nivo, odnosno na DZ, ne može se drugačije nazvati nego udovoljavanje i strahu političkom od određenih struktura koje očigledno vladaju u ovoj instituciji pa onda vi udovaljavate. I umjesto da se vi borite da ostale zdravstvene institucije imaju ravnopravan status vi udovoljavate nekome i ustvari pokazujete da nemate ni kredibilitet ni autoritet da vodite ovakvu instituciju. Također jedna od velikih problema za mene je neravnopravan status i moram reći glup način vođenja države ZZO. Plaćati usluge privatnicima na osnovu tačnog broja usluga, a davati paušalno tranše DZ je svjesno uništavanje državnog zdravstva, tamo gdje se građani najviše liječe. Prema izvorima podataka od strane menadžmenta DZ s obzirom na paušalne iznose, na paušal koji dobijaju DZ, na osnovu usluga DZ su dužni da nadoknade cca oko nekih 900.000 KM s obzirom na broj usluga kada uzmete onaj pravilnik kako bi trebalo to da se plaća a privatnicima se plati sve do jedne usluge. Ovo je tolika glupost da država svjesno uništava svoje zdravstvo, da je to meni nestvarno. Ali eto, moguće je u BiH. Osim toga, mi imamo problem u kojem po standardima SZO ni jedna od naših zdravstvenih institucija ne pratio ovo što su ranije moje kolege govorile a to je da broj ljekara bude adekvatan broju korisnika usluga. To znači da svaka od ovih institucija shodno ovim tranšama koje dobijaju od ZZO kao i broju doktora sutra ako tuži ZZO da ne kažem ako neko prijavi SZO mi možemo biti isključeni, možemo doći u problem da jedni između drugih se tužimo i da sistem još se više uruši od ovog što imamo. Dakle ja prvo zahvaljujem se novoj direktorici koja je tu dosta kratko i koja nas je upoznala vrlo detaljno sa stanjem u ZZO, ali moram joj dati par sugestija jer ja moram reći da ja očekujem da će tu ostati, moram joj prije svega reći da očekujem da od ovih stvari vodi računa, da vodi s obzirom da novac ZZO Kantona Sarajevo finansira sa cca 140 miliona KC a imamo manje usluga nego što smo imali ranije, očekujem da ona napravi određene revizije, ona je to najavila. Drago mi je što je najavila to u svom istupu, ali također očekujem s obzirom na najave da će se formirati neka federalna Vlada u kojoj bi SBB trebao učestvovati da se ne nastave ovi ustupci kojima sam govorio prethodnom direktoru. Jako je bitno da građani dobiju adekvatnu uslugu i da naše zdravstvene ustanove budu plaćene u skladu sa uslugama koje pružaju i sa brojem zdravstvenih radnika. Dakle bez obzira na politiku, ja od direktorice očekujem da ne popusti politici i da se zalaže za ovo što nam je govorila upravo ovdje za vjernošću. Osim toga očekujem da direktorica s obzirom da je KC povećao kiriju bolnici u Nahorevu za 200.000 KM a s obzirom da se bolnica nalazi također na našem budžetu i u našoj nadležnosti očekujem da direktorica također vodi o tome računa i da se prije svega ovaj iznos umanji KC jer ne vidim nikakav razlog da mi jedni drugima povećavamo kirije valjda da bi prikazali ovdje da imamo veća i bolja poslovanja. To za mene nema nikakvog smisla pa bih

molio također direktoricu da u buduću vodi i o ovom konkretnom slučaju računa koje će rješenje donijeti. Hvala.

Poslanik/zastupnik Damir Nikšić.

Hvala predsjedavajući. Pozdrav svima, htio sam jedan mali esej kratko i da pročitam kao zaključak neki moj. Mi ovdje zastupamo i štitimo prava korisnika. Znači korisnička prava od kojih su neka elementarna ljudska prava. Jer ako to ne uradimo gubimo doslovno certifikat za državu. Naime, mi smo članice EU pod uslovom i obavezom da poštujemo rezoluciju UN koji su temelji našeg ustava, ustava ove države. Dakle štiteći korisnička i građanska i ljudska prava, mi štitimo Ustav i obratno. Ovdje primijetim opstrukciju, jednu prepreku da se ja kao član ove skupštine, kao zastupnik građana i korisnika javnih servisa Kantona Sarajevo borim za njihova prava. Jer mi se u tu moju bornu uvijek nekako miješa FBIH. Nadležnosti su mutne u tom međuprostoru gdje se preklapa Kanton Sarajevo i FBIH. Tu ja mislim da vam je jasno spada KCUS, nikako da se domognemo do centralnih figura KCUS jer ih nekako Federacija ih tamo štiti. A evo na pomolu problem je sa poskupljenjem gasa koje to poskupljenje dolazi sa Federacije. Ja sam sada ovdje u legislativi, moj posao je da predlažem, pravim i donosim zakone, da pokrećem inicijative, da kreiram zakonsku klimu koja pogoduje zdravlju i razvoju građana Kantona Sarajevo. Moje je iskustvo da stalno udaram u zid entiteta tj Federacije. Stalno čekamo na neradnike iz Federacije da se pokrenu da nešto urade. Ja mislim da mi ovdje moramo biti mnogo progresivniji, mnogo suvereniji i moramo prestati sa ovom igrom koja se ovdje igra. A šta se igra. Ja imam osjećaj da izvještaj ovdje podnose kao da podnose djeca razvedenih roditelja, Kantona i FBIH. Kada god mi tražimo od njih odgovore i insistiramo na odgovornosti u Kantonu Sarajevo nama se ovdje vade na FBiH i pomalo prijete Federacijom ili nekom centralom. Mi ovdje, barem ja, nismo podređeni ni jednoj centrali ni FBIH. Ovo je decentralizovana država. Mi smo podređeni Ustavu države koji je podređen poveljama UN a te povelje su podređene ljudskim i korisničkim pravima. Mi smo dakle podređeni građanima i korisnicima i ako im tu uslugu ne pružimo kao parlament kao nivo države, kao Skupština koja je za to zadužena, ova kantonalna za platu koju primamo bojim se da ćemo na kraju izgubiti certifikat za državu. Izgubit ćemo državu. Pokazat ćemo se nesposobnim da vodimo i imamo državu. A onda svi ovi detalji neće imati smisla, ovi tehnički detalji, zabušavanja ovi sitni čarovi i krupni čarovi, prevare, nepotizam klijentelizam pasjaluci. Ništa to neće imati smisla. Zato dajte da se probudimo jer ovo je ozbiljan stvar, medicinska zaštita ne spada samo u korisnička prava već u elementarna ljudska prava. Ako nismo u stanju da isporučimo onda hajde da raspustimo svi ovu Skupštinu da idemo svi Njemačku gdje su država i društvo uređeni za razliku od nas. Hvala.

Poslanik/zastupnik Vedran Jakupović:

zahvaljujem predsjedavajući. Evo ja ću probati što kraće pošto smo jako pun vremena zauzeli. Neću se javljati kasnije kada budu izvještaji direktora nego ću dati jedan kratak osvrt ili da kažem više prijedlog stvari koje moramo uraditi jer od definiranja problema ne dolazimo d rješenja još uvijek smo samo na definiranju problem slažem se sa svim prethodnim govornikom da je pacijent ili korisnik na pravom mjestu, i moramo to svi shvatiti dakle svo ja sam u privatnoj zdravstvenoj zašto o u bio u farmaceutske industriji i kroz specijalizaciju radio u državnoj jako, jako puno stvar sam iskusio i smatram da imam pravo da kažem ove šta bi smo mogli uraditi i šta bi smo morali uraditi. Pretendentstvo je finansiranje, da izbacimo ovo historijsko, eto od ove godine očekujemo već je i direktorica najavila da možemo do kraja ove godine očekivati promjenu načina finansiranja. Pa evo čekamo šta će se po tom pitanju. Informatizacije je broj dva. Ono na šta su ukazali svi direktoricu Zdravstvenih ustanova, nemamo čitača u svim ustanovama dakle tehničke stvari moramo riješiti, i moramo suštinske stvari riješiti. Doći će do ovjeravanja zdravstvenih knjižica ako je uplaćeno zdravstveno osiguranje od strane poslodavca, mislim da nema potrebe da idemo ako imamo

već tu elektronsku zdravstvenu knjižicu nema potrebe da idemo još da vidamo gospodu na šalterima ZZO. Valjda ima taj sistem koji je će nas provesti kroz ovjeru zdravstvenih knjižica. Govorim na osnovu vlastitog iskustava. Treća stvar su ljudski resursi osim specijalizacija koje su na čekanju. Ja ću se opet referirati na specijalizacije u stomatologiji oblasti, a potrošni materijal u stomatološkoj oblasti koju evo niko opet ne pominje. Referirat ću se na prijem novih mladih, jedan dio je primljen, posebno je riječ o DZ pa evo sada su na nekoj vrsti čekanja očekujem da onaj dio mladih ljekara koji je na birou za zapošljavanje bude što prije zaposlen. Jer ako ih ne zaposlimo tražit će posla u Europi. Četvrta stvar kažem opet neću se samo referirati na ZZO ali i oni mogu dostave ovdje uticati je preventiva. Osim ove priče o vakcinaciji koju imamo i nabavci ispravnoj nabavci vakcinacija koja nije na ZZO nego na federalnim nivoima, mi smo dosta novca sada planirali u budžetu Kantona Sarajevo za preventivno djelovanje. Ono što moramo posebno da istaknemo malo će da bude upućeno direktorici Zavoda za javno zdravstvo programe za bolesti koje su u porastu a troše veliki, veliki dio lijekova, ne samo lijekova nego trošak zdravstvenog sistema kada je riječ o bolestima poput dijabetesa je ogroman, a jako jako puno možemo uraditi na preventivi. Evo ja ću se samo referirati na dijabetes. Pogledajte samo potrošnju lijekova. To je tačka koja će biti nakon ovih svih zdravstvenih. U potrošnji lijekova po iznosu je prvih pet šest lijekova su lijekovi za dijabetes, inzulinski i ingretinski preparati govorimo o ogromnim ciframa koje možemo prevenirati. Put pacijenta, ZZO jako puno utiče na te stvari pa da razmislimo o tom praznom hodu pacijenta, i na to ćemo se bazirati tokom ove godine. Opet kažem očekujem ova obećanja koja je direktorica ZZO rekla i izrekla da budu ispunjena do kraja godine. Naravno u ovo je sve uključeno i Ministarstvo. Ja sam za uključivanje privatnog sektora, uključivanje čak i ovog PPZ, privatno javnog partnerstva posebno za usluge za koje su velike liste čekanja. Pacijent ne smije da čeka ako imao uslugu privatnoj praksi. Mjerljivost rada zdravstvenih ustanova i po programima i po uslugama i na kraju ono što sam ja i zamjerao i možda evo malo grublje na sastancima komisija svim direktorima zdravstvenih ustanova malo energičniji proaktivniji rad jer bojim se da smo svi upali u ovu neku kaljužu kao što kolega Nikšić reče nadležnosti da se malo prebacuje nadležnost s jednog Zavoda na drugi Zavod, s jedne ustanove na drugu, šta možemo uraditi, šta ne možemo uraditi. Moramo naći način da izađemo iz te jedne kolotečine u koju smo svi upali. Evo ja ću reći i ja, tokom vremena da smo prihvatili neke stvari koje ne smijemo prihvatiti jer ako ih ne prihvatimo, ako uradimo puno, puno više i građani će na kraju dobiti uslugu hajmo ne samo da zaslužuju, nego i plaćaju. Moramo im pružiti. Hvala.

Predsjedavajući:

hvala kolega Jakupoviću. Niko se više ne javlja za riječ ja ću iskoristiti pravo da diskutujem po ovoj tački i reći ću nekoliko opštih zapažanja. Nije razlika u planiranim sredstvima 25 miliona, ona je 40 miliona. Menadžment ZZO završio svoju poslovnu godinu sa rashodima manjim 25,9 miliona od planiranih i sa prihodima većim za 14 miliona od planiranih. Pogriješite deset posto u planiraju prihoda i rashoda i pri tome kolegica Srna je o tome govorila pojavi se neki novi trend u menadžmentu zdravstvenih ustanova koji je više ekonomski nego zdravstveni, i vjerovatno su sljedbenici takvih politika misle da su dobro radili svoj posao. Posao menadžera zdravstvenih ustanova nije da ostvaruju profit, niti je to Zakon o ustanovama dozvoljeno. Posao je da se izvrši usluga a pogotovo ova vrsta usluge za koju nas ovi ljudi, pogotovo vas direktno plaćaju, izdvajaju svoj novac da mi organizujemo sistem a da ih vi tim novcem liječite. I na kraju dođu izvještaji, vidio sam još su neki Zavod čini mi se u Zenici pohvalio na pres konferenciji imali smo plus od 9,5 miliona. Mi smo ovdje imali plus od 40 miliona KM. Da ne budem shvaćen kao da ne bude patetika da ne govorimo svi nuždama i potrebama i najmlađih i najstarijih i drugih ranjivih, osjetljivih ali i onih zdravih kategorija društva, dakle ovo je prestrašeno da o ovakvom dokumentu mi danas raspravljamo. ZZO je jedna od političnijih ustanova s kojim sam se ja sreo u nekoliko zadnjih

godina u kojoj dominira politika. Dominira ona politika koja je za 23 miliona povećala tranšu, za 25 po nekim izdavanjima i 30 miliona KM. Jer ja znam direktorice Ademaj, ja imam tu memoriju od 2014 finansijski plan mi je ovdje Zavoda, pa 15, 16, pa 17. jeste 16 bila ta, porast, lično sam u tome učestvovao računajući nisam to shvaćao kao investiciju u dugovanja, nego sam to shvatio kao investiciju u ono što nam se tada obećavalo da će ta ustanova preuzeti i raditi svoj posao. A šta nam se danas desilo, da sve vas nekako, vi svi trpите i neki čini mi se uživaju, neki se malo bune ali uglavnom većina vas šuti činjenicu da se od vas traži sve veći broj usluga a da vam se za to ne izdvajaju adekvatna sredstva dok se na nivou tercijarne zdravstvene zaštite dešava ono što mi kao papagaji ponavljamo: manji broj pruženih usluga, drastično povećano finansiranje, odlazak kvalitetnih kadrova i liječenja naših pacijenata čak u Zenici ili Tuzli da ne govorim u inostranstvu. Taj trend i dalje očitava se u nekoliko primjera, imamo KUM sada na Opštoj bolnici ponedjeljkom i petkom, urgentni, za koji se traži da preuzmu i druge dane, imamo ove probleme sa kojima Zavod nije nama riješio problem. Nije nam Zavod riješio problem gdje se liječe naša djeca s kardiovaskularnim problemima. Ko ih operiše? Riješio ih je Mirsad Kacila. Nije ih riješio Zavod. Nego je taj čovjek otvorio bolnicu u kojoj se mogu operisati naša djeca, nakon što je njih 80-tak za koje znamo godinama čekalo operacije neki su na žalost i umrli jer KC nije ponudio tu vrstu usluge. Opet ću ponoviti stvari u kojima ne možete operisati prednji križni ligament, ne možete operisati kod djece skoliozu, ne možete operisati urođene bolesti kukova. Ne možete jer je gore menadžment odlučio da otjera te ljude i da nam ponekad neki Slovenac dođe operiše onoliko koliko ima vremena. Sada kažu ni oni više ne dolaze. Ovo je zadatak Zavoda. Zadatak Zavoda je. Mi smo ovdje podbacili jer smo usvojili samo prvi akt u kojem smo rekli integrisati ćemo 13 ustanova. Trebali smo napraviti akcioni plan i obezbijediti uslove da se donese akt o jedinstvenoj metodologiji pružanja zdravstvenih usluga koji bi jasno precizirao i pratio novac. Dakle pružiš uslugu plaćen si. Ljekari traže mjesto tamo gdje se radi i budu adekvatno plaćeno. Ja se zaista ponosim činjenicom da smo mi u nekoliko pravaca uspjeli. I moram reći još jednu stvar evo i direktorica je rekla, Zavod se fokusirao na prihode. Nema se šta puno Zavod fokusirati na prihode, sem kontrola koje radi poreska uprava i druge inspekcije, to su njihove redovne aktivnosti. Zavod ima stabilan sistem finansiranja jer je zakonom propisano kako se doprinosi uplaćuju. Nije neki bum napravljen u proteklom periodu ni u naplati onih starih potraživanja. Jeste gdje se Vlada upetljala, ništa tu Zavod nije posebno uradio. Bio je trend porasta i svih budžetskih sredstava, indirektnih i direktnih poreza i naravno poreza po osnovu zdravstvenog osiguranja koji je pratio te indekse. Ništa posebno tu nema. Evo opet ću se vratiti na ovu privatnu zdravstvenu ustanovu jer sam vidio šta se tamo dešava. U ovoj politici ovako se kaže, postoji neki projekat koji se radi u Tuzli, koji radi jedan ljekar tiče se bolesnika s kardiovaskularnim problemima, nominalnoj većinski dijabetičara, kojima se ugrađuju čini mi se stentovi isto tako u neke ekstremitete kako oni duže ne bi imali te probleme amputacija. I to super funkcioniše u Tuzli gdje radi vrhunski ljekar. Zavod to finansira. Onda taj ljekar pređe kod ovog istog dr. Kacile i Zavod kaže e više to ne finansiramo. To je isključivo politika u zdravstvu. Uzimam to kao primjer. Ne znam hoće li se neko na mene naljutiti, ne mogu za ovo odgovarati jer nas imunitet ovdje brani, šta god kažete ne možete a to odgovarati pred sudom. Ali je ljudi to bolno i bolesno. Bolesno je da smo do te mjere politizirali zdravstvo da se gleda kada ljekar radi u ustanovi pogodnoj, i kada liječi stare, mlade iznemogle bolesne. Može se finansirati. Ako pređe kod nekoga koga mi ne volimo ne može se više ni finansirati. Pa ne znam sada da li uopšte da otvaram neke druge teme vidio sam broj uposlenih u KC također raste u odnosu na 14. slušali smo ovdje hvalospjeve kako se smanjuje u nekim segmentima. On je za 62 osobe veći nego 14. tada smo otišli preko 100 miliona. Prije toga oni, za koje se ovdje tvrdilo da su lopovi, korumpirani, da su gore uništili sistem, nisu imali finansiranje preko 100 miliona i više su zdravstvenih usluga plaćali. Ne može niko to tumačiti povećanjem plata jer smo mi koji smo na to ponosi povećali ljekarima platu za 25% kako bi zadržali taj kadar u BIH, kako ne bi išao, i jer oni vrijede i

ispratili to finansijskih sredstvima jer smo mi rezali te esencijalne liste i kako kaže direktorica niko to nije trpio svi su i dalje bolesnici dobili svoju terapiju niko nije oštećen a uštedili smo, zaustavili smo trend porasta od godišnje 5 miliona KM. Ništa se u Zavodu nije posebno dešavalo osim politike. Dakle tamo se politikom bavi. Čak mislim da su ovi ljudi mnogo kapacitiraniji nego što njihovi rezultati pokazuju ali da jednostavno pristaju i dobar dio vas pristajete da bude dio tog sistema u kojem će se slušati šef ili šefica i u kom se to bespogovorno izvršava a neće se puno pitati o problemima koji nastaju iz takvog sistema. Ovo je nažalost već sistem. Četverogodišnji okošao sistem koji se teško razbija. Mi ćemo ga razbijati dok god budemo imali jedan atom snage, vjerujete u tome ćemo istrajavati ko god od toga odstupi njegov je to problem. Dakle da pokušam to rezimirati. Danas sa 40 miliona plusa, imate nedostatak reagensa u DZ, imate sistem koji ne prepoznaje broj finansiranih ljudi tamo, od 1300 do 1100 varira broj priznatog kadra kako mi to volimo reći. Imate potpuno nejasan put pacijenta u kom se i vi nekada namećete za pružanje usluga pa i ovi sa primarnog nivoa a ljudi uveli kardiologa u svoj sistem da pokušaju dobiti pacijenta. Što pokazuje slabosti nas, prije svega Skupštine i Vlade, resornog Ministarstva a dominantno Zavoda, jer ljudi poput ovih koje smo angažovali da prate propisivače, dobar menadžment bi mogao organizovati ljude koji prate rad zdravstvenih ustanova, potpisuju se kako su govorile kolege paušalni ugovori. Ne znamo mi koji je to broj. Mi smo jedva uspostavili i sistem registar kadrova i opreme koji je uspostavljen evo prije godinu dana, dvadeset godina to ovaj sistem nije imao. Probleme specijalizacije i ine druge koje stvarno zaista operativno treba da radi ovaj ZZO jer se on uglavnom i dominantno bavio politikom. Svi ste vi u marginama ili na granicama 2014 godine. Pratio sam negdje, neko se povećanje desilo u Opštoj bolnici ali tamo se desio broj povećanja usluga i programa. Dakle to je pratio i novac. Evo sada se dešava i pedijatrija ako Bog da dešavat ćete se i neki drugi procesi. I svi ste pristali da trpite taj sistem u kojem veliki brat naređuje a vi svi pokorno slušate a ostali ste u granicama 2014 osim onog dijela gdje smo mi povećali plate i zato vam doznačili sredstava. Materijalni vaši troškovi, investicije sve vam je na bazi 2014 godine, niko se od vas nije nešto posebno zalagao. Imate sada novu direktoricu, imate novu ministricu, mi mnogo očekujemo od ove dvije gospođe i od vas naravno jer ovaj sistem ukoliko ne promijenimo, zaista on može biti najštetniji po državu BIH. Hvala. Moja prva diskusija.

Kolegica Segmedina Srna Bajramović druga diskusija.

Poslanik/zastupnik Segmedina Srna Bajramović:

zahvaljujem predsjedavajući. Pa evo puno će kraće biti nego prethodna diskusija. Izvinjavam se, ali imam potrebu na kraju da naglasim neke stvari koje smatram izuzetno važnim. Svake godine nam se ponavlja ista priča, kada su u pitanju javne nabavke i bojim se vrlo često preko toga olako predemo, sve do nekog novog problema u kojem ćemo opet konstatovati kako su te kompleksne procedure javnih nabavki ostavile građane Kantona Sarajevo bez osnovnih zdravstvenih usluga. Dakle svake sekunde u BIH korupcije odnese 47 KM i to valjda dovoljan razlog da ovoj oblasti posvetimo posebnu pažnju. Ne želim biti niti sam pozvana da budem neki revolucionar u rješenjima ali očigledno je da postoje ljudi iz struke koji nam godinama nude rješenja a mi ih ignorišemo. I vi ste u svojim inicijativama predsjedavajući spominjali neke vrlo važne poteze koje moramo napraviti kada je u pitanju oblast javnih nabavki ali je očigledno da tu imamo nekakav nerazjašnjen otpor u smislu iskoraka u implementaciji jer je valjda jasno kako je 400 miliona KM koliko se vrti u javnom zdravstvu nekima ogroman prostor pa možda će grubo zvučati, za muljanje a onim dobronamjernim za iskorak u kvaliteti. Zbog toga vas molim da svi zajedno još jednom naglasimo kako očekujemo od svih nadležnih u sistemu, posebno od ZZO da u okviru javnih nabavki naprave iskorak i to u cilju veće centralizacije javnih nabavki u oblasti zdravstva kroz vlastiti program javnih nabavki, jer su dokazano efikasnije, i omogućit će jednaku dostupnost zdravstvene

zaštite svakom osiguranom licu i sljedeće za osjetljive javne nabavke insistirati na pozivima za okvirne i višegodišnje ugovore, koji će spriječiti situacije poput nestašice reagensa. Da ne govorim kako neke od ustanova ne poštuju ni odluke po kojima su dužni da objavljuju svoje postupke javnih nabavki u registar što ustvari pokazuje da je vrijeme da se mi kroz nadležne resore i organe ozbiljno posvetimo ovoj oblasti jer nam se tu kriju rješenja i za uštede da bi dodatno investirali u zdravstvo, i prostor za veći kvalitet i veću dostupnost usluga svim našim sugrađanima. Zahvaljujem.

Poslanik/zastupnik Igor Stojanović.

Hvala. Dakle činjenica da je u prošlih par godina uvećana tranša KC smanjen broj usluga, a dok su ostale institucije uglavnom ostale na istom nivou paušala koji primaju, govori prije svega o naivnosti svih ljudi koji su u prethodnim mandatima vjerovali da će to donijeti bolje zdravstvo u Kantonu Sarajevo. I to nam je veliko upozorenje za ubuduće na koji način trebamo voditi računa o svim izdvajanjima ZZO. Ali posebno bih se osvrnuo na diskusiju predsjedavajućeg vezano za ovo što se ni jedan od direktora zdravstvenih institucija ne buni. Nevjerovatno je da ni jedan od direktora ne osjeća odgovornost da sutra njegov uposlenik pogriješi samo zato što ima veći broj usluga, i što je pod većim pritiskom. Što je mimo svih standarda SZO da u nekim situacija na nivou godine postoji po 20.000 usluga više nego što to propisuje SZO. Šta ako se desi neki slučaj, da li će i jedan od tih ljudi osjećati odgovornost jer nije obezbijedio svojim uposlenicima u svojim institucijama da se ne rasporedi broj usluga adekvatno. Ja nisam ni jednog direktora za četiri godine čuo da se pobunio na uvećanje tranše prema KC a da broj usluga u njegovoj instituciji raste. Pogotovo mislim na DZ. I zato ću još jednom podcrati ono što sam rekao u svojoj prvoj diskusiji šta očekujem od nove direktorice ZZO. Očekujem da se prestane sa udovoljavanjima u ovom slučaju kada u pitanju KC, svi znamo da se povećala tranša isključivo ovoj instituciji, očekujem da se to zaustavi, tu vrstu političkog udovoljavanja nekome samo zato što će ostati na poziciji. Možda i neće ostati, ali ako ostane, očekujem bez obzira na političke odnose unutar federalne Vlade da se ovakva neravnopravnost zdravstvenih institucija zaustavi. I bez obzira da li ćete vi ostati kao direktorica ili će doći neko drugi to treba da bude zadatak bilo kojeg novog direktora da napravi reviziju usluga ovo o čemu je direktorica govorila i da shodno uslugama doznači sredstva svim zdravstvenim ustanovama da ne bi bilo neravnopravnosti i da ne bi izazivali sutra možda potencijalni smrtni slučaj i na kraju krajeva napravili red da ne bi smo djecu liječili preko humanitarnih brojeva ili dobrovoljnih davanja. Hvala.

Predsjedavajući:

hvala kolega Stojanoviću. Ispravka krivog navoda, nisam rekao svi, neki se ipak bune, ja znam da se neki bune. I samo ću u svojoj u drugoj diskusiji ako niste znali, ne znam je li vas zanimala ova statistika da vam pročitam samo nekoliko indikatora primarne zdravstvene zaštite, i odnosa ZZO i povučem paralelu sa KCUS. 2014 godine na bruto plaće ukupno je utrošeno 53.185.000, izvršenje '18 55.900.00. znači oko 4 milina je povećanje, mnogo manje od onog koji je potrebno zbog povećanja plata. Ovi su drugi indikatori važniji. Za materijalne troškove, te godine '14, na primarnom nivou trošilo se 11 miliona KM. U '18 utrošeno je 7,5 miliona, smanjeni su vam materijalni troškovi za 3,5 miliona. I ukupan odnos prema primarnom kompletnom nivou zdravstvene zaštite kaže ovako 2014 76 miliona, 2018 izvršenje 73 miliona. Primarnom nivou zdravstvene zaštite smanjena je dotacija za 3 miliona KM, a pored svih povećanja plata i drugih davanja, KC u istom periodu povećano je 30 miliona KM. Ekonomisti u medicini znaju ako normalan sistem želi da radi on jača primarni segment pružanja zdravstvenih usluga. Ne troši se na tercijarni, taj pojede sam sebe. Ovdje mi jedemo sami sebe. Neki se od nas bore da se to ne dešava više, a ja vas pozivam da bude odgovorniji, hrabriji i ozbiljniji da se borite da se vaš zdravstveni sistem ne uruši jer on trenutno izgleda narkomanski. Udovoljava se tercijarnom nivou sa 30 miliona, a zavrće se

pipa na primarnom segmentu smanjujući 3 miliona kompletno dotaciju u trenutku kada 50 miliona rastu prihodi. Ovo je plastičan primjer kako bi ste kao menadžer, ja ne sumnjam u vašu etiku ljekarsku niti stručnost, ali vi vodite zdravstvene ustanove, morate to raditi mnogo hrabrije ne dozvolite da vam ta funkcija bude vezana isključivo za političke odluke. Eto to vas molim kao predsjednik ovog zakonodavnog tijela. Hvala.

Kolega Stojanoviću replika, izvolite.

Poslanik/zastupnik Igor Stojanović:

hvala. Prije svega da se izvinem svim direktorima koji su reagovali na takvu vrstu raspodjele novca i ja očekujem da nam i kažu svoje stavove u narednim izlaganjima s obzirom da ćemo imati pretpostavljam neka uvodna izlaganja volio bih da direktori kažu kada su to reagovali i kakvo je njihovo mišljenje o toj raspodjeli sredstava. Hvala.

Poslanik/zastupnik Zvonko Marić:

zahvaljujem. Kolega Stojanović kaže da zaista treba voditi računa o ovoj raspodjeli. međutim ja moram kazati da je ovdje ključna stvar, ovo ću jednom reći i više nikada dakle, vi kada lažete odete jednom u Brisel i to znači da je to garancija neke naše europske budućnosti pa ljudi prežale. Ali kada ih lažete u ovom segmentu to proizvodi katastrofalne posljedice. Vi ste predsjedavajući sada govorili u korist tercijarnog, a šta je sa sekundarnim dijelom? Više sekundarne usluge se ne pružaju u KC. To znači pada na teret i Opće bolnice i nekih drugih segmenata. I stalno lažemo građane. Dakle ovo je najopasnija laž jer se radi o vrlo osjetljivom segmentu a kada odete u Brisel, i kažete e naš jedan odlazak je garancija naše europske budućnosti, svako će preboliti navikao je na tu vrstu laži i ona toliko ne boli, kao što boli laž ovdje što konstanto ljude građane kako reče kolega Suljević ili Stojanović, nisam siguran avansno plaćaju za usluge koje im trebaju biti pružene.

Poslanik/zastupnik Vedran Jakupović.

Samo kratko kolegi Stojanoviću. Na sjednici Komisije za zdravstvo svi direktori zdravstvenih ustanova su pomenuli ove stvari, dakle reagovali su. Samo iza zatvorenih vrata na sjednici Komisije za zdravstvo. Hvala.

Predsjedavajući:

hvala kolega Jakupoviću. Nema više prijavljenih. Zaključujem raspravu. Vi ste se prijavili premijeru. Poslije izjašnjavanja premijer. Vi ste se prijavili premijeru. Za završnu riječ. Može izazvati replike. Da mi glasamo ili da. Kako vi god kažete, ako bude završna riječ zastupnici imaju pravo replicirati poslije glasanja ili? Izvolite. Premijer Edin Forto.

Premijer Edin Forto:

dobar dan. Moram se priključiti diskusiji. Ovo je jedna možda od boljih diskusija na jednu temu koju smo imali. Išli su do te mjere u suštinu da neću ponavljati ono što ste rekli nego ću adresirati, tačnije odgovoriti na neke brige koje ste iskazali kao zastupnici a koje ova Vlada već poduzima u svojim aktivnostima. Htio bih reći nešto prvo o okviru. Ovo je jedno i to je gospodin zastupnik Nikšić najviše o nadležnostima. Znači mi imamo federalnu nadležnost, finansiranje i zakonski okvir su na federalnom nivou i onda mi implementiramo to i znamo kako ga implementiramo. Cijeli protekli mandat sadašnja v.d. direktorica ZZO gospođa Ademaj a imali smo i neke pokušaje restrukturiranja a to ustvari nije bilo ni nazvano kao reforma nego kao pokušaj nekih institucija zdravstvenih u zakonski okvir. Neobično je da morate prvo identificirati da institucije ne rade po Zakonu, pa onda najavite da ćete ih uvesti u zakonski okvir pa se onda to ne dogodi. Mi ćemo pokušati da se to dogodi i to u tranziciji koja neće imati otpor. A da ne bi imali otpor svi direktori zdravstvenih institucija moraju

učestvovati u procesu zajedno sa ovom Vladom. Druga stvar koja se već godinama govori je upravo ovo što je predsjedavajući pomenuo da li imamo zdravstvene ustanove koje treba da rade dobit ili ne. Mislim da neke od institucija, to sam kao zastupnik govorio više puta, neke od institucija djeluju na tržištu. Prije svega Zavod za medicinu rada, i Apoteke Sarajevo. Navedite mi jedan lanac apoteka koje 50 poslovnica a koji rade sa nulom i onda dođe još pošalju zahtjev ministrici i ovoj Vladi da im mi obezbijedimo neki kredit da renoviraju neke prostorije. Pa to se neće dogoditi. Ova Vlada neće finansirati firmu koja radi kao doo na tržištu sa 50 poslovnica i njima trebaju neke pare. Mi ćemo od njih tražiti pare. To je što se tiče Apoteka. Također vezano za Zavod za medicinu rada, insistirati ćemo da ta institucija djeluje na tržištu. Jer je to u njenoj djelatnosti a ne da se bavi porodičnom kojom treba da se bavi neko skroz drugi. Znači mimo Zakona insistirati da rade nešto a ono što im je misija ne sprovode. Dakle, one institucije koje ne treba da rade za profit su one koje treba da se skoncentrišu na usluge prema korisnicima osiguranicima i to je ono na čemu će ova Vlada insistirati. Sve uštede koje se naprave, a sada ću o tome nešto reći, moraju ići u kvalitet usluge prema ljudima koji plaćaju osiguranje i očekuju zdravstveno osiguranje. Još jedna stvar koja je provejavala još iz prošlog mandata ja kada govorim o komunalnom sektoru kažem imamo krizu upravljanja, isto tako kada govorimo o zdravstvenom sektoru. I to ste također više vas zastupnika to reklo, imamo krizu upravljanja. Nevjerojatne informacije su dolazile do nas u proteklih godina iz DZ. Način na koji se odnosi prema zaposlenicima, to su osnovne menadžerske stvari. Znači kako raspisete raspored u nekoj ambulanti, kako vodite proces nabave, kako radite najobičnije menadžerske stvari. To nije visoka matematika. Informacije koje su dolazile do nas su nevjerovatne. Kako nagrađujete one koji dobro rade, kako kažnjavate one koji loše rade. Mi smo dobijali cijele spiskove u kojima se bez ikakvih kriterija ljudima povećava plata po 50 do 600 KM onako kako direktor odredi. Ima svoje neke saradnike, ne znamo po kojim kriterijima. 30 ljudi dobije 500 KM povišicu. Nevjerojatne stvari. I tako u svakoj zdravstvenoj instituciji u većini može se naći nešto, posljedice onoga što mi zovemo loše upravljanje. I jednu stvar koju je posebno zastupnica Srna Bajramović posebno istakla nabava. Znači sve više vidimo kako 14 direktora i direktorica naših zdravstvenih institucija bave se biznisom. Oni hoće da renoviraju, da grade, oni hoće da nabavljaju da kupuju toalet papir. Pa niko nije završio sve te škole i postao vrhunski stručnjak i u zdravstvu i u zdravstvenom menadžmentu da bi nabavljao toalet papir. Da bi nabavljao materijale, reagense da bi nabavljao fotokopir aparate i rentgen aparate. Ova Vlada će vam pomoći u tom segmentu. Krajem maja Vlada će pripremiti uredbu o javnim nabavkama koja će ići prema tome, onome što je i ova skupštinska većina unijela u svoj dokument 300 mjera. Jedna od mjera je centralizacija javnih nabavki, upravo ovo što ste vi govorili da ne želimo više da opterećujemo upravljačke strukture u zdravstvenim ustanovama ovim menadžerskim stvarima koje nisu skoncentrisane na kvalitet usluge prema pacijentu nego to su obične stvari gdje vi idete pregovarate sa gomilom dobavljača. Pomoći ćemo vam tako što će ova uredba predvidjeti mogućnost da se objedine nabavke posebno na nekim strateškim stvarima. Nema potrebe da svi nabavljate iste reagense i da svako posebno za sebe bira dobavljača da bira aparate tehniku i ono što se uvijek kada hoćemo da banalizujemo da pojednostavimo kažemo toalet papir. Kupit ćemo mi to za vas, ali ćemo uspostaviti sistem u kojem će se do minimuma smanjiti mogućnost loše komunikacije da neko plati duplo skuplje od nekog drugog a svi smo u istom sistemu. Dakle praćenje će biti daleko bolje. Također nešto što ste spomenuli danas je transparentnost rada. Možda već na sljedećoj Vladi ministrica ispravite me, imat ćemo Uredbu o javnosti rada. Svaka institucija koja nema web stranicu će je imati. A na toj web stranici svaka institucija će dobiti propisano šta mora objaviti. Dnevne redove UO i NO, dnevne redove i materijale, zaključke sve. Posebno se ovo odnosi na ZZO koji je u prošlosti kao što je predsjedavajući na sto primjera prikazao gdje politika određivala kako će se neke stvari rješavati, veliki problemi u našem sistemu. Sve će biti javno, za vas za medije, za građane. Ova Uredba stupa na snagu uskoro. Dakle mi već radimo generalno na konsolidaciji

cijelog sistema ali posebno mislim ono što će zaboljeti ljude jer valjda kod nas ljudi su navikli da su direktori, da su bitni ako kupuju nešto. Iako imaju nešto da nabavljaju. Smanjit ćemo motiv ljudi u zdravstvu da postaju direktori da bi nabavljali, a povećat ćemo motiv i motivaciju onih koji žele da unaprijede uslugu. Usluga i zadovoljstvo naših osiguranika su ključ. I to će biti glavni kriterij. Još jedna stvar koja provejava kroz vaše diskusije je tih 400 famoznih miliona. Nemojte misliti da je tih 400 miliona nama na raspolaganju u dugom roku. Kao što nam se dešava i zastupnik Nikšić je to pomenuo sa plinom, sutra se može promijeniti zakonodavstvo koje ne ovisi o nama koje nam može prepoloviti naše prihode. Kako ćemo onda platiti sve ono što se ne radi na najefikasniji mogući način. U trenutku kada nemate dovoljno sredstava onda se najbolji menadžment pokazuje. Kada ima puno para svi dobro rade i to je ovo što je predsjedavajući par puta rekao, svi misle da dobro rade. Ako ima sada nekih prihoda koji su veći od rashoda u zdravstvenom sistemu uložiti ćemo ih u prava, u obim prava osiguranika ili u kvalitet. Nećemo uložiti u gomilanje administracije, nećemo raditi neke velike građevinske zahvate, moramo se pripremati za trenutak kada nas stigne realnost, kada nas sustigne neka uredba koja će nam smanjiti primanja da je spremno dočekamo, da naši osiguranici imaju kvalitetnu zdravstvenu zaštitu, najkvalitetniju u ovoj državi, bez obzira šta odlučila federalna vlast. Evo, samo sam htio da kažem nekoliko stvari vezano za ovo što ste iznijeli u diskusijama.

Predsjedavajući:

hvala premijeru. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU ZAVODA ZDRAVSTVENOG OSIGURANJA KANTONA SARAJEVO ZA 2018. GODINU.

Možete glasati. Molim rezultate glasanja.

ZA JE GLASALO 6, PROTIV 19, SUZDRŽAN 2.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

Tačka dvadeset i dva:

AD – 22.

IZVJEŠTAJ O RADU I FINANSIJSKOM POSLOVANJU JAVNE USTANOVE ZA 2018. GODINU:

- a) Opća bolnica “Prim.dr.Abdulah Nakaš”;
- b) Psihijatrijska bolnica Kantona Sarajevo;
- c) Zavod za bolesti ovisnosti Kantona Sarajevo;
- d) Zavod za zaštitu zdravlja studenata Univerziteta u Sarajevu;
- e) Zavod za medicinu rada Kantona Sarajevo;
- f) Apoteke Sarajevo;
- g) Dom zdravlja Kantona Sarajevo;
- h) Zavod za sportsku medicinu Kantona Sarajevo;
- i) Zavod za hitnu medicinsku pomoć Kantona Sarajevo;
- j) Zavod za zdravstvenu zaštitu žena i materinstva Kantona Sarajevo;
- k) Zavod za zdravstvenu zaštitu zaposlenika MUP-a Kantona Sarajevo;
- l) Zavod za javno zdravstvo Kantona Sarajevo za 2018. godinu.

Programe i finansijske planove ste dobili uz poziv za sjednicu. Predlažem da o istima vodimo jedinstvenu raspravu, a pojedinačno se izjašnjavamo, obzirom da su iste tematike.

MOLIM ZASTUPNIKE DA SE IZJASNE O OVOM PRIJEDLOGU.

Možete glasati. Molim rezultate glasanja.

ZA JE GLASALO 25, 4 nije glasalo.
KONSTATUJEM DA SMO OVAJ PRIJEDLOG USVOJILI.

Molim predstavnika Predlagača da podnese uvodne napomene. Ministrica Sofić. A kao što smo radili i prošli put, praksa je pitanja su za direktore. Kada bi oni svi ovih koliko ustanova imali uvodna izlaganja vjerovatno bi to trajalo do šest, samo uvodna izlaganja. Tako da pitanja, tu su predstavnici čini mi se danas svih zdravstvenih ustanova. Oni su tu da odgovaraju na pitanja. Ministrica Sofić vi uvod.

Ministrica Amela Sofić: UVODNA IZLAGANJA

Predsjedavajući:

Zahvaljujemo ministrici Sofić. Kolegice i kolege, imaju li predstavnici radnih tijela nešto reći? Niko se ne javlja, izvolite pitanja. Kolega Samir Suljević javio se prvi, izvolite. Molim premijera da se odjavi samo.

Poslanik/zastupnik Samir Suljević:

hvala. Objedinjena su i pitanja jel tako? Hvala. E ovako, prvo ću početi od pitanja koja se odnose na DZ. Da li je istina i ako jeste, zbog čega se pacijenti planirani za operativni zahvat u Opštoj bolnici i KC usmjeravaju na preoperativnu pripremu koja obuhvata laboratoriju, RTG i pregled interniste upućuju u JU DZ Kantona Sarajevo i time prave velike gužve i diskomfort pacijenata? Drugo pitanje politika planiranja kadrova koliko sam vidio u DZ je izuzetno loša, nema dovoljno specijalista ni jedne grane, nedostaje jedan veliki broj medicinskih tehničara a imamo šest puta više oralnih hirurga nego što je to po sistematizaciji, odnosno ima ih 12 a potrebno je dva. Sljedeće, da li je istina da su tehničke specifikacije donosile izvan službi DZ ko je radio procjenu postupaka vrijednosti javnih nabavki i plan javnih nabavki? Ovo pitam zbog toga što po saznanjima nekim isti su rađeni van ustanova i doneseni da se radi po njima. I najvažnije da mi se obrazloži, razlog za nedostatak kancelarijskog, stomatološkog, sanitetskog materijal ai reagenasa te kolapsa svih roba u DZ? Za Apoteke Sarajevo, sve planirane poslove iz svoje djelatnosti u toku '18 godine obavljalo je 436 zaposlenika od čega je 188 magistara farmacije, 157 farmaceutske tehničara i 91 osoba nemedicinskog zaposlenika. Ako tim farmaceutski čine 1 magistar farmacije i 1 tehničar, zbog čega je ovolika razlika u odnosu uposlenika? Za Zavod za studente, odnosno Studentsku polukliniku broj posjeta u specijalističko konsultativnoj van bolničkoj zdravstvenoj ustanovi, zaštiti u '18 iznosio je 7594 posjete i to je u odnosu na prethodnu godinu umanjen broj posjeta za 227. ukupan broj za izvještajni period je iznosio 13.085 što također predstavlja manji broj usluga za 2055. to je interesuje me da mi se obrazloži stav, odnosno razlog tome, jer je to u prevodu 9,5 usluga po posjeti manje. Sljedeće pitanje, interesuje me isto je za Studentsku polikliniku, broj stomatoloških usluga i broj predatih radova, ovdje se odnosi na broj proteza urađenih pacijentima jer su naveli da ste uzimali opremu za stomatologiju i između ostalog inducirani aparat za lijevanje materijala za potrebe zubnog protetskog laboratorija, pa me interesuje da mi se samo kaže, broj stomatoloških usluga i broj predatih radova? Hvala.

Poslanik/zastupnik Vildana Bešlija:

hvala. Ja imam pitanja prvo za Apoteke Sarajevo. Možete li mi objasniti ovaj rast broja lijekova koji su izdati na teret sredstava osiguranika u toku 2018 godine JU Apoteke Sarajevo je izdala 3.277.950 lijekova od čega je 1.747.873 na teret sredstava obaveznog zdravstvenog osiguranja. I preko milion i po lijekova na teret sredstava osiguranika. Dok je u 2017 izdala nešto više od 2,2, miliona lijekova od čega je preko 1,8 miliona na teret sredstava obaveznog zdravstvenog osiguranja i 380.000 otprilike na teret sredstava osiguranika. Drugo pitanje je zašto je došlo do ovakvog pada OTC preparata, komercijalno je izdato preko 1,2 miliona OTC

preparata što je za 46,7% manje u odnosu na 2017 godinu. Zatim svi pokazatelji uspješnosti su loši. To možemo jasno vidjeti na stranama 13 i 14 finansijskog izvještaja i da li menadžment planira neke mjere koje će poboljšati ovo stanje? Za očekivati da da ali me interesuje tačno šta. U izvještaju za 2017 godinu se govorilo o namjeri obezbjeđivanja uslova za odlaganje nepotrebnih farmaceutskih proizvoda građana a u izvještaju za 2018 se ne spominju nikakve aktivnosti u vezi sa ovim. I pitanje iz izvještaja Nezavisnog revizora posebno vezano za visok rizik likvidnosti. Za DZ pitanje na stranama od 28 do 33, obrađeni su prigovori pacijenata i opisane su mjere koje su poduzete za smanjivanje prigovora vezanih za ponašanje ljekara. Nije navedeno da li su poduzete bilo kakve mjere radi smanjenja prigovora vezanih za organizaciju rada da li je menadžment pokrenuo takve mjere. Na strani 48 navodi se prosječan broj posjeta po ljekaru koji iznosi 32 pacijenta dnevno. Svi iz iskustva znamo da je velika razlika opterećenosti ljekara u pojedinim ambulantomama i da li su rađene analize ovih razlika i da li menadžment razmišlja o mjerama kojima će se obezbijediti veća ujednačenost ovog opterećenja? Na strani 54 izvještaja o DZ navodi se da je čekanje na pregled UZ 60 dana. Ovo je vrlo dug period i koje mjere se planiraju uvesti u cilju smanjenja čekanja? Hvala.

Poslanik/zastupnik Sead Milavica.

Zahvaljujem predsjedavajući. Pitanje je za direktora DZ. Da li trenutno postoji deficit zdravstvenog kadra u DZ, posebno ljekarskog a s obzirom na probleme u funkcionisanju službi, posebno u rubnim DZ, Hadžići, Ilijaš i Vogošća? U kojoj fazi je implementacija javnog poziva službe za zapošljavanje Kantona Sarajevo za upošljavanje doktora medicine u DZ? I na koji način se planira zanzavljati nedostajući kadar pojedinih specijalnosti? Pedijataru i drugih specijalista, odnosno da li se planira raspisivanje specijalizacija kako bi se barem ublažilo dosadašnje loše planiranje iz oblasti specijalizacija? Hvala.

Poslanik/zastupnik Zvonko Marić.

Zahvaljujem predsjedavajući. Moje prvo pitanje odnosi se na Opću bolnicu i stoga pitam uvaženog direktora imam informaciju da imate višak radne snage. Kako je on i na koji način stvoren, da li je to bila potreba za zapošljavanjem, iz kojih motiva ste ih zapošljavali i na koncu, interesira me da li ste se i vi počeli baviti omiljenim sportom svih menadžera u Kantonu Sarajevo, tj zapošljavanjem novih zaposlenika samo onako kako bi po nečijem tako reći volji zapošljavali te ljude? Drugo pitanje, pominjao sam kada je riječ o KC da se više tamo ne rade sekundarne usluge, da li u vašoj bolnici je povećan taj broj iza koliko, da li je to primjetno, drastično i slično tome? Sljedeće pitanje se odnosi na direktora Zavoda za hitnu pomoć. Da li ste prilikom konkursa za direktorsko mjesto, direktorsku poziciju priložili dokaz o obavljenoj edukaciji iz zdravstvenog menadžmenta i to sva tri nivoa edukacije što je bio jedan od posebnih uvjeta javnog oglasa za izbor i imenovanje direktora JU Zavoda za HMP. I da li ste i po kojoj cijeni prodali RTG aparat? Sljedeće pitanje odnosi se na medicinu rada, ja sam postavio kao zastupnik niz pitanja i u potpunosti nisam zadovoljan odgovorom na ta pitanja ne mogu da vjerujem da ponižavate na neki način ljude koji sjede u ovoj sali, koji sjede u najvišem zakonodavnom tijelu, vrijeđate njihovu inteligenciju i to je isto kao kada bih vas ja pitao, da li je ruža crvene boje, vi meni kažete snijeg je pao na Bjelašnici. Na taj način odgovarate na pitanja što je nedopustivo. A podsjetit ću vas, primjerice povrede zakonskih odredbi koje ste načinili prilikom javnih nabavki koje su vrlo često pominjanje ovdje niste postupili po Zakonu, niste priložili dokaz o hitnosti postupanja u samoj nabavci. Također niste priložili dokaz izmjene plana javnih nabavki sukladno zakonskim odredbama te ste u potpunosti pokušali sakriti predmetni postupak, tako što isti niste objavili na portalu javnih nabavki. Također kada je riječ o pravilniku po kojem postupate tačno je da ste dobili suglasnost od Ministarstva zdravstva, vjerovatno i pretpostavljam da vam je to Ministarstvo

dalo tu suglasnost ko radi taj i griješi. Možda je i pogriješila ali šta ste vi učinili na planu toga da promijenite takav pravilnik i da ponovno zatražite suglasnost Ministarstva zdravstva? Također, kada je riječ o postupku javnih nabavki usluge se ne mogu obavljati ili nabavljati aukcijom kako je navedeno u članu 21 stav 3 pravilnika o aukciji ili je normalno u Zavodu da se bez posljedica griješi ili da pojedinci mogu da griješe nekažnjeno? Hvala.

Dopredsjedavajući Vibor Handžić.

Zahvaljujem predsjedavajući. Imam dva pitanja. Prvo pitanje je za v.d. direktora DZ. Pošto sam ja postavio zastupničko pitanje, međutim stari direktor nije više tu pa molim vas da mi pokušate odgovoriti na to pitanje. Stari direktor DZ je imao takav paralelizam u izjavama u javnosti da ja nisam mogao da vjerujem šta čovjek priča, iskreno da vam kažem, a sada ću vam objasniti o čemu se radi. Dakle u jednoj izjavi se kaže kritikuje se ZZO za masovan nedostatak reagensa u primarnoj zdravstvenoj zaštiti. I jasno je da je taj nivo zaštite u proteklom periodu proživljava skoro pa potpuni kolaps a onda u sljedećoj izjavi kaže da postoji neko interno istraživanje unutar ustanove da 75% usluga koje se provede na nivou primarne zdravstvene zaštite se radi bespotrebno. I to govori čovjek kao da menadžment te institucije nije odgovoran da li njegovi uposleni nešto rade bespotrebno. Pa vas ja molim da mi odgovorite, ja sumnjam da postoji takvo istraživanje. Da li ste vi kada ste došli na tu funkciju zatekli tu neko istraživanje i ispitivanje. Da li ono zaista postoji i šta u njemu piše. I drugo pitanje za direktoricu Zavoda za javno zdravstvo. Komentarisao sam prilikom raspravljanja izvještaja iz 2018 godine sve negativnosti tog izvještaja. Vi tada niste bili direktorica ali posebno u odjelu socijalne medicine koji je za mene jako važan, ne bih umanjivao važnost drugih odjela unutar ustanove, i možete li mi samo kratko reći šta se u radu tog odjela u 2018 godini unaprijedilo konkretno u promociji zdravlja? S obzirom evo ja ću se osvrnuti na problem vakcinacije koja postaje sve ozbiljnija kako vrijeme teče s obzirom da sam to i prošli put u diskusiji konstatovao da nam o važnosti vakcina roditelji djecu obučavaju regionalni estradni umjetnici i neki nadriljekari koje možete pronaći na google forumima. Zahvaljujem.

Poslanik/zastupnik Damir Marjanović:

zahvaljujem se predsjedavajući. Pozdravljam sve prisutne pošto čini mi se da se prvi put javljam danas, htio bih samo da primijetim jednu stvar već u samom startu govorim o v.d. direktoru DZ da je ovo jedna velika i divna i pozitivna promjena. Ovaj put imamo direktora kojem možemo postaviti direktno pitanje. Koliko mogu da se sjetim prethodnik više puta nije dolazio, tako da doktore Kuliću hvala što ste ispoštovali Skupštinu Kantona Sarajevo. Mnogo je pitanja, mnogo je komentara bilo vezano za DZ ja imam samo jedno pitanje, da li je tačno da i pored gubitka koliko mogu da vidim, deficita 458.000 KM koji je zabilježen u 2018 godini da su se u tom periodu uredno isplaćivale određene stimulacije bliskim suradnicima u kabinetu? Hvala.

Poslanik/zastupnik Damir Nikšić.

Ovako, ja bih htio da napravim jednu molbu ili sugestiju ili možda neki zadatak gospođi ministrici i svim pametnim glavama iz ove industrije da sjednu i napišu ili prepisu neki nacrt Zakona koji će legalizovati ako ne proizvodnju onda barem distribuciju medicinskog kanabisa koji se za sada može kupiti u apotekama u Hrvatskoj, Makedoniji, Sloveniji, Srbiji i BIH. Čak ni CBD ulje koje je bez THC-a a koje je se recimo do 5% može kupiti u DM u običnom DM u Njemačkoj možete kupiti to ulje, ovdje je tabu. CBD ulje je dobro za mnoge bolesti a naročito za PTSP. Mi ovdje imamo problem s ljudima koji ne samo da su u toku rata dobili PTSP nego ljudima koji su ga zadobili od starijih generacija. Mlađim ljudima non stop slušajući o nekim ratnim opasnostima koje nas vrebaju na svakom koraku. Znači CBD ulje nije skupo.

Dopredsjedavajući Vior Handžić.

Zastupniče Nikšić izvinjavam se, sada su na redu pitanja ili je to diskusija? A doći ćete do pitanja? Izvinjavam se.

Poslanik/zastupnik Damir Nikšić:

i barem to ulje možemo proizvoditi iz industrijske konoplje. E sada moje pitanje ovdje je možemo li sjesti i možemo li posebno razmatrati problem industrijske konoplje, a ne indijske konoplje, i vidjeti da se to legalizuje i da se pravi barem ovo CBD ulje da ljude smiri. Pošto nisu baš u zadnje vrijeme normalni odnosi ni u državi ni u politici, jer industrijska konoplja, ako se sjećate industrijska konoplja je bila sasvim normalno se uzgajala u socijalizmu. Ja se sjećam industrijske konoplje u socijalizmu i to je u suštini naša tradicija, bh tradicija a ja ću vam to dokazati time da je prva himna BIH bila na temu s one strane Plive gajtan trava raste. Tako da je glupo da izbacimo iz upotrebe nešto što čini našu tradiciju naš identitet. A to je industrijska konoplja. Molim vas, eto moje pitanje možete li se potruditi da srušite taj tabu glupi tabu koji postoji koji istovremeno zabranjuje proizvodnju industrijske konoplje a dozvoljava pečenje domaće rakije. Eto hvala.

Poslanik/zastupnik Neira Dizdarević.

Hvala dopredsjedavajući. Ja imam samo jedno pitanje za direktora DZ s obzirom da je danas tu novi direktor, također hvala što poštujete ovo tijelo. I malo je možda nezahvalno vama uputiti pitanje a moguće je da ste upoznati a evo vidim da vam je tu i saradnik pa sam ću moliti za informaciju da li ste upoznati sa činjenicom da novi RTG aparat koji je nabavljen u junu 2018 godine, u DZ Novi Grad stoji neraspakovan, doslovno u hodniku službe u paketima gdje nerijetko pacijenti sjede na istim jer navodno uprava nije mogla obezbijediti 8.500 KM da se stari dislocira i da se novi stavi konačno u upotrebu? Toliko hvala.

Poslanik/zastupnik Jasna Duraković.

Zahvaljujem. Ja imam dva kratka pitanja a s obzirom da ne vidim da imamo predstavnike KCUS evo ja ću postaviti pitanje uvaženom doktoru Kraviću, direktoru Opće bolnice Abdulah Nakaš. Zanima me samo da li se još uviije primjenjuje ova rekla bih loša praksa poprilično, načina primanja hitnih slučajeva pacijenata u teškoj tj kritičnoj situaciji pogotovo kada je život ugrožen u ove dvije zdravstvene ustanove, u nekim danima u Općoj bolnici Abdulah Nakaš a u nekim danima u KCUS? Ukoliko da, da li evo vi smatrate da bi ta praksa trebala biti zaista ukinuta da ovako se izrazim ili nešto promijeniti u svakom slučaju. A moje drugo pitanje je upućeno kao i od kolege Handžića prema DZ, također me zanima kao odgovornog roditelja ova masovna histerija koja se pokrenula oko nevakcinisanja djece i naravno to je vrlo bitno pitanje i isto me zanima odakle mi dobijamo te informacije koliko su one relevantne, kakvo je stanje sada trenutno po pitanju vakcinisanja naše djece, kakvo je stanje po pitanju širenja ili eventualnog suzbijanja te nedavne epidemije morbila koja se desila i evo to me zanima neki odgovor i kakva je uopće situacija kada je to u pitanju? Da li smo i dalje izloženi toj opasnosti od ovakve epidemije ili sličnih epidemija? Hvala. Toliko.

Poslanik/zastupnik Elvis Vreto:

hvala dopredsjedavajući. Na osnovu izlaganja premijera, odnosno Vlade Kantona Sarajevo i mjera koje su usvojene jasno je da je politika ove Vlade da se zdravstvene usluge poboljšaju. Kroz izvještaje koje imamo danas koje raspravljamo zdravstvenih ustanova, vidljivo je da otpisanost opreme je na nivou između 80 i 95%. znači oprema kojom se radi očito ne daje, nema puni kapacitet i ne daje efekte. Ja postavljam pitanje na koji način koje su mjere poduzeli svi koji imaju ovaj problem od ovih prisutnih direktora da se ovo popravi. Dalje, što se tiče izdvajanja za UO, NO, mi ovdje zaista ne vidimo osim ukupnog iznosa, koliko se plaćaju članovi UO, predsjednik UO, apsolutno nema taksativno navedeno. Dalje, ja ne znam

da li je greška ZHMP u 2018 ta izdvajanja su duplo veća u 2018 u odnosu na 2017. ja mislim da je ovo neka vrsta i obaveze ne samo zdravstvenih institucija da dostave kroz izvještaje ali mislim da naknade ljudi koji rade u UO, NO Ministarstvo naravno kroz Skupštine preduzeća da se treba biti sastavni dio ovog izvještaja. Eto to su neka moja pitanja. Ja bih volio da čujem evo konkretno ZHMP zašto su izdvajanja za rad UO i NO duplo veća u 2018 nego u 2017? eto toliko. Hvala.

Poslanik/zastupnik Elvedin Okerić:

zahvaljujem dopredsjedavajući. Imam jedno pitanje za JU Dom zdravlja Kantona Sarajevo. Zašto doktori stomatologije u pojedinim ambulantama nemaju neophodni repromaterijal, i uslove za rad kako bi mogli u potpunosti pružiti usluge građanima Kantona Sarajevo. Pojedini doktori u ambulantama prinuđeni da kupuju repromaterijal iz sopstvenog novca te traže pomoć od općinskih načelnika jer ne mogu da pruže adekvatnu uslugu građanima zbog manjka uslova za rad. Zamolio bih direktora da mi da odgovor na ovo pitanje. Ne znam da li će on moći dati odgovor na ovo pitanje ovog momenta ako ne onda pismeno do sljedeće Skupštine, hvala.

Poslanik/zastupnik Damir Nikšić:

samo pitanje studenta nekog zašto se kaže uporno primaju novi bespotrebni kadrovi u Studentsku polikliniku i zašto niko ne uradi kontrolu uposlenika u zadnje dvije godine? Srdačan pozdrav. Eto to.

Dopredsjedavajuća Danijela Kristić:

zahvaljujem dopredsjedavajući. Ja imam pitanje za direktora DZ. Trenutno u Kantonu Sarajevo tj u DZ Novi Grad ima jedan logoped, kao i u DZ Vogošća jedan defektolog. A planirate sada u 2019 primiti još dva logopeda tj defektologa u DZ Novo Sarajevo i DZ Ilidža. Da li mislite da je to dovoljan broj obzirom na potrebe tj broj djece sa govorno jezičkim problemima u Kantonu Sarajevo= da li znate koliko u Kantonu Sarajevo trenutno ima djece sa govorno jezičkim problemima koji trebaju u rad s logopedom? Ukoliko ne raspolazete tom informacijom da li smatrate da se treba napraviti registar djece sa govorno jezičkim problemima da bi znali tačan broj logopeda koji je potreba u DZ Kantona Sarajevo? Hvala.

Poslanik/zastupnik Bilsena Šahman.

Zahvaljujem. Samo jedno pitanje za direktora HMP. Kako HMP radi zdravstvenu zaštitu i migranata da li su napravili ugovor sa Ministarstvom sigurnosti i sa IOM međunarodnom organizacijom za migracije kako već čujem da troše velika sredstva na zdravstvenu zaštitu migranata kako će to nadomiriti? Hvala.

Dopredsjedavajući:

niko se više nije prijavio za pitanja. Sada predlažem da direktor jedan po jedan odgovaraju na postavljena pitanja kako su postavljena. Zamolio bih direktora Kravića da krene. Opća bolnica prim. dr. Abdulah Nakaš.

Direktor Zlatko Kravić.

Poštovani poslanici, poštovani ministri, ja sam nekoliko pitanja zabilježio pa bih želio da odgovorim na njih. Prvo pitanje gospodina Suljevića oko preoperativne pripreme. To je vrlo jednostavno. Preoperativna priprema spada u primarnu zdravstvenu zaštitu zato pacijenti u sekundarnoj i tercijarnoj zdravstvenoj zaštiti dobijaju uputnicu za primarnu zdravstvenu zaštitu sa listom nalaza koje trebaju da urade i vraćaju se na operaciju. U pojedinim slučajevima preoperativna priprema se radi u Općoj bolnici. Za KC nemam te podatke. Kod nepokretnih pacijenata, pacijenata sa duševnim problemima, starih pacijenata ili pacijenata

imaju određena hronična oboljenja mi takve pacijente hospitaliziramo pa uradimo preoperativnu pripremu. Znači sve je u skladu sa zakonom. Gospodin Marić je postavio dva pitanja. Višak radne snage. Šta je višak radne snage u zdravstvu. Ja ne mogu da shvatim menadžera koji će ne pružiti uslugu svom pacijentu zato što nema dovoljno radne snage. Ja ne mogu sebe da shvatim kada ne bih primio sestru hitno bez konkursa zato što je moja sestra koja radi na odjeljenju koja ima 35 pacijenata i da nas će imati 10 operiranih pacijenata i nije došla na posao. Ja ne mogu da ne primim višak radne snage kada imam slovom i brojem pet neurologa a na tim pet neurologa dobijem dva urgentna dana gdje rade po dvoje, pa po novom kolektivnom ugovoru, gdje se dežura računa u radno vrijeme pa kada se izračunaju slobodni radni sati, ja u utorak nemam ni jednog neurologa na poslu. Isto je sa ginekolozima, isto je sa radiolozima. Jeste ja imam višak radnika i taj višak radnika u 2018 bio 36 i ponosan sam na to što ih ima i ponosan sam na to što radim sa tim radnicima. Jer moje tj moj zadatak koji mi je dala ova skupština je da moja bolnica radi 24 sata, sedam dana u sedmici. I ja ću to ispoštovati. Ovaj višak radnika je došao opet zahvaljujući razumijevanju i ministrice zdravstva, i ove Skupštine. Normalno za svaki višak smo mi tražili dozvolu da primimo i dobili smo tu dozvolu. Danas je taj broj nešto veći zato što su pred nama mnogi drugi zadaci. Ne možete očekivati do jedne ustanove koja je za 43 % poveća obim rada i svojim kapaciteta da će sa istim kadrom ostvariti to. I zato ja imam višak radne snage. Problem je što se taj višak radne snage uglavnom finansira iz prihoda bolnice i ZZO ne priznaje taj višak radne snage ali ja se nadam da ovom promjenom da će i Ministarstvo i ZZO Kantona Sarajevo priznati taj višak. Ja odgovorno tvrdim zbog tog povećanja. KCUS je potpuno sa svojom pravnom regulativom rekao mi nemamo sekundarni nivo zdravstvene zaštite. Do sada su ga imali. E sada će to preći u Opću bolnicu. I prešlo je. Ali to je opet pritisak na Opću bolnicu. Kako ću ja sa ovim brojem radnika odgovoriti tom pritisku? Kako da ne stvorim liste čekanja? Imam ja i rješenje za to samo ako se vi složite. Dozvolite mojim doktorima da rade popodne. Sve operacione sale će raditi popodne pa neće više biti sedam mjeseci čekanja za ugradnju sočiva, neće biti šest mjeseci čekanja za hiruršku intervenciju, niti će za ugradnju kuka pacijenti čekati skoro devet mjeseci. Ako se mi složimo i vi to dozvolite, kapacitet postoje, operacione sale ne rade ništa popodne. A moji ljudi su raspoloženi uz odgovarajuću materijalnu naknadu normalno. Ali nisu samo tu doktori, tu su instrumentarke, anesteziolozi, anestetičari i ne znam koliko će to koštati. Ali mislim da će jeftinije koštati nego sedam mjeseci da takav pacijent sjedi nepokretan u krevetu. Damir Nikšić, e ovako. Profesorica Duraković je postavila pitanje oko primanja pacijenata u urgentnim danima. Mi sada radimo ta dva urgentna dana. Ne mislimo da možemo raditi i treći dan, niti nam pada na pamet da radimo treći dan, jer ovo što mi radimo je van Zakona. Mi smo to prihvatili da pomognemo KCUS da smanje pritisak na Kliniku urgentne medicine. Vi morate biti svjesni da KC ima Kliniku urgentne medicine, a mi Urgentni centar. Vi morate biti svjesni da oni imaju 83 zaposlena u toj klinici a mi 26. to su ti neki odnosi. Mi moramo imati Urgentni centar i mi ga imamo. Samo je veliko pitanje, pitanje za diskusiju, gdje se trebamo svi sastati i dogovoriti šta će da radi koji urgentni centar. Računajući i kapacitete. Urgentni centar KCUS kada je postavljen 2012 godine, kada je postao klinika, je koncipiran na taj način da primi trijažiranog pacijenta. I njegovo liječenje ustvari taj suport specijalistički pregled znači specijalistički pregled već pregledanog i trijažiranog pacijenta u Hitnoj medicinskoj pomoći. Tako je otvorena, zato je proglašena klinikom, dobila odgovarajući kadar i za to odgovarajući novac. Mi smo u Općoj bolnici morali drugi pristup da napravimo, pogotovo pošto mi nemamo taj specijalistički suport. Vi morate da shvatite da je u Općoj bolnici zaposleno samo 121 doktori i da su ti doktori kroz dežure, kroz urgentne centre i kroz povećan obim rada, pa mi svaki dan uradimo 40 operacija. I 40 pacijenta vratimo na odjeljenje. Kakav je to, i nemojte misliti da ja kukam, nemojte misliti da se ja vama žalim. Ne, ja želim još više da radim. Ja želim još više posla. Mi smo u dogovoru sa ministrom zdravlja i bivšim premijerom još obaveza sebi nabili. I još ćemo ih tražiti, jer mi želimo da radimo, mi želimo da budemo ono što jesmo Kantonalna

bolnica i mi ćemo ako bog da to i biti. I preuzet ćemo sve obaveze, nesebično ćemo pomoći sa svim svojim resursima i domovima zdravlja i svima drugima. Koliko god to naše finansije. Gospodin Vreto je nešto govorio o otpisanosti opreme. Ovako, ja ću odgovoriti samo za Opću bolnicu. Mi smo u zadnje tri godine potrošili negdje oko 6 miliona za opremu i u velikoj mjeri smo zanovali opremu koja je bila 20 i kusur godina stara. Mi smo također kupili i novu opremu koja do sada nije bila. Kupili smo prije dvije godine laserski litotriptor. Znači da leserom razbijamo kamen u bubregu. Vidim da si je i KC to kupio nedavno. Kupili smo laser za operacije rektuma, hemoroida, fisura, fistula. Znači pokušavamo da uvodimo nešto novo. Pokušavamo da ne budemo tamni vilajet. Pokušavamo da krenemo naprijed i da pokažemo da jedna ustanova koja hoće i koja želi i koja ima minimalnu podršku a hvala vam za podršku koja ova Skupština i Ministarstvo uvijek pokazivalo prema ovoj bolnici jer je izgleda shvata kao kantonalnu. Mi hoćemo i dalje nek nam se obezbijedi samo minimum sredstava. Nek se kaže, ja bih volio znate. Evo sada ću vam ispričati jednu stvar ako mi dozvolite pet sekundi. Ja u rebalansu ZZO dobijam 15 u mjesecu 200.000 KM. Ja nazovem direktora i pitam gospodine direktore, šta je ovo, kojih je ovo 200. 000 KM. On meni kaže to je tranša. Koja tranša? Za što? Za što je došlo tih 200.000? volio bih da ZZO kada pravi proračun pređe ne na ono što se planira nego neka pređe direktno na finansiranje preko DRG, po tome koliko radim toliko ću i dobiti, ne vodeći računa koliko ja imam zaposlenih, koliki su mi materijalni troškovi i koliki su materijalni izdaci. Plati, cijeli svijet je na tome. Ja mislim da smo mi jedina oaza na svijetu koja se plaća prema paušalu. I da vidim. Eh, pitanje gospodina Vrete upravni odbori. Plaćanje UO je jasno definisano uredbom o plaćama direktora, Kantona koji je donesen evo ovdje na ovoj Skupštini, tako da što se tiče naknada UO tu nema. Znači naknada UO je po Uredbi. Hvala.

Predsjedavajući.

Hvala direktore. Sljedeći, za Psihijatrijsku bolnicu i Zavod za bolesti ovisnosti nije bilo pitanja. Zavod za zaštitu zdravlja studenata jeste. Direktorica je tu. Molim vas samo na pitanja odgovore.

Zavod za zaštitu zdravlja studenata direktorica:

dobar dan, uvaženi predsjedavajući, uvaženi ministri, poštovani zastupnici, poštovane kolege svi prisutni, građani Kantona Sarajevo koji prate nas preko medija, ja sam direktorica Zavoda za zdravstvenu zaštitu studenata UNSA, dr. Žana Pozderac Jahović. Doktor sam medicinskih nauka, specijalista interne medicine, subspecijalista kardiolog primarijus. Imajući u vidu da je uvažena ministrica istakla podatak o negativnom poslovanju dvije zdravstvene institucije, JU Kantona Sarajevo, DZ i naše institucije Zavoda na čijem sam ja čelu osjećam se pozvanom da se u tom dijelu u ime etike, časti i morala, prema svima prisutnim kao i prema građanima Kantona Sarajevo i korisnicima naših usluga, studentima i UNSA, da na neki način dam barem nekoliko podataka vezano za ovu informaciju. Dakle u našem Zavodu vezano za negativno finansijsko poslovanje, krenula bih od toga, dakle sveukupan ambijent i situacija u kojoj se nalazi u posmatranom periodu Zavod i vanjski faktori, imali su značajnu ulogu. A to je smanjen obim

Predsjedavajući.

Direktorice izvinite, moram vas prekinuti. Ovo je proceduralno uređen sistem. Odgovarate na pitanja. Dakle ovo što je rekla ministrica u uvodu može neko od zastupnika komentarisati. Izvinjavam se, znam da bi vi svi htjeli i imali puno toga reći ali bi ova sjednica trajala dva dana, mi ne bi došli ni do jedne naredne tačke. Imali ste konkretna pitanja, na ta pitanja vi dajete odgovor a zastupnici diskutuju.

Zavod za zaštitu zdravlja studenata direktorica:

ja ću samo dovršiti rečenicu da je smanjen obim finansiranja od strane ZZO Kantona Sarajevo za priznate i sistematizovane i neophodne uposlenike koji trenutno rade i kojih je nas 55 trenutno u Zavodu. Dakle, postavljeno je dalje pitanje na broj usluga i posjeta u izvještajnom periodu došlo je možda ne znam na šta ste se referirali, u izvještajnoj periodu ukupan broj posjeta je iznio 43.781 a pored tih redovnih posjeta imali smo i uspješno obavljeno 6791 pregled studenata za upis na fakultet. 1499 pregleda studenata za upis na studentske domove. Zatim sistematskih pregleda studenata 639 kao i 1073 sistematska pregleda radnika UNSA, kao i radnika ostalih obrazovnih, drugih institucija specijalizovanih Zavoda itd. Dakle na vaše pitanje za broj posjeta i usluga u odnosu na ranije, usluga je bilo nešto preko 400.000 ukupan broj usluga. Oni jesu opali u odnosu na neke ranije periodu, i ranije izvještaje. To se može također tumačiti i sljedećim, planom rekonstruiranja zdravstvene djelatnosti i reorganizacije zdravstvenih ustanova u Kantonu Sarajevo, predviđeni su ciljevi rekonstruiranja i reorganizacije sa prijedlogom istih. Prijedlog rekonstruiranja i reorganizacije u svrhu reorganizacije i optimalizacije zdravstvenih ustanova i boljeg funkcioniranja i finansijske održivosti zdravstvenog sistema ne postoji potreba za organizovanjem posebne ustanove za liječenje studentske populacije iz Kantona Sarajevo. Ova populacija će zdravstvenu uslugu ostvarivati kao i svi ostali osiguranici Kantona Sarajevo. Mislim ako krenemo od ove činjenice da je planom rekonstruiranja zdravstvenih ustanova i reforme zdravstvenog sistema 2014, 2018 bilo praktično predviđeno gašenje odnosno nestanak Zavoda za zdravstvenu zaštitu studenata do kraja 2018. samom tom činjenicom je napravljena naravno jedna velika ja se izvinjavam svima uvaženim ovdje koji su učestvovali u ovom planu ali je napravljena jedna velika negativna reklama našoj instituciji gdje je veliki broj naših komitenata prenio kartone u druge zdravstvene institucije. Znači samim tim je došlo do pada broja usluga, do pada posjeta, do finansiranja iz ZZO, dakle jedan čitav lančani proces koji je izveo posljedice. Znači proizvedemo problem i onda govorimo o njemu. Dodelo je i do finansijskih problema jer je smanjeno i finansiranje po broju pacijenata, po broju usluga, po broju finansiranih radnika, a koji su svi sistematizovani kažem i uz odobrenje Ministarstva zdravstva Kantona Sarajevo rade u našoj instituciji. Mi imamo broj priznatog kadra 48 neki istorijski broj iz ne znam od prije deset, petnaest ili više godina. Nas je trenutno 55 a prema novoj, prema novom pravilniku o radu i sistematizaciji radnih mjesta mi smo predvidjeli čak 67 zaposlenika za redovan proces rada, modernizaciju, afirmaciju, proširenje naših usluga. Mi imamo ambulantu i u studentskom domu Nedžarići. Ovih dana smo dobili inicijativu od Rektorata UNSA da se proširimo i da približimo naše usluge i u punktu da dobijemo punkt u studentskom gradu. Tako da na osnovu ovog svega što možemo vidjeti krenula bih od reformi zdravstva koje jesu dovele do posljedica. Ali mi nismo čekali na to da dobijemo ključ u bravu i da bude raspoređeni u druge zdravstvene institucije mi smo u cijelom ovom periodu, nadovezat ću se za pitanja vezano za dijagnostiku vrijedno radili nastojali unaprijediti naš rad i nabavili smo, modernizovali smo dijagnostiku koju smo imali nekada što smo imali nekada još iz Titinog perioda, bila je tu oprema amortizovana itd. Tako da smo se odlučili u 2018 nabavili smo UZ dijagnostiku srca, mi jesmo primarna zdravstvena zaštita kao institucija, ali naša specijalističko konzultativna djelatnost pripada sekundarnoj zdravstvenoj zaštiti prema tome ima pravo i na sve te djelatnosti. Što znači nabavili smo UZ dijagnostiku srca, u toku je nabavka ergometrijskog testa

Predsjedavajući:

Direktorice, u jednom odgovoru na pitanje, vi nam predstavljate cijeli plan vaše ustanove, za naredni period.

Zavod za zaštitu zdravlja studenata direktorica:

evo ja ću reći šta smo sve nabavili jer smo dobili takvo pitanje. Molim

Predsjedavajući:

upozoravam vas da konciznije odgovarate na pitanja.

Zavod za zaštitu zdravlja studenata direktorica:

u redu, hvala vam. Oftalmološki kabinet smo opremili indukcionim ljevačem za metale, postavili ste pitanje zašto i kada je nabavljen. Nabavljen krajem 2018. godine tako da je počeo sa radom tek u 2019. pošto smo imali kvar na indukcionom ljevaču metala za koji ste mi postavili pitanje u prethodnih godinu dana. Prema tome iz tih razloga je minimalan broj usluga u protetskom laboratoriju. To bi uglavnom bila na postavljena pitanja.

Predsjedavajući.

Zahvaljujem direktorice. Imamo još pitanja za ostale direktore. Sljedeći je Zavod za medicinu rada Kantona Sarajevo. Izvolite.

Zavod za medicinu rada Kantona Sarajevo

dobar dan. Poštovani predsjedavajući, cijenjeni zastupnici, kolege i kolegice direktori institucija. Ja sam Telalagić Kasema, prim. dr. Oftalmolog dolazim ispred JU Zavod za medicinu rada, ja sam bila na funkciji v.d. direktora od 6.11. do 10. maja. Znači moja funkcija je završena. Ja ću odgovoriti onoliko koliko imam materijala odgovoriti zastupniku Mariću za javne nabavke. Mi smo dostavili odgovor na osnovu onoga što ja imam u dokumentaciji. Ukoliko neki detalji niste zadovoljni, molit ću vas pismeno te detalje da iznesete. Sljedeće ste spominjali traženje saglasnosti Ministarstva na pravilnik o sistematizaciji radnih mjesta. Ja sam zatekla taj pravilnik koji je Ministarstvo dalo saglasnost i po njemu sam postupala. Nešto nisam razumjela pitanja u vezi e-aukcija, ja koliko sam na funkciji sve ide na portal javnih nabavki. Ukoliko se to odnosilo na sistemske preglede Zavod za zaštitu jel se to odnosilo, ja sam ovaj odgovor na osnovu pismenog obrazloženja koji je direktor ostavio meni u nasljedstvo odgovorila, nemam nikakvih drugih podataka. Ako imate još neke detalje molit ću vas pismeno. Još jednu opasku samo, izvinjavam se, u toku izvještaja cijenjene ministrice, ukupan broj uposlenika u medicini rada je 103. 97 je na neodređeno a 6 je na određeno. E hvala.

Direktor Apoteke Sarajevo:

zahvaljujem predsjedavajući. Srdačno vas sve pozdravljam. Moje ime je Said Turadić, generalni direktor JU Apoteke Sarajevo. Prvo pitanje je bilo od uvaženog zastupnika Suljevića što se tiče kadra da imamo 188 magistara farmacije a 157 farmaceutskih tehničara a da jedan tim čini jedan magistar i jedan tehničar. Mi u sklopu JU Apoteke Sarajevo imamo proizvodnju i imamo službe u kojima je uglavnom visoko obrazovni kadar i imamo 20 velikih apoteka u kojima su šefovi tih apoteka nisu dio tima nego su dodati dio tima, tako da je tu povećanje to. A kako se mi sami finansiramo i ne finansiraju nam se timovi, mi to prema našim raspoloživim sredstvima u uslovima na tržištu prilagođavamo. Uvažena zastupnica Bešlija bilo je pitanje za pad broja recepata odnosno prihoda od recepata, jel tako nešto? Mi smo imali u 2018 pad cijena lijekova na cijelom tržištu BIH shodno korekciji cijena lijekova od Agencije za lijekove BIH, i imali smo nove liste lijekova koje je Vlada usloвила sa ograničenjima propisivanja. Tako da je generalno kako je direktorica rekla nije bilo povećanja troška na listama, odnosno bio je smanjen broj recepata emitovanih ukupno u Kantonu Sarajevo pa se je odrazilo i na JU Apoteke Sarajevo ali procentu emitovanih recepata od svih propisivača bio je porast realizacije tih recepata u Apotekama Sarajevo. Tako da Apoteke Sarajevo ne bilježe pad u odnosu na broj nego čak šta više većina pacijenata odabire upravo Apoteke Sarajevo gdje realizuju svoje recepte. Što se tiče pada OTC prodaje, ja mislim da ste pogrešno negdje pročitali ovaj podatak. Mi imamo rast OTC prodaje jer smo upravo kroz

zaokret u ponudi Apoteka Sarajevo baš se bazirali na OTC prodaju da nadoknadimo smanjenje cijena lijekova koji idu na recept i tu smo imali rast. U 2017 je 21.79% a u 2018 22.2%. znači za nekih 800. 000 KM prevedeno u marke mi smo imali povećan prihod po OTC produktima i po parafarmaceutici. Što se tiče otpada jeste da smo u 2017 jako aktivno radili na problemu otpada. Tada smo i definisali to kao jedan od naših zadataka i to smo uspješno to završili i napravili i sve te projekte smo predali u dalju proceduru koju su na žalost u 2018 još uvijek u proceduri do današnjeg dana od Zavoda za zaštitu okoliša od ovdje Vlade od institucija koje nam trebaju dati zeleno svjetlo da to uradimo a mi smo što se tiče stručnosti i opremljenosti spremni da taj problem riješimo u Kantonu Sarajevo. Kratko bih se osvrnuo samo, u jednoj rečenici, maloprije je premijer Forto rekao da mi tražimo pare a da smo kao doo na tržištu. Na žalost nismo doo na tržištu, mi odlukom premijera imamo 8 apoteka koje smo otvorili, koje ne rade profitabilno ali rade na usluzi građana. To je znači od 40 apoteka, 20% apoteka imamo u Sarajevu koje ne rade profitabilno nego se finansiraju od profita ovih ostalih apoteka. I mi smo zatražili sredstva da opremimo još bolje apoteke, da budemo još profitabilniji i samo smo preformulisali to što nam duguju odlukom premijera, što nam duguje ova Vlada, a to je minimalni iznos koliko je bilo obećano da ćemo dobiti ako otvorimo te apoteke i uspostavimo službu. A ta sredstva nismo nikada dobili. A odluke Vlade i obećanja postoje. Eto samo to.

JU Dom zdravlja Kantonu Sarajevo v.d. direktor Kulić.

Zahvaljujem predsjedavajućem. Uvaženi poslanici, evo ja sam profesor Mehmed dr. Kulić i novi sam v.d. direktor JU Domovi zdravlja Kantona Sarajevo. Ja imam ovaj mandat u v.d. zvanju od 09.05. o.g. tj bukvalno od prošlog četvrtka. Dobio sam jako puno pitanja na kojima se ja vama zahvaljujem obzirom da su ta pitanja vrlo kreativna, suštinska su i mi ćemo morati malo duže pripremiti odgovore, obzirom da je period u kojem sam ja u tom DZ vrlo kratak da bih dao određene razloge zašto je situacija ovakva kako da odgovorimo na vrlo ozbiljna i suštinska pitanja u pojedinim granama djelovanja DZ a evo na primjer uvaženi Poslanik Samir Suljević mi je postavio pitanje da li je istina da se pacijenti predoperativno šalju u DZ da urade tu preoperativnu pripremu a rade neke operacije u sekundarnom i tercijarnom nivou zdravstvene zaštite. Ja imam informaciju da je to tačno i da se tako iscrpljuje dalje DZ koji inače nema reagensa i nema kadrova. Ali da bih ušao u suštinu odgovora ovog pitanja potrebno mi je malo vremena da ispitam razloge kako se okrenuo taj put iz tercijarnog i sekundarnog nivoa da idu pacijenti u primarnu zaštitu. Moram vam reći iz razgovora sa pacijentima o ovom pitanju oni izražavaju svoje nezadovoljstvo obzirom da na tercijarnom i sekundarnom nivou doktori ne ulažu dovoljno napora u pregledima i selekcioniranju metoda preoperativnih koje su potrebne za svaku pojedinu operaciju. Umjesto da svaki operater samo neke usluge napiše, odnosno ih označi kao potrebne, nego to neselektivno stvarajući tako višak troškova svim dijelovima sistema. Ja bih vas zamolio mi smo ovdje došli, zajedno još jedan moj saradnik koji je šef ekonomske službe gospodin Adnan Šehić koji je mislio da može odmah usmeno da odgovori na sva vaša pitanja, vezano za finansijski dio ovog izvještaja o radu i finansijskom poslovanju u 2018 ove ustanove, međutim takvih pitanja nije bilo. To je sve vidljivo, matematika je vrlo jasna i ona je za nas negativna za sada, ali ćemo evo u najskorije vrijeme, ako se slažete na ovih 10 zastupnička istupa koji imaju od jedan do tri pitanja odgovoriti minuciozno i sa tačnim razlozima zašto se nešto dešava. Ja vam stojim na raspolaganju i sada ako nešto mogu.

Predsjedavajući:

slažemo se. Hvala direktore. Ja mislim da je ovo dovoljno za uvod. Možete sjesti. Zavod za sportsku medicinu nije bilo. Hitna medicinska pomoć Kantona Sarajevo, direktor Zalihić izvolite.

Direktor ZHMP dr. Adem Zalihić:

zahvaljujem. Pozdravljam predsjedavajuće i dopredsjedavajuće. Uvažene zastupnike u Skupštini Kantona Sarajevo ministre u Vladi i cijenjene gledatelje. Pa moram i ja priznati, evo ja cijenim ovo vrijeme koje nam je svima dragocjeno i prilično uzurpirano ali moram kazati da sam se uistinu studiozno pripremio za ovo smatrajući da je važno da čujete šta je hitna sve uradila u 2018 obzirom da se to odnosi na moj mandatni period, šta je uradila šta bi htjela da uradi u budućnosti i kakve imamo probleme itd. Ali evo, neću vam oduzimati vrijeme obzirom da bi me vjerovatno i predsjedavajući prekinuo. Kazat ću samo da dijelim mišljenje, po meni, ja ne smatram da smo mi kao zdravstvena ustanova treba da se odnosimo tako da smo profitabilna firma. Mi jesmo ponosni i drago nam je što nam je izvještaj za 2018 najpozitivniji u zadnjih 10 godina ali uopšte ne smatramo to nekim uspjehom obzirom da ne smatramo se profitabilnom ustanovom nego smo ponosni na neke stvari ako dozvoliti u minuti samo ono šta smo uradili. Otvorili smo krucijalni projekat je bio otvaranje edukativnog centra koji je postao regionalno prepoznat. Njega su posjetile kolege iz Mostara, Bijeljine, Bugojna, Konjica, Brčkog, Stoca, Bosanog Petrovca, Tuzle itd. Potpisan je ugovor o saradnji sa Fakultetom zdravstvenih studija i pokrenuta inicijativa da se priznamo kao nastavna baza na Senatu UNSA. Sklopljen sporazumom sa komorom medicinskih sestara i tehničara za edukaciju iz mjera osnovnog odražavanja života svih medicinskih tehničara na području Kantona Sarajevo, itd. Sporazum sa Ministarstvom odbrane. Volio bih da kažem da sam dobio neka suštinska pitanja oko funkcionisanja. Dobio sam neka pitanja koja su se već ranije problematizirala na ovoj Skupštini. Ali evo ja ću krenuti ako dozvoljavate otpozadi zato što mi se nekako čini suvislim ovo pitanje uvažene zastupnice Šahman koja je postavila pitanje migranata. Ja sam to problematizirao na nekim skupštinskim komisijama. Mi smo jedina ustanova koja je od OSCA kao ustanova koja je jedina uradila na pravi način interni protokol oko evidencije pružanja zdravstvene zaštite migranata. Ono što je meni poznato, imam neke papire da je Ministarstvo sigurnosti na nivou BIH dobilo ili raspolaže sredstvima koja bi trebalo da refundiraju svim onim subjektima koji učestvuju u zdravstvenoj zaštiti migranta. Mi uredno, ministrica tu da posvjedoči uredno svakih sedam dana šaljemo utrošak materijalno tehničkih sredstava i usluga koliko koštaju usluge koje pruža ZHMP Kantona Sarajevo prema migrantima. Jednostavno ne vidim i naša je želja da nađemo način kako da mi dobijemo ta sredstva koja trošimo na zdravstvenu zaštitu migranata. Mi je još uvijek. Evo ne vidim načina. Mi smo pisali Ministarstvu zdravstva svake sedmice šaljemo taj izvještaj. Kada je u pitanju. To je jedna od poteškoća u funkcionisanju ZHMP. I ja sam ga uvažena zastupnice selektovao kao jedan problem. Također dotrajalost vozila za prijevoz hemodijaliznih pacijenata. Svima sam dojavio, to nam je problem. Pisao sam predsjedavajućem skupštine. Pisao premijeru i ministrici da imamo problem sa nelegalnim medicinskim obezbjeđenjima na Kantona Sarajevo. Mi se ne takmičimo, nama nije u cilju da mi sada dobijemo što više posla ali nam je onako nekako žao nam je da dolazi da gledamo da dolazi do smrtnih slučajeva na sportsko – kulturnim događajima u Kantonu Sarajevo koje obezbjeđuju ustanove, koje ustvari nas zovu onda da im pružimo usluge urgentne hitne medicinske pomoći. Bilo je tu dosta nekih opstrukcija od strane bivšeg menadžmenta gdje smo i mi plaćali kazane za posao koji nisu uradili oni a ja sam, odnosno moja malenkost i ekipa koja radi sa mnom je završila. Drugo pitanje je bilo od gospodina Vrete, zašto su izdvajanja za UO i NO, diskrapanca, odnosno veći je broj sredstava uplaćenih na taj po tom osnovu UO i NO u 2018 u odnosu na 2017. pa iz jednog prostog razloga, mislim odredba je jasno propisana. Ja se mogu pohvaliti da je u 2018 svaki mjesec održana svaki put vrlo sadržajna sjednica UO, i svaka je naravno isplaćena ljudima. U 2017 ja vam ne mogu reći, vrlo malo ih je održano ne znam zašto, nisam ja bio direktor tako da vrlo je jednostavno, to je osnovni razlog zašto postoji ta razlika. Bilo je pitanje gospodina Marića po pitanju mog menadžmenta i rentgen aparata. To se već problematiziralo. Kada je u pitanju moj menadžment ja samo ovdje mogu reći u skladu sa temeljnim baznim dokumentom naše ustanove, tj statutom i slijedi pismeni svakako odgovor,

jer je uvaženi zastupnik Suljević također postavio to pitanje. Drugo pitanje je bilo u vezi RTG aparata. Kažem malo mi je simptomatično ali eto ja ću to. Nema veze. Halaliti. Ponovo se postavlja pitanje RTG aparata. Mi smo to problematizirali ovdje. Ponovo je u javnosti, ja bih volio evo samo minutu predsjedavajući da mi ne oduzmete riječ. Znači postoji nešto što se zove pravilnik o organizaciji službe hitne medicinske pomoći na nivou FBiH. I ja kada sam došao mi smo bili dužni, upravo smo dobili kaznu zato što prethodni menadžment nije uradio taj pravilnik. Mi smo ga uradili i uskladili sa federalnim pravilnikom koji ne poznaje, na žalost, ja dijelim mišljenje i zabrinutost i uvažene zastupnice Neire, to sam joj rekao, neka se pokrene procedura ja ću vrlo rado se odazvati, ali ne možemo praviti rentgen odjel bez odgovarajućeg rentgen aparata i bez dovoljno rentgen tehničara. Bio je samo jedan rentgen tehničar i pokvareni aparat. Kada je u pitanju da li smo prodali, mi smo objavili licitaciju ovog aparata obzirom da je u takvom stanju kakvo jeste, niko se nije javio, nismo više ni pokušavali iskreno. Evo ja sam otvoren za saradnju što se mene lično tiče. Ali moram vas također upoznati, ja sam pisao o tome, i mnogo veći centri Beograd i Zagreb na koje se obično referiramo nemaju rentgen odjel u hitnoj pomoći. Hvala.

Predsjedavajući:

zahvaljujemo direktore. Za Zavod za zdravstvenu zaštitu žena i materinstva nije bilo pitanja, za Zavod zdravstvenu zaštitu MUP-a nije bilo pitanja. Imamo još jedno pitanje za Zavod za javno zdravstvo Kantona Sarajevo.

Zavod za javno zdravstvo Kantona Sarajevo direktorica:

dobar dan. Uvaženi zastupnici, uvaženi predsjedavajući, uvaženi predsjedavajući Handžić Vibor je imao pitanje koje je meni isto postavio prije nekoliko mjeseci jer sam ja, isto je bilo pitanje o promociji zdravlja. Ja ću i sada vama odgovoriti ni ovaj izvještaj nije full moj, ja sam preuzela funkciju 23. maja nepunih godinu dana. Ali ću se kratko da kažem, mislim nešto što kaže instruktivno. Promocija zdravlja je proces osposobljavanja stanovništva i zajednice da unaprijede vlastito zdravlje što znači da je promocija zdravlja sastavni dio stručnog medicinskog rada. O no što bi trebao raditi Zavod za javno zdravstvo je zapravo da radi više ne umrežavanju svih aktera u provođenju procesa promocije zdravlja, te sam ja započela sa svojim saradnicima kroz ovu godinu, a to je vezivanje sa nevladinim sektorom, ažuriranje web stranice, povezivanje sa općinskim vijećima. Već imamo kontakte sa općinskim vijećima, edukacije po općinskim vijećima, školama i čak naše higijensko epidemiološke službe rade i edukativna predavanja sa obdaništima itd. Dakle to je jedan široki koncept na kome ćemo mi sigurno nastaviti raditi u ovoj godini. Dakle odjel sam po sebi promocija zdravlja ne mora značiti da samo oni vode promociju zdravlja. Evo to je o odgovor. Drugo pitanje uvažena profesorica Duraković pitanje naravno morbila. Epidemija još uvijek u toku. Evo ovo je zadnji podatak jer mi svakog petka u 16,00 sati dostavljamo te završne podatke na našoj web stranici su dostupni. Ovo je posljednji podatak s 10.05. iako ja pratim, nije bilo nekih većih promjena. 10.05.2019 zaključno sa 16,00 sati bilo je prijavljeno 677 oboljelih od morbila. Najviše u starosnoj dobi od 2 do 5 godina. I ono što je meni interesantno najviše u Opštini Novi Grad. Vi praktično u Vogošći u Hadžićima, čak i Centru i Starom Gradu imate manje oboljele djece. Vogošća ona je mnogoljudna ali čudno mi je da nema. Ali evo najviše je tu registrovano. Imunizacija je u toku, i ono na šta smo mi naročito ponosni a to je da smo za period u kome bi se po pravilu trebalo vakcinisati 2500 djece po kohortama za tri mjeseca, mi u prethodnom periodu smo vakcinisali 6600 djece. Dakle nisu bile samo ciljane skupine nego je bilo po pozivima. Ovaj broj bi, i roditelji su imali zaista pozitivan odgovor na to. Ovaj broj bi sigurno bio veći da nije pred kraj godina nabavljenih vakcina jer se nabavljaju iz federalnog tendera, što bi rekao uvaženi zastupnik Nikšić. Apsolutno se slažem s njim vi imate tu dizbalans između Federacije i Kantona. Ali tako se desilo, takvo nam je ustrojstvo

što bi se reklo. I mogu samo da kažem da epidemija morbila u Kantonu Sarajevo odnosno FBiH zapravo dio velike epidemije morbila u cijeloj Europi. Vi imate stalno alerti Svjetske zdravstvene preko 100.000 oboljelih od epidemije morbila u prethodnih nekoliko mjeseci i preko nekih 90 smrtnih slučajeva u cijelom europskom regionu. Dakle po tome smo Europa. Hvala lijepa.

Predsjedavajući.

Zahvaljujemo direktorice. Time je dio koji se odnosi na pitanja završen. Imamo ponovo zahtjeve za kratku pauzu. Hoćete li šefovi klubova pauzu sada ili da završimo zdravstvo pa pauzu ili? To će vas možda natjerati da možda malo manje diskutujete ja pokušavam u tom pravcu. Ja pokušavam izlobirati za sada da malo smanjite, završimo i onda. Evo vidite, samo izgleda SDP da ćete vi više a ostali će manje. Recite šefovi klubova. Stojanoviću, hoćete odmah pauzu? Pauza od 45 minuta. Može li biti? Možete li tako brzo? Prošli put smo imali toleranciju. Jer vidite sada je 15,00 a radimo do 18,00.

dakle pauza 45 minuta. Skupština se mora izjasniti ako bude većine. Molim službu da nam omogući glasanje.

Ko je za pauzu od 45 minuta? Možete glasati. Na rubu je čini mi se. Molim rezultate glasanja. 17. nema pauze od 45 minute. Pauza je pola sata. Imam na to pravo. Vidimo se u 15,30 minuta.

NASTAVAK NAKON PAUZE

Predsjedavajući:

poštovane kolegice i kolege nastavljamo s radom današnjeg zasjedanja. Tačka je 22. završili smo s pitanjima. Molim da se prijavite za raspravu ukoliko ima raspoložениh. Kolega Samir Suljević prijavio se za raspravu. Molim kolege da zauzmu svoja mjesta.

Poslanik/zastupnik Samir Suljević:

hvala predsjedavajući. Moja rasprava uglavnom je vezana za problematiku u DZ i pošto se radi o krucijalnoj ustanovi od koje zavisi veliki broj građana, i koja je možda jedna od najvažnijih za opstanak i funkcionisanje zdravstva u Kantonu, jednoj od ustanova važnijih stubova društva, tražim i zahtijevam da se utvrdi odgovornost za teško stanje u koje je dovedena ova ustanova. Koliko znam u 18 nije bilo reagenasa koje su osnov za vršenje pretraga pacijenata i utvrđivanja prvih uzročnika bolesti, nije bilo stomatoloških materijala zbog čega nisu građanima pružane osnovne usluge, nije bilo sanitetskog materijala zbog čega je pružanje bilo koje usluge dovedeno u pitanje i na kraju došlo je do nestašice kancelarijskog materijala kojim je sam proces rada ustanove doveden u pitanje. Ne smijemo zaboraviti činjenicu da mi ovdje nismo sabi sebi svrha niti svrha stranaka iz kojih dolazimo nego smo prije svega ovdje zbog naroda i građana i odgovorni smo pred njima i zbog toga tražim da se utvrdi odgovornost za sve propuste koji su učinjeni. Zbog prethodne vlasti koja je dopustila zbog svojih interesa da dovede u pitanje pružanje usluga korisnicima koji plaćaju zdravstveno osiguranje, a prije svega penzioneri koji su to četrdesetak godina plaćali, dovedeni smo u situaciju, odnosno dovedeni su u situaciju da ne mogu koristiti osnovne usluge jer je to najugroženija populacija koja ne može platiti usluge u privatnim klinikama i mi koji sjedimo ovdje imamo moralnu obavezu da zaštitimo građane i ne dopustimo da se ovo događa u budućnosti. Ako ništa ne preduzmemo izdat ćemo upravo njih jer su najveći štetu tokom 2018 trpili upravo oni. Molim da se ispita i dostavi izvještaj na koji način se pogodovalo određenim ponuđačima u postupku javnih nabavki čime je potrošena ogromna finansijska sredstva kupovinom robe pod znatno većim cijenama i na koji način su rađene tehničke specifikacije za nabavku robe i kako je pogodovano određenim firmama što je suprotno Zakonu o javnim

nabavkama. Analizirajući ovaj izvještaj o radu i finansijskom poslovanju pod tačkom 4 Izvršenje programa rada se kaže da je broj osiguranika veći od 32.055 kartona u odnosu na 2017 godinu dok je broj radnih timova veći za pet u odnosu na 2017 godinu. Koliko ja znam na jedan tim porodične medicine dolazi između 1800 i 2000 pacijenata odnosno osiguranika i nije mi jasno ko je zadužen za liječenje ovih prekobrojnih 20.000 osiguranika. U 2018 na specijalizaciju je upućeno oko 30 ljekara i taj nedostatak nije u cijelosti popunjen ovim kadrom pa je situacija u porodičnoj medicini takva da pacijenti iz timova gdje je ljekar otišao na specijalizaciju a nije primljen novi čekaju na prijem kod nekoga od ljekara porodične medicine dugo vremena. Također bilo je za oko 100.000 , 10.000 posjeta više u odnosu na 2017 godinu. Jasno je da je nedostatak kadra dodatan pritisak na uposlenike koji mora po Zakonu vjerovatne rezultirati nižim kvalitetom zdravstvenih usluga. U tabeli dva ovog izvještaja postoje nelogičnosti raspodjele i broja kadra po organizacionim jedinicama odnosno općinama. Imamo tačne podatke o broju stanovnika u općinama i bilo bi nelogično da broj kadra u skladu sa brojem građana, nelogično da je broj kadra u skladu sa brojem građana odnosno oosiguranima. U tabeli četiri ukupan broj i struktura zdravstvenih saradnika je isti slučaj. Pa zar nisu potrebe za uslugama ovih uposlenika odnosno zdravstvenih saradnika prema građanima u svim organizacionim jedinicama isti. U tabeli šest ovog izvještaja broj i struktura nezdravstvenih radnika isti slučaj. Neravnomjerno raspoređen kadar. Stiče se utisak preferiranja jedne organizacione jedinice nad drugom, što svakako nije prihvatljivo. U tabeli 10 prikazan je ukupan broj upućenih ljekara i najveći broj njih na specijalizaciju, najviše je njih iz porodične medicine. Da li je nadomješten ovaj broj novim uposlenicima kao što sam maloprije rekao i kako je organizovana zdravstvena zaštita za one osiguranike koji su ostali bez svog tima ljekara? Kada su stručna usavršavanja u pitanju program edukacije je obustavljen u ovom periodu i ko je razlog tome? U dijelu primjedbe i pohvale pacijentima vidimo da je u ovakvim uslovima evidentan nedostatak kadra, veliki broj pohvala na uposlenike DZ ali i jedan broj primjedbi koje su uglavnom na dužinu čekanja kod pružanja usluga i pregleda. Također se moram osvrnuti na dio izvještaja kada je djelatnost ove ustanove u pitanju a znamo da je veliki broj naših sugrađana u potrebi za pružanjem usluga u kućnim uvjetima gdje bi patronažna djelatnost trebala biti mnogo zastupljenija nego što je sada slučaj. Preventivni rad na promociji zdravlja i prevenciji bolesti koja je najefikasniji vid zdravstvene zaštite a zapravo je najefikasnija nije dovoljno zastupljena u ovoj ustanovi. Veza između ZZO i DZ pokazana je između ostalog i u nekim sitnicama koje su i krupne. U izvještaju UO stoji da je u finansijskom planu ZZO Kantona Sarajevo osnovica za obračun plate za 2018 godinu bila 260 radnih dana dok je DZ plaće uposlenicima isplatio za 261 dan te na taj način ustanova bila uskraćena za 230.000 KM. Da ne bih dužio, moram završiti na ovaj način da u trenutačnim okolnostima javne zdravstvene ustanove na području Kantona Sarajevo očito imaju probleme koje trenutačne politike i rukovodstva ne vide, te je reorganizovanje ka efikasnoj zdravstvenoj zaštiti nužno. Neefikasnost u pružanju zdravstvene zaštite je velik rizik i mora se pristupiti određenim promjenama u načinu organizacije pružanja zdravstvenih usluga u javnim zdravstvenim ustanovama. Jedan od važnih koraka bila bi temeljita analiza unutarnjih akata javnih ustanova, prevashodno sistematizacija radnih mjesta. Po sadašnjim propisima takvi dokumenti ne dolaze u javnost nego su dio zatvorenog kruga na relaciji UO JZU i suglasnost ministra zdravstva u čijem mandatu su dostavljani takvi akti. Predlažem da se uradi temeljita analiza usvojenih sistematizacija radnih mjesta i da se kao takva dostavi Skupštini Kantona Sarajevo na razmatranje. Neophodna je potpuna informatizacija svih zdravstvenih institucija u Kantonu Sarajevo i uvezanost u jedan sistem sa ZZO jer nisu svi povezani i to ne samo zbog lijekova nego i zbog drugih zdravstvenih usluga. Pod broj jedan mislim na uputnice, snimanja, laboratorije itd. Sve je to trošak zdravstva. Ulaganje u promociju zdravlja i prevenciju mora biti prioritetno. Napominjem da je 1 dolar uložen u vakcine bukvalno sačuva 44 dolara iz Fonda. Ovom kalkulacijom obuhvaćena su liječenja pacijenata, boravak u bolnici, odbici za bolovanje, rad zdravstvenog osoblja,

laboratorije i slično. Ne bih se više ovim bavio. Uglavnom ovo je moj osvrt na izvještaje uglavnom i DZ koji je dijelom vezan iza ostale ustanove. Hvala.

Poslanik/zastupnik Vildana Bešlija:

hvala. Evo ja sam se javila za diskusiju iz razloga što nisam bila zadovoljno odgovorima, prvenstveno ono što sam postavila Apotekama Sarajevo, direktoru jer je i naveo kao činjenicu da nisam iznijela neke podatke odnosno da nisam vjerovatno dobro pročitala. Pa evo ono što sam rekla ja ću pokušati vrlo kratko neću baš decidno čitati ali ono što sam ja rekla se nalazi u zaključnim razmatranjima izvještaja koje ste nam direktore poslali. Pa kaže: "JU Apoteke Sarajevo su tokom 2018 godine povećale obim pruženih usluga u odnosu na 2017 za sada da ne govorim cifre izdatih lijekova na recept što čini povećanje 9,4% u odnosu na 2017 godinu. Komercijalno je izdato pa sada ovdje kaže 1939, 917 OTC preparata što je za 46,6% manje u odnosu na 2017 godinu. To je upravo ono što sam i ja rekla. A sada bih htjela, samo jedan momenat da pređem na dalju diskusiju. Generalno mi u Kantonu Sarajevo imao velike marže na lijekove tako da imamo situaciju da u suštini u državama kao što je Srbija puno imate lijekova gdje ljudi idu tamo ili nabavljaju na drugi način jer je pun isplativije nego ovdje. Znači po tri četiri puta su ti lijekovi jeftiniji. Nije mi jasno za šta se uzima tolika marža i zarada. Mislim da je to nešto o čemu treba isto u narednom periodu dosta razmisliti. Također organizaciji rada možda bi trebali razmisliti o raspisivanju tendera za dežurni apoteku za svaku opštinu gdje bi se i privatne apoteke javile pa da godišnje organizuju dežuru za nekih 30.000 što je za devet apoteka na godišnjem nivou daleko manje od onoga što se trenutno izdvaja iz budžeta. A sam obračun odnosno je priča za sebe jer imamo situaciju trenutno da je pet timova po apoteci za rad od 20 do 8 sati ujutro. Te apoteke rade normalno tokom dana i za svoj rad imaju ustvari redovnu naknadu po receptu i maržu za prodaju. A dodatno je samo noćno dežurstvo. I za to je u principu potreban dodatno jedan tim, odnosno ono kao što sam rekla devet timova na godišnjem nivou. Hvala.

Poslanik/zastupnik Zvonko Marić.

Zahvaljujem predsjedavajući. Prije nego što diskutujem, mada nisam mislio, ali ponukali su me neki odgovori direktora ovih ustanova da nešto i kažem. Ali prije toga molio bih predsjedavajućeg da me uvjerite da se ne radi o skrivenoj kameri.

Predsjedavajući:

ne mogu vam to garantovati.

Poslanik/zastupnik Zvonko Marić.

Pa ne znam da li da razgovaramo. Mi danas raspravljamo ponovo o izvještajima. Zar nije bilo dovoljno jedanput da se ne usvoje izvještaji ovih ustanova o kojima danas raspravljamo*? Danas ponovo raspravljamo o izvještajima. Razgovarali smo i za 2017, sada 2018 mislim da to nije u skladu sa zakonom i u skladu sa onim što mi radimo, u skladu sa ustaljenom praksom i zato sumnjam da je ovdje riječ o skrivenoj kameri. Samo ću reći nekoliko stvari, nekoliko naznaka. Ja direktora Hitne pomoći. Razgovarali smo u nekoliko navrata i razlog zbog čega on tvrdi da smo tendenciozni ovdje je potpuno banalan i mislim da nije u pravu iz prostog razloga što moram imati u vidu da je ovo zakonodavno tijelo najviše u Kantonu Sarajevo. Odnositi se na ovaj način prema ovoj instituciji je zaista neprimjereno i kada pokušavam da govorim o ovim stvarima pokušavam kroz primjer nekih ljudi da kažem kako ne treba raditi i nema tu tendencioznosti, nikakve ama baš nikakve. Da li se može biti tendenciozan ako se insistira na odgovoru. Kaže direktor da je tendenciozno pitanje koje dobija po treći put. Pa direktore da ste odgovorili na to pitanje niko vam više ne bi postavio pitanje. I opet danas niste odgovorili i ne poštujete ovu institucije, ne poštujete zastupnike, ni na jedno moje pitanje niste odgovorili. I šta vi očekujete? Vi se morate očitovati ono što vas pita poslodavac.

Mi smo isto odgovorni nekome. Građani su nas birali. Vi ste imenovani zvaničnik i vas je neko birao, digao ruku u ovom parlamentu za vaš proračun ili budžet ili kako god hoćete. Ja vas pitam da li ste prilikom konkursa za direktorsko mjesto priložili dokaz o obavljenoj edukaciji zdravstvenog menadžmenta i to sva tri nivoa edukacije? To je bio poseban uvjet da budete imenovani na tu poziciju. Rekao sam da je ovo najviše zakonodavno tijelo. Zašto? Pa mi insistiramo na zakonitosti. Ako vi to niste priložili i ako nemate vi kršite Zakon. To je stvar principa. Mi principijelno govorimo o tim stvarima. Vas je razotkrio UO na čijim sjednicama vrlo često ne prisustvujete, barem se vidi iz zapisnika. I rekao da vam je za prvi stepen edukacije izdvojio 1600 KM. Za drugi 1800. treći će vjerovatno koštati 2000. da bi se uvjerili u moju dobronamjernost ovoga na čemu ja insistiram neka se stavi na glasanje i prvi ću se založiti da završite taj treći stepen koji košta 2000 KM. A ja sam iz svog džepa morao platiti 5000 po godini postdiplomskog studija. Ja možda nisam najtalentovaniji. Vi možda jeste. Procijenio je neko i ja to poštujem. I nije nikakav problem. Ali morate da znate da mi samo insistiramo ovdje na zakonitosti. Vi se ljutite na nas. Imate ovdje kodeks koji propisujete o lijepom ponašanju itd, da vam ne čitam, znate o čemu vam ja govorim da pristojna komunikacija itd. Ali potpuno je nepristojno da vi prolazite nakon naših pitanja vama i da nas ne pozdravljate. Koliko puta smo se sreli prošli ste pored nas ni pogledali nas niste. Nije to razlog da se ljutite. Nema to nikakvog smisla. Ja ću vam reći jednu stvar. Pitam vas za rentgen jeste li ga prodali. Zašto mi niste na to pitanje odgovorili. U vašem odgovoru na pitanje zašto i ne otvorite rentgen odjel vi kažete doslovce ako je želja zastupnice da se otvori rentgen odjel savjetujem joj da pokrene inicijativu i da pobrine. Pa što ste onda vi menadžer. Vidi se da niste završili menadžment. Vi savjetuje njoj da se bavi menadžerskim poslovima. A ona vam dobronamjerno kaže da otvorite taj odjel i vi ste dužni bili da postupite prema tome i da se kao menadžer pobrinite da to uradite. To su neke stvari ja ovo govorim. Žao mi je što ste vi primjer za tako nešto ali ovdje smo mi slušali puno toga i ponižavajuće je zaista bilo od nekih direktora da na nas galame zato što ih propitujemo insistiramo na zakonitosti, da organiziraju na odgovarajući način posao itd. Vi ni na jedno pitanje, vi nas potpuno ignorirate. Nije meni stalo da vi mene pozdravite. Ali to je vrlo nepristojno. Ali ja sam vas samo pitao dobronamjerno. A ovdje preporučujte drugima kako je ključ uspjeha dobra komunikacija i navodite koje kave primjere za tako nešto i citate. Produhovljujete ljude pa morate početi sebe. Zato vam govorim. Mislim da je suvišno da govorim o ovim izvještajima po drugi put, stvari se ponavljaju. Nema nikakvog ama baš nikakvog smisla. Ukoliko vi gospodine direktore ukoliko niste posjedovali sertifikat o edukaciji iz zdravstvenog menadžmenta ko ji je bio poseban uvjet, vi onda ne trebate zapravo ni da podnosite izvještaj ovoj instituciji. Možda nekoj drugoj. I naravno, nakon svega, završavam ovu svoju prvu diskusiju i žao mi je što na ovaj način i ovim tonom moram da razgovaram ali ljudi neki ne uče iz iskustva ništa ili imaju svoju filozofiju. Strateški vam je loš, to vam dobronamjerno kažem pristup gospodine direktore. Vi morate da otvorite komunikaciju s ljudima i da ne ljutite da ostavite sujetu po strani i da radite svoj posao kao što mi pokušavamo da radimo na pravi način. Hvala.

Poslanik/zastupnik Segmedina Srna Bajramović.

Zahvaljujem predsjedavajući još jednom. Evo prije nego pređem na izvještaje o zdravstvu želim vas informisati da sam u svojstvu predsjednice komisije i odazvala se prisustvovala sjednici Općinskog vijeća Hadžići upravo je tema stanje zdravstvene zaštite na području te lokalne zajednice. I moram reći da nosim pozitivno iskustvo u smislu saradnje na toj zajedničkoj temi. Temi koja nam je valjda i logično zajednički interes ali i osjećaj nezadovoljstva manifestacijom primarne zdravstvene zaštite stanovništva ove lokalne zajednice. Situacija je alarmantna i nije tako samo u Hadžićima. Isto je u Ilijašu, Vogošći, na Ilidži. U svim ostalim sarajevskim opštinama Kantona Sarajevo. Neću nabrajati šta je to sve što nemaju. O tome sam detaljno govorila kada smo razmatrali izvještaj za 2017 godinu.

Uglavnom ništa se nije promijenilo na žalost u međuvremenu ako situacija nije još i gora. Svi smo svjesni na žalost da još uvijek nismo uspjeli uspostaviti sistem zdravstvene zaštite koji će osigurati jedan pristup zdravstvenim uslugama svim našim sugrađanima i to je cilj od kojeg ne smijemo odustati i na kojem moramo zajednički i istrajno raditi. Danas definitivno svi zajedno nismo sigurno kome je teže u sistemu doktoru koji radi u sve težim uslovima ili pacijentima koji moraju čekati sve veći broj usluga i neke alternativno dodatno i platiti. Oni koji mogu. Pozabavit ću se samo Izvještajem DZ Kantona Sarajevo jer je u pravo i na ovoj sjednici O Hadžići bilo najviše primjedbi na rad DZ. Pa evo, Izvještaj nezavisnog revizora koji se odnosi na Izvještaj o radu i finansijskom poslovanju za 2018 godinu izrazio je mišljenje s rezervom. To smo već i čuli u obraćanju novoimenovanog direktora prof. Kulić kojem zahvaljujem da je danas s nama. I utvrđeno je da je ustanova ostvarila negativan finansijski rezultat što jednim dijelom također govori o poslovanju ove JU. Nadalje u dokumentu je kao posebna cjelina prikazan izvještaj o radu UO kroz dnevni red redovnih, vanrednih sjednica iz čega je evidentno da se isti kontinuirano bavio tematikom javnih nabavki a istovremeno se ne vide razlozi višemjesečne nestašice reagensa za laboratorijsku dijagnostiku. O tome smo već govorili kada smo razmatrali izvještaj ZZO. Čemu su bili neprijatno iznenađeni pacijenti u Kantonu Sarajevo. U obrazloženju ove odluke o usvajanju izvještaja za 2018 godinu, UO navodi da im nije dostavljen izvještaj o provedenim postupcima javnih nabavki. Ja se opet vraćam na javne nabavke koje trebao biti moramo biti dio izvještaja JU DZ Kantona Sarajevo. Dakle smatram da je sudeći prema trenutnoj situaciji u DZ upravo najveći problem su javne nabavke te bi novoformirani UO trebao ispitati odgovornost ne samo direktora nego rekla bih voditelja odjela javne nabavke. U dijelu izvještaja koji se bavi internim nadzorom konstatovano je da je ministrica zdravstva uputila upit u razlozima pada kvaliteta u timovima porodične medicine i to je isto tako dovoljan pokazatelj kvalitete usluga u ovoj ustanovi. U dijelu koji se odnosi na uspostavu sistema kvaliteta i sigurnosti u DZ Kantona Sarajevo o tome sam govorila, odnosno pokušavala sam pitati nekoga i kod usvajanja izvještaja za 2017 godinu, tada nije bio prisutan bivši direktor Husić, nemam taj odgovor naglašeno je da je potrebno obnoviti odnose sa AKAZOM, izgladiti nesporazume i zajedno uči i nove projekte uspostave, održavanja i poboljšavanja odnosa, poboljšanje kvalitete i sigurnosti JU DZ Kantona Sarajevo. Dakle željela sam čuti šta se misli poduzeti o ponovnom certificiranju timova porodične medicine za onih 20 timova kojima je ta certifikacija ukinuta. I da li je iko imao osjećaj odgovornosti za to što se desilo i prvi put se to desilo. Akaz do sada nije nikome ukinut. Nije ukinuo taj status i ne znamo jednostavno da li je analizirana ta situacija i ko je odgovaran za to da ne govorim o nekim koracima koje je trebalo poduzeti u smjernu ponovne certifikacije. Evo doktorice Viteškić klima glavom razumijevajući o čemu govorim, i samo ćete mi dopustiti možda je malo ne tiče se sada DZ ali pitanje certifikacije i akreditacije svih ostalih ustanova u Kantonu Sarajevo ostaje i ovo je pitanje i za Ministarstvo zdravstva i za ZZO. Kako se uopšte plaćaju zdravstvene usluge a ne traži se od zdravstvenih ustanova da učestvuju u procesu uspostavljanja i unapređenja sistema bezbjednosti i kvalitete zdravstvenih usluga. Zašto to ZZO Tuzla recimo radi i time uslovljava zdravstvene ustanove da se akreditiraju u podignu kvalitete zdravstvenih usluga a na Zavod ne radi apsolutno ništa po to pitanju. I moram reći ovdje Opća bolnica Sarajevo je sada akreditirana od Akaza, i to je veliko dostignuće. Psihijatrijska bolnica je prva akreditirana i reakreditovana bolnici ma u BIH. Zavod za bolesti ovisnosti je također reakreditovan kao i studentska poliklinika koja je dobila certifikat zasluge namijenjen mladima. Ali šta je sa ostalim zavodima, pitam. Za žene, medicinu rada, sportsku medicinu, hitnu pomoć, šta je sa KC ako znamo da je još prošle godine UK Tuzla kao cjelokupan KC akreditovana niti jedna klinika na KC nije ni blizu to statusa. Još ću reći da je iz izvještaja DZ očigledno da ova ustanova ima probleme jedinstvene organizacije rada s obzirom da su svi interni izvještaji prikazani kao cjeline koje funkcionišu same za sebe a ne okviru jednog velikog sistema. To se može vidjeti i kroz izvještaj o radu pravnih i općih

poslova čije izvještaj je prikazano kroz opet suhoparne brojeve, urađenih odluka, rješenja i drugih akata dok se osnova s mišljenjem s rezervom odnosu između ostalog na to da nije usklađeno stanje evidencije objekta u pravnoj službi u odnosu na knjigovodstvenu evidenciju građevinskih objekata itd. Na osnovu svega postavlja se pitanje kako ozbiljno raspravljati o radu neke ustanove na osnovu ovako neozbiljnog izvještaja. I još samo dvije konstatacije. Dakle sve ustanove imaju problem s vlasničkom strukturom tj upisanom kapitala u sudski registar te ne znam da li ja devijantan izraz problem sa radnicima koji su invalidi rada te bolovanjima radnika. Moram dati opasku, možda i zamjerku na osvrte ministarstva zdravstva, to također moramo mijenjat koji imaju jedan obrazac u kojem se samo promjene brojeve bez ikakve suštinske analize bez ikakvo svog stava i komentara samo na kraju izvještaj o radu i finansijskom poslovanju ustanove, i ovo je na žalost dugogodišnja praska Ministarstva zdravstva Kantona Sarajevo i smatram da bi o svakom izvještaju o radu ministarstvo trebalo napraviti kvalitativnu analizu. Zahvaljujem toliko.

Poslanik/zastupnik Neira Dizdarević:

hvala predsjedavajući. Evo ja ću biti za kraj vrlo kratka. Imala sam potrebu da se javim i prodiskutujem s obzirom da je i par puta danas u ovoj diskusiji spomenuto moje ime i inicijativa i pitanje ja neću ponavljati ono što su i kolege već navodile. Nekako uvijek ponavljamo kako je naš zdravstveni sistem bolestan, ogoljen, a isti taj zdravstveni sistem, bit ću slobodna reći stvorio milionere u našem Kantonu. Dakle, zdravstveni sistem je na koljenima i to smo imali priliku čuti i ovaj put i na sjednicama radnih tijela odnosno skupštinskih komisija kojima su prisustvovali predstavnici zdravstvenih ustanova i moram reći prije od predstavnika nego od direktora tih istih. Pitanje koje sam postavila danas direktoru DZ što zaista za mene nekako graniči sa naučno fantastikom dobila sam slike od ponedjeljka i dopise kojima su se uposlenici DZ Novi Grad obraćali bivšoj upravi. Sredinom 2018 kupljen je nov RTG aparat i on od kada je kupljen stoji tako neraspakovan u celofanu na hodniku u čekaonici, zato što prava nije mogla iznaći 8500 KM za demontažu starog. I onda taj stari RTG aparat se koristio, koristi se i dan danas, neispravan je, istom ne radi magnet za fiksator, za zaustavljanje stola, pa se onda često dešava da se pomjera sto dok se snimaju pacijenti. Snimci ispadaju mutni, moraju se ponavljati jer nema mogućnost pravilnog centriranja objekta koji se snima. Dakle, bespotrebno izlaganje dodatnim zračenjima pacijenata, što proizvodi nezadovoljstvo kod pacijenata koji negoduju uslijed ponavljanja slikanja kao i naravno mogućnosti netačnog očitovanja nalaza jer su isti mutni i nejasni. I tako, dok jedni drže nov RTG aparat u celofanu, vjerovatno dok istom ne istekne garancija, drugi prodaju RTG aparat za nekih 20.000 KM a ne sjećam se da smo prethodno dobili nikakvo obraćanje ili inicijativu osnivaču, nama, sa eventualnom molbom za finansiranje servisiranja tog starog pokvarenog RTG aparata u hitnoj službi. Ja zaista nisam mislila danas uopće diskutovati o RTG aparatu u JU ZHMP ali evo moram reći zaista nakon ovih diskusija, ja sam prije par dana dobila zvanično odgovor na svoje zastupničko pitanje iz mjeseca januara i taj odgovor je pun kontradiktornosti jer evo ja ću i citirati. Direktor dakle na samom početku odgovora kaže da federalnim Pravilnikom nije predviđen rendgen odjel u HP. I da je naravno, to je rekao i danas Pravilnik o unutrašnjoj organizaciji i sistematizaciji prilagođen tom federalnom pravilniku i da nema prostora za organizovanje RTG odjela. Dok u zadnjem pasusu kaže, citiram: „Ako postoji želja kod uvažene zastupnice da se oformi RTG odjel u HP savjetujemo da se pokrene inicijativa u Skupštini Kantona Sarajevo.” to nije moja želja, ja nemam nikakvih pretenzija prema RTG aparatima, niti RTG odjelima. Ali evo voljela bih da je direktor pokazao neku vrstu inicijative ranije kao što je recimo pokazao za osnivanje medija centra, jer je taj medija centar potparol hitne, neophodniji jer neophodno je da neko drugi a ne direktor eventualno odgovorni ljekar smjene daje izjave za medije. Još jedna situacija koju sam također saznala na sjednici radnog tijela, jeste da je veoma slična situacija u Općoj bolnici, gdje sličnu sudbinu ovog RTG aparata iz DZ Novi Grad je doživio

mamomat. Novi mamomat koji je kupljen za vrijeme bivše uprave u Općoj bolnici i na isti je potrošeno oko pola miliona KM, stoji također u celofanu dok JU Zavod za zaštitu žena i materinstva vapi za novim aparatima sa ciljem naravno skraćanja listi čekanja na preglede koji život znače jer smo svi upoznati kolika je važnost prevencije i redovnih pregleda za žene. Za taj isti mamomat odnosno njegovu montažu i relociranje potrebno je bilo obezbijediti oko nešto više od 40.000 KM a naravno ZZO ruku na srce nije baš bio pretjerano naklonjen Opštoj bolnici u finansiranju, prilikom raspodjele finansijski tranši evo već godinama, to smo i danas imali priliku čuti i ta sredstva se nisu mogla obezbijediti iz sredstava Opšte bolnice. Ja sam također dobila informaciju da će Ministarstvo zdravstva obezbijediti tih 50.000 KM za relociranje i montažu tog Simensovog mamomata u Zavodu za zaštitu žena i materinstava i to iz sredstava koja su bila namijenjena za kupovinu službenog automobila. Ali ne službenog automobila kakvog su u prošlom mandatu često direktori JU kupovali po 50.000 za pasate i ostala malo luksuznija vozila, vozilo Ministarstva zdravstva je u jako lošem stanju i vjerovatno će ga trebati zamijeniti. Ali evo, ministrica je odlučila da se ova sredstva mogu iskoristiti malo plemenitije, malo bolje, i preusmjeriti na prenos mamomata u Zavod za zaštitu žena i materinstva. Ovo je zaista jedan potez koji zavrjeđuje našu pažnju ne u smislu da sada trebamo aplaudirati. Ovo bi trebalo da bude apsolutno normalno. Trebalo bi na ovaj način da se slažu prioriteta, da se pacijenti stave na prvo mjesto i ja se zaista nadam da će nove upravljačke strukture, prvenstveno u ZZO ali i u zdravstvenim ustanovama tako se odnositi u buduću i prema svojoj profesiji ali i sugrađanima. Toliko hvala.

Predsjedavajući:

zahvaljujem kolegice Dizdarević. Nema više prijavljenih. Ne znam pratite li medije, nije sve tako crno u našem zdravstvu. Imamo pres saopštenje da je izvjesni Ivan D: iz Metkovića uspješno operisao meniskus na KCUS i da će prohodati nakon 12 dana. Danas je to senzacionalna vijest iz zdravstva i eto time bi smo trebali biti ponosni. A vidio sam da su ove sijamske blizance razdvojili u nekoj civilizovanoj zemlji, jednom operacijom koja postaje rutina. Hvala vam. Zaključujem raspravu i prelazimo na izjašnjavanje.

a)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU OPĆA BOLNICA „PRIM. DR. ABDULAH NAKAŠ“ ZA 2018. GODINU

Molim rezultate glasanja.

ZA JE GLASALO 21, PROTIV 2 I SUZDRŽAN 2. 2 nije glasalo
KONSTATUJEM DA JE SKUPŠTINA USVOJILA OVAJ IZVJEŠTAJ.

b)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU PSIHIJATRIJSKA BOLNICA Molim rezultate glasanja.

ZA JE GLASALO 5, PROTIV 3 I SUZDRŽAN 17. 2 nije glasalo
KONSTATUJEM DA SKUPŠTINA NIJE USVOJILA OVAJ IZVJEŠTAJ.

c)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA BOLESTI OVISNOSTI KANTONA SARAJEVO ZA 2018. GODINU.

Molim rezultate glasanja.

ZA JE GLASALO 8, PROTIV 1 I SUZDRŽAN 16. 2 nije glasalo
KONSTATUJEM DA SKUPŠTINA NIJE USVOJILA OVAJ IZVJEŠTAJ.

d)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU KS ZAVOD ZA ZAŠTITU ZDRAVLJA STUDENATA UNIVERZITETA U SARAJEVU ZA 2018. GODINU.

Molim rezultate glasanja.

ZA JE GLASALO 5, PROTIV ništa I SUZDRŽAN 20.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

e)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA MEDICINU RADA KANTONA SARAJEVO ZA 2018. GODINU.

Molim rezultate glasanja.

ZA JE GLASALO 7, PROTIV ništa I SUZDRŽAN 17. 3 nije glasalo

KONSTATUJEM DA SKUPŠTINA NIJE USVOJILA OVAJ IZVJEŠTAJ.

f)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU APOTEKE SARAJEVO ZA 2018. GODINU.

Molim rezultate glasanja.

ZA JE GLASALO 8, PROTIV 2 I SUZDRŽAN 15. 2 nije glasalo

KONSTATUJEM DA SKUPŠTINA NIJE USVOJILA OVAJ IZVJEŠTAJ.

g)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU DOM ZDRAVLJA KANTONA SARAJEVO ZA 2018.GODINU.

Molim rezultate glasanja.

ZA JE GLASALO 4, PROTIV 14 I SUZDRŽAN 7.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

h)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA SPORTSKU MEDICINU KANTONA SARAJEVO ZA 2018. GODINU.

Molim rezultate glasanja.

ZA JE GLASALO 9, PROTIV 1 I SUZDRŽAN 15.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

i)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA HITNU MEDICINSKU POMOĆ KANTONA SARAJEVO ZA 2018. GODINU.

Molim rezultate glasanja.

ZA JE GLASALO 7, PROTIV 9 I SUZDRŽAN 9. 2 nije glasalo

KONSTATUJEM DA SKUPŠTINA NIJE USVOJILA OVAJ IZVJEŠTAJ.

j)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA ZDRAVSTVENU ZAŠTITU ŽENA I MATERINSTVA KANTONA SARAJEVO ZA 2018. GODINU.

Molim rezultate glasanja.

ZA JE GLASALO 7, PROTIV ništa I SUZDRŽAN 18.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

k)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA ZDRAVSTVENU ZAŠTITU ZAPOSLENIKA MUP-a KANTONA SARAJEVO ZA 2018. GODINU.

Molim rezultate glasanja.

ZA JE GLASALO 9, PROTIV ništa I SUZDRŽAN 16.

KONSTATUJEM DA SKUPŠTINA NIJE USVOJILA OVAJ IZVJEŠTAJ.

l)

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU I FINANSIJSKOM POSLOVANJU JU ZAVOD ZA JAVNO ZDRAVSTVO KANTONA SARAJEVO ZA 2018. GODINU.

Molim rezultate glasanja.

ZA JE GLASALO 6, PROTIV ništa I SUZDRŽAN 18.

KONSTATUJEM DA SKUPŠTINA NIJE USVOJILA NI OVAJ IZVJEŠTAJ.

Time smo iscrpili tačku 22. zahvaljujemo se menadžmentima JU iz oblasti zdravstva.

Tačka dvadeset i tri:

AD – 23.

IZVJEŠTAJ O IMPLEMENTACIJI ODLUKE O PROŠIRENOM OBIMU PRAVA ZA KORIŠTENJE MEDICINSKIH SREDSTAVA I LIJEKOVA ZA RVI SA PODRUČJA KANTONA SARAJEVO ZA 2018. GODINU

Izveštaj ste dobili uz poziv za sjednicu. Molim predstavnika Predlagača da podnese uvodne napomene.

mr. Enisa Salihefendić pomoćnik ministra zdravstva: UVODNO IZLAGANJE

Predsjedavajući:

Zahvaljujem. Da li ima pitanja dok ste tu. Ne javlja se niko. Možete sjesti, hvala vam. Da li se neko javlja za raspravu. Nema prijavljenih. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O IMPLEMENTACIJI ODLUKE O PROŠIRENOM OBIMU PRAVA ZA KORIŠTENJE MEDICINSKIH SREDSTAVA I LIJEKOVA ZA RVI SA PODRUČJA KANTONA SARAJEVO ZA 2018. GODINU

molim rezultate glasanja.

ZA JE GLASALO 25, PROTIV i SUZDRŽANIH nije bilo.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka dvadeset i četiri:

IZVJEŠTAJ O SNABDJEVENOSTI KANTONA SARAJEVO LIJEKOVIMA I SANITETSKIM MATERIJALOM U 2018 GODINI SA POSEBNIM OSVRTOM NA IMPLEMENTACIJU LISTE LIJEKOVA KOJI SE PROPISUJU I IZDAJU NA TERET SREDSTAVA OBAVEZNOG OSIGURANJA KROZ FUNKCIONISANJE MREŽE FARMACEUTSKE DJELATNOSTI-APOTEKA, SA PRIJEDLOGOM MJERA I AKTIVNOSTI

Izvještaj ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Izvještaj imate, čitali ste, da li imate pitanje onda? Nema. Otvaram raspravu. Kolegica Segmedina Srna Bajramović se javlja za raspravu izvolite.

Poslanik/zastupnik Segmedina Srna Bajramović.

Zahvaljujem predsjedavajući. Pa evo posmatrajući ovaj Izvještaj o snabdjevenosti lijekovima moram priznati kako je isti dosta detaljan međutim očigledno nekompletan jer imamo rečenicu, kako ZZO nema podataka za 2018 godinu o ukupnom iznosu lijekova izdatih na bolničkom nivou zdravstvene zaštite. Moram naglasiti da je to izuzetno važan podatak koji bi nam sigurno dao puno jasniju sliku kada su u pitanju ocjene snabdjevenosti tržišta vrlo osjetljivim i vrlo skupim lijekovima za teška oboljenja, recimo citostatici za koje smo se naslušali kako su gotovo pa uvijek problem zbog javnih nabavki. Da ne pominjem kako je to važno i zbog činjenice da postoji evidentna mogućnost i sukoba interesa u kojem neko iz bolničkog nivoa zdravstvene zaštite može zbog rodbinskih ili političkih relacija favorizirati određene postupke kojim se stiče i lična korist a nisu od interesa za pacijenta. Posebno je neodgovorno ukoliko mi platimo nešto novcem naših građana a za to nemamo povratni podatak šta smo to platili. Ono što iz izvještaja možemo vidjeti jeste broj apoteka, broj recepata, top lista lijekova, finansijski odnosi, procentualna struktura lijekova spram bolesti građana u Kantonu Sarajevo, međutim ne vidimo ono što je po meni jednako važno, a to je koliko je ukupno tržište lijekova u Kantonu Sarajevo, koliko su građani platili, a koliko Zavod. Koliko se ukupno izdalo lijekova građanima na recept a koliko bez recepta? Šta je od toga zamjenskih odnosno da li imamo procjenu lažiranih lijekova? Da li imamo mehanizam etičke procjene odnosa na relaciji farmaceutske kompanije doktori, u smislu favoriziranja određenih lijekova, te zašto se desila nestašica Dalsija, antipiretika u jeku gripe? Odnosno šta konkretno znači formulacija „problem u nabavi”? U kontekstu finansiranja lijekova, istraživanja do kojeg sam došla pokazuje da 66% podnose građani iz vlastitog džepa a 34% državni zdravstveni fondovi, dok je u EU odnos 41% građani a 59 % fondovi. Koncept izvještaja o snabdjevenosti lijekovima ne može ostati na ovoj formi, jer je očigledno da mi apsolutno nemamo kontrolu na 66% tržišta lijekova koje plaćaju građani direktno. Pronašla sam i podatak da se po glavi stanovnika u 2014 u BIH za lijekove izdvojilo 171,5 KM pa me interesuje da li imamo mi taj podatak i za Kanton Sarajevo po godinama? Komparacije radi u susjednoj Hrvatskoj izdvojilo se 333,4 KM što je gotovo pa dvostruko više a u pojedinim europskim zemljama i do 5% više da ne navodim sada te primjere, iako ih imam ovdje. Godišnji promet lijekova u BIH prema službenim podacima i analitičkim procjenama iznosi približno 700 miliona KM. Ukupna vrijednost lijekova izdatih na teret ZZO iznosi preko 74 miliona što je više od 10% kompletnog prometa lijekova u BIH. Potrošnja lijekova konstantno raste pa je samo u periodu od 2009 do 2016 promet registrovanih lijekova bez interventnog uvoza neregistrovanih lijekova porastao za više od 150 miliona KM sa otprilike 467 miliona u 2009 na 621 milion u 2016 godini. Smatrala sam da ćemo u ovom Izvještaju imati kompletne podatke i zadokumentovane probleme naših građana koji su više javna tajna u kontekstu nabavke lijekova. I voljela bih da je napravljena neka anketa s građanima u smislu njihove ocjene snabdjevenosti lijekovima i to bi značajno pomoglo da ovoj sirovoj statistici izvještaja

unesemo malo duše, malo duše iz realnog života. U zaključnim razmatranjima navedeno je da i pored dobre snabdjevenosti lijekovima u Kantonu Sarajevo treba raditi na određenim iskracima, vrlo jasno prepoznajući ovo o čemu sam danas govorila i nadam se da ćemo te iskorake u informatizaciji i nadzoru što prije konkretizirati i realizirati jer bi nakon toga naredni izvještaj bio značajno relevantniji. Zahvaljujem.

Poslanik/zastupnik Bilsena Šahman:

zahvaljujem predsjedavajući nisam se pripremala kao Segmedina. Drago mi je da tako dobro vladaš svim ovim podacima. Ja ću vam sada malo reći nešto iz struke. Pošto sam ja farmaceut i UO sam Federalne komore farmaceuta ispred Kanton Sarajevo., ja vam moram reći neke činjenice da postoje a da nemamo načina da to riješimo, a to je, evo sada u Kantonu Sarajevo nije nikada ta ampulirana lista usklađena. Nisu nikada odradili do kraja dobile su neke ustanove da rade ampulirane lijekove koje nemaju ni da kažem nemaju sredstva za to, nemaju obezbijedene osobe koje znaju to raditi niti specijalizacije za to. Federalno Ministarstvo također se nije mnogo uključilo u davanje ovih podataka za nacionalne račune koje je na državi vodilo Ministarstvo civilnih poslova koje ima odsjek za zdravstvo, jer mi nemamo na nivou države Ministarstvo zdravstva nego radi Ministarstvo civilnih poslova, i tu su rađeni nacionalni računi i na žalost nikada Ministarstvo civilnih poslova nije dobilo od Federalnog Ministarstva dobre podatke a iz RS je Ministarstvo davalo podatke za te nacionalne račune. Tako da svi ovi podaci mislim da nisu ni dovoljni ni tačni. A što se tiče cijene lijekova od kako je Agencija donijela te najniže cijene lijekova zato nemamo tog Dalsi sirupa jer jednostavno proizvođači neće da uvoze oni su prošli na liste ali to su niske cijene i njima se ne isplati i oni ne žele da uvoze i prave vještačku nestašicu tog Dalsi sirupa svugdje u okruženju ima. Tako da na žalost to su stvari zbog kojih se dešavaju defektore u tim dijelovima. Što se tiče falsifikata ili lažiranih lijekova, toga ima jako puno i to je tek stvar kojom se treba pozabaviti jer nismo ni svjesni koliko na tržištu imamo lijekova koji su falsificirani koji su ušli u tokove i kroz Veledrogerije i regularne tokove lijekova. Hvala.

Poslanik/zastupnik Damir Nikšić:

ni ja nisam mislio da se javljam ali sada sam ovo slušao što je koleginica Segmedina Srna govorila pa sam zaključio, s obzirom mi imamo troškove za lijekove i ja sam sada mislio istovremeno liječimo ljude a istovremeno i zagađujemo zrak i pravimo ih bolesnim. Tako da sam mislio da predložim da neke takse na zagađenje uvedemo i da napravimo subvencije za liječenje tih lijekova za liječenje recimo astme, alergija i drugog s obzirom da smo u kotlini mi kao Kanton koji se nalazi, grad u kotlini, imamo pravo da se branimo i da pomažemo ljudima. Dakle da najveći zagađivači budu oporezovani više. Od automobila pa nadalje. I ništa, sada sam čuo taj monopol neki da se stvara ta neka vještačka to cijena, ta borba protiv monopola i liberalizaciju tržišta to je osnovno što mi moramo ovdje uraditi i sa plinom i sa lijekovima očigledno. Moramo se boriti. Očigledno neko na tom federalnom opet nivou, sve mi se čini da to odozgo dolazi. I na državnom nekako nas drži u šaci kao taoce da ne možemo da se branimo. Tako eto par prijedloga. To je sve.

Predsjedavajući:

nema više prijavljenih, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O SNABDJEVENOSTI KANTONA SARAJEVO LIJEKOVIMA I SANITETSKIM MATERIJALOM U 2018 GODINI SA POSEBNIM OSVRTOM NA IMPLEMENTACIJU LISTE LIJEKOVA KOJI SE PROPISUJU I IZDAJU NA TERET SREDSTAVA

OBAVEZNOG OSIGURANJA KROZ FUNKCIONISANJE MREŽE FARMACEUTSKE
DJELATNOSTI- APOTEKA, SA PRIJEDLOGOM MJERA I AKTIVNOSTI

Molim rezultate glasanja.

ZA JE GLASALO 27, PROTIV I SUZDRŽANIH nije bilo.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačka dvadeset i pet:

AD – 25.

PRIJEDLOG STRATEGIJE PREMA MLADIMA KANTONA SARAJEVO ZA PERIOD
2019.-2023. GODINE

Prijedlog ste dobili uz poziv za sjednicu. Molim predstavnika Predlagača da podnese uvodne napomene. A kasnije ću vas zamoliti da se izjasni Skupština o mogućnosti da se obrate predstavnici Vijeća mladih koji sa nama sjede cijeli dan vrijedno, marljivo slušaju cijeli tok sjednice. Kolegij nije imao njihov zahtjev za obraćanje. Skupština može dozvoliti, to ćemo nakon uvodne riječi ministrice Bogunić. Ministrice izvolite.

Ministrica Zineta Bogunić: UVODNO IZLAGANJE

Predsjedavajući:

Zahvaljujemo ministrice. Ima li pitanja? Ako ne, mogu li vas zamoliti da se prije naše rasprave obrate predstavnici Vijeća mladih Kantona Sarajevo. Ministrice hvala, možete sjesti. Da se izjasni Skupština Kantona Sarajevo. Ko je za da se odobri obraćanje? Možete glasati. Molim rezultate glasanja.

Za je 25, protiv i suzdržanih nema. Glasalo nije 2.

molim predstavnika Vijeća mladih da se obrati Skupštini Kantona Sarajevo. Predstavite se i obratite se.

Predstavnik Vijeća mladih Nedim Alibegović:

Dobar dan svima. Uvažene zastupnice, uvaženi zastupnici, poštovani ministri i ministrice, moje ime je Nedim Alibegović i ovdje sam u Vijeća mladih Kantona Sarajevo. Ono što prije svega želim da kažem jeste da se zahvalim vama što ste dali priliku mladima da se čuje naš glas upravo u ovoj prostoriji i da se ovako važnim pitanjima raspravlja podjednako kao i o drugim pitanjima o kojima je danas možda malo bilo i više rasprave. Bez obzira na dužinu rasprave, vjerujemo da pitanja mladih nemaju ništa manji značaj od svih drugih pitanja o kojima pričamo danas. Ključni problem naše države pa i Kantona nekako koji se dosta spominje u medijima jeste upravo ovaj odlazak. Zovemo ga problemom,ustvari je posljedica i svjesni smo da iza ove pojave kao posljedice u današnjem društvu se krije mnogi broj problema koji je kroz istraživanje problema i potreba koje je uvažena ministrica već spomenula upravo i identifikovan. Pored obrazovanja kao ključnog aspekta definisani su i problemi mladih u oblasti zapošljivosti. Tj veliki problem velikog broja nezaposlenih mladih kako u Kantonu tako i u BIH. Strategija za mlade je proizašla iz Zakona o mladima FBIH koji je usvojen 2010 godine. I ovo je zaista, ono što je važno napomenuti je pozitivan primjer ne samo u kontekstu strateške orijentacije mladih Kantona i prvog dokumenta koji uopšte govori o strateškoj orijentaciji Kantona o mladima ovdje već je i pozitivan primjer za čitavu

FBIH gdje imamo zaista, a ukoliko se usvoji će biti jedna od rijetkih strategija na kantonalnom nivou koja je usvojena na području čitave FBIH. Ono što je važno reći da Zakon o mladima pored strategije naročito članom 14 koji definiše minimum mjera za mlade u lokalnim zajednicama, u gradovima, kantonima, a u FBIH pored strategije definiše veliki broj drugih pitanja a koji će nadam se biti predmet rasprave i u ovoj prostoriji ovdje ali i predmet rasprave unutar Ministarstva i Vlade Kantona Sarajevo u cjelini. Vijeće mladih Kantona Sarajevo će se truditi da bude jednak i dostojan sagovornik ovim procesima gdje će se zaista dati sve od sebe da mlade u Kantonu organizuje na što je moguće bolji način, da ih pokrene na djelovanje i da zaista unutar svojih struktura definišemo i kreiramo nove prijedloge politika koje ćete na kraju krajeva vi predlagati ovdje i koji će biti diskutovani u saradnji sa Ministarstvom. Pored svega ovoga, važno je reći da i kada usvojimo ovu današnju strategiju ona je samo slovo na papiru i ne smijemo dopustiti da ona ostane samo još jedan papir u našim ladicama prilikom našeg rada. Trebamo se pored ovog čina i ukoliko se usvoji strategija i kada kažemo da želimo da idemo naprijed u kontekstu mladih u Kantonu Sarajevo, da kažemo i da konstantno provjeravamo gdje smo sa implementacijom te strategije. Mi ćemo voditi o tome računa. Upravo u ime mladih ljudi ćemo mi gledati da li i kako Vlada i da li i kako institucije koje su zadužene za implementaciju ove strategije rade na tome. Ali se nadam da ćete i vi konstantnim propitivanjem upravo u ovoj sali svih onih koji su odgovorni, pa i Vlade i Ministarstva za implementaciju ove strategije također o tome voditi računa. Sva ova pitanja o kojima smo pričali danas, i zdravstvo i sve ove teme koje su nekako bile žiža interesovanja mogu i u jednom momentu da ne budu problem. Ali to sve ovisi na koji način ćemo da se vodimo i nosimo sa mladim ljudima danas. Mislim da ova strategija super početak pozitivne prakse i pozitivnog odnosa prema mladim ljudima u Kantonu a sigurno može biti i sigurno će biti pozitivna nekako reklama za politike prema mladima na području čitave FBIH. Još jednom da vam se zahvalim i da kažem da će Vijeće mladih Kantona Sarajevo uvijek biti tu na raspolaganju i biti podrška svim onim stranama koje budu radile samo u jednom interesu a to je u interesu boljeg i dostojnog okruženja za mlade ljude u Kantonu. Hvala vam.

Predsjedavajući:

zahvaljujem. Jesmo li prošli pitanja? Sada je rasprava. Pitanja pitali pa pije rasprave da čujemo samo kolegu. Nije bilo pitanja. Ne možete pitanja postavljati Vijeću mladih. Pitanja možete postavljati ministrici. Pitali smo ima li pitanja? Nema. Pa prije rasprave da se obrate mladi. Mladi se obratili. Otvaram raspravu. Prvi se javio kolega Damir Nikšić. Možete malo propitkivati kroz raspravu.

Poslanik/zastupnik Damir Nikšić:

ja mislim da ova prevelika, ova skromnost uopšte ne treba da bude ovdje, naravno da su mladi najveći značaj. Ne samo nada da trebamo da gledamo čitavu strategiju prema mladima i da mladi imaju veliki značaj. Mladi imaju veliki značaj jer ako mladi odu onda neće biti nikoga da puni fondove za penzionere i za borbe i za sve ove ostale. Tako da mi stvarno moramo, pitanje je šta mi možemo da učinimo odavde. Ja mislim kao prvo da mi kao društvo imamo veliki problem. Mi smo kao društvo surovi prema mladima. Mi smo kao društvo nekako težimo da kažnjavamo mlade za sve ono što mi stari nismo stigli u životu da uradimo. Postoji neka malo žešća bolest u samom društvu. Tako da recimo kada odemo vani vidimo da mladi rade na raznim nekim pozicijama, na raznim nekim mjestima, na odgovornim pozicijama. Ja znam kada sam otišao prvi put nešto vani da studiram, nisam mogao da vjerujem da su mi dali alat u ruke da režem sa nekom mašinom jer ovdje stalno mladima govore nije to za tebe, nećeš ti to znati, šta će ti, ostavi to. Imamo takav jedan mentalitet prema mladima. Kao ne zna on to. Kada dođeš kod mladog doktora pitaš se hoće li te znati izliječiti itd. Imamo jedan veliki problem jedne velike predrasude kao društvo prema mladima uvijek gledamo starije ljude kao da oni nešto znaju a niko mi ne garantuje da stari nije pomlatio da ne zna ništa.

Tako da na kraju krajeva i ove nove tehnologije i ovo novo znanje i ovo sve novo, mladi su mnogo više u koraku sa vremenom i sa informacijom i ja više nekako vjerujem mladima. Prema tome, mi kao Vlada ovdje i većina moramo se okrenuti žesće. Ovo je samo jedna strategija prema mladima ne treba da bude samo slovo na papiru već mora da postane jedna aktivna misao, aktivna politika mladih. E sada ja bih u svemu tome predložio da se da jedan veliki akcenat na free lancer jer fri lenseri su uglavnom mladi ljudi koji se već snalaze na međunarodnog tržištu rada se snalaze i možda opet kažem problem je sa FBIH koja im je nametnula zakone i uvijek se petlja na jedan tako patronažni način kao jedan stari čiko ruži i sprječava sve mlado i novo da se razvije. Ja bih volio da Kanton Sarajevo i ova Vlada ustane u odbranu tih mladih da od grada Sarajeva kao glavnog grada BIH napravi jedan fri lenserski hab, jedno mjesto gdje će ta mjesta da prosperiraju a da ne moraju da idu vani. Već imaju posao vani a mogu biti ovdje kod kuće i da uvoze te pare da donose te pare. Ja bih njihov posao smatrao kao izvozom radne snage, odnosno ako donose pare ako donose stranu valutu onda nešta rade za ovu državu, treba im se zahvaliti a ne pljačkati ih i kažnjavati tri godine retroaktivno nazad. Kada bi mi primijenili neke zakone retroaktivno, evo o porijeklu imovine i to sve, ja ne znam ko bi ostao na vlasti i u sudstvu šta sve ima tamo. A mi se uhvatili mladih da njih zadavimo na izvoru i u momentu kada imaju najviše volje, i znanja i želje da nešto rade. Tako da bi ja mnogo agresivnije pristupio ovoj strategiji prema mladima i onako bih je stavio kao lokomotivu kao prvu udarnu stvar čitave politike ove Vlade za naredne četiri godine. Ako smo uzeli ovu strategiju, prihvatit ćemo je tu i idemo još žesće i još silnije za mlade jer jedino njih moramo staviti na sve pozicije, moramo napraviti jednu stratešku smjenu u politici gdje ćemo mlade staviti na ključne pozicije, ne gdje rade i irgete, nego gdje odlučuju i uvesti ih na taj način da neće biti korumpirani jer ćemo ih uvesti kada su svježiji kada su mladi kada su neiskusni, nekorumpirani istovremeno. I volio bih da ta strategija podrazumijeva svjesnu želju da se napravi velika smjena generacijska i u politici i u radu i u privredi i u svemu ovoj zemlji. Ja mislim da bi mi trebali to prvi da uradimo u Sarajevu.

Poslanik/zastupnik Jasna Duraković:

zahvaljujem. Bilo bi malo neozbiljno ili neodgovorno s naše strane ne javiti se na prijedlog ove strategije. Ja sam neko ko apsolutno prije svega p održava ovakve projekte, ovu strategiju i vjeruje u ovu novu Vladu i pogotovo u našu uvaženu ministricu i mislim da je ta strategija konačno u pravim rukama u smislu da vjerujem da će se ona razvijati u pravom smjeru, naravno uz vašu podršku. Ja moram izraziti svoje radovanje i reći ovom mladom čovjeku koji nam se ovdje predstavio i rekao bili ste mi zaista izvjesno nadahnuće nakon današnjeg dana koji je onako protiče kako protiče. Dakle ja vjerujem da je jako puno takvih mladih ljudi, ne da vjerujem nego znam. Uvjeravam se u to svakodnevno jer radim na fakultetu. Zapravo moja životna misija jeste to da budem uzorit čovjek svakom mladom čovjeku da i da budem neko ko će njima ponuditi izvjesnu notu tog nadahnuća koju ste vi nama ovdje ponudili. Da ne budemo stalno ti koji govore da mladi ne mogu opstati, da trebaju da idu iz ove zemlje da im ne dajemo nadu. I to je ono u šta svi treba da vjerujemo i mislim da ovdje imate apsolutnu dominantnu podršku i većinu i to me raduje. Slažem sa kolegom Nikšićem po pitanjem te, da li je to odraz našeg mentalnog sklopa, naše uljuljkanosti, letargije u kojoj se svi nalazimo posljednjih 20 i kusur godina zbog stanja u kojem jesmo, pa nekako sve prepisujemo tim mladim ljudima za koje kažemo da su pasivni da nisu dovoljno uključeni. Međutim s druge strane, mi im ne nudimo stvarnu participaciju. Pogotovo kada je pitanje recimo političke participacije. Vi to vrlo dobro znate ili ne znam zaposlenja, apsolutno ih nekako čini mi se u startu kamenujemo sa preveliko teškim zahtjevima koje postavimo pred njih u smislu da ne znam ta silna papirologija administracija, zakoni, pripravnčki staž, godine iskustva koje su de fakto nemoguće u uvjetima u kakvim se mi nalazimo. Dakle sve su to neke prepreke koje znatno otežavaju vašem dolasku do posla i da ne govorim samo dolasku do posla. Najlakše je naći posao a da li je to posao koji stvarno nudi ono što će mladom čovjeku nekako izgraditi taj

neki profesionalni put, tamo gdje će se on osjećati zadovoljno, sretno i zaista davati pravi doprinos i biti produktivan. I to je ono što ustvari nama nedostajalo svih ovih godina tako da me raduje da ćemo se konačno čini mi se pomjeriti s mrtve tačke i da to više neće biti deklarativna priča da kako Kanton tako i druge razine vlasti zaista rade nešto da pomognu mladima. Do sada je to samo bila priča, mrtvo slovo na papiru. Mislim da evo od ovog momenta, želim da vjerujem i ja sam tu kao apsolutna podrška da se pomjeramo s te mrtve tačke da ćemo nešto pokrenuti u pravom smislu te riječi. Toliko i zahvaljujem.

Poslanik/zastupnik Damir Marjanović.

Ja vam se zahvaljujem ministrici i Ministarstvu na jako dobro pripremljenom materijalu. Trebalo je tu i mudrosti i snage a bogami i političkog kredibiliteta da se takvo nešto napravi. Ali mi nemojte zamjeriti moram se zahvaliti Nedimu i Nedimovoj ekipi koji su nam danas barem nama svima očitali dobro lekcije. Ja sam danas u ovih pet minuta naučio kako treba da se ponašam za onom govornicom i kako treba da se pripremim i kako da pripremim materijal kada trebam nešto jako koncizno da iznesem. A od dvojice momaka koji sjede tu cijeli dan iza njega mislim da mnogo od nas možemo naučiti šta znači timski rad i kako treba podržati ekipu, voditelja ekipa i sve ono za šta se zajedno zalažu. E sada kada sam dao sve ove lijepe divne zahvale, odgovorit ću malo Damiru, dopunit ću imenjaka svoga, i reći nismo mi okrutni i surovi prema mladima nego smo mi licemjerni prema mladima kao društvo. Mi se mladih obično sjetimo kada treba da govorimo ovako divne stvari, kada ih pozivamo na izbore, kada treba da nam lijepe plakate, kada treba da ih stavimo pored sebe da se slikamo da se zagrlimo, a kada treba da ih čujemo i ispunjavamo ono što smo im obećali obično kažemo ima vremena mladi ste. To je dokaz da živimo u jednoj licemjernoj državi, kada govorimo o mladima jeste i činjenica da sam u svojoj 45 godini i dalje mlad jer ja i dalje čujem čekaj malo ima vremena mlad si. I to nas stalno prati. Imam osjećaj da će nas pratiti do 65, vjerovatno će neko u 70 reći čekaj malo mlad si da umireš ima vremena. To je tako kako jeste. I te stvari jednostavno moraju da se promijene i evo mijenjaju se. Dozvolite mi malo i emocije jer se ja sjećam početaka ove priče. Malo sam razočaran, malo me i boli što je trebalo 9 godina od donošenja Zakona do usvajanja njene strategije. Sjetim se tamo neke 2012 godine i nekog svog kratkog ministrovanja i sjetim se tih početaka, sjetim se općinskih vijeća, evo sada imamo kantonalno vijeće i tada smo počeli raditi na strategiji. Šta onda treba reći za jedno društvo u kojem treba sedam godina da se napravi dokument koji, neće se ministrica naljutiti, neće ni kolegice iz Ministarstva naljutiti, nije savršen, nije briljantan, on se zasniva na podacima iz 2016 godine, bez obzira što su se kolege tako i potrudile pa su te podatke apdejtirale sa podacima iz 2018 godine. Ovo je period za 2019-2023 godinu. To je strategija za te četiri godine a mi već 2020 treba da usvojimo strategiju razvoja Kantona Sarajevo. I hajde da budemo iskreni, morat ćemo apdejtirati ovu strategiju danas koju smo usvojili s onim. E ja samo želim da se mi ovdje sjetimo za godinu dana ili za dvije godine kada budemo usvajali tu strategiju, pošto nešto sumnjam da ćemo je baš usvojiti na vrijeme, opet ćemo kasniti, takvo smo kakvo smo društvo jel. Nadam se da sam u krivu, da kada budemo usvajali strategiju Kantona Sarajevo ne prilagođavamo strategiju za mlade toj strategiji nego da strategiju Kantona Sarajevo prilagođavamo ovoj strategiji koju sada imamo. Da se sjetim svih ovih naših riječi koliko smo hiljadu puta evo sada sada spomenuli da su nam mladi bitni, da su nam najbitniji, da to treba realizirati itd. Neće ovo ostati mrtvo slovo na papiru, ja sam to siguran. Bit ću samokritičan, najmanje će to ovisiti o nama i najmanje ćemo mi tome doprinijeti. Ja sam siguran da će ovi momci i djevojke više tome doprinijeti da nas dobro kontroliraju da li realiziramo ono što je zapisano tu, da li pratimo iz mjeseca u mjesec iz godine u godinu. Vjerujem da ste svi dobro pročitali podatak u uvodnom dijelu ima jedna tabela ljudi u kojoj se kaže ispravite me ako griješim, da sada u ovom momentu Vlada Kantona Sarajevo, po nekim osnovama izdvaja za

mlade oko 10 miliona KM po različitim ministarstvima. Da kompletna Vlada. Ovo je pohvala ide cijeloj Vladi ali govorim u tabeli se vidi. E sada zamislite kada ovi momci zamisle da neko izdvaja 10 miliona u njihovo ime šta bi oni svega sa par stotina hiljada dobroga uradili. Znači sada prvi put imaju jasnu agendu, jasan plan i jasan program kroz koji mogu pratiti i prilikom donošenja sljedećeg budžeta jasno reći po toj i toj stavci ste obećali u strategiji da ćete da to i to uradite i da oblikuju budžet Kantona Sarajevo prema strategiji za mlade. E kada to budemo DOB radili, i kada budemo radili možda neke rebalanse, ko zna, kada budemo pripremali budžete za sljedeće godinu i kada ne budemo skidali sa strategije za mlade sa neke aktivnosti i usmjeravali ka nekim, neću reći sada kojim, ali po meni mnogo manje bitnim aktivnostima onda možemo reći da ovo društvo i ova Skupština i ova Vlada će brinuti o poziciji mladih. Još jednom, zahvaljujem se ministarstvu, zahvaljujem i ljudima iz prethodnog saziva koji su radili na ovome, zahvaljujem se ekipi iz Vlade, zahvaljujem se Skupštini Kantona Sarajevo. A unaprijed se zahvaljujem vama koji ćete nas stalno podsjećati šta nam je obaveza i nećete nam dati da s te obaveze skrenemo. Hvala.

Poslanik/zastupnik Zvonko Marić.

Zahvaljujem predsjedavajući. Zaista sam ponukan i ovim diskusijama i istupom mladog kolege koje je govorio u ime Vijeća mladih da kažem samo nekoliko rečenica ali neću puno hvalospjeva ali uvijek sa ovih govornica se šalju hvalospjevi i govori se o mladima a zapravo smo licemjerni i sasvim druga je realna situacija i situacija na terenu. Mislim prije svega da ne bi trebali govoriti hvalospjeve o mladima nego prije svega mi, a prije nas i naši prethodnici, uputiti im izvinjenje zbog ovakvog odnosa kakav imamo prema njima. Mi dakle nismo ovdje da šaljemo ih hvalospjeve nego prije svega moramo im se izvinite za ovakav položaj, za život, za njihovo djelovanje koje je zaista ograničeno. To je elementarna stvar koju imamo uputiti prema mladima i ja ih samo upozoravam da vode dobro računa, jer do sada je bilo jako puno strategija. Evo ja sam htio, upravo sam se javio da postavim pitanje mladom kolegi kakvog su oni benefita ili pogodnosti imali od onog dokumenta koji je usvojen 2010 godine? Šta je to on promijenio na bolje u njihovim životima u njihovom djelovanju, u njihovim šansama za budućnost. To su elementarne stvari, da li su to bili loši ministri, loši političari, loša Vlada, loša Skupština, itd. Dakle to su te elementarne stvari a i svojevremeno sam ja ukazivao na one mlade koji su izlazili iz javne brige društva. Šta sa njima, da li su prepušteni sami sebi. Pa jednako su prepušteni isto kao i ovi mladi uglavnom koji se dovijaju na razne načine, ali ovdje ne treba puno mudrosti, nego naprosto imao sam puno iskustva, gledao sam u Švicarskoj kako se sistemski brine o mladima, na koji način se educiraju, upućuju u samostalnost u život itd. Dakle, strategija će biti, očigledno i uvijek je bilo, ali novca za njihovu implementaciju nije bilo. Vodite o tome računa. Upravo ovo što je kolega Marjanović rekao. Neki novci koji su predviđeni za vas za poboljšanje vašeg statusa itd uglavnom se preusmjere za nešto što je, a ovamo vam se hvalospjevi upućuju, za neke druge stvari. Kontrolni mehanizam o njemu morate da vodite računa. Ako vam već nešto obećaju da ih držite. Nemojte da vas ja podsjećam sada i na čak u jednopartijskom sistemu 1968 studentski protesti su bili, smogli su snage. Sada je barem veći stupanj demokratije, imate i tu mogućnost da se i na taj način borite za svoja prava za svoj položaj. Zaista i do vas je puno toga, da uradite da se angažirate i organizirate na najbolji mogući način i napokon zahvalite se demagozima koji govore o vama. Neka vam se prvo izvinu. Hvala vam lijepo.

Poslanik/zastupnik Neira Dizdarević:

hvala predsjedavajući. Pa evo ja ću kratko. Kolege i kolegice zastupnici iz prošlog saziva znaju da je ovo jedna da kažem stara priča. Mi smo prošle godine razmatrali najprije nacrt, pa smo onda organizovali javnu raspravu. Prijedlog strategije je nakon brojnih kritika zastupnika povučen, a ono na šta se najveći dio kritika odnosio jeste bio upravo taj da je izostajala finansijska podrška odnosno procjena bilo kakvih finansijskih sredstava koja bi se izdvojila za

implementaciju strategije jer upravo, kada želite da nešto ostane smao mrtvo slovo na papiru, onda nekako tu finansijsku stranu zanemarite. Nekako i sama činjenica koju su kolege prije mene istakle da je devet godina trebalo da se nakon Zakona o mladima donese ova strategija, ustvari pokazuje cjelokupan odnos društva prema mladima i onda se onako svi kao u čudu pitamo kada pročitamo statističke podatke i vidimo koji je to broj mladih ljudi već poduzeo konkretne korake za napuštanje naše domovine ili o stopi nezaposlenosti mladih koja iznosi oko 50%. evo vidim tu je i direktor Službe za zapošljavanje Kantona Sarajevo, znam da je najavio određene projekte zapošljavanja mladih, to je svakako za pohvalu i naravno to ćemo budno pratiti ali ne u smislu da se ti mladi ljudi zaposle i odrade pripravnički staž od godinu dana i onda da dobiju otkaz i onda da na njihovo mjesto dođu neki drugi podobniji već da se njima zaista obezbijede osnovni uvjeti za samostalnost pa ćemo onda i onaj pokazatelj o broju mladih ljudi koji žive sa roditeljima u potpuno finansijskoj zavisnosti, nadam se i smanjiti. Dvije samo ključne stvari koje želim da naglasim vezane za prijedlog ove strategije ko ju ćemo danas vjerovatno usvojiti jesu, nisam vidjela da je preciziran rok za izradu akcionih planova, pa evo na neki način sugestija resornom Ministarstvu i Vladi Kantona Sarajevo da se akcioni planovi izrade, pa recimo u roku od šest mjeseci. Ja bih rekla i tri ali evo šest je sasvim dovoljno da se već određeni projekti budžetiraju nacrtom budžeta za 2020 godinu. I druga stvar jeste, što mogu predložiti, ne znam da li u vidu zaključka, da usvojimo da se barem godišnje vrši evaluacija implementacije strategije. Na isti način na koji radimo i evaluaciju godišnju strategije razvoja Kantona. Toliko. Hvala.

Poslanik/zastupnik Segmedina Srna Bajramović:

zahvaljujem predsjedavajući. Ovo je stvarno tema, imam potrebu također reći nekoliko rečenica, strpljivo su nas čekali i slušali naše i smislene i besmislene diskusije čitav dan, ja im zahvaljujem na tome, na strpljenju i na samom početku želim reći da uvijek cijenim trud koji ljudi ulože da poboljšaju bilo koji segment našeg društva. Međutim, bezbroj smo puta iznevjerili pisanu riječ u toj improvizacijskoj implementaciji politike da danas imam potrebu reći nekoliko rečenica o strategiji s malo drugačijeg aspekta u odnosu na njen sadržaj. Moram priznati da sam kroz svoj profesionalni novinarski život uvijek imala poštovanje prema riječi strategija sve dok nisam ušla u politiku. Od tog momenta sam spoznala da dvije riječi koje politika možda i najviše obesmisli su reforma i strategija. Moje razočarenje je dakako nebitno naspram činjenice da je politika u potpunosti izgubila kredibilitet i motivacijski alat kada su u pitanju ove dvije riječi koje bi kao rezultat povjerenja trebale imati strpljenje u očekivanjima rezultata onih na koje se strategija i vremenski i suštinski odnosi. Ja se nadam da s ovom strategijom nismo zakasnili jer smo godinama gurali glavu u pijesak i da je godinama politika bila važna sama sebi. Moram ovdje iznijeti opet neke podatke koje su jako važni i kojima se moramo baviti da je Unija za održivi povrat integracije BIH prema tim podacima u 2018 godini objavljenim u proteklih pet godina u potrazi za boljim životom BIH je napustilo 150.000 uglavnom obrazovanih mladih ljudi naših državljana iako se pretpostavlja da je taj broj znatno veći. Citirat ću jedan navod iz strategije koji kaže: "Samim tim zaključujemo da je jedan od prioritetnih problema koje je potrebno riješiti odlazak mladih iz Kantona Sarajevo tj odlazak mladih iz BIH. Na žalost ovdje moram priznati da imam potpuno drugačiji pristup u postavljanju teme od autora ove rečenice u strategiji. Ja smatram da odlazak mladih iz Kantona Sarajevo je prije svega posljedica problema čije ćemo razorne efekte tek osjetiti u vremenu koje je pred nama i to problema koje godinama, kao društvo godinama nemamo ni odlučan pristup ni jasan odgovor pa su nam ironično rečeno mladi ljudi odlučili skratiti muke i pomoći odlaskom kao vlastitim rješenjem u potrazi za boljim životom. Mladi su pametna racionalna bića koje je politika godinama podcjenjivala svojim predatorskim odnosom prema resursima ove zemlje u vlastitom interesu sa folklornim ratnim bubnjevima i kontrolisanog nacionalizma, što je kao prirodnu posljedicu iznjedrilo revolt mladih i sve ovo o čemu danas govorimo. Pokušavam da skratim znam da su svi umorni i nestrpljivi da završe

ali ovo je tema zaista koja zaslužuje pažnju svih nas, dakle prioritetni problemi mladih jesu loše obrazovanje i nezaposlenost, i to su sigurno dvije ključne oblasti na koje se strategija i svi mi zajedno moramo fokusirati i zaključujem za kraj želim da kažem da mi moramo više koordinirati, detaljnije zaviriti u naše zakonodavstvo i vidjeti koje su to granice institucionalnog državnog ili entitetskog djelovanja koje kantonalnog ili opštinskog, kako se dodjeljuju budžetska sredstva mladima, gdje su ta sredstva, ko njima raspolaže i na koji način. I zaključiti ću jednom rečenicom, podsjetit ću na rečenicu koja se često ponavlja: da je budućnost na mladima. Ako je budućnost na mladima onda za BIH bez mladih nema budućnosti. Zahvaljujem.

Poslanik/zastupnik Bilsena Šahman.

Zahvaljujem. Ja ću samo da prenesem jednu poruku koju sam dobila od jedne naše gledateljice koja mi je napisala: „Samo pričate a ja evo učim njemački i idem iz Bosne jer čekajući specijalizaciju nemam vremena da dočekam tu vašu strategiju, uveli ste moratorij koji sada je sve na čekanju i za specijalizacije. Cijeli dan pričate o zdravstvu”. Eto takvu sam poruku dobila pa dužnost mi je da nam je prenesem svima.

Predsjedavajući.

Zahvaljujem kolegice Šahman. Iskoristit ću priliku za diskusiju i vratit ću nas malo u realnost, danas smo možda malo euforični s razlogom zato što je ovo ozbiljan dokument. I naravno prije svega čestitke i ministri Bogunić i saradnicima i Lejli koja na tome radi dugo kontinuirano i u prethodnom sazivu Vlade i Skupštine i ministru. Ovo zaista jedne bitan dokument ukoliko ga budemo tretirali adekvatno. Federacija analiza koja je stara možda malo više od godinu dana, kaže da samo 5% mladih ljudi raspolaže budžetom mjesečnim većim od 1000 KM. Samo 5% mladih ljudi kategorije od 17 do 29 godina kojih je 90.000 otprilike u Sarajevu 89.000 čini mi se, tako nešto blizu. Samo 5% njih ima 500 eura mjesečno, što poredeći sa bilo kojom drugom civiliziranom zemljom daje realnu sliku stanja u BIH i to nije pitanje samo jedne oblasti nego je pitanje svih oblasti koje se tiču pitanja mladih. Samo 9% ove populacije je vjenčano. 9% mladih ljudi do 29 godina je u braku a od tih 9% samo 7% ima djecu. Dakle u ovim brutalnim statističkim pokazateljima krije se najveća opasnost za sudbinu države BIH, jer ako ova mlada poduzetna generacija a to se dešava iscuri iz BIH šanse za opstanak ove zemlje su minimalne jer će ona krahirati na ekonomskom polju. Dakle još jednom ponavljam samo 5% ima 500 eura mjesečno samo 17% njih doprinosi kućnom budžetu. Dakle 17% je u prilici negdje zaraditi neki dinar i pomoći svojim roditeljima u plaćanju režija, naravno dominantna većina nema riješeno stambeno pitanje, žive sa roditeljima a samo 17% i to neredovno uspijeva doprinositi kućnom budžetu. Da ne povlačim paralelu i sa porodicama koje nam žive vani i da kažem da u svojoj porodici imam slučajeve u kojima moja bliža rodbina sa 20 godina već ostvaruje pravo na ozbiljna primanja, ima stambeno pitanje riješeno i niz drugih prednosti koje pokazuju u kakvom stanju se mi nalazimo. Nikada ne politiziram, ne koristim ovu govornicu za promociju svoje političke stranke, one kojoj pripadam, moram samo istaći jednu stvar, možda je koncept našeg djelovanja takav da smo nominalno usmjerili aktivnosti. Nagovještavam da ću naredne sjednice uz zahtjev za izradu registra za borbe pokrenuti inicijativu za formiranje agencije koja se bavi isključivo pitanjem mladih. Dakle mi smo mislili formirati ministarstvo, da ne bi smo gomilali administraciju i mislim da jedna efikasna agencija može objediniti cjelokupno, sve probleme i kanalisati ih kroz različita Ministarstva. Na narednoj sjednici Skupštine Kantona Sarajevo pokrećem inicijativu za osnivanje unutar Vlade, direkcije, agencije kako to Zakon o Vladi bude dozvoljavao i tražit ćemo da se u toku ove godine riješe administrativna pitanja, da u 2020 uđemo sa institucijom koja se bavi pitanjem i rješavanjem problema mladih ljudi. Dakle to su naše obaveze iz kampanja. I vidio sam da se dobar dio političkih subjekata za to zalagao i jeste zato bitno, veliki dio nekih naših planova nalazi se u ovoj strategiji. Ali

slažem se s kolegicom Dizdarević, da je bitno raditi evaluaciju na nivou godine, ali isto tako mislim da će institucija koja bi funkcionalno nadzirala implementaciju ove strategije i pokretala druge aktivnosti i sarađivala sa ovim mladim ljudima i njima čestitam na njihovom samoorganizovanju ponovnom da tako kažem, jer je ideja Vijeća mladih bila i ranije ali su bili isto tako neki politički problemi, sugestije i molba da ne ukaljate taj vaš časni posao nekim političkim djelovanjem. Neka im se to studentskim organizacijama dešavalo, vi pokušajte da se nominalno držite van politike kako bi vam glas bio kredibilniji da vas ne svrstavaju u bilo kakve političke pokrete. A na nama je da ovoga puta zaista pokažemo ozbiljnost i ove dileme da li će biti isto nakon ove strategije već naredne godine riješimo i kažemo da nije više isto, da će biti drastično i brzo bolje, to je nemoguće. Ali da se stanje može popraviti to je vrlo moguće.

Zahvaljujem. I ako nema više prijavljenih zaključujem raspravu. Ministrice hoćete li nakon glasanja, molim vas. Kad mi završimo glasanje pa vi onda možete komentar vaš jer bi ovo moglo ponovo izazvati neke replike kao što je bilo slučaj kada se premijer obraćao. Odmah nakon ovoga vi da kažete završnu riječ. Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU STRATEGIJE PREMA MLADIMA KANTONA SARAJEVO ZA PERIOD 2019-2023. GODINE.

Molim rezultate glasanja.

ZA JE GLASALO 24 , PROTIV I SUZDRŽANIH NIJE BILO.NIJE GLASALO 3.

KONSTATUJEM DA JE SKUPŠTINA USVOJILA STRATEGIJU PREMA MLADIMA KANTONA SARAJEVO ZA PERIOD 2019.-2023. GODINE.

Ministricе Bogunić izvolite. Možete i sa svog mjesta, izvolite.

Ministrica Zineta Bogunić.

Samo da kažem da je rok za izradu akcionih planova svakog Ministarstva 90 dana a da već po pojedinim ministarstvima imaju posebne stavke odvojene za mlade. Konkretno, u našem Ministarstvu ima blizu 100.000. a već je recimo Ministarstvo privrede već uradilo start up za mlade, dakle odvojilo je isto tako novac za to. Tako svako Ministarstvo ima na pojedinim razdjelima taj dio novca za mlade. Tako da ja vjerujem da će ovo uspjeti. A pozivam mlade da nam budu stalni korektiv a mi svi znamo da se strategije moraju prilagođavati iz godine u godinu. Hvala.

Predsjedavajući:

Zahvaljujemo ministricе. Tačka dvadeset i šest. Isto tako s nama cijeli dan predstavnici Nezavisnog odbora.

AD – 26.

IZVJEŠTAJ O RADU NEZAVISNOG ODBORA ZA PERIOD FEBRUAR 2018. - FEBRUAR 2019. GODINE

Izvještaj ste dobili uz poziv za sjednicu. Molim predstavnika Predlagača da podnese uvodne napomene. Danas je sa nama član predsjednik trenutno Miroslav Kružik. Izvolite.

Predsjednik Nezavisnog odbora Miroslav Kružik:

Poštovani predsjedavajući, dopredsjedavajući, uvaženi ministri, poštovani zastupnici. Nezavisni odbor imenovan je Odlukom o imenovanju Nezavisnog odbora Kantona Sarajevo 31.01.2018 godine a isti je u novom sazivu počeo sa radom 23.02.2018 godine. U Nezavisni

odbor imenovano je sada članova predstavnika iz reda građana. Nezavisni odbor je u periodu februar 2018. godine - februar 2019. godine obavljao poslove u skladu sa Zakonom o unutrašnjim poslovima, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U vršenju zadataka iz svoje nadležnosti Nezavisni odbor je donosio zaključke, sačinjavao informacije, odgovore na poslanička pitanja, redovno obavještavao javnost o svom radu, kao i druge akte iz svoje nadležnosti.

Od strane članova Nezavisnog odbora čiji je jedan član bio suzdržan, jer nije bio član Nezavisnog odbora u prethodnom sazivu, donesen je prijedlog godišnje ocjene rada policijskog komesara za 2017. godinu. Policijski komesar ocijenjen je za period maj-decembar 2017. godine jer je 19. maja 2017.godine od strane Vlade Kantona Sarajevo imenovan za policijskog komesara. Prijedlog ocjene Nezavisnog odbora bio je zadovoljiva. Na dvanaestoj sjednici Nezavisnog odbora, Nezavisni odbor je usvojio prijedlog ocijene rada policijskog komesara za 2018. godinu ocjenom „nezadovoljiva“. Dana 18.02.2019. godine je dostavio prijedlog Zaključka ocjene: policijskom komesaru, ministru unutrašnjih poslova na eventualno izjašnjenje i Vladi Kantona Sarajevo. Vladi Kantona Sarajevo donijela je odluku o ocjeni rada policijskog komesara „nezadovoljiva“. Na istu je uložen prigovor policijskog komesara, koji je odbijen od strane Vlade Kantona Sarajevo čime je odluka postala konačna. Također, na zahtjev Pravobranilaštva Kantona Sarajevo, Nezavisni odbor je pripremio izjašnjenje i dostavio dokaze koji su im potrebni u parničnom postupku po tužbi tužitelja Vahida Čosića protiv tuženog Kantona Sarajevo radi poništenja rješenja Skupštine Kantona Sarajevo- Nezavisnog odbora i rješenja Skupštine Kantona Sarajevo- Drugostepene disciplinske komisije za vođenje disciplinskog postupka. Također u periodu maj-juni 2018. godine četiri člana Nezavisnog odbora su svjedočila u parničnom postupku koji je pokrenuo Čosić Vahid protiv Vlade Kantona Sarajevo i Ministarstva unutrašnjih poslova, radi radnog spora, poništenja Rješenja Vlade Kantona Sarajevo i Rješenja Rješenja Ministarstva unutrašnjih poslova Kantona Sarajevo. Presudom Općinskog suda u Sarajevu od 09.10.2018. godine tužbeni zahtjev je odbijen. Na presudu je od strane tužitelja uložena žalba. Također u februaru 2019. godine tri člana Nezavisnog odbora su svjedočila u parničnom postupku po tužbi tužitelja Vahida Čosića protiv tuženog Kantona Sarajevo radi poništenja rješenja Skupštine Kantona Sarajevo - Nezavisnog odbora i rješenja Skupštine Kantona Sarajevo - Drugostepene disciplinske komisije za vođenje disciplinskog postupka. U navedenom predmetu još nije donesena presuda. Tokom izvještajnog perioda Nezavisni odbor je u cijelosti realizirao programske aktivnosti planirane u 2018. godini. Nezavisni odbor je djelovao isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja ili bilo kojeg naroda ili pojedinca. Nezavisni odbor je u izvještajnom periodu bio kadrovski osposobljen do januara 2019. godine kada je član Nezavisnog odbora, Branimir Orašanin izvijestio Nezavisni odbor da neće moći učestvovati u radu Nezavisnog odbora dok ne dobije stav Visokog sudskog i tužilačkog vijeća o mogućnosti sudjelovanja u radu Nezavisnog odbora jer je VSTV donijelo krajem decembra novi etički kodeks. Od januara 2019. godine također u radu Nezavisnog odbora nije učestvovao Admir Katica jer je podnio ostavku, budući da je od strane Skupštine Kantona Sarajevo imenovan za ministra unutrašnjih poslova Kantona Sarajevo. U narednom vremenskom periodu Nezavisni odbor će kontinuirano obavljati poslove utvrđene Zakonom o unutrašnjim poslovima Kantona Sarajevo i Poslovníkom o radu Nezavisnog odbora, te ostalim pozitivnim propisima sa osnovnim ciljem postizanja još većeg nadzora nad radom policijskog komesara i primjenom policijskih ovlaštenja, zaštite ljudskih prava i sloboda građana koji žive ili borave na području Kantona Sarajevo, te postizanja što većeg nivoa sigurnosti građana Kantona Sarajevo. Nezavisni odbor predlaže Skupštini Kantona Sarajevo

da usvoji Izvještaj o radu Nezavisnog odbora za period februar 2018. godine-februar 2019. godine. Hvala.

Predsjedavajući:

zahvaljujem predstavniku Nezavisnog odbora. Kolegica Jasmina Bišćević-Tokić ima pitanja, molim da ostanete ovdje. Izvolite.

Poslanik/zastupnik Jasmina Bišćević – Tokić:

evo ja imam više pitanja za predstavnika. Da li je tačno da je na konstituirajućoj sjednici Nezavisni odbor 26.02.2018 predsjedavajući predložio povećanje naknade članovi NO. Prema članu 30 stav 2 Zakona o unutrašnjim poslovima Kantona Sarajevo član NO ima pravo na mjesečnu naknadu za svoj rad čiju visinu utvrđuje Skupština Kantona Sarajevo? Da li je ovo tačno, koliko su do sada imali naknadu i da li je odobreno povećanje naknade?

Da li je predstavnik NO može objasniti zbog čega je Agencija za zaštitu ličnih podataka BIH u predmetima postupanja po prigovoru 12 policijskih službenika Uprave policije MUP-a Kantona Sarajevo utvrdila kršenje Zakona o zaštiti ličnih podataka od strane NO te da li je postupljeno po uputama ove agencije?

Obzirom da iz izvještaja o radu NO za navedeni period niste naveli nikakve adekvatne mehanizme nadzora i kontrole u praćenju rada policijskog komesara postavljam pitanje na osnovu kojih dokumenata i kojih kriterija NO u izvještajnom periodu obavljao svoje aktivnosti te u konačnici čime se rukovodio donoseći svoju odluku o nezadovoljavajućem radu policijskog komesara?

Da li su članovi NO upoznati sa sadržajima plan i program policijskog komesara za vrijeme trajanja mandata u periodu 2017 do 2021 godine a početkom 2018 i program rada Uprave policije za 2018 godinu i zašto ovi dokumenti koji su sačinjeni po uzoru rada najsavremenijih policijskih agencija u svijetu nisu na odgovarajući način korišteni pri praćenju rada policijskog komesara u toku 2018 godine, kao što je to bio slučaj prilikom donošenja prijedloga godišnje ocjene rada za 2017 godinu? Zahvaljujem.

Predsjedavajući:

nema više pitanja, jel, tako da možete odgovoriti.

Predstavnik NO Miroslav Kružik:

uvažena zastupnice vaše prvo pitanje u vezi naknade, koliko ja znam nije tačno da smo mi tražili povećanje, da je tačno bilo bi u zapisnicima o sjednici koji se vode, naša naknada je 270 KM. Pitanje broj dva u vezi Agencije za zaštitu podataka, moram vas napomenuti da NO nije kontrolor podataka, to se radilo da je NO tražio od policijskog komesara da mu dostavi primjer ocjenu rada policijskog komesara bivšeg Vahida Čosića za 2017 godinu jer smo imali informacije da je isti nakon provedenog disciplinskog postupka gdje je pravosnažno okončano sa 30% ocjenom rada odličan. Mi nismo tražili rješenje ocjene niti podatke već smo samo tražili informaciju da bi nama bivši policijski komesar Mevludin Halilović dostavio dokumentaciju od 500 stranica gdje nam objašnjava lične podatke, izvode iz PIO gdje uopšte nije konkretnu informaciju što smo tražili dostavio. Inače problem u Upravi policije je što ne dostavljaju informacije, mi ne tražimo lične podatke. Da bi nakon toga to prijavili Agenciji za zaštitu ličnih podataka. Uprava policije je kontrolor podataka ne NO, mi smo dobili od Rješenja od Agencije za lične podatke da samo ono što nam je dostavio komesar uništimo i obavijestimo Agenciju. Mi smo to uradili, uništili sve lične podatke i pismeno obavijestili Agenciju o učinjenom.

Treće pitanje možete li ponoviti treće. NO se rukovodi Zakonom o unutrašnjim poslovima, Poslovníkom o radu NO. U Zakonu o unutrašnjim poslovima su jasno i decidno propisane nadležnosti policijskog komesara kao npr jedna od osnovnih nadležnosti u članu 20 Zakona o unutrašnjim poslovima to je sprječavanje otkrivanja krivičnih djela i prekršaja na nivou Kantona Sarajevo. Navedeni izvještaj koji se dostavlja NO i dostavljaju se vama kao poslanicima to su oni tzv tromjesečni izvještaji ili jednomjesečni izvještaji ne oslikavaju stvarno stanje kriminaliteta na području Kantona Sarajevo. Iz više razloga. Tu bude procenat neki od 60 do 70% otkrivenosti što ni jedna policija svijeta nema, to je prosto nemoguće iz razloga što krivična djela po poznatom izvršiocu služe da se što mi kažemo žargonski nabije taj procenat da bi se prikazalo stanje kako treba. Krivična djela gdje je materijalna vrijednost do 150 KM to su one tzv džepne krađe u većini slučajeva gdje su naši građani oštećeni, također se ne prikazuju jer se u Upravi policije vode dvije evidencije, jedna tzv R knjiga i jedan Q upisnik koji ide na Tužilaštvo. Također prijave prema Tužilaštvu koje se podnose npr za određeno krivično djelo npr teške krađe gdje imaju činjenicu da je NN izvršilac učinio jedno krivično djelo npr teške krađe provale u stan po načinu izvršenja oni njemu stave još šest krivičnih djela i to nama prikazuju kao da je to rasvijetljeno a onda kasnije od Tužilaštva dođe tužilački zahtjev da nemaju ni jedne činjenice koje bi ukazivalo da je to i to lice izvršilac krivičnih djela i idu na utuženje podizanje optužnice za jedno krivično djelo a ovo vamo odbace. A nama prikazuju da je to rasvijetljeno krivično djelo i po tim predmetima niko ne radi. Jeste, dostavio nam je policijski komesar 2018 jeste. Pa to je samo jedan, nije on imao sve pozitivne kritike. Ako ste pročitali naš prijedlog ocjene u 2017 godini mi smo njemu tačno ukazivali, šta je tačno NO uočio u njegovom radu. To on u 2017 nije ispravio. On je došao na mjesto smijenjenog policijskog komesara ali je samo nastavio dobru praksu tog smijenjenog policijskog komesara, znači istu ko i on što apsolutno mi kao članovi NO nismo zadovoljni, a vi sigurno kao poslanici a i građani Kantona Sarajevo nisu zadovoljni šta je urađeno. Tako da je to samo jedan od malih segmenata praćenja rada policijskog komesara. S obzirom da on operativnu samostalnost, finansijsku samostalnost, ima veća ovlaštenja nego premijer Kantona Sarajevo.

Predsjedavajući:

zahvaljujem. Još pitanje ima kolega Okerić.

Poslanik/zastupnik Elvedin Okerić.

Zahvaljujem predsjedavajući. Imam jedno pitanje koje neće biti baš toliko vezano za ovaj izvještaj ali je jako bitno. Obzirom da imamo sada jednu situaciju, neuobičajenu da aktuelni v.d. komesar koji obnaša tu funkciju u skladu sa aktuelnim Zakonom o unutrašnjim poslovima nema mogućnost njegove zamjene u slučaju opravdanih razloga da li je nešto NO poduzeo po tom pitanju, prema v.d. komesaru, prema Upravi policije i kao nezavisni odbor koji vrši reviziju odnosno nad radom policijskog komesara, da li je nešto NO poduzeto po tom pravcu?

Predstavnik NO Miroslav Kružik:

uvaženi zastupniče NO je poduzeo po tom pitanju, v.d. komesar ima zakonske mogućnosti, ima sva prava i ovlaštenja kao imenovani policijski komesar. On može izvršiti prerasporede mjesta načelnika uniformisane policije, da premjesti gospodina Vahida Ćosića, da postavi bilo kojeg u činu glavnom inspektora čime bi se otklonile nedoumice s obzirom da Vahid Ćosić ima pravne smetenije za obavljanje, odnosno da zamjenjuje komesara. Mi smo uputili jedan dopis pismeni prema v.d. komesaru gdje smo mu u dopisu naveli članove iz Zakona o unutrašnjim poslovima, Zakona o policijskim poslovima i obavijestili ga da je on direktno

odgovaran za sigurnosnu situaciju i da je direktno odgovaran u slučaju ako odstupi sa navedenog mjesta.

Poslanik/zastupnik Segmedina Srna Bajramović:

imam jedno pitanje. Dakle u poglavlju VII NO navode kako su se bavili normativnom djelatnošću. Pripremali prijedlog Zakona o unutrašnjim poslovima te čak iznijeli očekivanja kako će isti biti usvojen. Moje pitanje je da li je NO u smislu odredbe iz člana 33 Zakona o unutrašnjim poslovima koji se odnosi na nadležnosti NO ovlašten da se bavi normativnom djelatnošću ili je to preuzimanje prerogativa izvršne vlasti i svih subjekata koji učestvuju u procesu donošenja Zakona. Zahvaljujem.

Predstavnik NO Miroslav Kružik:

poštovana zastupnice nije nadležnost direktna NO, mi smo u svom radu uočili koje probleme možemo doći prilikom izbora policijskog komesara. Sada trenutno imamo po sadašnjem Zakonu o unutrašnjim poslovima, sada trenutno možda jedan ili dva pitanja da li iko ispunjava zakonske uslove, da bi sutra raspisali konkurse da bi se javio da ispunjava uslove za mjesto policijskog komesara. Mi smo samo dali svoj prijedlog u smislu da zakonodavna Skupština odnosno ministar MUP poduzmu sve aktivnosti na izmjena Zakona da bi imali širu bazu kandidata za izbor policijskog komesara, i ništa više. Hvala.

Predsjedavajući.

Zahvaljujem. Pitanja više nema. Zahvaljujemo gospodine Kružik. Zastupnica Jasmina Bišćević Tokić se prijavila za diskusiju, izvolite.

Poslanik/zastupnik Jasmina Bišćević-Tokić:

evo ja se još jednom zahvaljujem na odgovorenim pitanjima predsjedniku NO. Evo što se tiče naknada koje sam pitala vezano za NO, ja imam informaciju da je zapisnički konstatovano da je traženo povećanje naknade, naravno Skupština mora donijeti takvu odluku pa ću možda na sljedećoj tražiti taj zapisnik. Policijski komesar je prilikom apliciranja na konkurs za izbor donio plan i program rada policijskog komesara za vrijeme trajanja mandata u periodu od 2017 do 2021 godine početkom 2018 i program rada Uprave policije za 2018 godinu koji na srednjoročnim osnovama daje sveobuhvatan pregled problema, kapaciteta i planiranih aktivnosti na rješavanju tih problema te povećanja povjerenja javnosti u rad policije u Kantonu Sarajevo. Ovi dokumenti su prepoznali i integrisali sve relevantne stavove i probleme koji su upravo kroz rad ovoga tijela Skupštine Kantona Sarajevo često isticali kao prioritetan područja u kojima policija treba djelovati s ciljem smanjenja određenih pojava ugrožavanja sigurnosti građana. Imajući u vidu da su navedeni dokumenti dostavljeni NO a konstatuje se u tromjesečnom izvještaju NO za period januar do marta 2018 godine a u nedostatku bilo kojih drugih dokumenata postavljam sebi pitanje koje sam uputila NO da li su članovi NO bili upoznati sa sadržajem ove dokumenata koji su sačinjeni po uzoru rada najsuvremenijih policijskih agencija u svijetu i nisu na odgovarajući način korišteni pri praćenju rada policijskog komesara upravo ono za šta je i formiran NO. Odredbama člana 34 stav 4 Zakona o unutrašnjim poslovima Kantona Sarajevo propisna je obaveza da NO sačinjava izvještaj o svom radu svakih šest mjeseci i dostavlja ga Skupštini Kantona Sarajevo na razmatranje upravo što nam je predstavnik i rekao. Znači norma je imperativna. Prema raspoloživim podacima sa ovom obavezom zadužen je bio jedan od članova NO na petoj sjednici od 24.07.2018 godine. Zašto ovo uopšte nije urađeno odnosno zašto predsjednik NO koji se po Poslovniku o radu NO stara o izvršenju stara o izvršenju zakonskih obaveza, stavova i zaključaka NO nije poduzeo odgovarajuće mjere i radnje i ko preuzima odgovornost za nastalu situaciju i posljedice? Isto tako, Poslovnikom o radu je propisana obaveza da NO

sačinjava detaljan tromjesečni izvještaj o radu policijskog komesara koji se dostavlja Skupštini. Iz izvještaja o radu za period od februara 2018 do februara 2019 je vidljivo da je dostavljen izvještaj za period prva tri mjeseca dok se obrazlaže da NO u izvještajnom periodu nije stigao Skupštini Kantona Sarajevo proslijediti detaljne tromjesečne izvještaje o radu pol komesara za period mart juli i juli august budući da su mu od policijskog komesara dostavljene obimne mjesečne informacije koje je upravo rekao član NO, da ima 500 strana sa priložima prosto je nevjerovatno da No nije ovakvu naveo konstataciju. Primjetno je da se izvještaj za period oktobar decembar 2018 godine uopšte ne navodi u godišnje m izvještaju jer je dostavljen Skupštini Kantona Sarajevo naknadno sa velikim protokom vremena za sjednicu Skupštine Kantona Sarajevo koja se održavala 17.04.2019 godine. Dakle, očigledno se radi o nesavjesnom postupanju NO, kako bi prikrio informacije o svojim radnjama što svakako govori i o zloupotrebi NO koji se uzgred budu rečeno, jedanput mjesečno sastajali u toku 2018 te nisu bili u stanju pročitati dostavljenu dokumentaciju od strane policijskog komesara i sačinjavati odgovarajuće izvještaje koji su između ostalog trebali biti osnova za godišnju o ocjenu rada policijskog komesara za 2018 godinu. Što više, ako je poslije tri mjeseca 2018 godine kada je bio period pohvale za rad policijskog komesara došlo do situacije u kojoj policijski komesar ne izvršava svoje obaveze ili je narušena sigurnosna situacija, tim prije je postojala obaveza izvještavanja Skupštine Kantona Sarajevo o novonastaloj situaciji. Međutim vodljivo je da je NO zasjedao samo jednom mjesečno u toku cijele 2018 godine a po Poslovniku o radu NO može se sastajati i više puta a po Zakonu na zahtjev Skupštine Kantona da dostavi i dodatne izvještaje, što jasno govori da nije bilo promjena profesionalnog i pozitivnog rada policijskog komesara odnosno da NO nije imao realnu potrebu da zasjeda više. Vezano za pitanje za Agenciju za zaštitu ličnih podataka kada se radilo autentično tumačenje Zakona člana 47 o unutrašnjim poslovima imala sam priliku vidjeti da se radilo o odlascima u penziju koliko ko ima do kraja penzije da se tražilo od policijskog komesara i takva pitanja što nije samo rad policijskog komesara u toku i slažem i se s vama da je odgovornost na Upravi policije odnosno na policijskom komesaru. Poslovnikom o radu No je određeno da se o radu na sjednici vodi zapisnik koji sadrži podatke o mjestu i vremenu održavanja, broju prisutnih osoba i njihove funkcije, dnevni red, diskusije učesnike, rezultate glasanja, zaključke, stavovi i odluke o pojedinim pitanjima razmatranim na sjednicama. Zapisnik sa prethodnih sjednica usvajao na sljedećoj sjednici. Zapisnik vodi sekretar a potpisuje predsjednik NO naravno što ga članovi NO usvoje. Prema dostupnim podacima zapisnici NO sa sjednica su toliko manjkavi da uopšte ne posjeduju informacije o rezultatima glasanja, njihovim stavovima i njihovim odlukama. Dok su samo tri zapisnika od ukupno 12 sa konstituirajućom sjednicom donijeti neki zaključci. Najveći broj zapisnika sa sjednica se sveo na pojedinačna pitanja članova NO i odgovore policijskog komesara bez bilo kakvog glasanja, zauzimanja stavova ili donošenja odluka NO. Postavlja se pitanje kako je komesar u ovakvoj konfuznoj situaciju koju je prouzrokovao NO mogao razumjeti zahtjeve NO ako ih je bilo osim ako su članovi NO protivno Poslovniku o radu NO dogovorili da svako pitanje i konstatacija svakog člana NO predstavlja ujedno i zaključak ili stav NO. U konkretnoj situaciji ste naveli primjer za prošlog policijskog komesara Čosića da je spor na sudu sa Vladom Kantona Sarajevo što sam vas pitala što je u izvještaju također vidljivo, u prijedlogu ocjene rada policijskog komesara za 2018 u odjeljku činovanje i unapređenje policijskog službenika u 2018 godini navodi se da je NO u periodu ocjenjivanja dobio informaciju da ta tvrdnja nije bila tačna odnosno da je bilo prigovora žalbi, tužbi pa čak i presuda Općinskog suda u Sarajevu broj 65.Rs 361381 od 15.09.2015 godine. U predmetu SK protiv Vlada Kantona Sarajevo koji se odnosi na raniji proces činovanja. Po informacijama kojima raspolaže NO iz obrazloženja iste proizilazi da policijski komesar nije kako tvrdi zatekao takvo stanje već da je bio aktivni učesnik u kršenju procedura nepoštenom činovanju jer je i sam policijski komesar kao neovlašteni predsjednik jedne od komisija za činovanje počinio brojne povrede propisa što je sud na vrlo jasan i nedvosmislen način utvrdio. Ovim

također pozivam Vladu Kantona Sarajevo da od stručnih službi zatraži ovu presudu budući da je Vlada Kantona Sarajevo stranka u postupku. Evo i za kraj želim samo da navedem da upravo zbog ovakvog izvještaja koji je NO nama predložio mi nećemo prihvatiti ovakav izvještaj NO i želim reći da je smjena policijskog komesara Halilovića definitivno poslije svih ovih informacija samo politički montiran proces.

Predsjedavajući:

zahvaljujem kolegice. Replika kolega Mariću ne vidim vas ovdje. Nešto neće jel. Ja sam mislio da ste se odjavili. Molim službu da nam riješi tehnički problem. Radi li mikrofoni? Pali li se crveno? Može li neko drugi, prijavite se ostali. Pozovite kolege zastupnike jel ima negdje. Možete li sada? Sada kolega Mariću sada se prijavite. Ponovo ne može a ostali mogu. To je do vaše kartice. Da nije ovo neki sudbonosni znak da kažu hajd glasajte ili idite kući? Kolega Mariću evo ga.

Poslanik/zastupnik Zvonko Marić.

Zahvaljujem predsjedavajući. Zaista čini mi se da smo iscrpno radili i temeljito danas međutim ne mogu da ne izrazim svoju fascinaciju diskusijom kolegice Bišćević. Utoliko prije što smo danas imali toliko tačaka dnevnog reda koje se odnose na zdravlje, a ona je doktorica koliko ja znam, nije niti jedne riječi progovorila a evo specijalizirala se za oblast sigurnosti. To je svojevrsni dokaz da sve teče ipak i da se sve mijenja. Hvala.

Predsjedavajući:

hvala kolega Mariću. Nema više prijavljenih zaključujem raspravu. Niste bili, dobro izvinite, bili ste, istina je, prijavite se ponovo kolega Nikšić. Ma dobro, istina je da ovo tehnički bilo zaista, bio je prijavljen a mislio sam da se odjavio a nije. Kolega Nikšić. Ne može, možete li služba pomoći kolegi Nikšiću na isti način kako ste intervenisali. Kolega Nikšić.

Poslanik/zastupnik Damir Nikšić:

Ja sam odavno pravio i stand up i svoje neke male priloge u vezi policije kod nas prije par noći vratio se iz Njemačke nekako iz civilizovanog svijeta lijepo civilizovano nazovem da prijavim nešto što se dešavalo. U policijskoj stanici mi se ovaj javi i samo što me nije u neku stvar poslao. Znači jako neraspoređen čovjek. Ja ne znam sada koliko on radi ali sam ga vizualizirao on je tko procijedio kroz zube isto kao da je bubuljicu sebi istiskao i onda je meni nešto prigovarao da me skine s dnevnog reda. Problem je što nema pozornika u ulici ja to odavno govorim. Nekada su bili pozornici i onda si se ti osjećao sigurno. Oni su bili prisutni fizički. Kada zovemo policiju oni uvijek odnekud dolaze, ja ne znam odakle ko supermen odnekud uvijek dolaze kao da imaju neko gnijezdo u kojem sjede i onda nikada nisu tu. Dobro, to je često tako. Ovo su neka moja zapažanja, sada ću preći. Volio da im se daju, da postoje pozornici da im se daju lijepe uniforme zbog turista da nisu uvijek u nekom modusu ratnom jer često imamo priliku da marica dolazi na vrata sa prslucima i rukavicama samo da izjavu uzme. Znači mojoj se supruzi pojavila marica, ljudi, mi to zovemo marica mi lopovi, jel to se zove marica najnormalnije. Dođe petorica njih, kao specijalci izgledaju to je strašno ako je neko sam kod kuće sa djetetom, u najmanju ruku da sam terorista pa došli po mene. Samo uzimaju neku izjavu. Znači ipak mora postajati jedan PR mora postojati odnos prema civilima prema običnim ljudima. Maloprije sam govorio o medicini a sada govorim ovdje o policiji. Mi smo korisnici te policije, mi plaćamo njih. Ono mi znamo da je teška situacija i a mislim da je potrebna ova komisija Nezavisni odbor da to sve malo pretrese i potraži jer očigledno se to sve otelo kontroli ili imaju previše posla. Što se komesara tiče i njegove političke smjene. Rekli su mi da je to čestit čovjek i mislio sam da stanem na njegovu stranu, međutim komesar se počeo baviti politikom i time je sebe diskreditovao kao komesara

policije kao nekoga ko izvršava naređenje ovog doma nas, mene, civila. I odbio je ispuniti naređenje. Imali smo scenu sa dugim cijevima, ja se prep'o. Ja ne bih trebao da se bojim kao neko ko je ovdje izabran, ne bih trebao da se bojim od svoje policije i od komesara. I u tom momentu ne bi bilo morate, nas shvatiti, ne bi bilo politički mudro, politički ne smijeniti političkog pobunjenika u policiji koja je umalo, naznake su bile puča. Mi po mom mišljenju čak da je u nekom rastrojstvu to uradio i da ga neko nije dobro savjetovao on je ušao u zonu politike, on nije više u zoni servisa nama i građanima. Počeo se politički baviti, u tom momentu mi jedino moramo odgovoriti političkim sredstvima. Jedino političko sredstvo je da ga sada zaista moramo smijeniti. Ja sam sada čak za to, iako nisam bio recimo na početku. Jer svaka civilna vlast to mora, ako to ne učini onda ne znam imat ćemo Cezara nekog koji će doći ovdje. Otvaramo mogućnosti tome da neko silom nas zastraši i da prekosutra dođe da sjedne ovdje i da uzme ovu vlast. To je puč. Tako da sada stvarno moramo to odlučiti. Mislim žao mi je. Eto toliko.

Predsjedavajući.

Zahvaljujem kolega Nikšiću. Nema više prijavljenih, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O RADU NEZAVISNOG ODBORA ZA PERIOD FEBRUAR 2018. - FEBRUAR 2019. GODINE.

Ne brinite ako ne bude, aklamacijom ćemo, vidim da nema jednog cijelog reda. Služba ako se ne može popraviti, onda predlažem da se izjasnimo aklamacijom cijeli red nema signal. Nema potrebe aklamacijom ćemo. Ne morate resetovati ovo nam je predzadnja tačka, mislim da će zadnja biti brza. Izjašnjavamo se aklamacijom. Ko je za izvještaj o radu NO za period 2018 – 2019 godina. Službu molim da prebroji.

ZA JE GLASALO 20, PROTIV 4,

KONSTATUJEM DA JE SKUPŠTINA USVOJILA OVAJ IZVJEŠTAJ.

Zahvaljujem.

AD – 27.

IZVJEŠTAJ O IZVRŠENJU SANKCIJA U KANTONU SARAJEVO ZA 2018. GODINU

Izvještaj ste dobili uz poziv za sjednicu.

Ima li potrebe da predstavnik Predlagača podnese uvodne napomene. Nema. Da li predstavnici radnih tijela žele riječ? Ne žele. Ima li pitanja? Nema. Otvaram zatvaram raspravu, nema prijavljenih.

MOLIM ZASTUPNIKE DA PRISTUPE IZJAŠNJAVANJU O IZVJEŠTAJU O IZVRŠENJU SANKCIJA U KANTONU SARAJEVO ZA 2018. GODINU.

Aklamacijom isto tako. Ko je za? Da li ima suzdržanih ili protiv? Nema niko. I konstatujem jednoglasno.

KONSTATUJEM DA JE SKUPŠTINA USVOJILA OVAJ IZVJEŠTAJ.

Tačno je 18,00 sati kao što smo rekli 24 Za.

Time smo iscrpili dnevni red današnje sjednice. Ostali su materijali informativni. Zahvaljujem se zastupnicima, našim gostima i gledaocima TVSA, posebno Vladi. Vidimo se na narednoj sjednici. Hvala vam.

